







• বিদ্যালয়-পাঠ্য গ্রন্থাবলী ।

# ভারতের ইতিহাস ।

ইঙ্গরেজ-রাজত্ব ।

—৫৫৩—

শ্রীরজনীকান্ত গুপ্ত প্রণীত

• চতুর্থ সংস্করণ ।

কলিকাতা ;

২০১ নং কর্ণওয়ালিস্ স্ট্রীট, বেঙ্গল মেডিক্যাল লাইব্রেরী হইতে

শ্রীগুরুদাস চট্টোপাধ্যায় কর্তৃক প্রকাশিত

২১০/১ কর্ণওয়ালিস্ স্ট্রীট, ভিক্টোরিয়া প্রেসে •

আমণিমোহন রক্ষিত দ্বারা মুদ্রিত ।

১২৯৪





যেসকল গ্রন্থের সাহায্য গ্রহণ করা হইয়াছে,  
তৎসমুদয়ের নাম ।

Dr. Hunter, Indian Empire and History of the Indian people.

Torrens, Empire in Asia.

W. M. James, The British in India.

• Wheeler, Tales from Indian History.

Macaulay, Lives of Lord Clive and Warren Hastings.

Mill, History of British India.

Sewell, Analytical History of India.

Cunningham and McGregor, History of the Sikhs.

• Kaye, Life of Lord Metcalfe.

Evans Bell, Retrospects and Prospects of Indian Policy.

Seeley, Expansion of England.

Beveridge, Trial of Nundakumar.

১৭৮০ শকের তত্ত্ববোধিনী পত্রিকা ।

১২৪৯ সনের বঙ্গদর্শনে প্রকাশিত মহারাজ নন্দকুমার রায়-  
শীর্ষক প্রবন্ধ ।

• Bholanath Chunder, Travels of a Hindu.

কৃষ্ণচন্দ্র রায়প্রণীত ইঙ্গরেজাধিকৃত ভারতবর্ষের ইতিহাস ।

রাজকৃষ্ণ মুখোপাধ্যায়প্রণীত বাঙ্গালাধি ইতিহাস ।



# সূচী ।

## প্রথম অধ্যায় ।

ইউরোপীয় বণিকদিগের ভারতবর্ষে আগমন	১-১১
-----------------------------------	------

## দ্বিতীয় অধ্যায় ।

কণাটের যুদ্ধ	১১-২৬
--------------	-------

## তৃতীয় অধ্যায় ।

বাস্তালাব ঘটনা	২৬-৫১
----------------	-------

## চতুর্থ অধ্যায় ।

দক্ষিণাপথের ঘটনা	৫১-৫৭
------------------	-------

## পঞ্চম অধ্যায় ।

ওয়ারেন হেস্টিংস	৫৭-৮০
লর্ড কর্ণওয়ালিস	৮০-৮৭
শ্রী জ্ঞান শোর	৮৭
মাকুইস অব ওয়েলেন্সলি	৮৮-৯৬
লর্ড কর্ণওয়ালিস (দ্বিতীয় বার)	৯৬-৯৭
শ্রী জর্জ বার্নে	৯৭-৯৮
লর্ড মিণ্টো	৯৮-১০২
লর্ড ময়রা	১০২-১০৮
লর্ড আমহাষ্ট	১০৮-১১১

লর্ড উইলিয়ম্ বেণ্টিন্	...	...	১১১-১১৯
লর্ড মেটকাফ্	...	...	১১৯-১২৭
লর্ড অক্‌লাণ্ড্	...	...	১২৭-১৩০
লর্ড এলেনব'রা	...	...	১৩১-১৩৪
লর্ড হার্ডিঞ্জ	...	...	১৩৪-১৩৮
লর্ড ডালহৌসী	...	...	১৩৮-১৪৮
লর্ড কানিং	...	...	১৪৯-১৬৫

### ষষ্ঠ অধ্যায় ।

সিপাহি-বদ	...	...	১৪৯-১৫৬
-----------	-----	-----	---------

### সপ্তম অধ্যায় ।

ব্রিটিশ রাজ-শাসনাধীন ভারতবর্ষ	...	...	১৫৬-১৭৫
লর্ড কানিং	...	...	১৫৬-১৬৫
লর্ড এলগিন্	...	...	১৬৫-১৬৬
লর্ড লরেন্স্	...	...	১৬৬
লর্ড মেয়ো	...	...	১৬৬-১৬৮
লর্ড নর্থব্রক্	...	...	১৬৮-১৬৯
লর্ড লিটন্	...	...	১৬৯-১৭২
লর্ড রিপন্	...	...	১৭২-১৭৫
লর্ড ডকরিণ্	...	...	১৭৫
উপসংহার	...	...	১৭৬-১৭৯
ভারতবর্ষের শাসন-প্রণালী	...	...	১৭৯-১৮৫

# ভারতের ইতিহাস

ইঙ্গরেজ-রাজত্ব ।

## প্রথম অধ্যায় ।

ইউরোপীয় বণিকদিগের ভারতবর্ষে ..

আগমন । ..

পানিপথের তৃতীয় যুদ্ধে \* ভারতবর্ষের অত্যন্তরীণ অবস্থা পরিবর্তিত হয়। এই যুদ্ধের পর— .

(১) দিগ্বিজয়ী নরহাট্টার হতবীৰ্য্য হইয়া পড়ে। প্রতাপ-শালী পেশবা শোকে ও দুঃখে মানবলীলা সংবরণ করেন।

(২) গৌরবান্বিত মোগল-সাম্রাজ্যের অধঃপতন হয়। তদা-নীন্তন মোগল সম্রাট, হীনভাবে বিহারপ্রদেশে ভ্রমণ করিতে থাকেন।

(৩) স্বাধীনতার লীলাভূমি রাজপুতনা ক্রমে গৌরব-শূন্য হয়। বীৰ্য্যবন্ত রাজপুতেরা অনৈক্যদোষে পরস্পর বিচ্ছিন্ন হইয়া পড়ে।

✍ (৪) হরদরাবাদের নিজাম স্বাধীনতা অবলম্বন করেন।

(৫) অযোধ্যার সুবাদার স্বাধীন হন। ইহান্ন বংশধরগণ।

\* ভারতের ইতিহাসে মুসলমানদিগের রাজত্বের শেষ অংশে এই যুদ্ধের বিষয় বিবৃত হইয়াছে।

বহুসংখ্য কৈত ও বহুবিস্তৃত ভূখণ্ডের অধিস্বামী হইয়া অযোধ্যার নবাব নামে প্রসিদ্ধ হইয়া উঠেন।

(৬) রোহিলখণ্ডে আফগানেরা ক্রমে সাহস ও বল সংগ্রহ করিয়া রোহিলা নামে খ্যাত হয়। জাঠেরা ক্রমে পরাক্রান্ত হইয়া ভারতবর্ষের ইতিহাসে প্রসিদ্ধি লাভ করে।

(৭) ইঙ্গরেজেরা আপনাদের ক্ষমতায় স্থানে স্থানে আধিপত্য স্থাপন করেন। ইহারা প্রথমে পর্তুগীজ, ওলন্দাজ ও ফরাসীদিগের ভ্রম এদেশে বণিকবেশে সমাগত হন, এবং ক্রমে পর্তুগীজ, ওলন্দাজ ও ফরাসীদিগের ক্ষমতা পর্য্যুদস্ত করিয়া ভারতবর্ষের অধীশ্বর হইয়া উঠেন। ইহাদের রাজত্বের বিবরণই বর্তমান ইতিহাসের বর্ণনীয় বিষয়।

কি শূত্রে পর্তুগীজ, প্রভৃতি জাতি ভারতবর্ষের কথা জানিতে পারিল, কি শূত্রে ভারতবর্ষে ইহাদের বাণিজ্য করিবার ইচ্ছা বলবতী হইল, তাহা নির্ণয় করা দুষ্কর নহে। অতি প্রাচীন কাল হইতেই ভারতবর্ষের কথা নানা স্থানে প্রকাশ হয়, অতি প্রাচীন কাল হইতেই ভারতভূমি ঐশ্বর্য্যপালিনী বলিয়া নানা স্থানে প্রসিদ্ধি লাভ করে। দ্বিগিজয়ী সেকেন্দর শাহ যখন পঞ্জাবে উপস্থিত হন, তখন গ্রীকেরা ভারতবর্ষীয়দিগের সাহস ও পরাক্রম, এবং ভারতবর্ষের সমৃদ্ধি দেখিয়া চমকিত হয়। এই সময় হইতেই গ্রীকেরা ভারতবর্ষের বিষয় ইউরোপে প্রকাশ করে। ইউরোপীয়েরা মেগাস্থিনিস্ প্রভৃতির গ্রন্থে ভারতবর্ষের সমৃদ্ধি সম্পত্তির বর্ণনা দেখিয়া ক্রমে এদেশে আসিতে ও এদেশের বিবরণ জানিতে কৌতূহলী হইয়া উঠে।

এইরূপ কৌতূহলের সঞ্চার হইলেও খ্রীষ্টীয় পঞ্চদশ শতাব্দী

ইউরোপীয়দিগের ভারতবর্ষে আগমন । ৩

পর্যন্ত কোন ইউরোপীয় জাতি সাক্ষাৎসম্বন্ধে এ দেশে বাণিজ্য করিতে আইসে নাই। অতি প্রাচীন কালে হিন্দুরা বাণিজ্যে নিপুণ ছিলেন। তাম্রনিপুণ, সপ্তগ্রাম প্রভৃতি বন্দর বিশেষ প্রসিদ্ধ ছিল। কাশ্মীরের শাল, ঢাকা ও বারাণসীর কাপড়, গোলকুণ্ডার হীরক, নুনা প্রকার মসলা ও সোনা রূপার অলঙ্কার, এবং রেশম, হস্তোদন্ত প্রভৃতি অতি উচ্চমূল্যে বিক্রীত হইত। ক্রমে আরবেরা ঐ সকল বাণিজ্য-দ্রব্য আনেকজাতিয়া ও কনস্তান্তি নোপলে বিক্রয় করিতে আরম্ভ করে। বাণিজ্য-লক্ষ্মীর রূপায় আনেকজাতিয়া প্রভৃতি বন্দর সকল বিশেষ সমৃদ্ধিশালী হইয়া উঠে। আরব-বাণিকদিগের এইরূপে উন্নতি ও লাভ হওয়াতে ইউরোপীয় বাণিজ্য-ব্যবসায়ীদিগের উৎসাহ ও অধ্যবসায়ের সঞ্চার হয়। ক্রমে তাহারা ভারতবর্ষে আসিয়া বাণিজ্য করিতে বহুশীল হইয়া উঠে।

পৰ্তুগীজদিগের ভারতবর্ষে আগমন।—খ্রীঃ পঞ্চদশ শতাব্দীতে পৰ্তুগীজেরা সমুদ্রপথে নানাস্থানে যাতায়াত আরম্ভ করে। ভারতবর্ষজাত বাণিজ্যদ্রব্যের বিষয় ইহাদের অবিদিত ছিল না। ইহারা অপরাপর বাণিকদিগের নিকট হইতে ভারতবর্ষের বাণিজ্যদ্রব্য কিনিয়া নুনা স্থানে বিক্রয় করিত। ক্রমে ইহারা ভারতবর্ষে আসিয়া বাণিজ্য করিতে বিশেষ উৎসুক হয়। পঞ্চাশ বৎসর কাল অবিচ্ছিন্ন চেষ্টার পর, ইহাদের উৎসাহ চরিতার্থ হইয়া উঠে। পঞ্চদশ শতাব্দীর শেষ ভাগে বাল্লো-ডিগামা উত্তমাণী অন্তরীপ আবিষ্কার করেন। ইহার পর, তিনি ঐ পথে ভারতবর্ষের মলবার উপকূলস্থিত কালিকট নগরে উপনীত হন। এই সময়ে সেকেন্দর লোদী দিল্লীর সিংহাসনে অধি-



ষ্ঠিত ছিলেন। বাহাউক, পর্তুগীজেরা এইরূপে ভারতবর্ষে আসিয়া বাণিজ্য-ব্যবসায় প্রবৃত্ত হয়। অল্পদিনের মধ্যে ইহাদের অদৃষ্ট প্রসন্ন হইয়া উঠে। ইহারা ভারতবর্ষের গোয়া, দিউ ও দমাযুন অধিকার করে, আরব ও পারস্যের উপকূল, সিংহল, চীন ও জাপানের বাণিজ্য একচেটিয়া করিয়া তুলে, এবং সমস্ত প্রাচ্য ভূখণ্ডের বাণিজ্যক্ষেত্রে অপ্রতিদ্বন্দ্বী হইয়া উঠে। ইউরোপীয়দিগের মধ্যে প্রথমে পর্তুগীজেরাই ভারতবর্ষে আসিয়া সাংক্ষাৎ সম্বন্ধে বাণিজ্য-ব্যবসায় প্রবৃত্ত হয়।

ওলন্দাজদিগের ভারতবর্ষে আগমন।—ইস্পান এক শতাব্দী পরে ওলন্দাজেরা পর্তুগীজদিগের অনুসরণ করে। প্রথমে বাবা ও সুমাত্রা দ্বীপ ওলন্দাজদিগের প্রধান বাণিজ্য-স্থান হয়। ইহার পর, ওলন্দাজেরা ভারতবর্ষের মধ্যে চুঁচুড়ায় আসিয়া বাণিজ্য আরম্ভ করে। অল্প দিনের মধ্যে পর্তুগীজদিগের সহিত ইহাদের বিরোধ ঘটিয়া উঠে। এই বিরোধে পরিণামে ওলন্দাজেরাই জয়ী হয়। ক্রমে পর্তুগীজেরা অবসন্ন হইয়া পড়ে, ক্রমে তাহাদের বাণিজ্য-লক্ষ্মী ওলন্দাজদিগকে সমৃদ্ধপন্ন করিয়া তুলে। 'চুঁচুড়া' ধনকাল ওলন্দাজদিগের অধিকৃত ছিল। পরিশেষে ১৮২৪ অব্দে ইস্পরেজেরা উহা ওলন্দাজদিগের নিকট হইতে গ্রহণ করে।

দিনেমারদিগের ভারতবর্ষে আগমন।—পর্তুগীজদিগের কিছু পরেই, দিনেমারগণ বাণিজ্যার্থ ভারতবর্ষে আইল। কিন্তু তাহারা এ বিষয়ে বিশেষ উন্নতি দেখাইতে পারে নাই। ভারতবর্ষের মধ্যে কেবল শ্রীরামপুর তাহাদের প্রধান উপনিবেশ ছিল। ১৮৪৫ অব্দে এই স্থান ইস্পরেজেরা কিনিয়া লয়।

ইউরোপীয়দিগের ভারতবর্ষে আগমন । ৫

ইঙ্গরেজদিগের ভারতবর্ষে আগমন, ১৪৯৬-১৫-  
৯৬ ।—ইঙ্গরেজ সর্বপ্রথমে উত্তর-পশ্চিম দিক্ হইতে ভারত-  
বর্ষে আসিতে চেষ্টা করে। সপ্তম হেনরি যখন ইঙ্গলণ্ডের  
সিংহাসনে অধিষ্ঠিত ছিলেন, তখন জন ক্যাবট্ আপনার তিনটি  
পুত্রের সহিত এই উদ্দেশে যাত্রা করেন (১৪৯৬)। কিন্তু তাঁহা-  
দের চেষ্টা ফলবতী হয় নাই। ১৫৫৩ অব্দে স্মার হিউ উইলবি  
এ বিষয়ে যত্নশীল হন। কিন্তু তিনিও কৃতকার্য হইতে পারেন  
নাই। ইহার পর ১৫৭৬ হইতে ১৬১৬ অব্দ পর্য্যন্ত উত্তর-পশ্চিম  
দিকের পথ আবিষ্কারের জন্য চেষ্টা হয়। ১৫৭৭ অব্দে বিখ্যাত  
নাবিক স্মার ফ্রান্সিস ড্রেক্ পৃথিবী পরিবেষ্টন করেন। স্বদেশে  
যাইবার সময় তিনি মলক্কা দ্বীপপুঞ্জের অন্তর্গত টাওয়েট দ্বীপে  
পদার্পণ করেন। মধ্যকালের ইঙ্গরেজদিগের মধ্যে প্রথমে তমাস্  
ষ্টিফেন্স ১৫৭৯ অব্দে ভারতবর্ষে আইসেন। ইহার পর ১৫৮৩  
অব্দে রালফ ফীচ্, জেমস্ নিউবেরি ও লীডস্ নামক তিন জন  
ইঙ্গরেজ বণিক ভারতবর্ষে উপস্থিত হন। পর্তুগীজেরা প্রতি-  
দ্বন্দ্বিতার আশঙ্কায় গোয়া নগরে ইহাদিগকে কারাবদ্ধ করে।  
কারাগার হইতে মুক্তিলাভ করিয়া নিউবেরি গোয়া নগরে  
দোকানদার হন, লীডস্ মোগল সম্রাটের অধীনে চাকরী গ্রহণ  
করেন, ফীচ্ বাঙ্গালা, সিংহল, পেগু, মলক্কা প্রভৃতি ভূখণ্ডে  
পরিভ্রমণ করিয়া স্বদেশে সফাগত হন।

ইঙ্গরেজদিগের প্রাচ্য ভূখণ্ডে বাণিজ্য করিবার  
সমন্বিতাভ, ১৫৯৯।—ইহার পর ভারতবর্ষের বাণিজ্যে  
পর্তুগীজ ও ওলন্দাজদিগের সৌভাগ্য দেখিয়া ইঙ্গরেজেরাও  
এদেশে আসিয়া বাণিজ্য করিতে কৃতমুগ্ধ হন। এই সময়ে

ইঙ্গলণ্ডের শাসন-দণ্ড, মহারানী এলিজাবেথের হস্তে ছিল। লণ্ডননগরের কতিপয় বণিক তাঁহার নিকট এতদ্রূপে বাণিজ্য করিবার জন্ত আবেদন করেন। এই আবেদন গ্রাহ্য হয়। মহারানী এলিজাবেথ বণিকসম্প্রদায়কে পূর্বাঞ্চলে বাণিজ্য করিবার জন্ত সনন্দ দেন। এই সনন্দে অবধারিত হয়, “আবেদনকারী বণিকসম্প্রদায় এ প্রদেশে আসিয়া পনর বৎসর কাল অবাধে বাণিজ্য করিতে পারিবে। ইহাদের অসম্মতিতে ইঙ্গলণ্ডের অপর কোন বণিক এদেশে বাণিজ্য করিতে পারিবে না।” এই বণিকেরা খ্রীঃ ১৫৯৯ অব্দের ৩১-এ ডিসেম্বর আপনাদের অভীষ্ট সনন্দ প্রাপ্ত হন। এই সময়ে মোগল সম্রাট আকবর শাহ দিল্লীর সিংহাসনে অধিষ্ঠিত ছিলেন, এবং এই সময়ে বীররমণী চাঁদ সুলতানা অহম্মদনগরের স্বাধীনতা রক্ষার জন্ত মোগলের বিরুদ্ধে যুদ্ধক্ষেত্রে অকতীর্ণা হইয়াছিলেন।

লণ্ডন ইষ্ট ইণ্ডিয়া কোম্পানি।—সনন্দ প্রাপ্ত বণিক-সম্প্রদায় “লণ্ডন ইষ্ট ইণ্ডিয়া কোম্পানি” নামে আখ্যাত হয়। একটি সভা কোম্পানির কার্যের তত্ত্বাবধান-ভার গ্রহণ করেন। সভাতে চব্বিশ জন সদস্য ও একজন সভাপতি ছিলেন। এই সভা “ডিরেক্টর সভা” নামে পরিচিত হয়।

ইষ্ট ইণ্ডিয়া কোম্পানি প্রথমে সুমাত্রা, যাবা প্রভৃতি ভারতীয় দ্বীপপুঞ্জে বাণিজ্য করিতে প্রবৃত্ত হন। কিন্তু তখন ঐ সকল স্থানে ওলন্দাজদিগের ক্ষমতা প্রবল ছিল। এজন্ত তাঁহারা ভারতবর্ষে আসিয়া বাণিজ্য করিতে ইচ্ছা করেন। জাহাগীর হুসৈন শাহ ইঙ্গরেজদিগকে সুরটে একটি কুঠী স্থাপন করিতে অনুমতি দেন (১৬১৩)। তদনুসারে সুরট ইঙ্গরেজদিগের একটি

প্রধান বাণিজ্য-স্থান হইয়া উঠে। ইহার দুই বৎসর পরে ইঙ্গরেজ দূত স্মার তমাস্ রো দিল্লীর দরবারে আসিয়া সম্রাট জাঁহাঙ্গীরের বিশেষ অনুগ্রহ-ভাজন হন। এই রূপে ইঙ্গরেজেরা ভারতবর্ষে আপনাদের অধিকারের ভিত্তি স্থাপন করিলেন। মুসলমান বিজেতারা উত্তর-পশ্চিম দিক হইতে দুর্গম গিরিবন্ধ্য সকল অতিক্রম পূর্বক ভারতবর্ষে আসিয়া রাজ্য স্থাপন করিয়াছিলেন। খ্রীষ্টধর্মাবলম্বী বিজেতারা সমুদ্রপথে দক্ষিণ দিক হইতে ভারতে উপস্থিত হইলেন।

• কোম্পানির প্রধান প্রধান বাণিজ্য-স্থান :—  
ক্রমে ইঙ্গরেজদিগের বাণিজ্য-বন্দরসংয়ের উন্নতি হইতে থাকে, ক্রমে সুরট ব্যতীত ভারতবর্ষের আরও অনেকগুলি স্থান তাঁহাদের হস্তগত হয়। মোগল সম্রাট জাঁহাঙ্গীরের অনুমতিক্রমে ইঙ্গরেজেরা বালেশ্বরের নিকটে পিপলী নামক স্থানে বাণিজ্য করিতে আরম্ভ করেন। মাদ্রাজ তাঁহাদের হস্তগত হয়। এই স্থানে তাঁহারা ফোর্ট সেন্ট জর্জ নামে একটি দুর্গ নির্মাণ করিয়া বাণিজ্যে প্রবৃত্ত হন (১৬৩৯)। ইহার পর, মাদ্রাজের কিছু দূরে, আর একটি দুর্গ নির্মিত হয়। এই দুর্গের নাম ফোর্ট সেন্ট ডেবিড্। খ্রীঃ ১৬৬৫ অব্দে বিজয় নগরের ধ্বংস হইলে, তত্রত্য রাজারা কর্ণাটের অন্তঃপাতী চন্দ্রগিরিতে আসিয়া বাস করেন। ইঙ্গরেজেরা এই বংশের রাজার নিকট হইতে মাদ্রাজ করিয়াছিলেন।

সম্রাট শাহজহাঁর রাজত্ব-সময়ে বাঙ্গালায় ইঙ্গরেজদিগের বাণিজ্যের বিশেষ উৎকর্ষ সাধিত হয়। সম্রাটের একটি জিহতা সাতিশয় পীড়িত হইলে, তাঁহার পীড়াশান্তির জন্ত কোর্টন নামক

একজন ইংরেজ চিকিৎসক নিয়োজিত হন। চিকিৎসকের চিকিৎসানৈপুণ্যে সম্রাট দুহিতা আরোগ্য লাভ করে। শাহজহাঁ এই উপযুক্ত চিকিৎসককে যথাযোগ্য পারিতোষিক দিতে চাহিলে, বৌটন নিজে কোন পারিতোষিক না লইয়া স্বদেশের বণিক সম্প্রদায়ের উপকারার্থে তাহাদিগকে বাঙ্গালাদেশে বিনা-শুল্কে বাণিজ্য করিতে অধিকার দিবার প্রার্থনা করেন। বৌটনের প্রার্থনা গ্রাহ্য হয়। ইংরেজ কোম্পানি বাঙ্গালা দেশে বিনা-শুল্কে বাণিজ্য করিবার অনুমতি প্রাপ্ত হন। এই সূত্রে পাটনা, কাশীমবাজার, হুগলী প্রভৃতি স্থানে তাঁহাদের এক একটি কুঠী স্থাপিত হয়।

ইঙ্গলণ্ডের অধিপতি দ্বিতীয় চার্লস পৰ্তুগালের রাজকন্যাকে বিবাহ করিয়া যৌতুকস্বরূপ বোম্বাই নগর প্রাপ্ত হন। বোম্বাই ইহার পূর্বে পৰ্তুগীজদিগের অধিকৃত ছিল। দ্বিতীয় চার্লস উহা পাইয়া ছয় বৎসর কাল আপনাদেব তত্ত্বাবধানে রাখেন, কিন্তু শেষে বিশেষ লাভ বোধ না হওয়াতে, তিনি উহা ১৬৮৬ অব্দে ইস্ট ইণ্ডিয়া কোম্পানির হস্তে সমর্পণ করেন। অতঃপর বোম্বাই কোম্পানির একটি প্রধান বাণিজ্য-স্থান হয়। ইহার ২০ বৎসর পরে ইংরেজেরা কলিকাতায় প্রবেশ করেন। এই সময়ে জব চার্লস তাঁহাদের অধিনায়ক ছিলেন। কথিত আছে, চার্লস সহমরণ-সময়ে একটি বিধবা অবলাকে জ্বলন্ত চিতা হইতে রক্ষা করেন। শেষে অবলা আপনার জীবনদাতার সন্নিহিত স্থিরণয় সূত্রে আবদ্ধ হয়। এই চার্লসের নামানুসারে, কলিকাতার দিকটকাহী বারাকপুর চার্লস বলিয়া কথিত হইয়া থাকে। যাহা ইউক, সম্রাট আওরঙ্গজেবের উত্তরাধিকারী নিকট হইতে সূতা-

## ইউরোপীয়দিগের ভারতবর্ষে আগমন। ৯

ছুটি, গোবিন্দপুর ও কলিকাতা, এই তিন খানি গ্রামের স্বয়ংক্রীত হইলে, ইঙ্গরেজেরা ১৬৯৮ অব্দে কলিকাতায় একটি দুর্গ নিৰ্ম্মাণ করেন। কোম্পানির তদানীন্তন প্রধান এজেন্ট স্থার চার্লস অক্সার ইঙ্গলণ্ডের অধিপতি তৃতীয় উইলিয়মের নামানুসারে ঐ দুর্গের নাম “ফোর্ট উইলিয়ম” রাখেন। এইরূপে কলিকাতা বাঙ্গলার মধ্যে কোম্পানির একটি প্রধান উপনিবেশ হয়। ১৬১৩ অব্দে ইঙ্গরেজেরা সুরটে কুঠী স্থাপন করেন; ১৬৯৮ অব্দে কলিকাতায় ফোর্ট উইলিয়ম দুর্গ নিৰ্ম্মিত হয়, সুরতাং কিঞ্চিৎ অধিক আশী বৎসরের মধ্যে ভারতবর্ষের পশ্চিম উপকূলে সুরট ও বোম্বাই, পূর্ব উপকূলে মাদ্রাজ, বাঙ্গালায় কলিকাতা, হুগলী, পাটনা, বালেশ্বর প্রভৃতি নগর, কোম্পানির প্রধান বাণিজ্য স্থান হইয়া উঠে। ইহার মধ্যে কলিকাতা, বোম্বাই ও মাদ্রাজ, এই তিন স্থান প্রধান ছিল। এই তিন স্থানে এক এক জন অধিনায়ক ছিলেন। ইহারা প্রেসিডেন্ট নামে অভিহিত হইতেন। প্রেসিডেন্টের অধীনে থাকাতে উক্ত তিন স্থান প্রেসিডেন্সি নামে কথিত হইত। ইঙ্গরেজেরা এই সময়ে আপনাদের অধীনস্থ প্রজাদিগের গৌলযোগের মীমাংসা করিয়া দিতেন। ইঙ্গরেজ অপরাধীদিগের বিচারের নিমিত্ত “মেয়র্স কোর্ট” নামে একটি বিচারালয় ছিল। ইঙ্গরেজদিগের অপরাধের বাণিজ্য-স্থানগুলি এই তিন প্রেসিডেন্সির মধ্যে কোন একটির অন্তর্গত থাকিয়া তত্রত্য প্রেসিডেন্টের মতানুসারে পরিচালিত হইত। এইরূপে ইঙ্গরেজ অধিকারের ভিত্তি স্থাপিত হয়। এইরূপে ইঙ্গরেজগণ ভারতে আপনাদের ক্ষমতা বহুমূল করিতে প্রবৃত্ত হন।

**ইঙ্গরেজ ইষ্ট ইণ্ডিয়া কোম্পানি।**—লণ্ডন ইষ্ট ইণ্ডিয়া কোম্পানি প্রায় এক শত বৎসর কাল মহারাণী এলিজাবেথের প্রদত্ত ক্ষমতা ভোগ করেন। ইঙ্গলণ্ডের ধরবর্তী রাজা প্রথম জেমস ও দ্বিতীয় চার্লস তাঁহাদের এই ক্ষমতায় কোনরূপ অঙ্গহানি করেন নাই। তৃতীয় উইলিয়ম এবং মেরিও তাঁহাদের সম্বন্ধের কোনরূপ পরিবর্তন করেন নাই। কিন্তু তাঁহারা ভারতের বাণিজ্য কেবল এই বণিক সম্প্রদায়ের হস্তে না রাখিয়া অপর একদল বণিককে তদনুরূপ ক্ষমতা দিয়া, ভারতবর্ষে বাণিজ্য করিতে অনুমতি দেন। যে বৎসর কোম্পানি সূতায়টি গোবিন্দপুর ও কলিকাতার জমিদারী ক্রয় করেন, সেই বৎসর “ইঙ্গরেজ ইষ্ট ইণ্ডিয়া কোম্পানি” নামে এই অভিনব কোম্পানি সংগঠিত হয়। কিন্তু এই কোম্পানি প্রথম কোম্পানির স্থায় লাভবান হইতে পারেন নাই। কিছুকাল উভয় কোম্পানিতে বিবাদ চলে; ইহাতে উভয়কেই ক্ষতিগ্রস্ত হইতে হয়। আর উইলিয়ম নরিস নামক একজন ইঙ্গরেজ সূত এই অভিনব কোম্পানির বাণিজ্য-ব্যবসায়ের উন্নতি সাধন অভিপ্রায়ে দিল্লীর বাদশাহের নিকট উপস্থিত হন। কিন্তু তিনি অভীষ্ট বিষয়ে কৃতকার্য হইতে পারেন নাই।

**সম্মিলিত কোম্পানি।**—উভয় কোম্পানিতে এইরূপ বিবাদ ও তৎপ্রযুক্ত ক্ষতি হওয়ার পর, ১৭৫২ অব্দে উভয় কোম্পানি পরস্পর সম্মিলিত হয় এবং “লণ্ডন ইষ্ট ইণ্ডিয়া কোম্পানি” নামের পরিবর্তে “সম্মিলিত কোম্পানি” নাম পরিগ্রহ করিয়া, ভারতবর্ষে বাণিজ্য করিতে প্রবৃত্ত হয়।

— ফরাসীদিগের ভারতবর্ষে আগমন।—ইঙ্গরেজ-

দিগের পর ফরাসী জাগিয়া উঠে। ইহারা ১৬০৪ অব্দে এদেশে বাণিজ্য করিতে আসিয়া, প্রথমে ভারত-মহাসাগরস্থিত মরিসস্ ও বোর্বো দ্বীপ অধিকার করে। পরে ভারতবর্ষের মধ্যে ১৬৬৪ অব্দে সুরটে, ১৬৭৪ অব্দে পুঁদুচেরীতে এবং ১৬৮৮ অব্দে চন্দননগরে কুঠী স্থাপন করে। ইহার মধ্যে পুঁদুচেরীই সর্ব-প্রধান স্থান ছিল। ফরাসীদিগের সমুদয় কুঠী পুঁদুচেরীর শাসনকর্তার অধীনে থাকিত। ফরাসীরা এইরূপে নানা স্থানে কুঠী স্থাপন করিলেও বাণিজ্য-বিষয়ে ওলন্দাজ বা ইংরেজদিগের তুল্য সৌভাগ্য-সম্পন্ন হইতে পারে নাই।

## দ্বিতীয় অধ্যায় ।

### কর্ণাটের যুদ্ধ ।

যে সকল ইউরোপীয় জাতি ভারতবর্ষে বাণিজ্য করিতে আইসে, তৎসমুদয়ের মধ্যে ইংরেজ ও ফরাসীরা অপেক্ষাকৃত প্রবল হইয়াছিল। ইহারা স্বপ্রধান হইয়া বাণিজ্য করিতে প্রবৃত্ত হয়। এই উভয় জাতিই আপুনাগকে প্রবল বিবেচনা করিত, এবং আপুনাগের ক্ষমতা ও প্রাধান্য অপ্রতিহত রাখিবার জন্য অপরকে নানা প্রকার বাধা দিতে চেষ্টা পাইত। স্বার্থের উভয়ের মধ্যে সদ্ভাব বা প্রীতি ছিল না। আত্মপ্রাধান্য স্থাপনের ইচ্ছা উভয়কেই উভয়ের প্রতিদ্বন্দী করিয়া তুলিয়াছিল। উভয়ই উভয়ের অভ্যুদয় বিদ্বেষের চক্ষে চাহিয়া দেখিত, এবং উভয়ই উভয়ের বাণিজ্য স্থান নষ্ট করা, বা ক্ষমতা বাধা দেওয়া



আপনাদের জাতীয় গৌরব বলিয়া মনে করিত। যে সময়ে ভারতবর্ষে এই বিদেশী বণিক-সম্প্রদায়ের মধ্যে বিদ্বেষের সঞ্চার হয়, সেই সময়ে মোগল সম্রাট আকবরের শ্রায় কোন একজন ক্ষমতাশালী ভূপতির হস্তে ভারতবর্ষের শাসন-দণ্ড ছিল না। তখন দেশ এক প্রকার অরাজক হইয়াছিল; যাহার কিছুমাত্র ক্ষমতা ছিল, সেই আপনার স্বাধীনতার জন্ত লালায়িত হইয়া উঠিয়াছিল। এই অরাজক সময়ে বিদেশের দুই দল ক্ষমতাশালী বণিকের প্রতিদ্বন্দিতায় ভারতবর্ষের অবস্থাও ক্রমে পরিবর্তিত হইতেছিল।

কর্ণাটের যুদ্ধ, ১৭৪৪-১৭৬০।—ঘটনাক্রমে ১৭৪৪ অব্দে ইউরোপে ইংরেজ ও ফরাসীদিগের মধ্যে বিরোধ উপস্থিত হয়। এই সূত্রে ভারতবর্ষ-প্রবাসী ইংরেজ ও ফরাসীদিগের মধ্যেও বিবাদ ঘটে। কর্ণাট প্রদেশে, পুন্ডিচেরীতে ফরাসীরা এবং মাদ্রাজে ইংরেজেরা প্রবল ছিল। সুতরাং ঐ দুই স্থানে উভয় দলের মধ্যে সংগ্রাম উপস্থিত হয়। একে একে তিনটি যুদ্ধ ঘটে। কর্ণাটের এই তিন যুদ্ধ ভারতবর্ষের ইতিহাসে বিশেষ প্রসিদ্ধ। এই সময়ে সমগ্র মাদ্রাজ প্রেসিডেন্সিতে ইংরেজদিগের ৬০০ মাত্র সৈন্য ছিল। কিন্তু ফরাসীরা পুন্ডিচেরীতে একজন বিচক্ষণ সেনাপতির অধীনে ইহা অপেক্ষা বহুসংখ্য সৈন্য রক্ষা করিতেছিল।

লাবোর্দনে।—এই বিচক্ষণ ফরাসী সেনাপতির নাম লাবোর্দনে। ১৬৯৯ অব্দে সেন্ট মালো নামক স্থানে ইহার জন্ম হয়। দশ বৎসর বয়ঃক্রম কালে ইনি ভারতবর্ষে প্রথম যাত্রা করেন। ইহার পর আরও তিন বার জাহাজের কাপ্তেন

হইয়া ভারতবর্ষে আসিয়াছিলেন। শেষ বার ইনি ভারতবর্ষে থাকিতে কৃতসঙ্কল্প হইয়া, পন্দিচেরীতে আসিয়া বাস করেন। এইখানে ইনি স্থপতিবিদ্যা শিক্ষা করিতে প্রবৃত্ত হন। ক্রমে ইহার একাগ্রতা ও দৃঢ়প্রতিজ্ঞতা পরিষ্কৃত হয়, ক্রমে ইনি পন্দিচেরী-প্রবাসী ফরাসীদিগের মধ্যে এক জন প্রধান লোক হইয়া উঠেন। ১৭৩৩ অব্দে লাবোর্দনে স্বদেশে গমন করেন। ইহার দুই বৎসর পরে, তিনি বোরবৌ দ্বীপের শাসনকর্তা হন। ১৭৪০ অব্দে লাবোর্দনের শাসন-কাল শেষ হয়। পরে ইউরোপে ইংরেজ ও ফরাসীরা যুদ্ধক্ষেত্রে অবতীর্ণ হওয়াতে লাবোর্দনে ফরাসীদিগের সেনাপতি হইয়া ভারতবর্ষে উপস্থিত হন।

কর্ণাটের প্রথম যুদ্ধ।—১৭৫৬ অব্দে লাবোর্দনে ২,০০০ শিক্ষিত সৈন্য লইয়া জাহাজে পন্দিচেরী হইতে মাদ্রাজে যাত্রা করেন। এই সময়ে মাদ্রাজ-প্রজাতিরদিগের সংখ্যা তিন শতের অধিক ছিল না।

লাবোর্দনে কর্তৃক মাদ্রাজ অধিকার।—পাঁচ দিন গোলাবর্ষণের পর, ১৭৪৬ অব্দের ২০এ সেপ্টেম্বর মাদ্রাজ অধিকৃত হইল। কিন্তু সদাশয় ফরাসী সেনাপতি, ইংরেজ বাণিকদিগের প্রতি যথোচিত উদারতা দেখাইলেন। তাঁহার সৌজন্যে ও সদয় ব্যবহারে মাদ্রাজের ইংরেজেরা বন্দী হইল না। লাবোর্দনের এই সদাচরণে তদীয় প্রতিদ্বন্দ্বী সাতিশয় বিরক্ত হইয়া উঠিলেন। এই প্রতিদ্বন্দ্বী—পন্দিচেরীর শাসনকর্তা হুগ্লে।

হুগ্লে।—জোসেফ ফ্রান্সিস হুগ্লে একজন ফরাসী বাণিজ্য-ব্যবসায়ীর পুত্র। ১৬৯৫ অব্দে ইনি জন্ম গ্রহণ করেন। হুগ্লে কুড়ি বৎসর বয়সে ভারতবর্ষে আইসেন। ১৭২০ অব্দে

ইনি পন্ডিচেরীর শাসন-সমিতির একজন সদস্য হন। ১৭৩০ অব্দে চন্দননগরের শাসন-ভার ইহার হস্তে সমর্পিত হয়। বার বৎসর কাল এই কার্যে থাকিয়া, ইনি ১৭৪২ অব্দে পন্ডিচেরীর শাসনকর্তা হন। ছপ্পে লাবোর্দিনেকে আপনার একজন প্রধান প্রতিদ্বন্দী ভাবিতেন, এবং যে কোন উপায়ে হউক, তাঁহার মতের বিরুদ্ধে কার্য্য করিতে সর্ব্বদা চেষ্টা পাইতেন।

ছপ্পে, লাবোর্দিনের অনভিমতে ইঙ্গরেজদিগের ধনাগার লুণ্ঠন করিলেন। এদিকে প্রবল ঝড়ে লাবোর্দিনের জাহাজ বিনষ্ট হইল। কঠোরপ্রকৃতি ছপ্পে এ সময়ে তাঁহার কোনরূপ সাহায্য করিলেন না। সাহসী সেনাপতি ইঙ্গরেজদিগের বন্দী হইলেন। ইঙ্গরেজেরা আপনাদের আক্রমণকারীর সদাশয়তায় এমন মুগ্ধ হইয়াছিলেন যে, তাঁহারা তাঁহার প্রতি কোনরূপ অসৌজন্য দেখাইলেন না। তেজস্বী ফরাসী সেনাপতি অবিলম্বে বন্দি হইতে মুক্ত হইলেন। ইহার পর, ইউরোপে ইঙ্গরেজ ও ফরাসীদিগের মধ্যে সন্ধি স্থাপিত হওয়াতে কর্ণাট প্রদেশেও উভয় পক্ষের গোলযোগ শেষ হইয়া গেল। মাদ্রাজ ইঙ্গরেজদিগের হস্তে সমর্পিত হইল (১৭৪৭)।

(লাবোর্দিনে স্বদেশে ফিরিয়া গেলেন। কিন্তু এইখানে অপমান ও অধোগতি ভিন্ন তাঁহার অদৃষ্টে আর কিছুই ফলিল না। ইঙ্গরেজের বিশেষরূপে অপদস্থ না হওয়াতে ফরাসী কর্তৃপক্ষেরা আপনাদের উদারতা বিস্তৃত হইয়া লাবোর্দিনেকে কারাবদ্ধ করিলেন। শেষে এই কারাগৃহেই উদার-প্রকৃতি চন্দননগরের প্রাণবায়ু অবসান হইল, ১৭২৪।)

দক্ষিণাপথের রাজ্যাধিকারিগণের অবস্থা।—যখন

ইঙ্গরেজদিগের সহিত ফরাসীদিগের প্রথমযুদ্ধ ঘটে, তখন হযদরাবাদের নিজামবংশের আদিপুরুষ বিখ্যাত নিজাম উল্-মুল্ক আজফ্জা দক্ষিণাপথের সুবাদার ছিলেন। আর্কটের (নামান্তর আর্কাডু) নবাবী আনোয়ার উদ্দীনের হস্তে ছিল। আনোয়ার প্রথমে আর্কটের অপ্রাপ্তবয়স্ক নবাব-বংশধর দোস্ত আলীর অভিভাবক হন। শেষে দোস্ত আলীর মৃত্যু হইলে ১৭৪০ অব্দে সুবাদারের স্বাহায্যে আর্কটের সিংহাসনে আরোহণ করেন। চাঁদ সাহেব ত্রিচিনপল্লীর শাসনকর্তা ছিলেন। কিন্তু ১৭৪১ অব্দে ইনি মরহাট্টাগণ কর্তৃক তাড়িত হন এবং পদিচেষ্টাতে আসিয়া বাস করেন। চাঁদসাহেব দোস্ত আলীর কন্যাকে বিবাহ করিয়াছিলেন।

যখন ইঙ্গরেজদিগের সহিত ফরাসীদিগের যুদ্ধ শেষ হইয়া যায়, তখন ১০৪ বৎসর বয়সে বৃদ্ধ নিজাম উল্-মুল্ক আজফ্জার মৃত্যু হয়। তাঁহার চারি পুত্র ও এক দৌহিত্র ছিল। ইহাদের মধ্যে দ্বিতীয় পুত্র নাজীর জঙ্গ পিতার সিংহাসনে আরোহণ করেন। আজফ্জা আপুনার দৌহিত্র মজফর জঙ্গকে বড় ভান্স বাসিতেন। এ জন্ত মজফরের আশা ছিল যে, তিনিই দক্ষিণাপথের সুবাদারী পাইবেন। কিন্তু ঘটনাক্রমে নাজীর জঙ্গ সুবাদারী হওয়াতে তাঁহার মনে নিদারুণ ঈর্ষার সঞ্চার হয়। এদিকে আর্কটের সিংহাসন আনোয়ার উদ্দীনের হস্তগত হওয়াতে দোস্ত আলীর জামাতা চাঁদ সাহেব আনোয়ারের বিপক্ষ হইয়া উঠেন। সুতরাং যখন দক্ষিণাপথে ফরাসীরা প্রবল ছিল, তখন নাজীর জঙ্গের সহিত মজফর জঙ্গের এবং আনোয়ার উদ্দীনের সহিত চাঁদ সাহেবের শত্রুতা জন্মে। মজফর ও চাঁদ, উভয়েই

অকৃতকার্য হওয়াতে পরস্পর সৌহার্দ্যমুখে আবদ্ধ হইয়া, অভীষ্ট বিষয় প্রাপ্তির সুবিধা দেখিতে প্রবৃত্ত হন।

কর্ণাটের দ্বিতীয় যুদ্ধ, ১৭৪৯।—এই সময়ে ছপ্পে পন্ডিচেরীতে সাতিশয় ক্ষমতামালী ছিলেন। তাঁহার যেমন সৈন্যবল, তেমনি দূরদর্শিতা ও রাজনৈতিক বিষয়ে অভিজ্ঞতা ছিল। তিনি ভারতবর্ষের রাজ্যগণের সহযোগে এতদেখে আপনাদের প্রাধান্ত্য স্থাপনের সুযোগ দেখিতেছিলেন। এই সুযোগ উপস্থিত হইল। মজফরজঙ্গ ও চাঁদ সাহেব একত্র হইয়া অভীষ্ট ফল লাভের আশায় ছপ্পের সাহায্য প্রার্থনা করিলেন। ছপ্পে সন্মত হইলেন। এদিকে নাজীর জঙ্গ ও আনোয়ার উদ্দীন ইঙ্গরেজদিগের আশ্রয় গ্রহণ করিলেন। সুতরাং ১৭৪৯ অব্দে দক্ষিণাপথে এই দুইটি পরস্পর প্রতিদ্বন্দ্বী প্রধান দল হইলঃ—

এক পক্ষে

অপর পক্ষে

নাজীর জঙ্গ (নিজাম)

মজফর জঙ্গ।

আনোয়ার উদ্দীন (আর্কটের নবাব)

চাঁদ সাহেব।

ইঙ্গরেজগণ

ফরাসীগণ।

কর্ণাটের রাজধানী আর্কটের অনতিদূরে আম্বুর নামক গ্রামে যুদ্ধ হইল। যুদ্ধে ১০৭ বৎসরবয়স্ক আনোয়ার উদ্দীন পরাজিত ও নিহত হইলেন। তদীয় পুত্র মহম্মদ আলী ত্রিচিনপল্লীতে পলায়ন করিলেন। সুতরাং মজফর জঙ্গ ও চাঁদ সাহেবের অদুষ্ট প্রসঙ্গ হইল। চাঁদ কর্ণাটের নবাব হইলেন। মজ

আপনাকে দক্ষিণাপথের সুবাদার বলিয়া ঘোষণা করিলেন।

— নাজীর জঙ্গ সহজে অবনত-মস্তক হইলেন না। তিনি সৈন্য সংগ্রহ পূর্বক কর্ণাটে উপস্থিত হইলেন। এই সময়ে

ফরাসী-সেনার অধিনায়কেরা বেতনের জন্য বিদ্রোহী হইয়া উঠিল, সুতরাং তাহারা নাজির জঙ্গকে বাধা না দিয়া, আপনারা মহাগোলযোগ আরম্ভ করিল। মজফরের সৈন্যগণ ইহাতে ভগ্নোৎসাহ হইয়া চারিদিকে পলাইতে লাগিল। মজফর স্বয়ং কারারুদ্ধ হইলেন। চাঁদ সাহেব পন্দিচেরীতে পলায়ন করিলেন। ইহাতেও গোলযোগের অবসান হইল না। ছপ্পে গোপনে নাজীর জঙ্গের হত্যার জন্য তদারূ দরবারের কাঁতপয় পাঠান। সামন্তের সহিত ষড়যন্ত্র করিতে লাগিলেন। পাঠানেরা ছপ্পের কুমন্ত্রণায় নাজীরকে বধ করিল। কারারুদ্ধ মজফর জঙ্গ মুক্তি লাভ করিলেন।

এইরূপে মজফরের অদৃষ্ট আবার প্রসন্ন হইল। মজফর দক্ষিণাপথের সুবাদারের সিংহাসনে অধিষ্ঠিত হইলেন। ছপ্পে মহোল্লাসে তাঁহাকে পন্দিচেরীতে আহ্বান করিলেন। মজফর সমাগত হইলে ছপ্পে বহুমূল্য মুসলমানী পরিচ্ছদ পরিয়া তাঁহাকে স্ত্রহস্তে দক্ষিণাপথের সুবাদারী সমর্পণ করিলেন। এদিকে চাঁদ সাহেব কর্ণাটের নবাবী পদ পাইলেন। ছপ্পে কৃষা হইতে কুমারিকা অন্তরীপ পর্যন্ত বিস্তৃত ভূখণ্ডের শাসনকর্তৃ পদে অধিরূঢ় হইলেন। ইহাতে ছপ্পের গৌরব ও সম্মানের অবধি রহিল না। সকল স্থানে তাঁহার প্রাধান্য এবং ফরাসীদিগের বাহুবলের মহিমা ঘোষিত হইতে লাগিল।

ফরাসীরা এইরূপে আপনাদের প্রাধান্য স্থাপন করিল বটে, কিন্তু উহা দীর্ঘকাল স্থায়ী হইল না। ছপ্পে যে মজফর জঙ্গকে নিজামী পদ দিবার জন্য এত করিলেন, শীঘ্র তাঁহার আম্রাস পূর্ণ হইয়া আসিল। মজফর মৃত্যু ১৭৫১ অব্দের ৪ঠা জানুয়ারি

মহা আড়ম্বরে হযদরাবাদে যাইতেছিলেন, তখন য়ে পাঠানেরা নাজীরজঙ্গকে হত্যা করিয়াছিল, তাহারাই মজফরের প্রাণ-সংহার করিল। এই সময়ে বুসী নামক একজন বিচক্ষণ ফরাসী-সেনাপতি নিজামের শিবিরে ছিলেন। তিনি মজফরের মাতুল ও নাজীরের কনিষ্ঠ সহোদর সলাবৎজঙ্গকে নিজামী পদ দিলেন।

এই সময়ে ছপ্পের প্রতিদ্বন্দ্বী হইয়া, রঙ্গস্থলে আর এক মহাবীর আবির্ভূত হইলেন। ইনি ছপ্পের ন্যায় তীক্ষ্ণবুদ্ধি বা রাজনীতিজ্ঞ না হইলেও সাহসে, পরাক্রমে ও স্থির প্রতিজ্ঞায়, তাহা অপেক্ষা বহুগুণে শ্রেষ্ঠ ছিলেন। এই মহাবীরের আবির্ভাবে করাচ-দিগের গৌরব-স্বাধা অস্তসি ও হ্রস্ব। যাতারা এক সময়ে ভাষ্যতবর্ষে আপনাদের প্রাধান্য স্থাপনের জন্য লালারিত হইয়া উঠিয়াছিল, তাহার। ক্রমে উৎসাহশূন্য হইয়া মিটিমা ক্ষমতার নিকট মস্তক অবনত করে। এই মহানারী ইঙ্গলণ্ডের একটি ক্ষুদ্র নগরে জন্মিয়া অতি দীনভাবে সংসারে প্রবেশ করেন, শেষে আপনার ক্ষমতার ও কার্যকারিতার ভারতে ইঙ্গলণ্ডের আধিপত্য বন্ধমূল করিয়া যান। ইহার নাম রবট ক্লাইব।

ক্লাইব।—ইঙ্গলণ্ডের অন্তঃপাতী অপর্যায় প্রদেশে ১৭২৫ অব্দে রবট ক্লাইবের জন্ম হয়। ইহার পিতার নাম বিচার্ড ক্লাইব। রিচার্ড ক্লাইব ওকালতী করিতেন। রবট ক্লাইব বাল্যকালে সাতিশর হুশীল ও লেখা পড়ায় অনাবিষ্ট ছিলেন। ষে সাহসের জন্য তিনি আজ পর্য্যন্ত ইতিহাসের বরণীয় হইয়া রহিয়াছেন, বাল্যকালেই তাহা পুষ্পফুট হয়। রবট ক্লাইব ধর্ম-মন্দিরের উচ্চ-চূড়ায় বসিয়া থাকিতেন, দুই বালকদিগকে একত্র করিয়া, দৌকান্দারদিগকে ভয় দেখাইয়া, তাহাদের নিকট হইতে খাবার

জিনিষ ও পরমা আদায় করিয়া লইতেন এবং সর্বদা নানাস্থানে উৎপাত করিয়া বেড়াইতেন। পিতা দুর্ভিক্ষানীত পুত্রকে সুশীল পরিবার জন্য অনেক চেষ্টা করিলেন ; কিন্তু তাঁহার চেষ্টা বিফল হইল। রবার্ট এক বিদ্যালয় হইতে আর এক বিদ্যালয়ে গেলেন, এক শিক্ষকের নিকট হইতে আর এক শিক্ষকের নিকট উপস্থিত হইলেন, কিন্তু কোথাও তাঁহার চরিত্রের উৎকর্ষ বা শিক্ষার উন্নতি হইল না। এক শিক্ষক এই অনাবিষ্ট বালকের প্রকৃতি দেখিয়া একদা বলিয়াছিলেন, এক সময়ে এই বালক পৃথিবীর মধ্যে এক জন প্রধান লোক হইবে। শিক্ষকের এই ভবিষ্যদ্বাণী কালে বলবতী হইয়াছিল। কিন্তু ক্লাইবের পিতা নিরাশ হইলেন। পুত্র যে, ভাল হইবে, ইহা তাঁহার বোধ হইল না। সুতরাং তিনি ক্লাইবকে নিকটে না রাখিয়া কোন স্থানে পাঠাইতে ইচ্ছা করিলেন। এই সময়ে ইস্ট ইণ্ডিয়া কোম্পানির অধীনে কেরাগী-গিরি পাওয়া গেল। রবার্ট, ক্লাইব, আঠার বৎসর বয়সে এই কক্ষে নিযুক্ত হইয়া সোভাগ্যশালী হইতে অথবা দীনভাবে দেহ-ত্যাগ করিতে মাদ্রাজে যাত্রা করিলেন।

মাদ্রাজে আসিয়া ক্লাইব বড় কষ্টে পড়িলেন। সঙ্গে যে কয়েকটি টাকা ছিল, তাহা ফুরাইয়া গেল। বেতন নিতান্ত অল্প হওয়াতে তিনি আপনার অভাব পূরণ করিতে অসমর্থ হইলেন। ক্লাইব নিরুপায় হইয়া দশদিক অন্ধকার হৈথিতে লাগিলেন। মুন্সিফের শাসনকর্তার একটি পুস্তকালয় ছিল। ক্লাইব অনুমতি লইয়া, এইখানে ভাল ভাল পুস্তক সর্বত্র পড়িতে লাগিলেন। বাল্যে তিনি পাঠে অনাবিষ্ট ছিলেন, যৌবনে সংযতচিত্তে শাস্ত্রানুশীলনে নিবিষ্ট হইলেন। কিন্তু কি গ্রন্থপাঠ, কি বিদে-



শের জলবায়ু, কি হৃৎদারিদ্র্য কিছুতেই তাঁহার প্রকৃতির উদ্ধৃত্য তিরোহিত হইল না। তিনি স্বদেশের বিদ্যালয়ে শিক্ষক-দিগের সহিত শেখরূপ ব্যবহার করিতেন, মাদ্রাজের সতীর্থগণের সহিতও সেইরূপ ব্যবহার করিতে লাগিলেন। ইহাতে কয়েক বার তাঁহার কৰ্ম্ম যাওয়ার উপক্রম হইয়াছিল। ক্লাইব দুইবার আত্মহত্যার চেষ্টা করেন, কিন্তু দুইবারই পিস্তলের সন্ধান ব্যর্থ হয়। এজ্ঞত তাঁহার মনে দৃঢ় বিশ্বাস জন্মিয়াছিল যে, তিনি পৃথিবীতে কোন মহৎ কার্য্য সাধনের জন্ত জীবিত রহিয়াছেন।

এই সময়ে একটি বিশেষ ঘটনায় এই দুঃশীল যুবকের অদৃষ্ট পরিবর্তিত হয়। ইঙ্গরেজদিগের সহিত ফরাসীদিগের যুদ্ধ উপস্থিত হইলে ক্লাইব কেরাণীগিরি ছাড়িয়া একুশ বৎসর বয়সে সৈন্যিক-শ্রেণীতে প্রবেশ করেন। যুদ্ধে তাঁহার বিক্রম ও সাহস প্রকাশ পায়। প্রধান সেনাপতি মেজর লরেন্স তাঁহার বিশেষ স্মৃতি রাখেন। ক্লাইব অতঃপর এই নৈনিত্য-কার্য্যে জীবিতকাল অতিবাহিত করিতে কৃতসঙ্কল্প হইয়া উঠেন।

কখন কখন প্রদেশে দ্বিতীয় বার যুদ্ধ উপস্থিত হয়, তখন হুগ্লেস অসীম ক্ষমতা; কৃষ্ণা হইতে কুমারিকা পর্য্যন্ত তাঁহার খ্যাতিও প্রতাপ ব্যাপ্ত হইয়াছিল। দক্ষিণাপথের প্রধান প্রধান রাজগণ তাঁহার নিকট অবনত-মস্তক হইরাছিলেন। মাদ্রাজে ইঙ্গরেজদিগের এক জনও সেনাপতি ছিলেন না। মেজর লরেন্স ইঙ্গলেণ্ডে গিয়াছিলেন। আর কোন ব্যক্তি ইঙ্গরেজ-সৈন্য পরিচালনায় সমর্থ ছিলেন না। যে জাতি সাহসে ও ক্ষমতায় অতঃপর ভারতবর্ষে একাধিপত্য করিবে, ভারতবর্ষীয়েরা তখন তাঁহাদিগকে অবজ্ঞার চক্ষু চাহিয়া দেখিতেছিল। তাহার

এই সময়ে ফোর্ট সেন্ট জর্জ হুর্গে ফরাসী পতাকা উড়িতে দেখিয়াছিল, ইঙ্গরেজদিগের কুঠির অধ্যক্ষদিগকে বন্দীভাবে পদিচেরীর রাজপথ দিয়া যাইতে দেখিয়াছিল, দুপ্পেকে সকল স্থানে বিজয়লক্ষ্মী অধিকার করিতে দেখিয়াছিল, স্তূর্তরাং তখন আপনাদের ভবিষ্য শাসনকর্তাদের ক্ষমতার উপর তাহারা বিশ্বাস স্থাপন করিতে পারে, নাই। এই সময়ে একজন অগ্র-সিদ্ধি ও অপরিচিত যুবকের সাহসে ও ক্ষয়্যতায় ঘটনাস্রোত অগ্র দিকে ধাবিত হইল।

ক্লাইব ইঙ্গরেজ-কর্তৃপক্ষকে চাঁদ সাহেবের রাজধানী আর্কট নগর আক্রমণ করিতে পরামর্শ দিলেন। 'মহম্মদ' আলী ত্রিচিনপল্লীতে আত্মরক্ষা করিতেছিলেন। চাঁদসাহেব ফরাসীদিগের সাহায্যে ঐ স্থান আক্রমণ করেন। এখন আর্কট আক্রমণ করিলে চাঁদকে বাধ্য হইয়া, ত্রিচিনপল্লী ছাড়িয়া আসিতে হইবে, মহম্মদ আলীও নিরাপদ হইবেন, ক্লাইব ইহা বেশ বুদ্ধিতে পারিয়াছিলেন। ইঙ্গরেজকর্তৃপক্ষ ক্লাইবের পরামর্শ সঙ্গত বিবেচনা করিলেন এবং তাঁহাকেই সেনাপতি করিয়া আর্কট আক্রমণ করিতে পাঠাইয়া দিলেন। ক্লাইব কয়েক শত গোরা ও সিপাহি সৈন্ত লইয়া আর্কট অধিকার করিলেন। চাঁদ সাহেব এই সংবাদ পাইয়াই, বহুসংখ্য সৈন্তের সহিত আপনার পুত্র রাজা সাহেবকে রাজধানীরক্ষার্থ পাঠাইয়া দিলেন। ক্লাইব নগরের হুর্গে থাকিয়া আত্মরক্ষা করিতে লাগিলেন। তাঁহার অধীনে ১১৮ জন গোরা ও ২০০ মাত্র সিপাহি ছিল। হুর্গটি জীর্ণ, খাদ্যসামগ্রীও পর্যাপ্ত পরিমাণে ছিল না। এ দিকে রিপক্ষের অধীনে দশ হাজার শিক্ষিত সৈন্ত

ছিল। পঁচিশ বৎসরব্যয় করিয়া যুবক এই অবস্থায় আত্মরক্ষার্থ প্রস্তুত হইলেন। বিপক্ষেরা পঞ্চাশ দিন ব্যাপিয়া দুর্গ অবরোধ করিয়া রহিল; পঞ্চাশ দিন ব্যাপিয়া সাহসী যুবক ইউরোপের রণ-পণ্ডিত সেনাপতিদিগের দ্বারা অতুল পরাক্রমের সহিত আত্মরক্ষা করিতে লাগিলেন। অবশেষে আক্রমণকারীরা নিরস্ত হইল। তাহারা আর্কট হস্তগত করিতে না পারিয়া, ত্রিচিনপল্লীতে বাইরা আপনাদের বল প্রকাশ করিতে লাগিল, কিন্তু ইহাতেও তাহাদের মনোরথ সিদ্ধ হইল না। ইঙ্গলও হইতে প্রত্যাগত সেনাপতি লরেন্স, ক্লাইবের সঙ্গে ত্রিচিনপল্লীতে উপস্থিত হওয়াতে বিপক্ষেরা পরাজয় স্বীকার করিল। চাঁদ সাহেব নিরুপায় হইয়া মরহাট্টাদিগের আশ্রয় লইলেন। কিন্তু মরহাট্টারা মহম্মদ আলীর পরামর্শে তাঁহাকে হত্যা করিল। মহম্মদ আলী নির্বিঘ্নে আর্কটের সিংহাসনে অধিরূঢ় হইলেন (১৭৫২)।

ছুপ্তেকে এই সকল গোলযোগের মূল বিবেচনা করিয়া ফরাসী কর্তৃপক্ষ ১৭৫৪ অব্দে তাঁহাকে পারীসুনগরে আসিতে আদেশ করিলেন। এই সময় হইতে ছপ্তের গৌরব ও সৌভাগ্য চিরদিনের জন্য অন্তর্হিত হইল। মুঁসিয়া গোদা ছপ্তের পদ পাইলেন। তিনি মহম্মদ আলীকে আর্কটের নবাব বলিয়া স্বীকার করিয়া, মাদ্রাজের শাসনকর্তা সণ্ডার্স সাহেবের সহিত সন্ধি স্থাপন করিলেন (১৭৫৪)।

**সিপাহি সৈন্তের উৎপত্তি।**—কর্ণাটের যুদ্ধের সময় ইংরেজ কোম্পানির সিপাহি সৈন্ত সৃষ্ট ও ব্যবস্থিত হয়। সুদূর বিস্তৃত ভারতসাম্রাজ্যের দক্ষিণাংশই সিপাহি সৈন্তের উৎপত্তি,

স্থিতি ও বিস্তৃতির ক্ষেত্র । দক্ষিণাপথের অনার্যেরা এবং উচ্চ-শ্রেণীর রাজপুত ও মুসলমানগণ এই সৈনিক-শ্রেণীতে প্রবেশ করে । ইঙ্গরেজ সেনাপতির নিকট ইঙ্গরেজী, প্রণালীতে শিক্ষা পাইয়া, ইহারা গৌরবান্বিত ও গুরুতর কর্তব্য-দাধনে সন্মোহিত হইয়া উঠে । ইহারা আর্কটরক্ষণে কিরূপ সাহস দেখাইয়াছিল, ত্রিচিনপল্লীতে কিরূপ কোশলে ফরাসী সৈন্যের সহিত সঙ্গিনে সঙ্গিনে যুদ্ধ করিয়াছিল, তাহা ঐতিহাসিকগণ আত্মাদের সহিত বর্ণনা করিয়া থাকেন । ইহাদের যেমন সাহস ও ক্ষমতা, তেমনি অটল প্রভুভক্তি ছিল । আর্কট নগর রক্ষার সময়ে ইঙ্গরেজ সৈন্যের যৎসামান্য তণ্ডুল ব্যতীত আর কিছুই খাদ্য সামগ্রী ছিল না । সিপাহিরা ঐ সঙ্কটাপন্ন সময়ে আপনাদের জন্ত কেবল ভাতের ফেন মাট্র রাখিয়া, ইঙ্গরেজদিগকে সমুদয় অন্ন আহার করিতে দেয় । ইতিহাসে, সৈনিক পুরুষদিগের বিশ্বস্ততার ইহা অপেক্ষা উজ্জল দৃষ্টান্ত পাওয়া যায় না । \*

কর্ণাটের তৃতীয় যুদ্ধ, ১৭৫৬ ।—তাই বৎসর পরে ইউরোপে আবার ইঙ্গরেজ ও ফরাসীদিগের মধ্যে যুদ্ধ আরম্ভ হয় । ক্লাইব অসুস্থতাপ্রযুক্ত স্বদেশে গিয়াছিলেন । যুদ্ধ বাধিল দেখিয়া, বিলাতের কর্তৃপক্ষ তাঁহাকে মাদ্রাজের প্রেসিডেন্টের পদে নিযুক্ত করিয়া, ভারতবর্ষে পাঠাইয়া দিলেন । ক্লাইবের উপস্থিতির অব্যবহিত পরেই অন্ধকূপহত্যার ভয়ঙ্কর সংবাদ মাদ্রাজে পৌঁছিল । ক্লাইব অধিলম্বে সিপাহী সৈন্য সমভিব্যাহারে কলিকাতায় স্বাত্রা করিলেন । এদিকে ইউরোপে যুদ্ধ উপস্থিত হওয়াতে দক্ষিণাপথে ফরাসীরা ইঙ্গরেজদের প্রতিবাদী হইয়া

উঠিল। ফ্রান্স হইতে লালী নামক একজন্ম সেনাপতি ফরাসী-দিগের অধ্যক্ষ হইয়া ভারতবর্ষে আসিলেন।

লালী।—আয়র্লণ্ডে লালীর জন্ম হয়। কালক্রমে ইনি ফ্রান্সে আসিয়া ফরাসীদিগের সৈন্যদলে প্রবেশ করেন। যুদ্ধে ইহার বিক্রম প্রকাশ হওয়াতে ইনি এক দল সৈন্যের অধিনায়ক হন। ইহার পর কর্তৃপক্ষ ১৭৫৮ অব্দে ইহাকে ফরাসীদিগের অধিনায়ক করিয়া ভারতবর্ষে পাঠাইয়া দেন। লালী সাতিশর উদ্ধৃত-প্রকৃতি ও অবিমূষ্যকারী ছিলেন। তাঁহার অবিমূষ্য-কারিতা দোষেই দক্ষিণপথে ফরাসীদিগের প্রাধাত্য বিনষ্ট হয়।

বুসী এপর্যন্ত নিজামের রাজধানীতেই অবস্থিতি করিতে ছিলেন। নিজাম সলাবৎ জঙ্গ বুসীর পরামর্শ অনুসারে সমুদয় কার্য্য নির্বাহ করিতেন। সুতরাং বুসীর ক্ষমতায় হয়দরাবাদে ফরাসীদিগের প্রাধাত্য বদ্ধমূল ছিল। লালী পদিচেরীতে আসিয়াই, বিশেষ বিবেচনা না করিয়া, বুসীকে ডাকাইয়া পাঠাইলেন। লালীর আদেশে বুসীকে হয়দরাবাদ পরিত্যাগ করিতে হইল। এই সঙ্গে তথায় ফরাসীদিগের যে প্রাধাত্য ছিল, তাহাও বিনষ্ট হইয়া গেল।

লালী কর্তৃক মাদ্রাজ আক্রমণ, ১৭৫৮।—বুসী আসিতে না আসিতেই, লালী ফোর্ট সেন্ট ডেভিড দুর্গ বিধ্বস্ত করিয়া ১৭৫৮ অব্দের ১২ই ডিসেম্বর মাদ্রাজে উপস্থিত হইলেন। ইংরেজ সেনাপতি মেজর লরেন্স বিশেষ দক্ষতার সহিত নগর রক্ষা করিলেন। ১৫ই ফেব্রুয়ারি তাঁহাদের কয়েকখানি যুদ্ধ-জাহাজ মাদ্রাজে আসিয়া পৌঁছিল। ইহাতে লালী ভীত হইয়া ৫০ টি কামান ফেঁ

বন্দিবাসের যুদ্ধ, ১৭৬০ ।—ইঙ্গরেজদিগের যুদ্ধ-জাহাজে সেনাপতি কর্ণেল কুট (ইনি পরে স্থার আয়ারকুট নামে প্রসিদ্ধ হন) আসিয়াছিলেন। তিনি নির্বিঘ্নে মাদ্রাজে নামিয়া সৈন্তসমুভিব্যাহারে ফরাসীদিগের বিরুদ্ধে যাত্রা করিলেন। বন্দিবাস নামক স্থানে তাঁহার সহিত লালীর ঘোরতর যুদ্ধ হইল। এই যুদ্ধে ফরাসী সেনাপতি সম্পূর্ণরূপে পরাজিত হইয়া পঁদিচেরীতে পলায়ন করিলেন। বুসী ইঙ্গরেজদিগের বন্দী হইলেন।

পঁদিচেরী অধিকার, ১৭৬১ ।—কর্ণেল কুট ইহার পর পঁদিচেরী আক্রমণ ও তত্রত্য দুর্গ ভূমিস্যাৎ করিলেন। কয়েক মাসের মধ্যে পার্শ্বত্য দুর্গ জিজিও অধিকৃত হইল। লালী নিরুপায় হইয়া পরাজয় স্বীকার করিলেন।

এইরূপে ফরাসীদিগের প্রাধান্য চিরদিনের জন্য অন্তর্হিত হইল। বাহারা এক সময়ে দক্ষিণাপথে প্রতাপশালী হইয়া, সমস্ত ভারতবর্ষে আপনাদের প্রভুত্ব বিস্তারের প্রয়াস পাইয়াছিলেন, তাহারা একবারে নিস্তেজ হইয়া পড়িল। ১৭৬৩ অব্দে উভয় পক্ষে যে সন্ধি হয়, তাহাতে ফরাসীরা পঁদিচেরী প্রভৃতি আপনাদের অধিকৃত স্থানগুলি ফিরিয়া পায়। ইহাতেও তাহারা আর প্রবল হইতে পারে নাই। বস্তুতঃ কর্ণাটের এই তৃতীয় যুদ্ধের পর হইতেই ভারতবর্ষে তাহারা একবারে অবসন্ন হইয়া পড়িল। ফরাসী গবর্ণমেন্ট তাঁহাদের ভারতবর্ষস্থিত অধিকারের অধ্যক্ষদিগকে সদয়ভাবে দেখিলেন না। ছপ্পে ছঃসহ মনোবেদনা পাইয়া স্বদেশে ফিরিয়া গেলেন। এইখানে নিদুরুণ ছঃখে সাতিশয় দীনভাবে তাঁহার মৃত্যু হইল (১৭৬৪)। লালী হতাশ ও হত্যাধ্যম হইয়া ক্রান্তে উপনীত হইলে ফরাসী কর্তৃপক্ষ তাঁহাকে

কারাগারে পাঠাইলেন। ইহার পর বিপ্লব নিগ্রহ সহ করিয়া, তিনি জন্মাদের কুঠারঘাতে প্রাণ বিসর্জন করিলেন। আর বুসী? যিনি হয়দরাবাদের ফরাসীদিগের প্রাধান্ত অব্যাহত রাখিয়াছিলেন, তাঁহার আর কোনরূপ উন্নতি হইল না। বুসী দীর্ঘকাল ভারতবর্ষেই থাকিলেন। ইহার পর যখন তাঁহার নাম প্রায় বিলুপ্ত হইয়া গেল, তখন তিনি নিতান্ত অপরিচিতের আয় স্বদেশে উপস্থিত হইলেন।

## তৃতীয় অধ্যায় ।

### বাঙ্গালার ঘটনা ।

( ১৭০৭—১৭৭২ খ্রীঃ অব্দ । )

বাঙ্গালার নবাবগণ, ১৭০৭-১৭৫৬।—মুসলমান বাদশাহদিগের সময়ে বাঙ্গালা, বিহার ও উড়িষ্যা, এই তিন প্রদেশের রাজকীয় কার্যভার একজন সুবাদার বা শাসনকর্তার হস্তে থাকিত। এই শাসনকর্তার উপাধি, “নবাব নাজিম” ছিল। মোগল সম্রাট আওরঙ্গজেবের মৃত্যুসময়ে মুর্শিদকুলি খাঁ বাঙ্গালার নবাব ছিলেন। পূর্বে বাঙ্গালার রাজধানী ঢাকায় ছিল। মুর্শিদকুলি খাঁ কালীমবাজারের নিকটে ভাগীরথীর তটে রাজধানী স্থাপন করিয়া, নিজের নাম অনুসারে উহার নাম মুর্শিদাবাদ রাখেন। এই অবধি মুর্শিদাবাদ বাঙ্গালার রাজধানী হয়। এই সময়ে ইংরেজ, ফরাসী ও ওলন্দাজেরা কালীমবাজার,

ঢাকা, মালদহ এবং পাটনায় ব্যবসায় করিত। কলিকাতা ইঞ্জ-  
রেজদিগের, চন্দননগর, ফরাসীদিগের এবং চুঁচুড়া ওলন্দাজ-  
দিগের প্রধান বাণিজ্য-স্থান ছিল। মুর্ষিদকুলি খাঁর সময়ে  
হামিণ্টন নামক এক জন ইঞ্জরেজ ডাক্তর দিল্লীর সম্রাট ফররোখ-  
সয়েরের পীড়াশান্তি করাতে সম্রাট সন্তুষ্ট হইয়া, ইঞ্জরেজ বণিক-  
দিগকে তাহাদের প্রার্থনানুযায়ী সনন্দ দেন, এই সনন্দে  
স্থিরীকৃত হয় যে, (১) ইঞ্জরেজ কোম্পানি বিনাশুকে বাঙ্গালার  
বাণিজ্য করিতে পারিবেন; (২) তাঁহার কলিকাতার নিকটে  
৩৮ মৌজা কিনিতে পারিবেন এবং (৩) মুর্ষিদাবাদের টাকশালায়  
সপ্তাহে তিন দিন আপনাদের জন্ত টাকা মুদ্রিত করিয়া লইতে  
পারিবেন। মুর্ষিদকুলি খাঁ, ২১ বৎসর কাল বিশেষ দক্ষতার  
সহিত বাঙ্গালা শাসন করেন। তাঁহার মৃত্যু হইলে তদীয়  
জামাতা ও দৌহিত্র যথাক্রমে বাঙ্গালার শাসনকর্তা হন। শেষে  
১৭৪০ অব্দে ইহাদের বংশের সহিত বাঙ্গালার সম্বন্ধ বিলুপ্ত  
হয়। আলিবর্দী খাঁ নামক আর এক ব্যক্তি আসিয়া, বাঙ্গালার  
সিংহাসনে আরোহণ করেন। ইহার সময়ে মরহাট্টা সৈনিক-  
দিগের আক্রমণ হইতে আপনাদিগকে রক্ষা করিবার জন্ত কলি-  
কাতাবাসীরা ১৭৪২ অব্দে গড়খাই করেন। উহা আজ পর্যন্ত  
“মরহাট্টাধাত” নামে প্রসিদ্ধ আছে।

অন্ধকূপহত্যা, ১৭৫৭।—১৭৫৬ অব্দে নবাব আলি-  
বর্দী খাঁর মৃত্যু হয়। তদীয় দৌহিত্র সিরাজ উদ্দৌলা সিংহাসনে  
আরোহণ করেন। এই সময়ে সিরাজের বয়স আঠার বৎসর।  
সিরাজ উদ্দৌলা যেমন রূপবান, তেমন গুণবান ছিলেন না।  
মাতামহ যদিও তাঁহাকে শিক্ষা দিয়াছিলেন, তথাপি তিনি



শিক্ষার বলে বিনয় বা শীলতা সংগ্রহ করিতে পারেন নাই। কোন কোন ইতিহাসে সিরাজের প্রকৃতি সাতিশয় কুৎসিত ভাবে বর্ণিত হইয়াছে। সিরাজ সর্বাত্মক এইরূপ কুৎসিত প্রকৃতির অধিকারী ছিলেন কি না, বলা যায় না। কিন্তু তিনি যে, রাজ্যের সহিত মাতামহের গুণগ্রাম অধিকার করিতে পারেন নাই, তাহা নিশ্চিত বলা যাইতে পারে। সিরাজ উদৌলা একে উচ্ছৃঙ্খলপ্রকৃতি ও অদূরদর্শী ছিলেন, ইহার উপর নবীন বয়সে একটি রহবিস্তৃত ও বহুজনাকীর্ণ সমৃদ্ধ জনপদের শাসনকর্তা হওয়াতে অধিকতর গর্বিত হইয়া উঠেন। মুর্ষিদাবাদের পিদি প্রাপ্তির পর দুই মাসের মধ্যেই তাঁহার সহিত ইঙ্গরেজদিগের অসম্ভাব জন্মে। ফরাসীদিগের সহিত ইঙ্গরেজদিগের যুদ্ধ ষাটবার সম্ভাবনা হওয়াতে ইঙ্গরেজেরা নবাবের অনুমতি না লইয়া, আপনাদের কলিকাতা-স্থিত দুর্গের সংস্কার করিতে প্রবৃত্ত হন। ইহাতে সিরাজ উদৌলার মন সন্দেহ হয়। তিনি ইঙ্গরেজদিগকে দুর্গ ভাঙ্গিয়া ফেলিতে বলেন। ইঙ্গরেজেরা বলিয়া পাঠাইলেন, তাহারা কেবল তাঁহাদের পুরাতন দুর্গের সংস্কার মাত্র করিতে ছেন। সিরাজ তাঁহার মাতামহের ছায় অভিভূত বা দূরদর্শী ছিলেন না। ইঙ্গরেজদিগের অভিপ্রায় তাঁহার বোধগম্য হইল না। ইহার পূর্বে ঢাকার গবর্নর রাজা রাজবল্লভের পুত্র কৃষ্ণদাস সিরাজ উদৌলার ভয়ে সপরিবারে কলিকাতায় আসিয়া ইঙ্গরেজদিগের আশ্রয়ে বাস করিতেছিলেন, সিরাজ তাঁহাকে আপনার নিকটে পাঠাইতে ইঙ্গরেজদিগকে অনুরোধ করেন। ইঙ্গরেজেরা এই অনুরোধ রক্ষা করে নাই। ইহাতে তিনি ইঙ্গরেজদিগের উপর জাতক্রোধ হইয়াছিলেন; এক্ষণে আবার তাঁহার আদেশ

অমাত্য হওয়াতে ইঙ্গরেজদিগের উপর তাঁহার গভীর অবিশ্বাস ও বিদ্বেষের সঞ্চার হইল, ক্রমে ধূমায়মান বহি প্রজ্জ্বলিত হইয়া উঠিল। সিরাজ কয়েক হাজার সৈন্য লইয়া ৩০ এ মে ইঙ্গরেজদিগের কাশীমবাজারের কুঠী লুণ্ঠ করিলেন। এই সূত্রে ওয়াটস ও ওয়ারেনহেষ্টিংস প্রভৃতি ইঙ্গরেজ কৰ্মচারীরা নবাবের বন্দী হইলেন। নবাব তাঁহাদের সহিত সদ্ব্যবহার করিতে পরাজুথ হন নাই।

সিরাজ উদৌলা ইহার পর কলিকাতায় উপনীত হইলেন। এই সময়ে ডেক সাহেব ইঙ্গরেজদিগের অধ্যক্ষ ছিলেন। তিনি ভয়ে জাহাজে চড়িয়া পলায়ন করিলেন। ইঙ্গরেজদিগের অনেকে তাঁহার অনুগামী হইল। হলওয়েল সাহেব ইঙ্গরেজদিগের অধিনায়ক হইয়া আত্মরক্ষার অনেক চেষ্টা করিলেন। কিন্তু সমুদয় ব্যর্থ হইল। ইঙ্গরেজেরা শেষে নিরুপায় হইয়া আত্মসমর্পণের অভিপ্রায় জানাইলেন। ২০ এ জুন ফোর্ট উইলিয়ম দুর্গ নবাবের অধিকৃত হইল। হলওয়েল প্রভৃতি দৃঢ়বদ্ধ হইয়া নবাবের সম্মুখে আনীত হইলেন। নবাব সৌজন্তের সহিত তাঁহাদের সমুদয় বন্ধন খুলিয়া দিতে অনুরোধ করিলেন। কিন্তু বন্দীদের অদৃষ্ট প্রসন্ন হইল না। সেই রাত্রিতে যাহার উপর বন্দীদের রক্ষার ভার ছিল, সে ফোর্ট উইলিয়ম দুর্গের একটি অপ্রশস্ত ক্ষুদ্র গৃহে সকলকে আবদ্ধ করিয়া রাখিল। ঐ ক্ষুদ্র গৃহ আঠার বর্গ ফীট পরিমিত \*। উহাতে লোহার শিক দেওয়া

\* জনকুক নামক একজন ইঙ্গরেজ অধিকৃপের দৈর্ঘ্য ১৮ ফীট ৬ বিস্তার ১৪ ফীট বলিয়া উল্লেখ করিয়াছেন।

দুইটি মাত্র অতি ক্ষুদ্র জানালা ছিল। ইঙ্গরেজেরা দুর্ভুক্ত সৈন্ত-  
দিগকে এই গৃহে আবদ্ধ করিয়া রাখিতেন। ঐ ক্ষুদ্র গৃহ অন্ধ-  
কূপ নামে প্রসিদ্ধ। ইঙ্গরেজেরা এখন আপনাই ২০এ জুন  
রাত্রিতে ঐ কারাগারে আবদ্ধ হইলেন। প্রচণ্ড নির্দােষের  
রাত্রিতে ১৪৬ জন ইঙ্গরেজ এইরূপ সঙ্কীর্ণ গৃহে নিরুদ্ধ হইয়া  
যে রূপ কষ্টে পড়িলেন, তাহা বর্ণনীয় নহে। ভয়ানক ঝড়ি  
অতিবাহিত হইলে দুর্গের দ্বার উন্মুক্ত হইল, তখন দেখা গেল,  
১৪৬ জনের মধ্যে ২৩ জন মাত্র কঙ্কালাবশিষ্ট, ক্ষীণকান্তি লোক  
জীবিত রহিয়াছে। নবাবের অজ্ঞাতসারে এই শোচনীয় কাণ্ড  
ঘটিয়াছিল, সুতরাং নবাব ইহার জন্ত দোষী হইতে পারেন না।

**ক্লাইব ও ওয়াটসন্।**—এই শোচনীয় সংবাদ মাদ্রাজে  
পহুছিল। ক্লাইব ১০০০ ইউরোপীয় ও ১,৫০০ গিপাহি সৈন্ত,  
এবং এডমিরাল (রণতরীর অধ্যক্ষ) ওয়াটসন্ পাঁচ খানি যুদ্ধ-  
জাহাজ লইয়া অবিলম্বে কলিকাতায় বাত্মা করিলেন। ২০এ  
ডিসেম্বর ইহারা ভাগীরথী নদীতে উপনীত হন। ১৭৫৭ অক্টোবর  
২রা জানুয়ারি কলিকাতা ইহাদের অধিকৃত হয়। নবাব অতঃপর  
সন্ধির প্রস্তাব করেন। ৯ই ফেব্রুয়ারি সন্ধিপত্র স্বাক্ষরিত হয়।  
সন্ধি অনুসারে ইঙ্গরেজেরা আপনাদের পূর্ব্ব অধিকার পুনঃপ্রাপ্ত  
হন, অধিকন্তু কলিকাতায় টাকশালা স্থাপনের অধিকার পান।  
নবাব তাঁহাদের ক্ষতিপূরণ করিয়া দিবার অঙ্গীকার করেন।

**পলাশীর যুদ্ধ, ১৭৫৭।**—সন্ধি স্থাপিত হইলেও সিরাজ  
উদ্দৌলা দীর্ঘকাল বাঙ্গালার সিংহাসনে অধিষ্ঠিত থাকিতে পারি-  
লেন না। শত্রুর চক্রান্তে তাঁহার পতন-কাল আসন্ন হইল।  
মনেক্ষত্রিয়তা ও শাসন-কার্য্যে দক্ষতা না থাকিতে তিনি সকলকে

সমানভাবে সম্বন্ধ করিতে পারেন নাই। তাঁহার আত্মীয় ও বন্ধু-গণ পর্য্যন্তও গোপনে তাঁহার বিরুদ্ধে ষড়যন্ত্র করিতে ক্রটি করিতেন না। মীর জাফর আলি খাঁ নামক এক ব্যক্তি, আলিবর্দি খাঁর হুঁহিতাকে বিবাহ করিয়াছিলেন। নবাবের সৈন্তের অধ্যক্ষতা ইহার উপর সমর্পিত ছিল। এক্ষণে এই সৈন্যাদ্যক্ষ ও ঘনিষ্ঠ আত্মীয় মীরজাফর গোপনে নবাবের বিরুদ্ধে সমুথিত হইলেন। এই সময়ে জগৎশেঠ \* মহাতাপ রায় মুর্ষিদাবাদের দরবারে বিশেষ প্রতিপত্তিশালী ও ক্ষমতাপন্ন ছিলেন। কারবারে তিনি অতুল ঐশ্বর্য্যের অধিকারী হুন। নবাব মহাতাপ রায়কে বণিকদিগের নিকট হইতে তিন কোটী টাকা তুলিয়া দিতে বলেন। মহাতাপ রায় ইহাতে, এই উত্তর করেন যে, এক্ষণে টাকা তুলিতে গেলে অতিশয় অত্যাচার হইবে। নবাব এজন্ত ক্রুদ্ধ হইয়া জগৎশেঠ মহাতাপ রায়ের অপমান করিলেন। মহাতাপ রায় এই অপমান ভুলিতে পারিলেননা। প্রতিহিংসা বৃত্তি চরিতার্থ করিবার জন্ত, অধিকন্তু ইঙ্গরেজদিগের প্ররোচনায় গোপনে তাঁহাদের সহিত গিলিলেন। হতভাগ্য সিরাজ উদ্দৌলার কপালভাঙ্গিবার উপক্রম হইল। ইহার মধ্যে ইউরোপে ফরাসীদিগের সহিত ইঙ্গরেজদিগের বিরোধ উপস্থিত

\* জগৎশেঠ ব্যক্তি বিশেষের নাম নহে। ইহা একটি উপাধি। মুসলমানদিগের শাসন-সময়ে শ্রেণ্যগণ বাণিজ্যব্যবসায়ী ও ধনরক্ষক ছিলেন। ক্রমে কারবারে ইহাদের বিশেষ উন্নতি হয়, এবং ইহারা ধনে মানে প্রতিপত্তিশালী হইয়া উঠেন। তাহাট ফররোখস্যের এই শ্রেণ্যবংশীয় কতে চাঁদকে জগৎশেঠ উপাধি দেন। এই অবধি “জগৎশেঠ” উপাধি শেঠদিগের বংশানুগত হয়। উপস্থিত সময়ে কতেচাঁদের জ্যেষ্ঠ পুত্র মহাতাপ রায় “জগৎশেঠ” এবং কনিষ্ঠ পুত্র স্বরূপচাঁদ “মহারাজ” উপাধির অধিকারী ছিলেন।

হওয়াতে ক্লাইব ফরাসীদিগের অধিকৃত 'চন্দননগর' আক্রমণ ও অধিকার করিলেন। সিরাজ উদৌলা দেখিলেন, ইঙ্গরেজেরা তাঁহার অধিকারে 'গোলযোগ আরম্ভ করিতে' উদ্যত হইয়াছে, এজন্ত তিনি সাতিশয় ক্রুদ্ধ হইয়া ফরাসীদিগের পক্ষ অবলম্বন করিলেন। চতুর ক্লাইব ইহাতে নিরস্ত হইলেন না। তিনি ছপ্পের খায় চাতুরী অবলম্বন পূর্বক মীরজাফরকে রাজ্য দিবার অঙ্গীকার করিয়া তাঁহাকে নবাবের প্রতিদ্বন্দী করিয়া তুলিলেন। এদিকে জগৎশেঠ মহাতাপ রায় এবং নবাবের কোষাধ্যক্ষ রায় দুর্ভভ প্রভৃতি ক্লাইবের বিশেষ সহায়তা করিতে লাগিলেন। জগৎশেঠের গৃহে সিরাজ উদৌলার পদচ্যুতির যড়যন্ত্র হইতে লাগিল। জগৎশেঠের প্রদত্ত অর্থে ইঙ্গরেজদিগের বল দ্বিগুণ হইয়া উঠিল। অনন্তর স্থির হইল, ইঙ্গরেজদিগের সাহায্যে মীরজাফর নবাব হইলে পুরস্কারস্বরূপ তাঁহাদিগকে অনেক টাকা দিবেন, আর ক্লাইব যখন নবাবের বিরুদ্ধে যুদ্ধক্ষেত্রে উপস্থিত হইবেন, তখন মীরজাফর আপনার সমস্ত সৈন্য লইয়া তাঁহার সহিত যুগ্মিবে। এইরূপে সমুদয়ের বন্দোবস্ত হইলে, উমীচাঁদ নামক একজন সম্পত্তিশালী ব্যবসায়ী গোলযোগের সূত্রপাত করিলেন। তিনি কহিলেন, প্রতিজ্ঞাপত্রে তাঁহাকে ১০ লক্ষ টাকা দিবার কথা না থাকিলে তিনি সমুদয় বিষয় নবাবের নিকট প্রকাশ করিয়া কেলিবেন। অচতুর ক্লাইব ইহাতে চিন্তিত হইলেন না। তিনি মোহিত ও শ্বেত স্বর্ণের ছই খানি প্রতিজ্ঞাপত্র প্রস্তুত করিলেন। প্রথম খানিতে উমীচাঁদকে নির্দিষ্ট টাকা দিবার বিষয় উল্লেখ করা হইল, দ্বিতীয় খানিতে উহার কিছুই উল্লেখ থাকিল না। কিন্তু ওয়াটসন্ সাহেব এই মিথ্যা পত্রে

স্বাক্ষর করিতে অসম্মত হইলেন। ক্লাইব কিছুই অর্দ্ধসম্পন্ন রাখিবার লোক ছিলেন না। তিনি ওয়াটসনের নাম জাল করিলেন। অতঃপর এই মিথ্যা পত্র উমীচাঁদকে দেখান হইল। উমীচাঁদ সন্তুষ্ট হইলেন, ষড়যন্ত্রের বিষয় কিছুই প্রকাশ করিলেন না। এই ষড়যন্ত্রের ফল বিখ্যাত পলাশীর যুদ্ধ।

পলাশী কলিকাতা হইতে প্রায় ৭০ মাইল উত্তরে অবস্থিত। ইহার যে প্রশস্ত ক্ষেত্রে যুদ্ধ হয়, তাহা ৮০০ গজ দীর্ঘ ও ৩০০ গজ বিস্তৃত আত্র-কাননে শোভিত ছিল। ক্লাইব ১,১০০ ইউরোপীয় ২,১০০ সিপাহি সৈন্য এবং ৮টি কামান লইয়া এই আত্র-কাননে উপনীত হইলেন। নবাবের পক্ষে ৩৫,০০০ পদাতিক, ১৫,০০০ অশ্বরোহী ও ৫৩টি কামান ছিল। ২৩এ জুন ক্লাইব অকুতোভয়ে আপনার সৈন্য পরিচালনা করিলেন। মীরমদন ও মোহনলাল নামক নবাবের দুই জন বাঙ্গালী সেনাপতির সহিত ক্লাইবের যুদ্ধ আরম্ভ হইল। যুদ্ধে মীর মদন প্রাণত্যাগ করিলেন। ইহাতে নবাব মীরজাফরকে যুদ্ধস্থলে যাইতে কহিলে মীরজাফর চাতুরী খেলিয়া নবাবের নিকট সেদিন যুদ্ধ বন্ধ রাখিবার প্রস্তাব করিলেন। অদূরদর্শী সিরাজউদ্দৌলা বিশ্বাসঘাতকের চক্রান্ত বুঝিতে পারিলেন না, অস্মানভাবে যুদ্ধ বন্ধ রাখিবার আদেশ দিলেন। সেনাপতি মোহনলাল ঘোরতর যুদ্ধে ক্লাইবকে ব্যতিব্যস্ত করিয়া তুলিয়াছিলেন, নবাবের আদেশ পাইয়া নিতান্ত অনিচ্ছাপূর্বক যুদ্ধ বিরত হইলেন। যুদ্ধে সেনাপতিকে অকস্মাৎ বিরত দেখিয়া, সৈন্যগণ ছত্রভঙ্গ হইয়া পড়িল, মীরজাফরের বিশ্বাসঘাতকতায় ক্লাইব জয়ী হইলেন। সিরাজউদ্দৌলা ফকীরের বেশে পলায়ন করিলেন। কিস্তি ঠাঁহাঙ্ক

অব্যাহতি লাভ হইল না । রাজমহলে ধরণী পড়িয়া তিনি মুর্ষিদাবাদে আনীত হইলেন । এই খানে মীরজাফরের পুত্র মীরণের আদেশে তাঁহার প্রাণবায়ুর অবসান হইল ।

মীরজাফর, ১৭৫৭।—এইরূপে হতভাগ্য সিরাজউদ্দৌলার পতন হইল । ক্লাইব ২৫এ জুন মুর্ষিদাবাদে আসিয়া মীরজাফরকে বাঙ্গালা, বিহার ও উড়িষ্যার নবাবী দিলেন । পূরদিন প্রতিশ্রুত টাকা দেওয়ার কথা উত্থাপিত হইল । যে জগৎশেঠের গৃহে সিরাজউদ্দৌলার পদচ্যুতির জন্ত ষড়যন্ত্র হইয়াছিল, এখন তাঁহারই গৃহে ষড়যন্ত্রকারিগণের প্রাপ্য বিষয়ের মীমাংসা হইয়া গেল । ড্রেক ও কর্নেল ক্লাইব প্রত্যেকে ২,৮০,০০০ টাকা এবং ওয়াটস, বেকার ও মেজর কিলপাট্রিক সাহেব প্রত্যেকে ২,৪০,০০০ টাকা পাইলেন । ক্লাইব নূতন নবাবের নিকট আবার ১,৬০,০০০ টাকা উপহার লইলেন । এতদ্ব্যতীত ইঙ্গরেজ কোম্পানিকে ১৮,০০০,০০০ টাকা, কলিকাতা অক্রিমণ সময়ে অনেকের ক্ষতি হওয়াতে কলিকাতার ইউরোপীয় অধিবাসীদিগকে ৫০,০০,০০০ টাকা, কলিকাতার অন্যান্য অধিবাসীকে ২০,০০,০০০ টাকা, আশ্রয়ীদিগকে ৫,০০,০০০ টাকা এবং সৈন্যদিগকে পারিতোষিক স্বরূপ ৫০,০০,০০০ টাকা দেওয়ার প্রস্তাব হইল । কিন্তু মুর্ষিদাবাদের ধনাগারে অধিক টাকা ছিল না ; কোষাধ্যক্ষ সমুদয়ের টাকা দিতে অসমর্থ হইলেন । অনন্তর বহু তর্কবিতর্কের পর নির্দিষ্ট সংখ্যার অর্দ্ধাংশ দেওয়া স্থির হইল । নূতন নবাব নগদ টাকা এবং পাঁচ লক্ষ টাকার মুনি মুক্তা প্রভৃতি দিয়া হিসাব পরিস্কার করিয়া ফেলিলেন । এই জগৎশেঠের গৃহেই স্বৈত ও লৌহিতবর্ণ প্রতিজ্ঞাপত্রের

বর্ষ উদ্ভেদ হইল। উমীচাঁদ প্রতারকের চাতুরীতে হতজ্ঞান হইয়া পড়িলেন। আর তিনি জীবিত কালের মধ্যে প্রকৃতিস্থ হইতে পারিলেন না। এইরূপ প্রতারণা ক্লাইরের চরিত্রের একটি কলঙ্ক স্বরূপ রহিয়াছে।

চব্বিশ পরগণার স্বত্ব লাভ, ১৭৫৭।—মীরজাফর অতঃপর কোম্পানিকে কলিকাতার চতুঃপার্শ্ববর্তী সমস্ত ভূভাগের জমিদারী স্বত্ব সমর্পণ করেন। এই ভূভাগ এখন চব্বিশ-পরগণা নামে আখ্যাত হইতেছে। ইহার পরিমাণ ৮৮২ বর্গ মাইল।

ক্লাইবের বাঙ্গালার শাসনকর্তৃত্ব গ্রহণ, ১৭৫৮।—এই অবধি মুর্শিদাবাদের নবাবদিগের স্বাধীনতা বিলুপ্ত এবং বাঙ্গালার ইঙ্গরেজদিগের আধিপত্য বদ্ধমূল হইল। বিলাতের ডিরেক্টর সভা ক্লাইবকে বাঙ্গালার শাসনকর্তার পদে নিযুক্ত করিলেন। এই সময়ে দিল্লীর সম্রাট দ্বিতীয় আলমগীরের কোনও ক্ষমতা ছিল না। তিনি স্বীয় মন্ত্রী গাজীউদ্দিনের একান্ত আশ্রয় ছিলেন। সম্রাটের জ্যেষ্ঠ পুত্র আলি গোহর অযোধ্যায় সুবাদারের সহিত সম্মিলিত হইয়া আফগান ও মরহাট্টা সৈন্তের সহিত বাঙ্গালায় আপনার প্রাধাত্য স্থাপনের জন্ত আসিতে ছিলেন, দক্ষিণপথে লালী ও বুসীর জন্ত ফরসীদিগের ক্ষমতা বাড়িয়া উঠিয়াছিল। কিন্তু ক্লাইব উভয় দিক ফরসী উপযুক্ত পাত্র ছিলেন। আলি গোহরের সৈন্ত পাটনায় উপস্থিত হইলে তৎকালীন শাসনকর্তা রামনারায়ণ নগররক্ষার বিশেষ যত্নবশত করেন। এদিকে ক্লাইব ৪৫০ জন ইউরোপীয় ও ২,৫০০ সিপাহী সৈন্তের সহিত 'আর্মি' উপস্থিত হইলে, মৌগলুরা



পলায়ন করে ( ১৭৫৯ )। এই কার্যের পুরস্কার স্বরূপ মীরজাফর ক্লাইবকে বার্ষিক ৩ লক্ষ টাকা আয়ের জাইগীর দান করেন। এই বৎসর ক্লাইব কর্ণেল ফোর্ডের অধীনে দক্ষিণাপথে এক দল সৈন্য পাঠাইয়া দেন। ফোর্ড মছলীপট্টন অধিকার পূর্বক উত্তর সরকারে ইঙ্গরেজদিগের প্রাধাত্য স্থাপন করেন। এদিকে ওলন্দাজেরা ক্রমে আপনাদের বণ্য সংগ্রহ করিতেছিল, পাছে ইহারা আপনাদের প্রুতিদ্বন্দী হইয়া উঠে, এই আশঙ্কায় ক্লাইব তাহাদিগকে আক্রমণ করেন। ওলন্দাজেরা জলে ও স্থলে পরাজিত হইয়া, ইঙ্গরেজদিগের ক্ষমতার নিকট মস্তক অবনত করে।

বঙ্গালার গোলযোগ, ১৭৬০-১৭৬৪ ।—ক্লাইব ১৭৬০ হইতে ১৭৬৫ অব্দ পর্যন্ত ইঙ্গলণ্ডে অবস্থিতি করেন। এই থানে তিনি আদরের সহিত পরিগ্রহীত হইয়া “লর্ড” উপাধি প্রাপ্ত হন। বঙ্গালায় বাঙ্গিটার্ট সাহেব ক্লাইবের কার্যভার গ্রহণ করেন। এই সময়ে বঙ্গালার শাসন-কার্য সুস্থ ছিল না। কোম্পানির কর্মচারীরা সাতিশয় উৎকোচ-গ্রাহী ও অর্থলোভী ছিলেন। নূতন নবাব মীরজাফর তাহাদের অর্থ-লালসা পরিতৃপ্ত করিতে পারিলেন না। এজন্ত তিনি পদচ্যুত হইলেন। তদীয় জামাতা মীরকাসেমকে নবাব করা হইল। মীরকাসেম এই কার্যের পুরস্কার স্বরূপ কোম্পানিকে বর্ধমান, মেদিনীপুর ও চট্টগ্রাম, এই তিন জেলার অধিকার দিলেন।

ইহান্ন মধ্যে দ্বিতীয় আলমগীর তদীয় মুন্সী গাজীউদ্দীন কর্তৃক নিহত হইলে আলিগোহর “শাহ আলম” নাম পরিগ্রহ পূর্বক আপনাকে সম্রাট বলিয়া ঘোষণা করিয়া, বহুসংখ্য

সৈন্তের সহিত আবার পাটনায় উপস্থিত হন। কর্ণেল কলিয়ড যুদ্ধে ইহাকে সম্পূর্ণরূপে পরাজিত করেন। (১৭৬০, ২০ এ ফেব্রুয়ারি)। এই পরাজয়ের পর মোগলেরা মুর্শিদাবাদের দিকে অগ্রসর হয়, কিন্তু ইঙ্গরেজ সৈন্ত নগররক্ষায় প্রস্তুত আছে দেখিয়া, আবার পাটনায় ফিরিয়া আইসে। কর্ণেল কলিয়ড কাপ্তেন নক্সকে পাটনারক্ষার্থ পাঠাইয়া দেন। নক্স পাটনায় উপস্থিত হইয়াই মোগলদিগকে আক্রমণ করেন। এবারেও মোগলেরা পরাজিত হয়। এই সময়ে পূর্ণীয়ার নবাব ৩০,০০০ সৈন্তের সহিত পাটনার অপর পারে আসিয়া ইঙ্গরেজ সৈন্ত নষ্ট করিবার চেষ্টা করেন। সাহসী নক্স ৭০০ মাত্র সৈন্তের সহিত অকুতোভয়ে নদী পার হইয়া বিপক্ষের সৈন্তদল আক্রমণ করেন। ছয় ঘণ্টা কাল অবিশ্রান্ত যুদ্ধের পর বিপক্ষেরা ছত্রভঙ্গ হইয়া পলায়ন করে। নক্স বিজয়ী হন (১৭৬০)।

পর বৎসর পানিপথের তৃতীয় যুদ্ধে মরহাট্টাগণ সম্পূর্ণরূপে পরাজিত ও ছিন্ন ভিন্ন হইয়া যায়। আহম্মদ শাহ বিজয়ী হইয়া মহাসমারোহে দিল্লীতে উপস্থিত হন। এই যুদ্ধের পর মরহাট্টাদেগের পরাক্রম খর্ব হয়। প্রতাপাবৃত্ত মোগল-সাম্রাজ্য বিধ্বস্ত হইয়া যায় \* ।

মীরকাসেমের সহিত বিবাদ, ১৭৬৩।—মীরকাসেম সাতিশয় ক্ষমতাপন্ন, কার্যকুশল ও তেজস্বী ছিলেন। তিনি ইঙ্গরেজ কর্মচারিগণের অনুচিত অর্থলোভ ও অত্যাচারণ দেখিয়া ক্ষুব্ধ হইলেন এবং তাহাদের নিকট হইতে দূরে

\* ভারতের ইতিহাসে মুসলমান-রাজত্বের শেষ অংশে এই যুদ্ধের বিবরণ বিবৃত হইয়াছে।

থাকিবার ইচ্ছা করিয়া, মুঙ্গেরে আসিয়া রাজধানী স্থাপন করিলেন। এইখানে তাঁহার সৈন্যগণ ইউরোপীয় প্রণালী অনুসারে শিক্ষিত হইতে লাগিল। কিন্তু মীরকাসেম দীর্ঘকাল রাজত্ব-স্বখ ভোগ করিতে পারিলেন না। অবিলম্বে ইঙ্গরেজদিগের সহিত তাঁহার বিবাদ উপস্থিত হইল। এই সময়ে কোম্পানির কর্মচারিগণের বেতন বড় অল্প ছিল। কোম্পানির মেম্বরেরাও মাসে তিন শত টাকার অধিক পাইতেন না। প্রধান সৈন্যধ্যক্ষদিগকেও কখন কখন তৈলাভাবে অন্ধকার-গৃহে সামান্য রজু-খট্টায় ভঁইয়া থাকিতে হইত। এ জন্য অনেক কর্মচারী কোম্পানীর অস্থমতি লইয়া আপন আপন অর্থ বিনিয়োগ দ্বারা ব্যবসায় চালাইত। শেষে এই সকল ব্যবসায়ী একটি গঠিত উপায় অবলম্বন করে। দিল্লীর বাদশাহ ও বাংলার নবাবদিগের সনন্দ অনুসারে কোম্পানিকে বাণিজ্যদ্রব্যের আমদানি রপ্তানির জন্য কোনরূপ শুল্ক দিতে হইত না। কোম্পানির কর্মচারীরাও অতঃপর কোম্পানির নাম করিয়া, আপনাদের বাণিজ্য-দ্রব্য বিনাশুল্কে চালাইতে আরম্ভ করিল। ইহারা আপনাদের বাণিজ্যনৌকায় কোম্পানির নিশান তুলিয়া দিয়া, কুত ঘাটে শুল্ক-দান হইতে অব্যাহতি পাইতে লাগিল। ক্রমে দেশীয় বাণিজ্যদিগের কেহ কেহও ঐ অসৎ বৃত্তির অনুকরণ আরম্ভ করিল। মীরকাসেম এ বিষয়ে বাস্টিটার্ট সাহেবকে জানাইলেন। বাস্টিটার্ট এবং কোম্পানির অত্যন্ত মেম্বর ওয়ারেন হেস্টিংস একটা বৃন্দোবস্ত করিবার চেষ্টা পাইয়াছিলেন, কিন্তু তাঁহাদের চেষ্টা ফলবতী হইল না। মীরকাসেম পরিশেষে ক্ষুব্ধ হইয়া বাণিজ্য-দ্রব্যের শুল্ক একবারে উঠাইয়া দিলেন

কিন্তু এতদেশীয় বণিকেরা বিনা শুক্রে বাণিজ্য করিতে পার, ইহা কোম্পানির ইঙ্গরেজ কর্মচারিগণের অভিপ্রেত ছিল না। সুতরাং শুক্রে একবারে উঠিয়া যাওয়াতে তাহারা অসন্তুষ্ট হইল। ক্রমে নবাবের কর্মচারিগণের সহিত তাহাদের বিবাদ হইতে লাগিল। পাটনার কুঠার অধ্যক্ষ এলিস সাহেব সর্বাগ্রে নবাবের বিরুদ্ধে সমুখিত হইলেন। মীরকাসেম নিস্তেজ ছিলেন না। তিনি ইঙ্গরেজদিগের অত্যাচার দেখিয়া, তাহাদের বিরুদ্ধে যুদ্ধ ঘোষণা করিলেন।

● মীরকাসেমের সহিত যুদ্ধ, ১৭৬৪।—যখন প্রকৃত প্রস্তাবে যুদ্ধ আরম্ভ হইল, তখন মীরকাসেম কৃতকার্য হইতে পারিলেন না। গড়িয়া ও উদয়নালার যুদ্ধে তাহার অশিক্ষিত সৈন্যগণ মেজর এডাম কর্তৃক পরাজিত হইল। কাসেম পাটনায় দুই হাজার সিপাহি সৈন্য নষ্ট এবং দুই শত ইঙ্গরেজের প্রাণদণ্ড করিলেন। ইঙ্গরেজদিগের সহিত শেঠদিগের ঘনিষ্ঠ সম্বন্ধ ছিল, এজন্য ঐ সঙ্গে জগৎশেঠ, মহাতাব রায়, মহারাজ স্বরূপচাঁদ এবং রাজা রামনারায়ণ ও রাজবল্লভও মৃত্যুমুখে পতিত হইলেন। এই হত্যা কার্য সম্পাদনের পর মীরকাসেম অযোধ্যার সুবাদার সুজাউদৌলার শরণাপন্ন হইলেন। সুজাউদৌলা দিল্লীর সম্রাট শাহ আলমের সহিত সম্মিলিত হইয়া পাটনায় আসিলেন। পাটনায় ইহাদের পরাজয় হইল। বকসারে মেজর মন্রো \* সুজাউদৌলাকে পরাজিত করিয়া তাহার প্রতাপ ধ্বংস করিলেন।

সিপাহিদিগের বিদ্রোহ, ১৭৬৪।—এই সময়ে

ইনি অতঃপর স্যার হেক্টর মন্রো নামে আখ্যাত হন।

কোম্পানির সিপাহিদিগের মধ্যে অসন্তোষের সঞ্চার হয়। ৭ বৎসর হইল, বাঙ্গালার সিপাহি সৈন্য সংগঠিত হইয়াছিল। এপর্যন্ত ইহাদের মধ্যে কোনরূপ অসন্তোষের চিহ্ন লক্ষিত হয় নাই। ইহারা অপরিসীম সাহস ও অটল বিশ্বাসের সহিত প্রভুর কার্য সম্পাদন করিয়া আসিতেছিল। এখন ঘটনাবশতঃ প্রভুর কার্যের প্রতি ইহাদের বিরাগ জন্মিল। মীরজাফর নবাব হইয়া, কোম্পানির সৈন্যদিগকে যে টাকা দিতে চাহিয়াছিলেন, তাহা আসিতে বিলম্ব হওয়াতে ইউরোপীয় সৈনিকগণ বিরক্ত হইয়া উঠে। কিন্তু যখন টাকা আসিয়া পঁহুছে তখন সিপাহিরা উহার অংশ হইতে বঞ্চিত হইবে ভাবিয়া, অসন্তুষ্ট হয়। তাহারা ইউরোপীয় সৈন্যের সহিত তুল্য পরাক্রমে ও তুল্য সাহসে কোম্পানির কার্য করিয়াছিল, সুতরাং উহার পুরস্কার তাহারা ইউরোপীয় সৈন্যের সহিত সমানভাবে পাইবার প্রত্যাশী হইয়াছিল। কিন্তু তাহাদের আশা ফলবতী হইল না। ইউরোপীয় সৈন্য-দলের একজন সামান্য সৈনিক যখন ৪০ টাকা পাইল, তখন সিপাহিদিগের অংশে ৭০ টাকার বেশী পড়িল না। সিপাহিরা ইহাতে যার-পর নাই অসন্তুষ্ট হইয়া, ইঙ্গরেজ আফিসরদিগকে আক্রমণ ও অবরোধ করিল এবং দৃঢ়তার সহিত কহিল, তাহারা কখনই কোম্পানির অধীনে কৰ্ম করিবে না। কিন্তু ইঙ্গরেজ সেনাপতি শীঘ্র এ অবাধ্যতার গতি রোধ করিলেন। ছাপরার সৈনিক বিচারালয়ে ২৪ জন সিপাহি-বিরুদ্ধে অপরাধ অভিযুক্ত হইল। ইহাদের দোষ সপ্রমাণ হওয়াতে সেনাপতি মেজর ঘনরো ইহাদিগকে কামানে উদ্ধার দিলেন।

মীরজাফরের পুনরায় নবাবীগ্রহণ।—যখন মীর-  
কাসেমের সহিত ইঙ্গরেজদিগের বিবাদ আরম্ভ হয়, তখন  
ইঙ্গরেজেরা মীরজাফরকে কলিকাতা হইতে আনিয়া মুর্ষিদাবাদের  
সিংহাসনে বসান (১৭৬৩)। এই সময়ে একজন সুদক্ষ বাঙ্গালী  
তঁাহার দেওয়ান হন। ইহার নাম মহারাজ নন্দকুমার রায়।

নন্দকুমার।—মহারাজ নন্দকুমার রায় সাধারণের  
বিশেষ শ্রদ্ধার পাত্র ছিলেন। কেহ কোন বিপদে পড়িলেই  
তঁাহার শরণাগত হইত। বিলাতের ডিরেক্টর সভা পর্য্যন্ত  
তঁাহার কার্য্য-দক্ষতার প্রশংসা করিতেন। কলিকাতার গব-  
র্নর ও কোমিসিলের মেম্বরেরাও অনেক সময়ে তঁাহাকে ভয়  
করিয়া চলিতেন। ফলে মহারাজ নন্দকুমার রায় একজন প্রভূত  
ক্ষমতাপন্ন লোক ছিলেন। ১৭০৫ খ্রীঃ অব্দে এই ক্ষমতাপন্ন  
ব্যক্তির জন্ম হয়। কেহ কেহ কহেন, মুর্ষিদাবাদ জেলার অন্তর্গত  
ভদ্রপুর নন্দকুমারের জন্মস্থান। কিন্তু নন্দকুমার কার্য্যানুরোধে  
প্রায়ই উক্ত জেলার অন্তর্গত কুঞ্জঘাটায় থাকিতেন। তিনি  
রাঢ়ীশ্রেণীর ভরদ্বাজ পোস্ত্রীয় ব্রাহ্মণ। তঁাহার পিতা উচ্চ  
সঙ্গতিপন্ন ছিলেন না। কথিত আছে, একবার মুর্ষিদাবাদ  
অঞ্চলের প্রজারা সাতিশয় অবাধ্য হওয়াতে নন্দকুমার তাহা-  
দিগকে স্তম্ভাসিত করেন। এজন্য নন্দকুমারের বিশেষ প্রতি-  
পত্তি হয়। ক্রমে ১৭৫৭ অব্দে তিনি হুগলীর ফৌজদার হন।  
এই সময়ে জমীদারদিগকে শাসনে রাখা, চোর ডাকাইতিদিগকে  
শাস্তি দেওয়া এবং সৈন্যদিগের তত্ত্বাবধান করা ফৌজদারের  
কার্য্য ছিল। নন্দকুমার এই কার্য্যে ব্যাপৃত থাকিয়া, আপনার  
দক্ষতার পরিচয় দেন। ইহার পর সিরাজউদ্দৌলার অধঃপতন

হয়, মীরজাফর বাঙ্গালার সিংহাসনে আরোহণ করেন। এই সময় হইতে নন্দকুমারের সহিত ইঙ্গরেজদিগের ঘনিষ্ঠতা জন্মে। ইঙ্গরেজেরা নন্দকুমারের সহিত পরামর্শ কুরিয়া, কার্য্য করিতেন। ক্লাইব নন্দকুমারের গুণ-পক্ষপাতী ছিলেন। তিনি অনেক কার্য্যে নন্দকুমারের সাহায্য লইতেন। ক্লাইব স্বদেশে গেলে মীরজাফরের অধোগতি হয়। মীরজাফর নজরবন্দী হইয়া কলিকাতায় থাকেন। এই সময়ে নন্দকুমারও কলিকাতায় থাকিতেন। তিনি অধঃপতিত নবাব মীরজাফরের সাতিশয় প্রিয় পাত্র ছিলেন, মীরজাফরের ভাল করিতে তাঁহার বিশেষ চেষ্টা ছিল। এ জন্ত কোন্সিলের যে সকল মেম্বর মীরজাফরের বিপক্ষ ছিলেন, তাঁহারা নন্দকুমারেরও বিপক্ষ হইয়া উঠেন। গবর্ণর হেনরি বান্সিটার্ট সাহেব নন্দকুমারের উপর এত বিরক্ত হন যে, তিনি একখানি খাতায় নন্দকুমারের সমুদয় দোষের কথা লিখিয়া রাখেন। কিন্তু নন্দকুমার এই সময়ে কি কি গুরুতর অপরাধে অপরাধী ছিলেন, তাহা ইতিহাস-লেখকেরা বলেন নাই। বোধ হয়, বান্সিটার্ট সাহেব নন্দকুমারের সর্বনাশ সাধন জন্ত ঐরূপ করিয়াছিলেন। তিনি যখন স্বদেশে গমন করেন, তখন তাঁহার ভ্রাতা জর্জ বান্সিটার্ট সাহেবকে উক্ত খাতা খানি দিয়া প্রয়োজন হইলে উহা কোন্সিলে এবং ক্লাইবের নিকট উপস্থিত করিতে বলিয়া যান। যাহা হউক, মীরজাফর আবার নবাবী পাইয়া নন্দকুমারকে আপনায় দেওয়ান করেন। এইরূপে নন্দকুমার বাঙ্গালার সর্বময় কর্তা হইয়া, দেওয়ান নন্দকুমার নামে প্রসিদ্ধ হন। রাজস্বের বন্দোবস্তের ভার দেওয়ান নন্দকুমারের হস্তে সমর্পিত ছিল। মীরকাসেমের সময়ে

বাঙ্গালা হইতে ৬৪ লক্ষ টাকা রাজস্ব আদায় হইত। নন্দকুমারের সময়ে বাঙ্গালা হইতে প্রথম বৎসর ৭৬ লক্ষ টাকা এবং দ্বিতীয় বৎসর ৮১ লক্ষ টাকা আদায় হয়।

নজমুদ্দৌলা, ১৭৬৫।—মীরজাফর ব্যাধিগ্রস্ত ছিলেন। তাঁহার বয়স ৭০ বৎসর হইয়াছিল। তিনি দীর্ঘকাল রাজত্ব-স্বথ ভোগ করিতে পারিলেন না। ১৭৬৪ অব্দে তাঁহার মৃত্যু হইল। তৎপুত্র নজমুদ্দৌলা নবাবের পদে প্রতিষ্ঠিত হইলেন।

ক্লাইবের দ্বিতীয়বার রাজ্য-শাসন, ১৭৬৫-১৭৬৭।—

ক্লাইব স্বদেশে যাইয়া ডিরেক্টরসভা কর্তৃক সমাদরে পরি-  
গৃহীত হইয়াছিলেন। কিন্তু তাঁহার সৌভাগ্যে অনেকের  
ঈর্ষার সঞ্চার হইয়াছিল, তৎপ্রযুক্ত অনেকে তাঁহার বিরোধী  
হইয়া উঠিয়াছিলেন। ডিরেক্টরেরা এক সময়ে তাঁহার জাই-  
গীরের খাজানা বন্ধ করিবার আদেশ প্রচার করিতেও ক্রটি  
করেন নাই। শেষে যখন মীরকাসেমের সহিত যুদ্ধের সংবাদ  
ইঙ্গলণ্ডে পৌঁছিল, তখন ডিরেক্টরেরা আবার ক্লাইবকেই  
যথোচিত সম্মানের সহিত কলিকাতার গবর্ণরের পদে নিযুক্ত  
করিয়া এদেশে পাঠাইয়া দিলেন। যুদ্ধ-সংক্রান্ত ও রাজস্ব-  
সংক্রান্ত সমস্ত ক্ষমতা ক্লাইবের হস্তে সমর্পিত হইল।

লর্ড ক্লাইব ১৭৬৫ অব্দের ৩রা মে কলিকাতার উপনীত হইল।  
এখন তিনি বাঙ্গালার গবর্ণর, কোম্পানির সভাপতি এবং প্রধান  
সুন্ন্যাসিত হইয়াছিলেন। স্মৃত্যায় সর্বতোমুখী ক্ষমতা তাঁহার  
হস্তে ছিল। তিনি দেখিলেন, মীরকাসেমের সহিত যুদ্ধ শেষ  
হইয়া গিয়াছে। কিন্তু কোম্পানির কর্মচারীরা, সন্তোষ  
অন্যস্থিত হইয়া উঠিয়াছেন। তাঁহার বিলানী হইয়া



অবলীলায় উৎকোচ গ্রহণ করিতেছেন, এবং অবলীলায় অবৈধ উপায়ে গুপ্ত ব্যবসায় দ্বারা অধপনাদের ধন বৃদ্ধির উপায় দেখিতেছেন। সুতরাং রাজ্য-মধ্যে উৎকোচগ্রহণ, গুপ্ত ব্যবসায়, অমিত ব্যয় অবাধে চলিতেছে। কোম্পানির মেম্বরেরা আপনাদের ভোগ-সুখের তৃপ্তি সাধন জন্ত নূতন নবাব নজমুদ্দৌলার নিকট হইতে প্রায় ২০ লক্ষ টাকার উপহার লইতেও সঙ্কুচিত হন নাই। লর্ড ক্লাইব এই সকল অবৈধ কার্যের গতি রোধ করিতে কৃতসঙ্কল্প হইলেন। তাঁহার সহকারিতার জন্ত, জেনেরল কর্ণাক, বেরলেষ্ট, সামন্স এবং স্কাইন্স এই চারি জন সাহেব লইয়া একটি সমিতি সংগঠিত হইল। ক্লাইব রাজ্যের শৃঙ্খলাবিধান জন্ত ইহাদিগকে সঙ্গে লইয়া, ২৫এ জুন কলিকাতা হইতে উত্তর-পশ্চিমাঞ্চলে যাত্রা করিলেন।

• নবাবের সহিত বন্দোবস্ত, ১৭৬৫।—লর্ড ক্লাইব দুইটি বিষয় আপনার প্রধান কর্তব্য বলিয়া স্থির করিয়াছিলেন, প্রথম, মোগল সম্রাটের নিকট হইতে বাঙ্গালা, বিহার ও উড়িষ্যার দেওয়ানী গ্রহণ, দ্বিতীয়, কোম্পানির কর্মচারীদিগকে সুব্যবস্থিতকরণ। ক্লাইব প্রথম কর্তব্য সাধন করিবার জন্ত উত্তর-পশ্চিম প্রদেশে যাইবার সময় মুর্শিদাবাদ হইয়া যান। এইখানে নবাবের সহিত তাঁহার এইরূপ বন্দোবস্ত হয় যে, রাজ্যরক্ষার সমস্ত ভার ইঙ্গরেজদিগের হস্তে থাকিবে। নবাব বার্ষিক ৫০ লক্ষ টাকা পাইবেন। সমস্ত রাজকর্ম্য পূর্বের ত্রায় নবাবের নামে এতদেশীয় কর্মচারিগণ দ্বারা সম্পন্ন হইবে। বাবিসটান সাহেব দেওয়ান, নন্দকুমারের যে সকল দোষের কথা লিখিয়া গিয়াছিলেন, ক্লাইব তাহা পড়িয়া নন্দকুমারকে শাস্ত

চ্যুত করেন । নন্দকুমারের পরিবর্তে মহম্মদ রেজা খাঁ নবাবের দেওয়ানী হইল ।

বাঙ্গালা, বিহার ও উড়িষ্যার দেওয়ানী লাভ, ১৭৬৫ ।—অনন্তর ক্লাইব এলাহাবাদে গিয়া অযোধ্যায় নবাব স্জাউদ্দৌলা ও সম্রাট্ শাহ আলমকে স্বেথিতে পাইলেন । যুদ্ধে পরাস্ত হইয়া, স্জাউদ্দৌলা হীনবল হইয়াছিলেন, তিনি এলাহাবাদ ও কোরা\* এই দুইটি প্রদেশ সৈমর্পণ পূর্বক ক্লাইবের সহিত সন্ধিস্থাপন করিলেন । ইহার পর ক্লাইব স্জাউদ্দৌলার সমর্পিত প্রদেশদ্বয় সম্রাট্ শাহ আলমকে দিয়া এবং তাঁহাকে বার্ষিক ২৬ লক্ষ টাকা কর দিতে প্রতিশ্রুত হইয়া, তাঁহার নিকট হইতে কোম্পানির নামে বাঙ্গালা, বিহার ও উড়িষ্যার দেওয়ানী লইলেন । সম্রাট্ ২৬এ আগষ্ট এই দেওয়ানীর সনন্দ প্রদান করেন । ভারতে ইঙ্গরেজ-রাজত্বের ইতিহাসে ইহা একটি প্রধান ঘটনা । প্রতীক্ষিত ইঙ্গরেজেরা বাঙ্গালা, বিহার ও উড়িষ্যার আধিপত্য লাভ করিলেন । যাহারা এক সময়ে সামান্য বণিকের বেশে বাঙ্গালায় আসিয়াছিলেন, তাঁহারা এখন আড়াই কোটি লোকের প্রভু হইয়া চারি কোটি টাকা রাজস্বের অধিকারী হইলেন । এতদ্ব্যতীত কোম্পানি কর্ণাটের নবাবের নিকট হইতে যে সকল অধিকার পাইয়াছিলেন, সম্রাট্ তৎসমুদয় মঞ্জুর করিলেন এবং তাঁহাদিগকে উত্তর-সরকারের আধিপত্য দিলেন । ক্লাইব দেওয়ানীর সনন্দ পাইয়া,

\* মুসলমানদিগের রাজত্বকালে কোরা একটি প্রধান স্থান ছিল । এখন ইহা কতেপুর বিভাগের একটি ভগ্নশায়ন নগর ।

সনন্দে উড়িষ্যার উল্লেখ থাকিলেও ইঙ্গরেজেরা ১৮০৩ অব্দে প্রকৃত

মহম্মদ রেঞ্জা খাঁকে বাঙ্গালার এবং রাজা সৈতাব রায়কে বিহারের নায়বে দেওয়ান করিলেন। ইহাদেয় হস্তে সমুদয় কার্যভার সমর্পিত হইল। ১৭৫৬ অব্দে যখন ইঙ্গরেজদিগের পরাজয় ও অন্ধকূপ-হত্যার সংবাদ দেশমধ্যে প্রচারিত হয়, তখন প্রায় সকলেই ভাবিয়াছিল, ইঙ্গরেজেরা আর বাঙ্গালায় প্রভু স্থাপন করিতে পারিবে না। কিন্তু শেষে এ বিশ্বাস অপনীত হইল। অভাবনীয় শক্তির সহিত ইঙ্গরেজেরা আবার বাঙ্গালায় প্রবেশ করিয়া ৯ বৎসরের মধ্যে বহুসংখ্য প্রজার সহিত বহু-বিস্তৃত জনপদের অধিকার লাভ করিলেন। তাহারা এত দিন ইঙ্গরেজদিগকে সামান্য ব্যবসায়ী বলিয়া মনে করিত, তাহারা এখন তাঁহাদিগকে আপনাদের অধিপতি ভাবিয়া, ভয় ও বিশ্বাসের সহিত দেখিতে লাগিল। ক্লাইবের প্রধান কর্তব্য কার্য সাধিত হইল। ইহার পর তিনি কলিকাতায় আসিয়া দ্বিতীয় কর্তব্যসাধনে উদ্যত হইলেন।

ইঙ্গরেজ সৈনিকদিগের অবাধ্যতা, ১৭৬৬।— ইঙ্গরেজ সৈনিকেরা যত দিন যুদ্ধে ব্যাপ্ত থাকিত, তত দিন তাহারা আপনাদের নির্দিষ্ট বেতনের অতিরিক্ত কিছু কিছু টাকা পাইত। উহা “ভাতা” বলিয়া কথিত হইত। শ্রীরজা-ফরের নবাবী সময়ে এই ভাতা দ্বিগুণ হইয়া “ডবল ভাতা” নামে অভিহিত হয়। ইঙ্গরেজ সৈনিকেরা কি যুদ্ধ, কি শান্তি, সকল সময়েই এই “ডবল ভাতা” পাইতে থাকে। ক্লাইব এ

প্রস্তাবে উহার অধিকারী হন। ১৭৬৬ অব্দের ১২ই নবেম্বর ইঙ্গরেজেরা নিজামের নিকট হইতে প্রকৃত প্রস্তাবে উভয় সুরকারের আধিপত্য লাভ করেন।

জাহ্নসারি “ডবল ভাতা” রহিত করিবার আদেশ প্রচার করেন । ইহাতে ইঙ্গরেজ সৈনিকেরা অসন্তুষ্ট হয় এবং সকলে একযোগে কৰ্ম পরিত্যাগ করিবার পরামর্শ করে । সেৱাপতি স্থার রবট ফ্লেচার ক্লাইবকে এই বিষয় জানাইলেন, কিন্তু ক্লাইব বিপদে অভিভূত হইবার লোক ছিলেন না । তিনি বিলক্ষণ দৃঢ়তার সহিত সকলের পদত্যাগপত্র গ্রহণ করিলেন, বিচার জন্ত পদত্যাগকারীদিগকে নৈনিক বিচারালয়ে পাঠাইয়া দিলেন, এবং মাদ্রাজ হইতে ইঙ্গরেজ সৈনিক অনিবার আদেশ দিলেন । এইরূপ দৃঢ়তা ও কার্য-তৎপরতার গুণে আর কোন গোলযোগ হইল না । এই সময়ে সিপাহিরা ক্লাইবের বিশেষ সহায়তা করিয়াছিল । তাহাদের বিশ্বাস ও তাহাদের প্রভু-ভক্তি অল্পমাত্রও বিচলিত হয় নাই ।

ইঙ্গরেজ কৰ্মচারীদিগের কার্য-প্রণালীর সংস্কার ।—পূর্বে ইঙ্গরেজ কৰ্মচারীরা ধনী লোকদিগের নিকট হইতে উপহার গ্রহণ করিতেন । ক্লাইব এবার এদেশে আসিয়াই এই উপহার গ্রহণ-প্রথা রহিত করেন । এখন তিনি ইঙ্গরেজ কৰ্মচারীদিগের স্থায়ী ব্যবসায়ের গতি রোধ করিতে উদ্যত হইলেন । ইঙ্গরেজ কৰ্মচারীরা বড় অল্প বেতন পাইতেন । ক্লাইব দেখিলেন, যাবৎ তাহারা এইরূপ অল্পহায়ে বেতন পাইবেন, তাবৎ তাহাদের বাণিজ্যপ্রবৃত্তি তিরোহিত হইবে না । তাহাদের ধনাগুমের অল্প কোন উপায় করিয়া দিয়া, উক্তরূপ বাণিজ্য রহিত করা, তিনি উচিত বিবেচনা করিলেন । এজন্য লবণের ব্যবসায় একচেটিয়া করিয়া তাহারা উপস্থিতের কিয়দংশ ইঙ্গরেজ কৰ্মচারীদিগের মধ্যে পক্ষ-মর্যাদা অনুসারে ভাগ করিয়া দিবাম্-

নিয়ম হইল। ইহাতে ইংরেজ কর্মচারীরা আপনাদের ব্যবসায় উঠাইয়া দিতে স্বীকার করিলেন। এই নিয়ম দুই বৎসর মাত্র ছিল। পরে তাঁহাদিগকে রাজস্বের উপর শতকরা কিছু কিছু কমিশন দিবার বন্দোবস্ত হয়।

লর্ড ক্লাইবের কর্মত্যাগ, ১৭৬৭।—এই সকল গুরুতর কার্য সম্পন্ন করিয়া, ক্লাইব ১৭৬৭ অব্দে পীড়িত হইয়া পড়েন। এজ্ঞ তিনি চিকিৎসকদিগের পরামর্শ অনুসারে কর্ম ত্যাগ করিয়া, স্বদেশে যাইতে বাধ্য হন।

স্বদেশে যাইয়া, ক্লাইব স্বস্থে কালাতিপাত করিতে পারেন নাই। যাহাদের জ্ঞান তিনি সময়ে সময়ে অসম্মার্গে অবলম্বন করিয়াও ভারতে একটি বিস্তৃত রাজ্য অধিকার করেন, তাঁহারাই এখন তাঁহার ঘোরতর প্রতিদ্বন্দ্বী হইয়া উঠিলেন। ইন্ডিয়েষ্ট্রেররা ক্লাইবের কার্য-প্রণালীর উপর দোষারোপ করিতে লাগিলেন। এজ্ঞ তাঁহাকে বিস্তর নিগ্রহ সহ করিতে হইল। ক্লাইব ছয় বৎসর কাল এইরূপ মনোহুঃখে অতিবাহিত করিলেন। শেষে তাঁহার কষ্ট অসহ্য হইয়া উঠিল। পলাণীর যুদ্ধ-ক্ষেত্রে ভারতের ব্রিটিশ-সাম্রাজ্যের স্থাপন-কর্ত্তা ১৭৭৪ অব্দে ২২ এ নবেম্বর ৪৯ বৎসর বয়সে আত্মহত্যা করিলেন।

ক্লাইব অনেকদোষ করিয়াছেন। তিনি স্বার্থ-সিদ্ধির উদ্দেশে গোপনে ষড়যন্ত্র করিয়া, অনেকের সর্বনাশ করিতে কাতর হন নাই, অসং উপায়ে নিজের ধনবৃদ্ধি করিতেও ক্রটি করেন নাই, এবং প্রবঞ্চনা করিয়া অপরের স্বার্থ হানি করিতেও পরাজুখ হন নাই। ইতিহাসে এই সকল দোষ গোপন করা হয় নাই। ক্লাইবের ধর্মজ্ঞান প্রশংসনীয় না হইলেও তাঁহার সাহস

ও তাঁহার তেজস্বিতা সকল সময়ে সকলের নিকট প্রকাশিত হইবে । ক্লাইব যখন, ১৭৫৭ অব্দে কলিকাতায় পদার্পণ করেন, তখন ইঙ্গরেজ কোম্পানির কুঠী সকল ভগ্নপ্রায় হইয়াছিল, কর্মচারীরা স্থানান্তরে পলায়ন করিয়াছিলেন, বাঙ্গালার ইঙ্গরেজদিগের প্রাধান্ত প্রায় বিলুপ্ত হইয়া গিয়াছিল । ক্লাইব ১৭৬৭ অব্দে যখন কলিকাতা পরিত্যাগ করেন, তখন বাঙ্গালায় কোম্পানির আধিপত্য বদ্ধমূল হয় এবং কোম্পানি কয়েকটি বিস্তৃত জন পদের হর্তা, কর্তা ও বিধাতা হইয়া উঠেন । ক্লাইব দ্বাবতবর্ষে ব্রিটিশ অধিকারের ভিত্তি স্থাপন করেন, এবং ভারতবর্ষীয়দিগকে ইঙ্গরেজদিগের ক্ষমতা ও প্রাধান্ত দেখাইয়া, চমকিত করিয়া তুলেন । কেহই, তাঁহার সাহস, তেজস্বিতা, দৃঢ়-প্রতিজ্ঞতা ও দূরদর্শিতার অগৌরব করিবে না । লর্ড ক্লাইব মহাবীর ছিলেন বটে, কিন্তু ধর্মজ্ঞান নাথাকাতে মহাপুরুষের সম্মানিত পদে অধিষ্ঠিত হইতে পারেন নাই । যাহা হউক, দ্বাবতবর্ষে দীর্ঘ অসাধারণ পুরুষের আবির্ভাব না হইলে বোধ হয়, ব্রিটিশ সাম্রাজ্যের গোড়া শক্তন হইত না ।

— **বেরেল্‌স্ট ও কার্টিয়ার ।**— ক্লাইব চলিয়া গেলে বেরেল্‌স্ট সাহেব হই বৎসর কাল বাঙ্গালার শাসন-কার্য্য নির্বাহ করেন । ১৭৬৯ অব্দে কার্টিয়ার সাহেব তাঁহার স্থলে বাঙ্গালার গবর্ণর হন । কার্টিয়ার ১৭৭২ অব্দ পর্য্যন্ত শাসন-কার্য্যে ব্যাপৃত ছিলেন । এই সময়ে রাজ্য-শাসন সম্বন্ধে তাঁদৃশ শৃঙ্খলা ছিল না । ক্লাইব এ দেশ পরিত্যাগ করিলে অনেকের আবার অর্থলালসা বলবতী হইয়াছিল, উন্নিবন্ধন অত্যাচার ও অবিচার বৃদ্ধি পাইয়া

ছিল। ইহার উপর একটি ঘোরতর দুর্ঘটনার প্রজ্ঞাসাধারণকে যার পর নাই বিব্রত হইতে হইয়াছিল।

ছিয়াত্তরের মন্বন্তর, ১৭৭০।—১৭৭০ অব্দের গ্রীষ্ম-কালে অনার্বষ্টি-প্রযুক্ত মৃত্তিকা শুষ্ক ও কঠিন হইয়া যায়, পুষ্করিণী, সকলও প্রায় জলশূন্য হইয়া পড়ে। কৃষকেরা কৃষিকার্য্যের ব্যাঘাত দেখিয়া দুর্ভাবনা-গ্রস্ত হয়। অবিলম্বে বাঙ্গালার ভয়ঙ্কর দুর্ভিক্ষ ঘটে। এই দুর্ভিক্ষে কলং লোক বিনষ্ট হয়, তাহা স্থম্বরূপে নির্ণীত হয় নাই। অনেকে অনুমান করেন, দেশের প্রায় একতৃতীয়াংশ লোক কালগ্রাসে পতিত হইয়াছিল। অনেকে কহেন, কোম্পানির কর্মচারীরা দেশের সমুদয় চাউল কিনিয়া, আবদ্ধ করিয়া রাখাতে দুর্ভিক্ষ প্রবল হইয়াছিল। ইহারা ঘোরতর দুর্ভিক্ষের সময় এই চাউল কেনা দামের আট, দশ, কোন কোন স্থলে বার গুণ মূল্যে বিক্রয় করিয়াছিলেন। বাঙ্গালা ১১৭৬ সালে এই দুর্ঘটনা হওয়াতে ইহাকে “ছিয়াত্তরের মন্বন্তর” বলে।

দিল্লীতে শাহ আলমের রাজ্যাভিষেক, ১৭৭১।—১৭৭১ অব্দের শেষে পেশবা মধুরাও আপনাদের বিলুপ্ত গৌরবের উদ্ধার জন্ত ৬ লক্ষ মুরহাট্টা সৈন্য ভারতবর্ষের উত্তরাংশে প্রেরণ করেন। এই সৈন্যদল রাজপুতনা দিয়া জাঠদিগের জনপদে আইসে এবং তাহাদের নিকট হইতে কর সংগ্রহ করিয়া, দিল্লীর অভিযুখে অগ্রসর হয়। অহম্মদ শাহ দোররাণী যখন ১৭৫৬ অব্দে দিল্লীতে আইসেন, তখন নজীবউদ্দৌলা নামক একজন রোহিলাকে উক্ত নগরেন্দ্র শাসন কর্তা করিয়াছিলেন। উপস্থিতি সময়ে নজীবউদ্দৌলার পুত্র জাবেতা খাঁর হস্তে দিল্লীর শাসনভার ছিল। শাহ আলম এলাখাবাদে অরহিতি করিতেছিলেন,

পেশবা তাঁহাকে দিল্লীতে আসিয়া পূর্বপুরুষদিগের সিংহাসনে অধিরোহণ করিতে অনুরোধ করিলেন। শাহ আলম এ বিষয় ফলিকাতার গবর্ণর বেরেল্‌ষ্ট সাহেবকে জানাইলে, বেরেল্‌ষ্ট আপনাদের অনিষ্ট হইবে ভাবিয়া, শাহ আলমকে মরহট্টাদের সহিত সম্মিলিত হইতে নিষেধ করিয়া পাঠাইলেন। কিন্তু শাহ আলম ইঙ্গরেজ গবর্ণরের কথা শুনিলেন না। তাঁহার লোভ প্রবল হইল। তিনি পেশবার অনুরোধ রক্ষা করিতে প্রস্তুত হইলেন। ১৭৭১ অব্দের ২৫এ ডিসেম্বর দিল্লীতে মহা সমারোহে শাহ আলমের অভিষেকক্রিয়া সম্পন্ন হইল। পেশবা সম্রাটকে আপনাদের রক্ষাধীনে রাখিতে প্রতিশ্রুত হইলেন।\*

ইহার পর মরহট্টারা রোহিলখণ্ড আক্রমণ পূর্বক জাবেল খাঁকে কারাবদ্ধ করে। তাহারা অযোধ্যা আক্রমণ করিতে ইচ্ছা করিয়াছিল। ইহার মধ্যে পেশবা হঠাৎ তাহাদিগকে আহ্বান করিলেন, সুতরাং তাহার আশ্রয় কোণ স্থলে কোনরূপ উৎপাত না করিয়া দক্ষিণাপথে চলিয়া গেল। ইঙ্গরেজদিগের অধিকৃত জনপদ নিরাপদ হইল।

## চতুর্থ অধ্যায় ।

দক্ষিণাপথের ঘটনা, ১৭৬১-১৭৭১।

নিজাম আলী।—অপ্রসিদ্ধ নিজাম উলমুলকের তৃতীয় পুত্র সলাবৎজঙ্গ করাসী সেনাপতি বুসীর সাহায্যতায় হায়দরাবাদের

\* এইটো বাঙ্গালার ঘটনার মধ্যে পরিগণিত না হইলেও বাঙ্গালার ইঙ্গরেজ গবর্ণরের শাসন-কালে ঘটিয়াছিল বলিয়া উল্লেখ করা গেল।



সিংহাসনে আরোহণ করিয়াছিলেন। ১৭৬১ অব্দে সলাবৎজের কনিষ্ঠ সহোদর নিজামআলী জ্যেষ্ঠকে রাজ্যচ্যুত ও কারারুদ্ধ করিয়া, স্বয়ং সুবাদারী গ্রহণ করেন। নিজাম, আলী এইরূপে হযদরাবাদেঁর নিজাম হইয়া, মহম্মদ আলীকে কর্ণাটের বিধিসম্মত নবাব বলিয়া স্বীকার করিতে অসম্মত হন, এবং ইঙ্গরেজ দিগের সহিত শত্রুতাচরণের চেষ্টা করেন। কিন্তু তাঁহাদের চেষ্টা সফল হয় নাই। ইঙ্গরেজেরা দিল্লীর সম্রাটের নিকট হইতে এই মর্মে এক খানি সনন্দ প্রাপ্ত হন যে, ইঙ্গরেজ কোম্পানির বন্ধু মহম্মদ আলী কর্ণাটের বিধিসম্মত নবাব বলিয়া পরিগণিত হইলেন। কর্ণাটের নবাব অতঃপর দক্ষিণাপথের বর্তমান, কিংবা বি-  
ষাৎ সুবাদারের অধীনে থাকিবেন না। এইরূপে কর্ণাটের নবাব নিজামের হস্তভ্রষ্ট হন।

১৭৬৫ অব্দের ১২ই আগষ্ট লর্ড ক্লাইব সম্রাটের নিকট হইতে কোম্পানির নামে বাঙ্গালা, বিহার ও উড়িষ্যার দেওয়ানী প্রাপ্ত হন। এই দিন সম্রাট উত্তর সরকারের আধিপত্যও ইঙ্গরেজ-দিগকে সমর্পণ করেন।

কিন্তু নিজাম এই সনন্দ অনুসারে কার্য্য করিতে অসম্মত হন। তিনি মাদ্রাজের প্রেসিডেন্টকে এই বলিয়া ভয় দেখান যে, যদি উত্তরসরকার অধিকার করা হয়, তাহা হইলে দক্ষিণাপথের সমস্ত ইঙ্গরেজকে লম্বুলে বিনষ্ট করা হইবে।

নিজামের সহিত সন্ধি, ১৭৬৫।—মাদ্রাজের প্রেসি-  
ডেন্ট ইহাতে কিছু শঙ্কিত হইয়া কর্ণেল কলিয়ডকে হযদরাবাদে পাঠান। ১২ই নবেম্বর নিজামের সহিত ইঙ্গরেজদিগের সন্ধি হয়। এই সন্ধিতে স্থির হয় যে, ইঙ্গরেজেরা নিজামের নিকট হইতে

উত্তরসরকার অর্থাৎ গঙ্গাম, বিশাখাপটন, গোদাবরী ও কৃষ্ণা প্রদেশ গ্রহণ করিয়া, নিজামকে বার্ষিক আট লক্ষ টাকা কর দিবেন, এবং ঐ প্রদেশ রক্ষার্থ যথোপযুক্ত সৈন্য রাখিবেন। আবশ্যক হইলে তাঁহাদিগকে, সৈন্য দ্বারা নিজামের সাহায্য করিতে হইবে।

মাদ্রাজ কোমিশনের সভাপতি যে, বিশেষ বিবেচনা না করিয়া, এইরূপ সন্ধি বন্ধন করিয়াছিলেন, তদ্বিষয়ে সন্দেহ নাই। ইঙ্গরেজেরা দিল্লীর সম্রাটের নিকট হইতে উত্তরসরকার প্রাপ্ত হইয়াছিলেন। উহা অধিকার করিতে সম্রাটের অধীনস্থ কর্মচারী সুবাদারের সহিত সন্ধিবন্ধন যুক্তিসিদ্ধ হয় নাই। ইহাতে সম্রাট অপেক্ষা দক্ষিণাপথের সুবাদারকে প্রধান বলিয়া স্বীকার করা হইয়াছে, এবং মাদ্রাজ কোমিশনের দুর্বলতা প্রকাশ পাইয়াছে।

এই সন্ধির পর মাদ্রাজ গুবর্ণমেন্টকে একটি গুরুতর ঘটনায় বিব্রত হইতে হয়। যখন দৃঢ়প্রতিজ্ঞ ক্লাইব বাঙ্গলায় ধীরে ধীরে ইঙ্গরেজদিগের আধিপত্য বন্ধমূল করিতেছিলেন, তখন ভারতবর্ষের দক্ষিণাংশে অত্র একটি দৃঢ়প্রতিজ্ঞ তেজস্বী পুরুষ ধীরে ধীরে প্রাধান্য স্থাপন করিয়া, আপনার কৃতকার্যতার গৌরবে উন্নত হন। এই দৃঢ়প্রতিজ্ঞ তেজস্বী পুরুষের নাম হায়দর আলী।

হায়দর আলী।—১৭০২সনে হায়দর আলীর জন্ম হয়। হায়দর আলীর পিতা ফতে মহম্মদ মোগল সরকারে সেনাপতিত্ব করিতেন। পঞ্জাবের কোন একটি যুদ্ধে ফতে মহম্মদের মৃত্যু হয়। এই সময়ে হায়দর আলী মোগল সৈন্যের মধ্যে একটি সামান্য চাকরী করিতেন। তাঁহার অবস্থা ভাল ছিল না।

সামান্য চাকরীতে যে আয় হইত, তদ্বারা তিনি অতি সামান্য ভাবে দিনপাত করিতেন। হায়দর আলী ক্ষমতাশূন্য মোগল সম্রাটের কর্ণ ছাড়িয়া, ১৭৫০ অব্দে মহীশূর রাজ্যের সৈনিক-শ্রেণীতে প্রবেশ করেন। মোগল সম্রাটদিগের সর্ময় হইতে, মহীশূর রাজ্য হিন্দুরাজাদিগের শাসনাধীন ছিল। হিন্দু রাজারা প্রায় দুই শত বৎসর ব্যাপিয়া, এই রাজ্য শাসন করিতেছিলেন। উপস্থিত সময়ে, মহীশূরের রাজমন্ত্রী নন্দরাজের হস্তেই সমস্ত ক্ষমতা ছিল। যাহা হউক, মহীশূরের সৈনিক-কার্য্যে হায়দর বিশেষ প্রতিপত্তি লাভ করেন, ক্রমে তাঁহার হস্তে দিনদিন দুর্গের কর্তৃত্ব সমর্পিত হয়। এই সময়ে হায়দর ইচ্ছামত আপনার সৈন্য সংখ্যা বৃদ্ধি করিবার অনুমতি প্রাপ্ত হন। এই অনুমতি অনুসারে তিনি চারি দিক হইতে দস্যু-সেনা সংগ্রহ করিতে থাকেন। সাত বৎসরের মধ্যে তাঁহার অধীনে দশ হাজার সৈন্য হয়। এই রূপে বহুসংখ্য সৈন্যের অধিপতি হইয়া, হায়দর আলী, ১৭৬১ অব্দে মহীশূরের রাজধানী শ্রীরঙ্গপট্টনে উপস্থিত হন এবং তদানীন্তন রাজাকে দূর করিয়া স্বয়ং সিংহাসনে আরোহণ করেন। ক্রমে তাঁহার অসাধারণ বীরত্ব প্রকাশিত হয়, ক্রমে তিনি কৃষ্ণা নদী পর্য্যন্ত আপনার অধিকার বিস্তার করেন। হায়দর আলী লেখা পড়া জানিতেন না। কিন্তু তাঁহার সাহস, চতুরতা ও বীরত্ব অসাধারণ ছিল। তিনি এই অসাধারণ সাহস, চতুরতা ও বীরত্ব বলেই মহীশূরে আপনার অধিপত্য স্থাপনে কৃতকার্য হইয়াছিলেন।

হায়দর আলীর এইরূপ ক্ষমতা ও প্রাধান্য দেখিয়া, নিজাম ও পেশবা শঙ্কিত হইলেন। নিজাম কালবিলম্ব না করিয়া,

মরহাট্টাদের সহযোগে হায়দরের প্রাধাত্য নষ্ট করিবার চেষ্টা করিতে লাগিলেন। ইঙ্গরেজেরাও সন্ধির নিয়ম অনুসারে নিজামের সহিত মিলিত হইলেন। এদিকে মরহাট্টারা কাহারও অপেক্ষা না করিয়া মহীশূর রাজ্যের উত্তরাংশে উপস্থিত হইল। হায়দর আলী বহু অর্থ দিয়া, তাহাদের সহিত সন্ধিবন্ধন করিলেন। নিজামও গোপনে হায়দরের সহিত মিশিলেন। এইরূপে হায়দর একে একে মরহাট্টা ও নিজাম, উভয়কেই হস্তগত করিলেন কিন্তু ইঙ্গরেজেরা ইহাতে নিরস্ত থাকিলেন না। তাহারা হায়দরের প্রাধাত্য সঙ্কোচ করিবার নিমিত্ত যুদ্ধ ঘোষণা করিলেন ( ১৬৬৬ )। এইরূপে মহীশূরের যুদ্ধ আরম্ভ হইল। এই যুদ্ধে ইঙ্গরেজ কোম্পানির বহু অর্থ ও বহু সৈন্য নষ্ট হইয়াছিল।

মহীশূরের প্রথম যুদ্ধ, ১৭৬৭।—চাঙ্গামা নামক স্থানে ইঙ্গরেজ সেনাপতি কর্ণেল স্মিথের সহিত হায়দরের যুদ্ধ হয়। এই যুদ্ধে ইঙ্গরেজেরা জয়লাভ করেন।

নিজামের সহিত দ্বিতীয়বার সন্ধিস্থাপন, ১৭৬৮।—পর বৎসর ইঙ্গরেজদিগের একদল সৈন্য নিজামের রাজ্যে উপস্থিত হওয়াতে নিজাম ভীত হইয়া ইঙ্গরেজদিগের সহিত সন্ধি স্থাপন করেন।

নিজাম ইঙ্গরেজদিগের সহিত সন্মিলিত হইলেও হায়দর কিছুমাত্র ভয়োৎসাহ হইলেন না। তাহার সাহস ও পরাক্রম বাড়িয়া উঠিল। অকুতোভয়ে, বিপুল উৎসাহসহকারে তিনি ইঙ্গরেজ-সৈন্য আক্রমণ করিতে লাগিলেন। অনেক স্থানে তাহার জয়লাভ হইতে লাগিল। ১৭৬৯ অব্দের মার্চ মাসে

হায়দর কৌশলক্রমে কর্ণেল স্মিথকে বহুদূরে লইয়া গিয়া একদল তেজস্বী অশারোহী সৈন্তের সহিত সহসা ফোর্ট সেন্ট জর্জ হুগের সম্মুখে আসিলেন। মাদ্রাজের ইঙ্গরেজেরা তখন প্রাণভয়ে হায়দরের প্রস্তাবিত নিয়মে সন্ধি স্থাপন করিতে সম্মত হইলেন।

হায়দর আলীর সহিত সন্ধি, ১৭৬৯।—এই সন্ধিতে স্থির হইল যে, উভয়পক্ষ উভয়ের যে সমস্ত স্থান অধিকার করিয়াছেন, ভঙ্গলমুদয় উভয়কে প্রত্যর্পণ করিবেন। অধিকন্তু এক পক্ষ কোন রূপে বিপদগ্রস্ত হইলে অপর পক্ষ সেই বিপদ নিবারণে যত্নশীল হইবেন।

হায়দরের মহারাষ্ট্র-রাজ্য আক্রমণ, ১৭৭০।—

ইহার পর হায়দর আলী মহারাষ্ট্র-রাজ্য আক্রমণ করেন। পেশবা মধুরাও যুদ্ধস্থলে বহুসংখ্য সৈন্ত একত্র করিয়া, আক্রমণকারীকে বাধা দিতে উদ্যত হন। হায়দর যুদ্ধে পরাজিত হইয়া রাজধানী শ্রীরঙ্গপট্টনে আগমন পূর্বক পূর্বকৃত সন্ধির নিয়ম অনুসারে ইঙ্গরেজদিগের নিকট সাহায্য প্রার্থনা করেন। এই সময়ে ইঙ্গলণ্ডের কর্তৃপক্ষের আদেশে স্থানীয় জন্ লিঙসে মাদ্রাজের ক্রাফ্ট সুব্যবস্থিত করিবার জন্ত আসিয়াছিলেন। তিনি হায়দরকে পরিত্যাগ করিয়া, মরহাট্টাদিগের সহিত সন্ধি স্থাপন করিতে মাদ্রাজ গৱর্ণমেন্টকে অনুরোধ করিলেন। স্মরণ্য হায়দর ইঙ্গরেজদিগের নিকট কোনরূপ সাহায্য পাইলেন না। তিনি ইহাতে যার-পর-নাই বিরক্ত হইয়া, নগর ৩৬ লক্ষ টাকা এবং বার্ষিক ১৪ লক্ষ টাকা আয়ের ভূ-সম্পত্তি দিতে প্রতিশ্রুত হইয়া, মরহাট্টাদিগের সহিত সন্ধি স্থাপন করিলেন। কিন্তু ইঙ্গ-

রেজদিগের এই বিশ্বাসঘাতকা তাঁহার হৃদয়ে জাগরুক রহিল । হায়দর কোরাণ স্পর্শ পূর্বক শপথ করিলেন যে, তিনি যে কোন উপায়ে হউক, ইঙ্গরেজদিগকে ভারতবর্ষ হইতে দূরীভূত করিতে যথাসক্তি চেষ্টা করিবেন ।

## পঞ্চম অধ্যায় ।

ওয়ারেন হেস্টিংস, ১৭৭২-১৭৮৫ ।

হেস্টিংসের পূর্ব বিবরণ ।—১৭৩২ অব্দে ওয়ারেন হেস্টিংসের জন্ম হয় । স্মতরাং হেস্টিংস ক্লাইব অপেক্ষা সাত বৎসরের ছোট । যাহা হউক, অধ্যয়নে হেস্টিংসের বিশেষ অমুরাগ ছিল । দশ বৎসর বয়সে তিনি ওয়েষ্টমিন্‌স্টার বিদ্যালয়ে প্রবেশ করেন । এই থানে, ইলাইজা ইস্টেপ এবং প্রসিদ্ধ কবি উইলিয়ম কাউপার তাঁহার সহাধ্যায়ী ছিলেন । হেস্টিংস ক্লাইবের ঠায় ধর্ম-মন্দিরের উচ্চ-চূড়ায় বসিয়া থাকিতেন না, কিংবা হ্রস্ব বালকদিগকে একত্র করিয়া, নানাস্থানে উৎপাত করিতেন না । তিনি চৌদ্দ বৎসর বয়সে পরীক্ষায় বিশেষ পারদর্শিতার পরিচয় দেন । ১৭৫০ অব্দে আঠার বৎসর বয়সে হেস্টিংস ইষ্ট ইন্ডিয়া কোম্পানির একজন কেরাণী হইয়া কলিকাতায় পদার্পণ করেন । পলাশীর যুদ্ধের পর, তিনি মুর্ষিদাবাদে যাইয়া মীরজাফরের দরবারে কোম্পানির এজেন্ট হন । ১৭৬১ অব্দে কলিকাতা কোম্পানির মেম্বরের কার্য-ভাষ্য তাঁহার হস্তে সমর্পিত হয় । ইহার তিন বৎসর পরে হেস্টিংস স্বদেশে গমন করেন । তথায় প্রায় ৭ বৎসর থাকিয়া, ১৭৬৯ অব্দে মাদ্রাজ কোম্পানির মেম্বর

হইয়া আবার ভারতবর্ষে আইসেন । ১৭৭২ অব্দে হেষ্টিংস বাঙ্গালার শাসন-কর্তার পদে অধিষ্ঠিত হন ।

বাঙ্গালার অবস্থা ।—ক্লাইব ইঙ্গরেজ কোম্পানির নামে বাঙ্গালা, বিহার ও উড়িষ্যার দেওয়ানী গ্রহণ করিলেও রাজস্ব সংগ্রহ বা শাসন-কার্যের ভার আপনাদের হাতে আনেন নাই । বাঙ্গালা ও বিহারের নায়েব দেওয়ানেরা ঐ সকল কায নবাবের নামে সম্পন্ন করিতেন । সুতরাং কোম্পানি প্রকৃত-প্রস্তাবে দেওয়ান হইলেও প্রথম প্রথম শাসন-কার্যে হস্তক্ষেপ করেন নাই । ক্লাইব এই দ্বিবিধ শাসন-প্রণালীর সৃষ্টি-কর্তা । শেষে এই শাসন-প্রণালীতে অনেক গোলযোগ ঘটিতে লাগিল । ক্লাইব স্বদেশে চলিয়া গেলে এতদেশ এক প্রকার অরাজক হইয়া পড়িয়াছিল । চোর ডাকাইতেরা নানা স্থানে উৎপাত করিয়া বেড়াইত । যাহার কিছুমাত্র ক্ষমতা ছিল, সেই পরের উপর আপনার প্রাধান্ত স্থাপন করিত । রাজা যে, যথানিয়মে রাজ-কার্য্য নির্বাহ করিতেছেন, ইহা তখন প্রজাদিগের মনে ছিল না । ইঙ্গরেজ কর্মচারীরা পূর্বের ছায় উৎকোচ গ্রহণ করিতেন । ভারতবর্ষীয় কর্মচারীরা আত্মীয় স্বজনের মনস্তৃষ্টি সাধনার্থ অনেক ভূমি নিষ্কর করিয়া দিতেন । এতদ্বারা রাজ-স্বের অনেক ক্ষতি হইতে থাকে । আবার ছিয়াত্তরের মনস্তরে দেশের প্রায় এক তৃতীয়াংশ লোকের মৃত্যু হয় । শাসনসংক্রান্ত কর্মচারীরা কিছুতেই ঐ ভয়ঙ্কর অন-কষ্ট নিবারণ করিতে পারেন নাই । এই সকল কারণে রাজস্বের অতিশয় ক্ষতি হয় এবং দেশের যার-পর-নাই দুর্বস্থা ঘটে । এইরূপ দুর্বস্থার সময় ওয়ারেন হেষ্টিংস শাসন-কার্যের ভার গ্রহণ করেন ।

মহম্মদ রেজা খাঁ এবং রাজা সেতাব রায়ের পদচ্যুতি ।—পূর্বে বলা হইয়াছে, মহম্মদ রেজা খাঁ বাঙ্গালার এবং রাজা সেতাব রায়ের বিহারের নায়েব দেওয়ান ছিলেন । রাজ-  
শ্বের অনেক ক্ষতি হওয়াতে হেস্টিংস ইহাদের উপর সন্দেহ করিয়া উভয়কেই কলিকাতায় আনিয়া একপ্রকার বন্দীভাবে রাখিলেন ।  
নায়েব দেওয়ানের পদ উঠাইয়া দেওয়া হইল । মহারাজ নন্দ-  
কুমারের পুত্র রাজা গুরুদাস বাঙ্গালার নবাবের দেওয়ান এবং  
মণিবেগম অপ্রাপ্তবয়স্ক নবাবের রক্ষয়িত্রী হইলেন । এই অবধি  
আব্দার মহারাজ নন্দকুমারের প্রভুত্ব বাড়িল । তাঁহার লোক  
প্রধান প্রধান রাজকার্য্যে নিযুক্ত হইতে লাগিলেন । হেস্টিংস  
পূর্বাধি নন্দকুমারের একান্ত বিরোধী ছিলেন । এখন তিনি  
নন্দকুমার এবং তাঁহার আত্মীয় স্বজনের প্রতি এইরূপ সৌজন্য  
প্রদর্শন করাতে সকলেই বিস্মিত হইলেন । হেস্টিংস এই সময়  
মহারাজ নন্দকুমারের সম্বন্ধে স্কাটল্যান্ডের কহিয়াছিলেন, “নন্দ-  
কুমার যখন মীরজাফরের কর্মচারী ছিলেন, তখন তিনি ইঙ্গরেজ-  
দিগের বিরুদ্ধে কোন কোন কার্য্য করিয়াছিলেন বটে, কিন্তু  
আপনার প্রভু মন্দ করেন নাই । এখন তিনি ইঙ্গরেজ-  
দিগের প্রজা হইলেন, সুতরাং এখন ইঙ্গরেজদিগের প্রতিও  
সেইরূপ প্রভুভক্তি দেখাইবেন ।” হেস্টিংসের এই কথায় মহা-  
রাজ নন্দকুমারের বিশ্বস্ততা ও প্রভুভক্তির পরিচয় পাওয়া  
যাইতেছে ।

মহম্মদ রেজা খাঁ ও সেতাব রায়ের বন্দীভাবে থাকিয়া,  
শেষে অনেক কষ্টে অব্যাহতি পাইলেন ।

রাজস্বস্বাধীন বন্দোবস্ত, ১৭৭২ ।—ইঙ্গরেজ কোম্পানি



১৭৭২ অব্দে বাঙ্গালা, বিহার ও উড়িষ্যার শাসন-ভার স্বহস্তে গ্রহণপূর্বক রাজস্বের সুবন্দোবস্ত করিতে উদ্যত হইলেন। এই সময়ে হেষ্টিংস শাসন-কার্য্য সুশৃঙ্খল করিবার জন্ত কতিপয় নিয়ম প্রণয়ন করেন। এই নিয়ম অনুসারে—

(১) বাঙ্গালা প্রদেশ, চব্বিশ পরগণা, মুর্শিদাবাদ, নদিয়া, যশোহর, বর্ধমান, বীরভূম, মেদিনীপুর, রাজসাহী, দিনাজপুর, রঙ্গপুর, পূর্ণীয়া, ঢাকা, শ্রীহট্ট ও চট্টগ্রাম, এই চৌদ্দ জেলায়, আর বিহার প্রদেশ রামগড়, শাহাবাদ, সারণ ও ত্রিহত, এই চারি জেলায় বিভক্ত হইল।

(২) প্রত্যেক জেলায় এক এক জন ইংরেজ-কর্মচারী রাজস্ব-সংগ্রহের ভার গ্রহণ করিলেন। ইহাদের রাজকীয় উপাধি “কলেক্টর” হইল।

(৩) ধনাগার ও অন্যান্য কার্যালয় মুর্শিদাবাদ হইতে কলিকাতায় উঠিয়া আসিল।

(৪) প্রতি জেলায় এক একটি দেওয়ানী এবং ফৌজদারী বিচারালয় স্থাপিত হইল। কলেক্টরগণ দেওয়ানী আদালতের বিচার-ভার পাইলেন। ফৌজদারী আদালতের বিচার-ভার কানুনী ও মুক্তীর হস্তে সমর্পিত হইল।

(৫) আপীল শুনিবার নিমিত্ত সদর দেওয়ানী ও সদর নিজামত নামক দুইটি প্রধান বিচারালয় প্রতিষ্ঠিত হইল\*। গবর্ণর ও কোমিসিলের মেম্বরগণ সদর দেওয়ানী আদালতের কর্তৃত্ব গ্রহণ করিলেন।

\* এই উভয় আদালতই প্রথমে কলিকাতায় প্রতিষ্ঠিত হয়। শেষে কেবল সদর নিজামত আদালত মুর্শিদাবাদে উঠিয়া যায়। মুসলমান বিচারকগণ এই আদালতের বিচার-কার্য্য নির্বাহ করিতেন।

জ্ঞাপ্তি জেলায় “ফৌজদার” নামক এক একজন কৰ্মচারী নিযুক্ত হইলেন।

এইরূপে হেস্টিংস রাজ্যকীয় কার্য-প্রণালী শৃঙ্খলারদ্ধ করেন। কিন্তু ইহাতেও অত্যাচার-শ্রোত শীঘ্র শীঘ্র নিরুদ্ধ হয় নাই। কলেক্টরগণ অতিরিক্ত হারে কর গ্রহণ করিতে আরম্ভ করেন। তাঁহারা এতদেশের মোকদমা কিছুমাত্র বুঝিতেন না। তাঁহাদের অধীনস্থ কৰ্মচারিগণ ধাধা ইচ্ছা করিতেন, তাহাই হইত। ইহাতে সকল সময় সুবিচার হইত না। অনেক সময়ে কৰ্মচারীরা উৎকোচ গ্রহণ করিয়া, অত্যাচারের পথ প্রশস্ত করিয়া দিতেন। জুভিস্কের উপর এইরূপ অত্যাচার হওয়াতে প্রজারা একবারে অবসন্ন হইয়া পড়ে। ফলে ইঙ্গরেজ-শাসনের প্রথম অবস্থায় প্রজাসাধারণ যার-পর-নাই উৎপীড়িত হইয়াছিল। মুসলমান নবাবদিগের শাসন-সময়েও দেশে এইরূপ অত্যাচার হয় নাই।

**কোম্পানির আয় বৃদ্ধি।**—রাজস্ব-বাটী শৃঙ্খলার সঙ্গে সঙ্গে হেস্টিংস অগাধ উপায়ে কোম্পানির আয় বৃদ্ধি করিবার চেষ্টা করেন। তাঁহার চেষ্টা অনেকাংশে সফল হয়। বঙ্গালার নবাবকে যে বার্ষিক বৃত্তি দেওয়া হইত, হেস্টিংস তাহা কমাইয়া অর্ধেক করেন। ইহাতে প্রায় ১৬,০০,০০০ টাকা বাঁচিয়া যায়। লর্ড ক্লাইব কোরা ও এলাহাবাদ প্রদেশ সম্রাট শাহ আলমকে দিয়াছিলেন, কিন্তু সম্রাট এখন মরহাট্টাদের একান্ত আয়ত্ত হইয়া, তাহাদের ইচ্ছানুসারে কার্য করিতে, হেস্টিংস উক্ত দুই প্রদেশ সম্রাটের নিকট হইতে কাড়িয়া লইয়া, অ্যাক্ট অব সাধারণ নবাবের নিকট বিক্রয় করেন। ইহাতে কোম্পানির ৫০ লক্ষ টাকা লাভ হয়। এতদ্ব্যতীত দিল্লীর সম্রাটকে বার্ষিক যে ২৬

লক্ষ টাকা বৃত্তি দেওয়া হইত, হেষ্টিংস তাহাও বন্ধ করিয়া দেন । এই সকল কার্য্য করিয়া, হেষ্টিংস কোম্পানির আয় বৃদ্ধি করিয়া-  
ছিলেন বটে, কিন্তু আপনার সুনীতির পরিচয় দিতে পারেন  
নাই ।

রোহিলাদিগের সহিত যুদ্ধ, ১৭৭৩-১৭৭৫ ।—  
সম্রাট আওরঙ্গজেবের মৃত্যুর পর যখন রাজ্যমধ্যে নানা প্রকার  
বিশৃঙ্খলার সূত্রপাত হয়, তখন অযোধ্যার নিকটবর্তী রোহিল-  
থণ্ডের অধিবাসীরা স্বাধীনতা অবলম্বন করে । রোহিলারা সুলতান,  
সুগঠিত ও বলবীৰ্য্যশালী । ইহারা সাহসে ও বীরত্বে এক  
সময়ে ইতিহাসে বিশেষ প্রতিপত্তি লাভ করিয়াছিল । মোগল-  
সাম্রাজ্যের অধঃপতন-সময়ে যখন পঞ্জাব হইতে কুমারিকা পর্য্যন্ত  
সর্বত্র অরাজকতা উপস্থিত হয়, তখন তেজস্বী আফগান ভূপতির  
শাসনাদীনে রোহিলথণ্ডের কোন রূপ ছরবস্থা ঘটে নাই ।  
তখনও রোহিলথণ্ড সুখ, শান্তি ও শস্যসম্পত্তিতে শ্রীমস্কর  
ছিল । অযোধ্যার নবাব সুজাউদ্দৌলা এই সমৃদ্ধিপূর্ণ ভূখণ্ডে  
আধিপত্য বিস্তার করিতে উৎসুক হন । রোহিলারা দীর্ঘ  
কাল হইতে আপনাদের স্বাধীনতা রক্ষা করিয়া আসিতেছিল,  
এই স্বাধীনতার উপর হস্তক্ষেপ করিতে সুজাউদ্দৌলার কোনও  
অধিকার ছিল না । কিন্তু সুজাউদ্দৌলা ত্রায়ের উপদেশ গুনি-  
লেন না । তিনি ইঙ্গরেজদিগের সাহায্যে রোহিলথণ্ডে আধি-  
পত্য স্থাপন করিতে যত্নশীল হইলেন । ১৭৭৩ অব্দে বারাণসীতে  
হেষ্টিংসের সহিত নবাবের সাক্ষাৎ হইল । হেষ্টিংস নবাবের  
সাহায্যার্থ এক দল সৈন্য পাঠাইতে সম্মত হইলেন, নবাবও  
ঐ সৈন্যের সমুদয় ব্যয় নির্বাহ করিয়া, ইঙ্গরেজ কোম্পানিকে

৪০ লক্ষ টাকা দিতে অঙ্গীকার করিলেন । যখন লর্ড ক্লাইব অযোধ্যার নবাবের সহিত সন্ধি বন্ধন করেন, তখন নবাব ক্লাইবকে ১০ লক্ষ টাকা উপহার দিতে প্রস্তুত ছিলেন । কিন্তু ক্লাইব ঐ দান গ্রহণ করেন নাই । ক্লাইব যে ১০ লক্ষ টাকা লইতে অঙ্গীকার করিয়াছিলেন, হেস্টিংস অসম্মুচিতচিত্তে নবাবের নিকট হইতে সেই ১০ লক্ষ টাকা গ্রহণ করিয়া, নিরপরাধ রোহিলাদিগের সর্বনাশ সাধনে উদ্যত হইলেন ।

১৭৭৪ অব্দে ইঙ্গরেজদিগের সৈন্য রোহিলখণ্ডে উপস্থিত হইল । রোহিলারা এই বিপদ হইতে আপনাদিগকে রক্ষা করিতে অনেক চেষ্টা করিল, অনেক অর্থ দিতে স্বীকৃত হইল । কিন্তু তাহাদের এইরূপ অনুময় বিনয়ে, এইরূপ কাতরতা প্রকাশে কোন ফল হইল না । রোহিলারা অবশেষে আপনাদের স্বাধীনতার জন্ত প্রাণ দিতে প্রস্তুত হইল । কিন্তু যুদ্ধে তাহারা জয়ী হইতে পারিল না । তাহাদের অনেক সৈন্য নষ্ট হইল, তাহাদের অধ্যক্ষ হাফেজ রহমৎ রণস্থলে প্রাণত্যাগ করিলেন । যুদ্ধের সময় অযোধ্যার নবাব দূরে ছিলেন, এখন রোহিলাদিগকে পরাজিত দেখিয়া, তিনি রোহিলখণ্ডে আসিয়া অশ্রুতপূর্ব্ব সৌরভ্য আরম্ভ করিলেন । সমস্ত জনপদে অবাধে নর-শোণিত স্রোত বহিতে লাগিল, অবাধে সম্পত্তি বিলুপ্ত হইতে লাগিল । এক লক্ষেরও অধিক লোক আপনাদের গৃহ ছাড়িয়া জঙ্গলে পলায়ন করিল । এই ভয়ঙ্কর সময়ে কিছুতেই রোহিলাদিগের অব্যাহতি লাভ হইল না । তাহাদের বাণিজ্য, তাহাদের শস্ত-সম্পত্তি তাহাদের অর্থ, সমস্তই উৎসন্ন হইয়া গেল । হেস্টিংস ৪০ লক্ষ টাকার জন্ত এই অশ্রুতপূর্ব্ব অত্যাচারের কাহিনী নীরবে ধীর-

ভাবে শুনিলেন, অত্যাচারের প্রতিবিধানের জন্ত কোন রূপ চেষ্টা করিলেন না। হ্রস্ব শত্রুর আক্রমণে ভারতবর্ষে একটি সুন্দর জনপদ এইরূপে সৌন্দর্য্য-ব্রষ্ট হইল ; আর এই সুন্দর জনপদের সুশ্রী ও সুগঠিত অধিবাসীরা নিরস্ত্র ও নিপীড়িত হইয়া, কষ্টের একশেষ ভুগিতে লাগিল।

শাসন-সংক্রান্ত ব্যবস্থাপত্র, ১৭৭৩।—কোম্পানির কার্য্য-বিশৃঙ্খলার সংবাদ বিলুপ্তে পড়ছিল। বিলাতের অনেকে এজন্ত যারপরনাই বিরক্ত হইয়া উঠিলেন। পার্লামেন্ট মহাসভায় এ সম্বন্ধে আন্দোলন হইতে লাগিল। এপর্য্যন্ত কোম্পানির অধ্যক্ষেরা ভারতবর্ষ-সংক্রান্ত সমুদয় কার্য্য-নির্ব্বাহ করিয়া আসিতেছিলেন। এখন পার্লামেন্ট ভারতবর্ষের কোন কোন কার্য্য আপনাদের হস্তে রাখিতে ইচ্ছা করিয়া, একটি ব্যবস্থা-পত্র প্রণয়ন করিলেন। এই ব্যবস্থা অনুসারে স্থির হইল যে,—

(১) কলিকাতা গবর্ণর “গবর্ণর জেনেরল” নামে উক্ত হইবেন, তাঁহার সহকারিতার জন্ত একটি কৌন্সিল অর্থাৎ মন্ত্রিসভা সংগঠিত হইবে। মন্ত্রিসভায় চারি জন সভ্য থাকিবেন। গবর্ণর জেনেরলগণ বার্ষিক আড়াই লক্ষ টাকা বেতনে পার্লামেন্ট কর্তৃক নিয়োজিত হইবেন। বাঙ্গালা, মাদ্রাজ ও বোম্বাই প্রেসিডেন্সির ইচ্ছা-বিরোধিত্ব স্থানসমূহে ‘সকৌন্সিল গবর্ণর জেনেরলের কর্তৃত্ব থাকিবে।

(২) গবর্ণর জেনেরল মন্ত্রিসভার সাহায্যে শাসন-কার্য্যের শৃঙ্খলা বিধান জন্ত আইন প্রস্তুত করিতে পারিবেন।

(৩) কলিকাতায় “সুপ্রীম কোর্ট” নামক একটি হিচারালয়

স্থাপিত হইবে। এই বিচারালয়ে একজন প্রধান বিচারপতি এবং তিন জন অধস্তন বিচারপতি থাকিবেন। ইহাদের নিয়োগ সম্বন্ধে কোম্পানির কোন ক্ষমতা থাকিবে না।

(৪) কোম্পানির ভারতবর্ষ-সংক্রান্ত কার্য্য সময়ে সময়ে ইঙ্গলণ্ডের রাজমন্ত্রীর গোচর করিতে হইবে।

হেস্টিংসের ক্ষমতা ও কার্য্য-ক্ষমতার উপর কোম্পানির অধ্যক্ষদিগের আস্থা ছিল। সুতরাং হেস্টিংস ঐ অভিনব ব্যবস্থা অনুসারে ভারতবর্ষের গবর্ণর জেনেরল হইলেন। বারওয়েল, জেনেরল ক্লেবারিং, মেজর মন্সন এবং ফিলিপ্স ফ্রান্সিস, এই চারি জন মন্ত্রিসভার সভ্যের পদ গ্রহণ করিলেন। আর 'হেস্টিংসের' সহাধ্যায়ী স্তার ইলাইজা ইম্পে সুপ্রীম কোর্টের প্রধান বিচারপতির পদে অধিষ্ঠিত হইলেন। মন্ত্রি-সভার সভ্যদিগের মধ্যে বারওয়েল সাহেব পূর্বাধি এদেশে থাকিয়া, কোম্পানির কার্য্য করিতেছিলেন। অবশিষ্ট তিনজন ইঙ্গলণ্ড হইতে নিযুক্ত হইয়া আসিলেন।

মন্ত্রি-সভার অভিনব সভ্যদিগের সহিত হেস্টিংসের বিবাদ, ১৭৭৪-১৭৭৫।—অভিনব কোম্পানির উক্ত তিন জন মেম্বর ১৭৭৪ অব্দে কলিকাতায় পদার্পণ করেন। ইহারা হেস্টিংসের ঘোরতর প্রতিদ্বন্দ্বী ছিলেন। ইহাদের ধারণা ছিল, হেস্টিংস স্মৃতিশয় অত্যাচারী শাসনকর্তা; সুতরাং সকল সময়ে হেস্টিংসকে অপদস্থ করিতেই ইহারা কৃতসঙ্কল্প ছিলেন। ইহারা কোম্পানির সভ্যের পদ গ্রহণ করিয়াই, রোহিলাদিগের সহিত যুদ্ধের কথা তুলিয়া, হেস্টিংসের উপর দোষারোপ করিতে লাগিলেন। হেস্টিংস 'মিডল্টন' নামক কোম্পানির এক জন

কর্শ্চা রীকে অযোধ্যার নবাবের দরবারে এজেন্ট স্বরূপ রাখিয়া-  
ছিলেন, নূতন মেম্বরেরা তাঁহাকে লক্ষ্যে ইহাতে কর্নিকাতায়  
আনিয়া, তৎপদে-ত্রিষ্টো নামক এক জন সাহেবকে নিযুক্ত করি-  
লেন। অযোধ্যার নবাবের সহিত যে বন্দোবস্ত হইয়াছিল,  
মেম্বরেরা সে বন্দোবস্ত পরিত্যাগ করিয়া অভিনব বন্দোবস্তের  
প্রস্তাব করিলেন। ক্লেবারিং, মন্‌গন্ এবং ফ্রান্সিস, তিন জনেই  
এক পক্ষে ছিলেন, স্কুতরাং মল্লি-সভায় তাঁহাদেরই জয়লাভ  
হইল। অভিনব বন্দোবস্ত অনুসারে একদল সৈন্ত নবাবের রাজ্যে  
রীখা হইল, আর নবাব কোম্পানিকে বারাণসী প্রদেশ দিতে  
বাধ্য হইলেন। "এইরূপে হেষ্টিংস অভিনব মেম্বরদিগের কর্নিকট  
অপদস্থ হইতে লাগিলেন। ইহার উপর আর একজন ক্ষমতা-  
শালী লোক হেষ্টিংসের বিরুদ্ধে সমুখিত হইলেন।

—নন্দকুমারের ফাঁসি, ১৭৭৫।—মহারাজ নন্দকুমার  
রায় কোম্পানির নূতন মেম্বরদিগের পক্ষে বাইয়া, হেষ্টিংস যে  
সমস্ত উৎকোচ লইয়াছিলেন, তৎসমুদয় প্রকাশ করিয়া দিতে  
লাগিলেন। ইহাতে কোম্পানি বড় গণ্ডগোল বাধিল। হেষ্টিংস  
বড় বিপদে পড়িলেন। মহারাজ নন্দকুমার যেমন সম্ভ্রান্ত,  
তেমনি ক্ষমতাপন্ন ছিলেন। হেষ্টিংস এই ক্ষমতাপন্ন শত্রুর হস্ত  
হইতে অব্যাহতি লাভের উপায় দেখিতে লাগিলেন। 'কমল  
উদ্দীন খাঁ' নামক এক ব্যক্তি হেষ্টিংসের অগ্নুগ্রহে ও অনুকম্পায়  
অনেক অর্থ সংগ্রহ করিয়াছিল। শেষে বনিবনাও না হও-  
য়াতে একান্ত নন্দকুমারের পক্ষ পরিত্যাগ করে। হেষ্টিংসের  
প্ররোচনায় কমল উদ্দীন নন্দকুমারের নামে হেষ্টিংসের বিরুদ্ধে  
চক্রান্ত করার অভিযোগ উপস্থিত করিল। কিন্তু ইহাতে কোন

কল হইল না। নন্দকুমার সুপ্রীম কোর্টে নির্দোষ বলিয়া প্রতিপন্ন হইলেন। অবশেষে মোহনপ্রসাদ নামক এক ব্যক্তি হেস্টিংসের মনস্তুষ্ট সাধন জন্ত নন্দকুমারের উপর জাল-করণের দোষারোপ করিয়া, মোকদ্দমা উপস্থিত করিল \*। নন্দকুমার সুপ্রীমকোর্টে আনীত হইলেন। এই খানে প্রধান বিচারপতি স্যার ইলাইজা ইম্পে এবং ইন্ডরেজ ও ফিরিন্দী জুরীদিগের সমক্ষে তাঁহার বিচার হইতে লাগিল। জুরীরা নন্দকুমারকে অপরাধী স্থির করিলেন, প্রধান বিচারপতি

\* ১৭৬৯ অব্দে বলাকী দাস শেঠ নামক একজন প্রসিদ্ধ বণিকের পর-লোক প্রাপ্তি হয়। মৃত্যুর পূর্বে বলাকী পরিবারবর্গের রক্ষণাবেক্ষণের ভার পদ্মনোহন দাস নামক একজন আত্মীয়ের উপর সমর্পণ করিয়া মহারাজ নন্দকুমারকে কহেন যে, মহারাজ যেন তাঁহার অবর্তমানে তদীয় স্ত্রী কন্যাদিগের তত্ত্বাবধান করেন। বলাকী একখানি উইল করিয়া যান। তাঁহার লাক্ষ্যপুত্র গঙ্গাবিষ্ণু ও হিন্দুলাল এই উইলের ট্রাস্টী বা তত্ত্বাবধায়ক হন। কোম্পানির নিকট বলাকীর প্রায় দুই লক্ষ টাকা পাওনা ছিল। বলাকীর মৃত্যুর প্রায় ছয় মাস পরে নন্দকুমারের সহায়তায় এই টাকা গুলি আদায় হয়। এজন্য তাঁহার পত্নী কৃতজ্ঞতা প্রকাশার্থ নন্দকুমারের সহিত তাঁহার মৃত স্বামীর সমস্ত দেনা পাওনা অগ্রে পরিশোধ করিতে ইচ্ছা করেন। নন্দকুমার, বলাকী তাঁহার নিকট নগদে ও অলঙ্কারাদিতে যে টাকা ধারিতেন, তাহার কয়েক খানি তমস্ক উপস্থিত করেন। পদ্মনোহন ও গঙ্গাবিষ্ণু এই তমস্ককর্ত্তলি ফিরাইয়া লইয়া তৎপরিবর্তে দেনা শোধ করিয়া ফেলেন। এইগুলির এক খানি, বলাকী অলঙ্কারাদি লইয়া, লিখিয়া দিয়াছিলেন। শেষে এই অলঙ্কারের খতখানি জাল বলিয়া উল্লিখিত হয়। গঙ্গাবিষ্ণুর মোস্তার মোহন প্রসাদ এই জাল মোকদ্দমা উপস্থিত করে। পদ্মনোহন দাস যতদিন জীবিত ছিলেন, ততদিন এসম্বন্ধে কোন কথা উঠে নাই। তাঁহার মৃত্যুর পর অর্থাৎ টাকা দেওয়ার ৪ বৎসর পরে মোকদ্দমা উপস্থিত হয়। তমস্ক খানি প্রকৃত পক্ষে জাল হইলে টাকা দেওয়ার পরে অবশ্যই বলাকীর পক্ষীয় লোকদিগের সন্দেহ হইত। বস্তুতঃ তমস্ক খানি জাল নয়। কেবল হেস্টিংসের চক্রান্তে এই মোকদ্দমা ঘটাইয়াছিল।



অপরোধী প্রাণদণ্ডের আদেশ দিলেন। মহারাজ নন্দ-  
 কুমার ইহাতে কিছুমাত্র অবসন্ন হইলেন না, তাঁহার সাহস  
 ও স্থিরতা পূর্বের আয় অবিচলিত রহিল। তিনি প্রকৃতভাবে  
 অবিচলিত সাহস সহকারে পাকীতে চড়িয়া, ফাঁসি-স্থলে উপনীত  
 হইলেন। বাঙ্গালার অনেক ধনী ও সম্ভ্রান্ত লোক এই স্থলে  
 উপস্থিত ছিলেন। ইঙ্গরেজেরা যে, দেশের প্রভূত সম্পত্তিশালী  
 ও প্রভূত সম্মানাস্পদ বৃদ্ধ ব্রাহ্মণের প্রাণ হরণ করিবে, অকারণে  
 ব্রহ্মহত্যা-পাতকে লিপ্ত হইবে, ইহা তাঁহারা প্রথমে বুঝিতে  
 পারেন নাই। শেষে মহারাজের দেহ যখন ফাঁসি-কাষ্ঠে লম্বমান  
 হইল, তখন সকলের হৃদয়ই কাঁপিয়া উঠিল, সকলে হস্তের  
 আতঙ্কে অভিভূত হইলেন। অনেকে পবিত্র-ভাগীরথীতে অব-  
 গাহন করিয়া, বিষমচিন্তে গৃহে ফিরিয়া গেলেন। এইরূপে ১৭৭৫  
 খ্রিস্টাব্দে বৎসর বয়সে মহারাজ নন্দকুমারের প্রাণ-বায়ুর অব-  
 সান হইল। স্ত্রীর ইলাইজাবেথ এইরূপে আপনার শূর্য্যতন  
 সহাধ্যায়ী ও পরম বন্ধু হেষ্টিংসের উদ্বিগ্ন দূর করিলেন। লর্ড ক্লাইব  
 ওয়াটসনের নাম জাল করিয়া, হতভাগ্য উমীচাঁদকে প্রতারিত  
 করিলেন ও সম্মানের সহিত উচ্চতর পদে অধিরোহিত হইয়াছিলেন।  
 আর হতভাগ্য নন্দকুমার জালকরণ-অপরাধে ফাঁসিকাষ্ঠে প্রাণ-  
 ত্যাগ করিলেন। জাল করিলে যে, প্রাণদণ্ড হয়, তৎকালে এমন  
 কোন আইন ঐদেশে প্রচলিত ছিল না। নন্দকুমারও প্রকৃতি-  
 পক্ষে দোষী ছিলেন না। হেষ্টিংস্ সড়যন্ত্র করিয়া তাঁহার রিক্তে  
 জালকরণের মোকদ্দমা উত্থাপিত করিয়াছিলেন। প্রধান  
 বিচারপতি হেষ্টিংসকে উপস্থিত দায় হইতে মুক্ত করিবার জন্য  
 অকারণে নরহত্যার আদেশ দিয়াছিলেন।

এই ঘটনার পর, কেহই আর হেস্টিংসের বিরুদ্ধে কোনরূপ অভিযোগ উত্থাপন করিতে সাহসী হয় নাই । ফ্রান্সিস প্রভুতি মেম্বরেরা এই ভয়ঙ্কর কাণ্ডে স্তম্ভিত হইয়াছিলেন, তাঁহারা প্রতি বৃন্দীকে সহসা অপদস্থ করিতে পারিলেন না ।

মরহাট্টাদিগের সহিত প্রথম যুদ্ধ, ১৭৭৫-১৭৮২ ।—

১৭৭২ অব্দে পেশবা মধুরাওর মৃত্যু হইলে তদীয় ভ্রাতা নারায়ণ রাও পেশবার পদ গ্রহণ করেন । কিন্তু নারায়ণের পিতৃব্য রাঘবজী ভ্রাতৃপুত্রকে নিহত করিয়া, স্বয়ং পেশবা হইলে নানা-ফর্ণাবিস ও শকরাম বাপ্পু নামক দুই জন বিচক্ষণ রাজ-কর্মচারী নারায়ণের নবজাত শিশুকে দ্বিতীয় মধুরাও নাম দিয়া, পেশবার পদে অভিষিক্ত করেন এবং আপনারা তাঁহার অভিভাবক স্বরূপ হইয়া, রাজ-কার্য্য নির্বাহ করিতে প্রবৃত্ত হন । রাঘবজী এইরূপে সিংহাসন হইতে অপসারিত হইয়া, বোম্বাইস্থিত ইঙ্গরেজ কর্মচারিগণের শরণাগত হন । ১৭৭৫ অব্দের ৬ই মার্চ স্মার্টে ইঙ্গরেজদিগের সহিত রাঘবের এই সন্ধি হয় যে, রাঘব বাণিজ্য করিবার জন্ত ইঙ্গরেজদিগকে সালসিতি ও বাসেন নামক দুইটি স্থান এবং বোম্বাই গবর্ণমেন্টকে বার্ষিক ৭৬ লক্ষ টাকা দিবেন । ইঙ্গরেজেরা রাঘবের সাহায্য করিবেন । এই সন্ধি অনুসারে রাঘবের সাহায্যার্থ কর্ণেল কিটিঙ্গের অধীনে এক দল সৈন্য প্রেরিত হইল । কিটিঙ্গ বরদার নিকটবর্তী আরস্ নামক স্থানে যুদ্ধে জয়ী হইলেন । মরহাট্টারা কামান ফেলিয়া নর্মদার অপর পারে পলায়ন করিল । এদিকে কলিকাতা কোম্পানির অনতিমতে এই যুদ্ধ আরম্ভ হওয়াতে গবর্ণর জেনারল ও কোম্পানির মেম্বরেরা সাক্ষাৎ বিরক্ত হইলেন । হেস্টিংস এই গোলযোগ শীঘ্র

শীঘ্র শেষ করিয়া ফেলিবার ইচ্ছা করিলেন। কিন্তু ফ্রান্সিসের মত অত্যাচারী হইল। ফ্রান্সিস সুরটের সন্ধি একবারে রদ করিবার প্রস্তাব করিলেন। ক্রেবারিং ও মন্সন্ ফ্রান্সিসের পক্ষে থাকিতে কোন্সিলে ফ্রান্সিসের মত বজায় থাকিল। এই মতানুসারে ১৭৭৬ অব্দের ১লা মার্চ পুরন্দর নামক স্থানে পুনর দরবারের অপ্রাপ্তবয়স্ক দ্বিতীয় মধুরাওর অভিভাবকগণের সহিত ইঙ্গরেজদিগের নিম্নলিখিত নিয়মে সন্ধি স্থাপিত হইল :—

(১) ইঙ্গরেজেরা সালসিদ্ধি গ্রহণ করিয়া যুদ্ধস্থল পরিত্যাগ করিবেন। বাসেন মরহাট্টাদিগকে প্রত্যর্পিত হইবে। অধিকন্তু ইঙ্গরেজেরা বার্ষিক ১২ লক্ষ টাকা এবং বরোচের উপস্থিত পাইবেন।

(২) ইঙ্গরেজেরা আর রাঘবজীর পক্ষ অবলম্বন করিবেন না। রাঘব মরহাট্টাদিগের নিকট হইতে বার্ষিক ৩ লক্ষ টাকা বৃত্তি পাইয়া গোদাবরীর অপর তীরস্থ প্রদেশে বাস করিবেন।

কিন্তু ইহাতেও উপস্থিত গোলযোগের অবসান হইল না। বিলাতের ডিরেক্টর-সভা সুরটের সন্ধির অনুমোদন করিয়া, পুরন্দর সন্ধি রদ করিবার আদেশ দিলেন। এই সময়ে কোন্সিলের অগ্রতম সভ্য জেনারেল মন্সনের মৃত্যু হইল। বারওয়েল সাহেব হেষ্টিংসের পক্ষে থাকিতে হেষ্টিংস কোন্সিলে আপনার প্রাধান্য রক্ষা করিবার সুযোগ পাইয়া, সেনাপতি গডার্ডকে মরহাট্টাদিগের জনপদে পাঠাইয়া দিলেন। গডার্ডের পঁহুঁছিবার পূর্বেই রোদ্দাই গবর্নমেন্ট, রাষ্ট্রস্বর্জীকে পেশাবার গদি দিবার ক্ষমতা একদল সৈন্য পাঠাইয়াছিলেন। এই সময়ে সিন্ধিয়া ও হোলকার, উভয়েই অপ্রাপ্তবয়স্ক পেশবার সাহায্য করিতেছিলেন।

মধুজী সিন্ধিয়ার অধীনে, মরহাট্টারা ইঙ্গরেজদিগের সৈন্তদলকে, বর্গম নামক স্থানে একরূপ বতিবাস্ত করিয়া তুলে যে, ইঙ্গরেজ সেনাপতি রাঘবজীকে পরিত্যাগ পূর্বক সমস্ত বিজিত জনপদ মরহাট্টাদিগকে প্রত্যর্পণ করিতে স্বীকার করিয়া, তাহাদের সহিত শ্রীতি স্থাপন করিতে বাধ্য হইলেন (১৭৭৯)। বর্গমে বোম্বাই গবর্ণমেন্টের সৈন্ত এইরূপ নিগৃহীত হইলে সেনাপতি গডার্ড দক্ষিণাপথে প্রবেশ করিয়া অহমদাবাদে হোলকার ও সিন্ধিয়াকে পরাজিত করিলেন (১৭৭৯)। এদিকে মেজর পশ্চাম কর্তৃক সিন্ধিয়ার রাজধানী গোবালিয়র অধিকৃত হইল (১৭৮০)। প্রথমে ইঙ্গরেজদিগের এইরূপ জয়লাভ হইল বটে, কিন্তু শেষে সেনাপতি গডার্ড পূনা আক্রমণ করিতে যাইয়া, হোলকারের সৈন্তকর্তৃক পরাজিত হইলেন। এই সময়ে হায়দর আলী আবার ইঙ্গরেজদিগের বিরুদ্ধে সমুথিত হইয়াছিলেন। ইঙ্গরেজেরা আর যুদ্ধ না করিয়া, ১৭৮২ অব্দের ১৭ই মে মালবাই নামক স্থানে মরহাট্টাদিগের সহিত সন্ধি স্থাপন করিলেন। এই সন্ধিতে স্থির হইল যে,—

(১) পুরন্দর সন্ধির পর ইঙ্গরেজেরা মরহাট্টাদিগের যে সকল জনপদ অধিকার করিয়াছেন, তৎসমুদয় প্রত্যর্পণ করিবেন।

(২) রাঘবজী শত্রুতা পরিত্যাগ পূর্বক মরহাট্টাদিগের নিকট হইতে বার্ষিক ৩ লক্ষ টাকা বৃত্তি লইয়া আপনার মনোনীত স্থানে বাস করিবেন।

মুলবাইর সন্ধিতে রাঘবজী পেশবার পদ হইতে বঞ্চিত হইলেন। নান্নাফর্ণাবিস ও শকরাম বাপ্পু জয়ী হইয়া শাসন-কার্য্য নির্বাহ করিতে লাগিলেন।

• মহীশূরের দ্বিতীয় যুদ্ধ, ১৭৮০-১৭৮৪।—  
 মহীশূরের অধিপতি হায়দর আলী ক্রমেই আপনার অধিকার  
 বাড়াইতেছিলেন। তিনি কুর্গ অধিকার করেন। পেশবা  
 নারায়ণ রাও নিহত হইলে যখন মরহাট্টাদিগের মধ্যে গোলযোগ  
 উপস্থিত হয়, তখন হায়দর, মরহাট্টারা তাঁহার যে সমস্ত প্রদেশ  
 অধিকার করিয়াছিল, তৎসমুদায়ই একে একে হস্তগত করেন।  
 ১৭৭৯ অব্দে ইউরোপে ইঙ্গরেজদিগের সহিত ফরাসীদিগের যুদ্ধ  
 উপস্থিত হইলে ইঙ্গরেজেরা ফরাসীদিগের পুন্ডিচেরী ও মলবার  
 উপকূলস্থিত মাহীনগর আক্রমণ করে। ইঙ্গরেজেরা সুক্লির  
 নিয়ম প্রতিপালন না করাতে হায়দর তাহাদের উপর জাত-  
 ক্রোধ ছিলেন, এবং ফরাসীদিগের পক্ষ অবলম্বন পূর্বক ইঙ্গ-  
 রেজদিগের নির্যাতন করিবার ইচ্ছা করিয়াছিলেন; এক্ষণে  
 ইঙ্গরেজদিগকে ফরাসীদিগের অধিকার আক্রমণ করিতে  
 দেখিয়া, তাঁহার ক্রোধ বৃদ্ধি হইল। ইহার পর ইঙ্গরেজ  
 গবর্ণমেন্ট যখন মরহাট্টাদিগের সহিত যুদ্ধে লিপ্ত হন, তখন  
 হায়দর, নিজাম, পেশবা, হোলকার, সিন্ধিয়া এবং নাগপুরের  
 রঘুজী ভোঁসলার সহিত মিলিয়া, ইঙ্গরেজদিগকে আক্রমণ করি-  
 বার পরামর্শ করেন। হেষ্টিংসের মন্ত্রণাবলে নিজাম এবং নাগ-  
 পুরের রাজা ইঙ্গরেজদিগের পক্ষে আসিলেন। কিন্তু হায়দর  
 নিরস্ত হইলেন না, তিনি ১৭৮০ অব্দের জুলাই মাসে ৮০ হাজার  
 সৈন্য লইয়া, উদ্বল সমুদ্রের ত্রায় কুর্ণাটে প্রবেশ করিলেন।  
 পলিলোর নামক স্থানে কর্ণেল বেল্লির সহিত হায়দরের যুদ্ধ হইল।  
 যুদ্ধে বেল্লির সমস্ত সৈন্য ছিন্ন ভিন্ন হইয়া গেল। বেল্লি হায়দরের  
 কনী হইলেন। হায়দর সমস্ত প্রদেশ উৎসর্গ করিয়া, ক্রমে মাদ্রা-

জের নিকটবর্তী হইলেন। হেস্টিংস একবার সেনাপতি গডার্ডকে মরহাট্টাদিগের জনপথে পাঠাইয়া দক্ষিণাপথে ইঙ্গরেজদিগের প্রাধান্ত রক্ষা করিয়াছিলেন, এখন আবার বন্দিবাসের প্রসিদ্ধ যুদ্ধবীর স্থার আয়ার কুটকে বহুসংখ্য সৈন্ত ও অর্থের সহিত মাদ্রাজে পাঠাইয়া দিলেন। কুট আসিয়া কডালুরের নিকটবর্তী পোর্টনবতে এবং সেলিনগড়ে হায়দরকে পরাজিত কারিলেন, ( ১৭৮১ ) ।

১৭৮২ অব্দের ৬ই ডিসেম্বর ৮০ বৎসর বয়সে হায়দর আলীর মৃত্যু হয়। তাঁহার বিচক্ষণ মন্ত্রী পূর্ণিয়া এই মৃত্যু-সংবাদ প্রথমে সৈন্তাদিগের সমক্ষে প্রকাশ করেন নাই। যাবৎ হায়দরের পুত্র টিপু সাহেব সৈন্তাদিগের অধ্যাক্ষতা গ্রহণ না করেন, তাবৎ পূর্ণিয়া হায়দরের মৃত্যু-সংবাদ গোপনে রাখিয়াছিলেন। যাহা হউক, টিপু অবিলম্বে মহীশূরের শাসনদণ্ড গ্রহণ করিলেন। ১ লক্ষ শিক্ষিত সৈন্ত এখন তাঁহার অধীন হইল। টিপু এই সৈন্ত লইয়া ইঙ্গরেজদিগের মঙ্গলুরের দুর্গ আক্রমণ করেন। সাহসী সেনাপতি কর্ণেল কাম্বেল, ১,৮০০ জন সৈন্তের সহিত ৯ মাসকাল আত্মরক্ষা করিয়া পরিশেষে আহারীয় সামগ্রীর অভাবে আক্রমণকারীর নিকট আত্ম-সমর্পণে বাধ্য হইলেন। টিপু যখন মঙ্গলুর দুর্গের অবরোধ-কার্যে ব্যাপৃত ছিলেন, তখন ইঙ্গরেজ সেনানী কর্ণেল কুর্গনটন পইম্বাট ও কেয়ারম্বাটুর অধিকার করিয়া, মহীশূরের রাজধানী শ্রীরঙ্গপটন আক্রমণ করিতে উদ্যত হন। এই সময়ে মাদ্রাজ কোমিসিলের প্রেসিডেন্ট লর্ড মাকার্টনে টিপুর সহিত সন্ধি স্থাপন করেন। ১৭৮৪ অব্দে মঙ্গলুরে সন্ধিপত্র স্বাক্ষরিত হইয়া উভয় পক্ষ, যুদ্ধের সমুদয় উভয়

পুষ্কের যে সকল স্থান অধিকার করিরাছিলেন, তাহা এই সন্ধি অনুসারে উভয়কে প্রত্যর্পণ করেন।

**প্রতিদ্বন্দ্বীদিগের হস্ত হইতে হেষ্টিংসের নিকৃতি-লাভ ।**—দক্ষিণাপথে শান্তি স্থাপিত হওয়ার সঙ্গে সঙ্গে হেষ্টিংসের গৃহবিবাদেরও অবসান হইল। জেনেরল ক্লেবারিং গবর্ণর জেনেরলের পদের জন্ত বৃথা চেষ্টা করিয়া, শেষে এই দেশেই লোকান্তরিত হইলেন। আর ফিলিপ স্প্যানিস্ প্রতিদ্বন্দ্বী হেষ্টিংসের সহিত দ্বন্দ্ব-যুদ্ধে আহত হইয়া, বিষম চিতে স্বদেশে ফিরিয়া গেলেন। সুতরাং হেষ্টিংসের প্রাধাত্য অক্ষুণ্ণ রহিল। হেষ্টিংস প্রতিদ্বন্দ্বী-শূন্য হইয়া, ইচ্ছানুসারে শাসন-দণ্ড পরিচালনা করিতে লাগিলেন।

বারাণসীর রাজা চেতসিংহের নিকাশন এবং অযোধ্যার বেগমদিগের অর্থাপহরণ ।—হেষ্টিংস এখন নিশ্চিত হইয়া, অর্থ-সংগ্রহে মনোনিবেশ করিলেন। অর্থ-সংগ্রহের সময় তিনি স্থায় অস্থায় বিচার করিলেন না। অপরের সর্বনাশ করিয়াও রাজকোষ পূর্ণ করিতে স্থিরপ্রতিজ্ঞ হইলেন। সর্বাঙ্গে বারাণসীর রাজা চেতসিংহের উপর তাঁহার দৃষ্টি পড়িল। ইঙ্গরেজ গবর্ণমেন্ট ১৭৭৫ অব্দে অযোধ্যার নবাবের নিকট হইতে বারাণসী প্রদেশ পাইলে উহার বার্ষিক কর সাড়ে ২২ লক্ষ টাকা স্থির করেন। বারাণসীর রাজা চেতসিংহ নিয়মিতরূপে ঐ কর দিয়া আসিতেছিলেন। কিন্তু হেষ্টিংস তাঁহাকে নিষিদ্ধি করের উপর পাঁচ লক্ষ টাকা দিতে আদেশ করিলেন। চেতসিংহ তিন বৎসর কায়ে ঐ অতিরিক্ত টাকা দিয়া, শেষে অসামর্থ্য প্রযুক্ত ১৭৮০ অব্দে উহা দিতে অসম্মত হইলেন। হেষ্টিংস

ইহাতে বিরক্তি প্রকাশ করাতে চেতসিংহ একবারে ২০ লক্ষ টাকা দিয়া, অতিরিক্ত টাকা দিবার দায় হইতে নিষ্কৃতি লাভের প্রার্থনা করিলেন। কিন্তু হেস্টিংস ইহাতে সন্তুষ্ট হইলেন না। তিনি ২০ লক্ষের পরিবর্তে ৫০ লক্ষ চাহিলেন। চেতসিংহ নিরুপায় হইলেন। এদিকে হেস্টিংস বারাণসীতে ঘাইয়া নির্দোষ চেতসিংহকে বন্দী করিয়া, তদীয় ভ্রাতৃপুত্রকে বারাণসীর রাজা করিলেন। এই অভিনব রাজার সহিত বার্ষিক ৪০ লক্ষ টাকা হারে কর দেওয়ার বন্দোবস্ত হইল। চেতসিংহের লোকেরা ইহাতে যার-পরনাই ক্রুদ্ধ হইল। কুম্বকেরা কৃষিক্ষেত্র ছাড়িয়া আপনাদের রাজার সাহায্যার্থ অস্ত্রধারণ করিল। এই উত্তেজনার গতি চারি শত মাইল ব্যাপিয়া, সমস্ত জনপদে বিস্তৃত হইল। এইরূপে বারাণসীর সমস্ত অধিবাসীরা একত্র হইয়া আপনাদের অধিপতিকে বন্দিত্ব হইতে বিমুক্ত করিল বটে, কিন্তু ইহার মধ্যে ইঙ্গরেজদিগের সৈন্ত উপস্থিত হওয়াতে চেতসিংহ দেশান্তরে ঘাইতে বাধ্য হইলেন। অর্থকামুক গবর্নর জেনেরলের অত্যাচারে একজন নির্দোষ ব্যক্তিকে এইরূপ দুর্দশাগ্রস্ত হইতে হইল।

হেস্টিংস চেতসিংহের সর্বনাশ করিয়াও নিরস্ত হইলেন না। অর্থের জন্ত আবার অত্র দিকে হস্ত প্রসারণ করিলেন। অযোধ্যার নবাব সুজাউদ্দৌলার মৃত্যু হইলে তাঁহার মাতা ও স্ত্রী অনেক সম্পত্তির অধিকারিণী হন। সুজার পুত্র আসফউদ্দৌলা সাতিশতক অকর্মণ্য ও অব্যবস্থিত চিত্ত ছিলেন। তাঁহার রাজ্যে ইঙ্গরেজ কোম্পানির যে সৈন্ত ছিল, তাঁহার জন্ত তাঁহাকে কোম্পানির নিকট অনেক টাকার ঋণগ্রস্ত হইতে হয়। আসফ



এই ঋণ পরিশোধে অসমর্থ হইয়া গবর্ণর জেনেরলের নিকট পিতামহী ও মাতার সম্পত্তি-হরণের প্রস্তাব করিলেন। এই প্রস্তাব হেষ্টিংসের মনোমত হইল। তিনি নিম্নহুঁর ও নিরপরাধ বেগমদিগের অর্থাপহরণে উদ্যত হইলেন। বেঙ্গমেরা ফৈজাবাদে অবস্থিতি করিতেছিলেন, হেষ্টিংস তাঁহাদের পুরী অবরোধ করিয়া অত্যাচারের পরাকাষ্ঠা দেখাইতে লাগিলেন। ঘোরতর অত্যাচারের পর, হেষ্টিংস তাঁহাদের নিকট হইতে ১ কোটী ২০ লক্ষ টাকা আদায় করিয়া লইলেন।

হেষ্টিংসের পদত্যাগ, ১৭৮৫।—হেষ্টিংসের অত্যাচারের সংবাদ বিলাতে পহছিল। পার্লামেন্ট মহাসভায় অনেকে হেষ্টিংসের উপর দোষারোপ করিতে লাগিলেন। হেষ্টিংসের বন্ধু স্যার ইলাইজা ইম্পের কন্ম গেল। ইম্পে কর্তৃপক্ষের আদেশে বিলাতে উপস্থিত হইলেন। হেষ্টিংস ডিরেক্টর সভার চেষ্ঠায় কিছু কাল স্বপদে প্রতিষ্ঠিত রহিলেন বটে, কিন্তু ১৭৮৫ অব্দে তাঁহার কার্য-কাল শেষ হইল। হেষ্টিংস ঐ বৎসর বসন্ত কালে ভারতবর্ষের গবর্ণর জেনেরলের পদ পরিত্যাগ পূর্বক ইঙ্গলণ্ডে যাত্রা করিলেন।

হেষ্টিংসের চরিত্রে।—লর্ড ক্লাইব ভারতবর্ষে ব্রিটিশ রাজত্বের ভিত্তি স্থাপন করিয়াছেন, ওয়ারেন হেষ্টিংস সেই রাজত্বের শাসন-প্রণালী শৃঙ্খলাবদ্ধ করিয়া গিয়াছেন। হেষ্টিংসের সময়ে রাজস্ব আদায়ের বেকুপ বন্দোবস্ত হয়, সেইরূপ বিচার-বিভাগের কার্য ও সুশৃঙ্খল হইয়া উঠে। ফলে হেষ্টিংস শাসন-কার্যে আপনার বুদ্ধিমত্তা ও দক্ষতা প্রকাশ করিয়াছেন। তিনি দুই বৎসর কাল বাঙ্গালার গবর্ণরী করেন এবং অবশিষ্ট একদশ বৎসর

ভারতবর্ষের গবর্ণর জেনেরলের পদে অধিষ্ঠিত থাকিয়া, সমস্ত ইঙ্গরেজাধিকৃত স্থানে আপনার শাসন-ক্ষমতার পরিচয় দেন। এই সময়ে মরহাট্টাদের সহিত যুদ্ধ শেষ হইয়া যায়, টিপু সুলতান ইঙ্গরেজদিগের সহিত সন্ধি-স্থত্রে আবদ্ধ হন এবং দ্বিবিধ শাসন-প্রণালীর পরিবর্তে তাহা অপেক্ষা উৎকৃষ্টতর শাসন-প্রণালী প্রবর্তিত হয়। কিন্তু হেস্টিংস্ বড় অর্থলোভী ছিলেন। এই লোভ প্রযুক্ত তিনি আপনার চঙ্গিত্র কলঙ্কিত করিয়াছেন। মহারাজ নন্দকুমারের কাঁসিতে, রোহিলাদিগের সহিত যুদ্ধে, চেতসিংহের সর্বনাশে এবং অষোধ্যার বেগমদিগের অর্থাপহরণে, হেস্টিংস্ আপনার বড় দুর্ব্যবহার ও দুরাশয়তার পরিচয় দিয়াছেন। হেস্টিংসের এই অপকর্মের কাহিনী ইতিহাস হইতে কখনও স্থলিত হইবে না।

হেস্টিংসের সময়ে কয়েকটি বিশেষ ঘটনা।—১৭৭২.

অন্ধে জমীদারদিগের সহিত ৫০ বৎসরের জ্ঞাত বর্দ্ধিত হারে খাজানার বন্দোবস্ত হয়। কিন্তু দুর্ভিক্ষ-প্রযুক্ত অনেকে অঙ্গীকৃত হারে খাজানা দিয়া উঠিতে পারেন নাই। অনেকের খাজানা বাকী পড়িয়া যায়। ইহাতে গবর্ণমেন্টকে অনেক পরিমাণে ক্ষতিগ্ৰস্ত হইতে হইয়াছিল। এজ্ঞ ১৭৭৭ অব্দ হইতে জমীদারদিগের সহিত বার্ষিক বন্দোবস্তের নিয়ম হয়। রাজস্ব সংক্রান্ত কার্য-নির্বাহার্থে হেস্টিংস্ ১৭৮১ অব্দে “বোর্ড অব্ রেভিনিউ” নামক একটি সভা স্থাপন করেন। এই সভায় ৪ জন রাজস্ব সংক্রান্ত কর্মচারী নিযুক্ত হন।

হেস্টিংসের সময়ে ডিরেক্টরেরা এইরূপ আদেশ দেন যে, হিন্দু-ব্যবস্থা-শাস্ত্র অনুসারে হিন্দুদের, এবং মুসলমান-ব্যবস্থা-শাস্ত্র

অনুসারে মুসলমানদের বিচার হইবে। তদনুসারে হালহেড্ সাহেব হিন্দু ও মুসলমানদের ব্যবস্থা-শাস্ত্র ইঙ্গরেজীতে অনুবাদ করেন। হালহেড্ সাহেবের রচিত নাসালা ব্যাকরণ উইলকিন্স সাহেবের ক্ষোদিত বাঙ্গালা অক্ষরে প্রথম মুদ্রিত হয়।

১৭৮০ অব্দে কলিকাতায় “হিকিস্ গেজেট” নামক সংবাদ-পত্র প্রথম মুদ্রিত ও প্রকাশিত হয়। মুসলমানদিগের বিদ্যা-শিক্ষার্থ কলিকাতায় যে মাদ্রাসা কালিজ আছে, হেষ্টিংস তাহা প্রতিষ্ঠিত করেন। ১৭৮৪ অব্দে প্রসিদ্ধ ভাষা-তত্ত্ববিৎ স্যার উইলিয়ম জোন্স কর্তৃক “এসিয়াটিক সোসাইটি অব বেঙ্গল” নামক সভা স্থাপিত হয়।

ইণ্ডিয়া রিল, ১৭৮৪ ।—পূর্বে বলা হইয়াছে, যখন বিলাতের পার্লামেন্ট মহাসভা হেষ্টিংসের বিরুদ্ধ পক্ষ অবলম্বন করিয়া তাঁহাকে পদচ্যুত করিবার ইচ্ছা করেন, যখন ডিরেক্টরেরা তাঁহার পক্ষ সমর্থন করিয়াছিলেন। এই সময় হইতে ডিরেক্টরদিগকে শাসনে রাখিতে মহাসভার ইচ্ছা হয়। ১৭৮৩ অব্দে প্রধান রাজ-মন্ত্রী ফক্স সাহেব ভারতবর্ষ-শাসন সম্বন্ধে সমস্ত ক্ষমতা ডিরেক্টরদিগের হাতে হইতে লইয়া, মহাসভার নিয়োজিত কতিপয় ব্যক্তির হাতে দিবার প্রস্তাব করেন। কিন্তু ডিরেক্টরেরা আপনাদের ক্ষমতা অপরের হস্তে দিতে সম্মত হন নাই। তাঁহারা গোলযোগ উপস্থিত করিতে ফক্স সাহেবের প্রস্তাব পরিত্যক্ত হয়। পর রংসর পিট সাহেব ইঙ্গলেণ্ডের প্রধান রাজ-মন্ত্রী হইয়া উপস্থিত বিষয়ে কতিপয় নিয়মের পাণ্ডুলেখা মহাসভাকে উপস্থিত করেন। পিট সাহেবের প্রস্তাব মহাসভায় গ্রহীত হয়। এই প্রস্তাব অনুসারে স্থির হয় যে,—

(১) মন্ত্রিসভার ৬ জন সভ্য লইয়া, “বোর্ড অব কন্ট্রোল” নামক একটি সভা হইবে। ডিরেক্টরেরা বাণিজ্য-সংক্রান্ত সমস্ত কার্য্য করিতে পারিবেন। কিন্তু শাসন-সংক্রান্ত বিষয়ে বোর্ডের পরামর্শ গ্রহণ করিতে হইবে। ডিরেক্টরেরা ভারতবর্ষে যে সকল কাগজপত্র পাঠাইবেন এবং ভারতবর্ষ হইতে যে সকল কাগজপত্র ডিরেক্টরদিগের নামে আসিবে, তৎসমুদায় “বোর্ড অব কন্ট্রোল” সভ্যদিগকে দেখাইতে হইবে। বোর্ড আবশ্যিক মত তৎসমুদায়ের পরিবর্তন বা সংশোধন করিতে পারিবেন।

(২) যে কোন কার্য্য গোপনে করিবার প্রয়োজন হইবে, একটি বিশেষ সমিতি তাহার ভার গ্রহণ করিবেন। এই সমিতির নাম “গুপ্ত সমিতি” হইবে। ডিরেক্টরদিগের মধ্যে ৩ জন এই “গুপ্ত সমিতির” সভ্য হইবেন।

(৩) মাদ্রাজ এবং বোম্বাইয়ের কোন্সিলে তিন জন করিয়া সদস্য থাকিবেন।

পিট সাহেবের প্রস্তাব অনুসারে কার্য্যতঃ সমস্ত ক্ষমতা ডিরেক্টরদিগের হস্ত হইতে স্থলিত হইল। ডিরেক্টরেরা ভারতবর্ষের শাসন-সংক্রান্ত সমস্ত বিষয়েই বোর্ডের অধীন হইয়া রহিলেন।

ইঙ্গলণ্ডে হেষ্টিংসের বিচার, ১৭৮৮-১৭৯৫ ।—  
হেষ্টিংস ১৭৮৫ অব্দের জুন মাসে ইঙ্গলণ্ডে উপনীত হন। তিনি স্বদেশে বাইরা জীবিত কালের অবশিষ্ট অংশ সুখ ও শান্তিতে অতিবাহিত করিতে পারেন নাই। তাঁহার পছন্দিবার কয়েক দিবস পরেই ইঙ্গলণ্ডের সুপ্রসিদ্ধ নাগী বর্ক সাহেব পার্লামেন্ট মহাসভায় তাঁহার বিরুদ্ধে অভিযোগ উপস্থিত করেন। ১৭৮৮

অন্দ্রে লর্ড-সভায় হেষ্টিংসের বিচার আরম্ভ হয়। বর্ক, সেরিডেন, ফক্স সাহেব তাঁহার প্রধান অভিযোক্তা হন। মহারাজ মন্দ-কুমারের ফাঁসি, রোহিলাদিগের সহিত যুদ্ধ, চেতসিংহের সর্বনাশ, অযোধ্যার বেগমদিগের অর্থাপহরণ প্রভৃতির উল্লেখ করিয়া ইহারা সকলেই হেষ্টিংসের উপর গুরুতর দোষের আরোপ করেন। হেষ্টিংসের বিচার ইঙ্গলণ্ডের ইতিহাসে একটি প্রধান ঘটনা। এই উপলক্ষে বর্ক প্রভৃতি যে সাকল বক্তৃতা করেন, তৎসমুদয় ইঙ্গরেজী ভাষার সর্বপ্রধান বক্তৃতা। প্রায় ৭ বৎসর ধরিয়া হেষ্টিংসের বিচার হয়, প্রায় ৭ বৎসর হেষ্টিংস অশেষ কষ্ট ভোগ করিয়া শেষে নিষ্কৃতি লাভ করেন। হেষ্টিংসের সহাধ্যায়ী প্রসিদ্ধ কবি কাউপার সাহেব এই সময়ে হেষ্টিংসকে লক্ষ্য করিয়া, নিম্ন-লিখিত ভাবে কবিতা রচনা করিয়াছিলেন।

“হেষ্টিংস! বালককালে দেখেছি তোমার

হৃদয় পবিত্র সদা সরলতাময়।

সে হৃদয় স্মরি কভু বিশ্বাস না হয়—

এখন হয়েছ তুমি এত দুর্ভাচার।”

এই মোকদ্দমায় হেষ্টিংস একবারে নিঃস্ব হইয়া পড়েন। এই জন্ত তাঁহাকে ডিরেক্টরদিগের অর্থসাহায্যের উপর নির্ভর করিয়া থাকিতে হয়।

লর্ড কর্ণওয়ালিস, ১৭৮৬-১৭৯৩।

প্রারম্ভিক হেষ্টিংস সুদেশে যাত্রা করিলে কোমিলের অন্ততম সুদৃশ্য স্থান জনন্যাকফারস্ সাহেব কুর্ডি মাস (১৭৮৫ অব্দে)

ফেব্রুয়ারি হইতে ১৭৮৬ অব্দের সেপ্টেম্বর মাস পর্য্যন্ত ) ভারত-বর্ষের গবর্ণর জেনেরেলের কার্য্য করেন। তৎপরে ১৭৮৪ অব্দে ইণ্ডিয়া বিধি প্রচারিত হইলে লর্ড কর্ণওয়ালিস্ গবর্ণর জেনেরেল ও সেনাপতি হইয়া এদেশে উপনীত হন।

লর্ড কর্ণওয়ালিসের সময়পর্য্যন্তও ইঙ্গরেজকন্মচারীরা বেতনের অল্পতা প্রযুক্ত উৎকোচ গ্রহণ ও গুপ্ত ব্যবসায় করিতেন। কর্ণওয়ালিস্ দ্বিরেক্টরদিগের নিকট ইহাদের বেতন বাড়াইবার প্রস্তাব করেন। এই প্রস্তাব অনুসারে ইঙ্গরেজকন্মচারীদিগের বেতন বৃদ্ধি হয়।

লর্ড কর্ণওয়ালিসের রাজ্য-শাসন-কাল দুইটি প্রধান ঘটনার জন্ত প্রসিদ্ধ হইয়াছে। এই ঘটনাদ্বয়ের একটি মহীশূরের তৃতীয় যুদ্ধ, অপরটি চিরস্থায়ী বন্দোবস্ত।

মহীশূরের তৃতীয় যুদ্ধ, ১৭৯০-১৭৯২।—মহীশূরের অধিপতি টিপু ১৭৮৯ অব্দে ত্রিবাঙ্কোড়-রাজ্য আক্রমণ ও তত্রত্য রাজাকে পরাজিত করেন। ত্রিবাঙ্কোড়-রাজের সহিত ইঙ্গরেজদিগের গোহর্দ ছিল, এজন্য ইঙ্গরেজেরা তাঁহার সাহায্যার্থ টিপু সহিত যুদ্ধে প্রবৃত্ত হন। এই যুদ্ধে নিজাম ও মরহাট্টার ইঙ্গরেজদিগের সহযোগী হন। ১৭৯০ অব্দে যুদ্ধ আরম্ভ হয়। প্রথম যুদ্ধে ইঙ্গরেজ সেনাপতি মেডোন্স টিপুর তাদৃশ ক্ষতি করিতে পারেন নাই। দ্বিতীয় বৎসর লর্ড কর্ণওয়ালিস্ স্বয়ং যুদ্ধক্ষেত্রে উপস্থিত হইয়া, সৈন্য পরিচালনা করেন (১৭৯১)। এবার টিপুর পরাজয় হয়। টিপু আর কোন উপায় না দেখিয়া, সন্ধির প্রস্তাব করেন। এই সন্ধির অনুসারে টিপু (১) আপনার রাজ্যের অর্দ্ধাংশ ছাড়িয়া দেন; (২) যুদ্ধের ব্যয় স্বরূপ ৩ কোটি টাকা দিতে

ব্যাধা হন এবং (৩) ভবিষ্যতে বিবাদে প্রবৃত্ত না হন, এই জ্ঞা-  
তাহার দুইটি পুত্রকে ইঙ্গরেজদিগের নিকট প্রতীভূতরূপ রাখেন  
( ১৭৮২ ) । টিপুর স্বীয় রাজ্যের যে অর্দ্ধাংশ ছাড়িয়া দিলেন,  
তাহা তিন ভাগ হইল। এক ভাগ নিজাম, এক ভাগ মরহাট্টারা  
এবং অপর ভাগ ইঙ্গরেজেরা লইলেন। ইহাতে বড়মহল,  
দিনদিগল, শেলম প্রভৃতি কতিপয় স্থান ব্রিটিশ কোম্পানির  
অধিকারভুক্ত হইল।

চিরস্থায়ী বন্দোবস্ত, ১৭৯৩ ।—মোগল সম্রাটদিগের  
সময়ে সাক্ষাৎসম্বন্ধে প্রজাদিগের সহিত রাজস্বের বন্দোবস্ত  
হইত। রাজস্বের সংগ্রহ জ্ঞা প্রত্যেক বিভাগে এক এক  
জন তহসিলদার থাকিতেন। ইহারা শতকরা দশ টাকা কমিশন  
লইয়া আপনাদের পরিদর্শনাধীন স্থানে খাজানা তহসীল করি-  
তেন। এই তহসীলদারগণ কালক্রমে “জমীদার” নামে প্রসিদ্ধ  
হইয়া উঠেন। আপন আপন এলাকায় জমীদারদিগের অসা-  
ধারণ ক্ষমতা ও প্রভুত্ব ছিল। ইহারা প্রজাদিগকে শাসনে রাখি-  
তেন, শাস্তি-রক্ষার বন্দোবস্ত করিতেন, এবং সমুদায় মোকদ্দমার  
মীমাংসা করিয়া দিতেন। ইহাদের জমীদারী-স্বত্ব ক্রমে পুরুষানু-  
ক্রমিক হয়। জমীদারদিগের কাহারও মৃত্যু হইলে তাহার  
সন্তানগণ তৎস্থলাভিষিক্ত হইয়া কর্তৃত্ব করিতেন। বড় বড়  
জমীদারদিগের “রাজা” উপাধি ছিল। যাহা হউক, মুসলমানদি-  
গের প্রবর্তিত নিয়মানুসারে খাজনা আদায় হওয়াতে প্রতিবৎস-  
রই সংগৃহীত রাজস্বের ক্রমবৃদ্ধি হইত। জমীদারদের সহিত কখন  
কখন বৎসর বৎসর, কখন কখন নির্দিষ্ট কয়েক বৎসরের জ্ঞা  
বন্দোবস্ত হইত। এই বন্দোবস্তে জমীদারেরা নির্দিষ্ট ভূমি

ভোগ দখল করিবার জন্ত একবারে কতকগুলি টাকা দিতেন।  
 তিনি অধিক পরিমাণে টাকা দিতে সম্মত হইতেন, তাহার  
 সহিতই বন্দোবস্ত হইত। ওয়ারেন হেস্টিংস যখন রাজস্বের  
 একটি নির্দিষ্ট হার রাখিবার জন্ত জমীদারদিগের সহিত পাঁচ  
 বৎসরের বন্দোবস্ত করেন, তখন তদীয় প্রতিদ্বন্দ্বী ফ্রান্সিস  
 সাহেব চিরস্থায়ী বন্দোবস্তের প্রস্তাব করিয়াছিলেন। শেষে  
 ১৭৭৭ অব্দে জমীদারদিগের সহিত বার্ষিক বন্দোবস্ত হওয়াতে  
 অনেক গোলযোগ আরম্ভ হইল। জমীদারেরা ভূমির উৎকর্ষ-  
 সাধনে উদাসীন হইলেন। গবর্ণমেন্টের রাজস্বের অনেক ক্ষতি  
 হইতে লাগিল। কেবল এক বৎসরের জন্ত বন্দোবস্ত থাকিতে  
 প্রজাদের উপর জমীদারদিগের কিছুমাত্র সমবেদনা রহিল না।  
 প্রজারা অনেক সময়ে নিপীড়িত হইতে লাগিল। ডিরেক্টরেরা  
 এই অনিষ্টের প্রতিবিধান জন্ত ১৭৮৬ অব্দে কোন রূপ চিরস্থায়ী  
 বন্দোবস্ত করিতে গবর্ণর জেনেরেলকে আদেশ দিলেন।

এই সময়ে জন শোর সাহেব রেরিনিউ বোর্ডের একজন  
 স্নদক্ষ মেম্বর ছিলেন। উপস্থিত বিষয়ের বন্দোবস্তের ভার  
 তাহার উপর সমর্পিত হইল। শোর সাহেব ১৭৮৯ অব্দে এই  
 কার্য আরম্ভ করিয়া, ১৭৯১ অব্দে শেষ করিলেন। আকবর  
 খান সমুদয় ভূমি মাপ করিয়া, এবং উৎপন্ন দ্রব্যের পরিমাণ  
 ধরিয়া রাজস্বের বন্দোবস্ত করিয়াছিলেন, শোর সাহেব তাহার  
 কিছুই করেন নাই। পূর্বে যে যে পরিমাণে রাজস্ব আদায় হইত,  
 তৎসমুদয় অবলম্বন করিয়া উপস্থিত বন্দোবস্ত করা হয়। এই  
 বন্দোবস্ত অনুসারে স্থির হয় যে,—

(১) রাজস্ব-সংগ্রাহক জমীদারেরা ভূস্বামী বলিয়া জগিয়া হই-



বেন। তাঁহারা নির্দিষ্ট রাজস্ব দিয়া, আপন আপন ভূমি পুরুষানুক্রমে ভোগদখল করিতে পারিবেন। ইঙ্গরেজ গবর্ণমেন্ট কখনও ঐ নির্দিষ্ট রাজস্ব বৃদ্ধি করিতে পারিবেন না। কিন্তু জমীদারেরা যদি নির্দ্ধারিত দিনে আপনাদের রাজস্ব দিতে না পারেন, তাহা হইলে তাঁহাদের জমীদারী নিলাম হইবে।

(২) রাইয়তেরা জমীদারদিগের নিকট হইতে রীতিমত পাট্টা পাইবে। “জমীদার পাট্টার অতিরিক্ত কোন নূতন আবণ্যাব বা মাথট আদায় করিতে পারিবেন না।

এই বন্দোবস্ত প্রথমে দশ বৎসরের জন্য হয়। ইহারই নাম “দশসাল বন্দোবস্ত।” পরে ইঙ্গলণ্ডীয় পর্ভূপক্ষ কর্তৃক অনুমোদিত হইলে, এই “দশসাল বন্দোবস্ত” চিরস্থায়ী হইয়া, ১৭৯৩ অব্দে “চিরস্থায়ী বন্দোবস্ত” নামে প্রসিদ্ধ হয়। ‘চিরস্থায়ী বন্দোবস্তের’ গুণে যেমন দেশে ভূস্বামী সম্প্রদায়ের সৃষ্টি হয়, তেমন ভূমির উন্নতিসাধনের পথও প্রশস্ত হইয়া উঠে। “চিরস্থায়ী বন্দোবস্ত” অনুসারে গবর্ণমেন্ট বঙ্গদেশে ভূগির কর বৃদ্ধি করিতে পারেন না। তজ্জন্ত দেশের অর্থ অনেক পরিমাণে দেশেই থাকিয়া যাইতেছে। কিন্তু চিরস্থায়ী বন্দোবস্তে রাইয়তদিগের তাদৃশ উপকার হয় নাই। জমীদারদিগের হস্তে খাজানা বৃদ্ধির ক্ষমতা থাকাতে রাইয়তদিগকে অনেক সময়ে জমীদারদিগের ইচ্ছানুযায়ী খাজানা দিতে হয়। ১৮৫৯ অব্দের ১০ আইনের বলে জমীদারদিগের এই কর-বৃদ্ধির ক্ষমতা অনেক পরিমাণে সঙ্কুচিত হইয়াছে।

বিচারালয়প্রভৃতির ব্যবস্থা।—চিরস্থায়ী বন্দোবস্ত ব্যতীত লর্ড কর্ণওয়ালিসের সময়ে বিচারালয়প্রভৃতির ব্যবস্থা

হয়। ওয়ারেন্ হেস্টিংস্ প্রতি জেলায় এক এক জন কলেক্টর, নিযুক্ত করিয়া, তাঁহাদের হস্তে রাজস্ব-সংগ্রহ, পুলিশের তত্ত্বাবধান এবং দেওয়ানী মোকদ্দমার বিচার-ভার সমর্পণ করেন। একজনে এতগুলি কার্য্য সুচারুরূপে সম্পন্ন করিতে পারিতেন না। এজন্য লর্ড কর্ণওয়ালিস, কলেক্টরদিগের উপর কেবল রাজস্ব-সংগ্রহের ভার রাখেন এবং কাজী ও মুফতীদিগের হস্তে ফৌজদারী মোকদ্দমার নিষ্পত্তির যে ক্ষমতা ছিল, তাহা উঠাইয়া প্রতি জেলায় এক এক জন ইজরেজ কর্মচারী নিযুক্ত করেন। ইহাদের রাজকীয় উপাধি “জজ” হয়। জজেরা দেওয়ানী ও ফৌজদারী, উভয়বিধ মোকদ্দমারই বিচার-ভার প্রাপ্ত হন। ইহাদের সহকারিতার জন্য এক এক জন রেজিষ্টর এবং কয়েক জন করিয়া মুনসেফ্ নিযুক্ত হন। রেজিষ্টরেরা ২০০ এবং মুনসেফেরা ৫০ টাকা পর্য্যন্ত দাবী মোকদ্দমার বিচার করিতেন। বেতনের পরিবর্তে ইহারা টাকায় এক আন্ন করিয়া কমিশন পাইতেন।

জেলার জজদিগের নিষ্পন্ন মোকদ্দমার আপীল শুনিবার নিমিত্ত কলিকাতা, মুর্শিদাবাদ, ঢাকা এবং পাটনা, তদানীন্তন সময়ের এই চারি প্রধান নগরে চারিটি “প্রোবিন্সিয়াল কোর্ট” স্থাপিত হয়। এই বিচারালয়ে তিন জন জজ, এক জন পণ্ডিত এবং একজন মৌলবী থাকিতেন।

প্রোবিন্সিয়াল কোর্টের বিচারিত মোকদ্দমার আপীল শুনিবার ভার সদর দেওয়ানী ও সদর নিজামত আদালতের উপর সমর্পিত হয়। সদর নিজামত আদালত মুর্শিদাবাদে ছিল। কর্ণওয়ালিস ১৭৯০ অব্দে কলিকাতায় উঠাইয়া আনেন।

শান্তিরক্ষার . . . ই জেলায় কয়েক ঘোশ অস্ত্রে এক

একটি থানা স্থাপিত হয়। প্রত্যেক থানায় মাসিক পঁচিশ টাকা বেতনে এক এক জন দারোগা নিযুক্ত হন।

এতদ্ব্যতীত কর্ণওয়ালিস অপ্রাপ্তবয়স্ক ধনী সন্তানদিগের বিষয়-রক্ষার জন্ত “কোর্ট অব্ ওয়ার্ডস্” স্থাপন করেন। এখন হইতে এই নিয়ম হয় যে, জমীদারদিগের কাহারও মৃত্যু হইলে যাবৎ তাঁহার অপ্রাপ্তবয়স্ক পুত্র প্রাপ্তবয়স্ক ও সম্পত্তি রক্ষায় সমর্থ না হয়, তাবৎ টেলেক্টর তাঁহার সম্পত্তি রক্ষা করিবেন। এতদ্বারা অনেক জমীদারের সম্পত্তি রক্ষা পাইয়াছে। কর্ণওয়ালিস আইন-প্রণয়ন ও সঙ্কলনের ভার বার্লো নামক এক জন সুদক্ষ কর্মচারীর হস্তে সমর্পণ করেন। ১৭৯৩ অব্দে এই সমস্ত আইন গ্রন্থাকারে মুদ্রিত ও প্রচারিত হয়। ফরষ্টর সাহেব বাঙ্গালায় ঐ সকল আইনের অনুবাদ করেন।

এই সকল কার্য্য করিয়া, লর্ড কর্ণওয়ালিস ১৭৯৩ অব্দের সেপ্টেম্বর মাসে স্বদেশে যাত্রা করেন। তিনি শাসন-কার্য্যে আপনার দক্ষতা পরিচয় দিয়াছেন। কিন্তু কোন কোন অংশে তাঁহার অনুদারতাও পরিস্ফুট হইয়াছে। তিনি ইঞ্জরেজ কর্মচারীদিগের বেতন বৃদ্ধি করিয়া দিয়াছেন। কিন্তু এতদেশীয় কর্মচারীদিগের সম্বন্ধে সেরূপ কিছু করেন নাই। পূর্বে এতদেশীয় লোকে ফৌজদার, নায়েব দেওয়ান প্রভৃতি হইতেন। এখন হইতে ৬৫ দিন অন্তর্হিত হইল। এখন এতদেশীয় লোকে শাসন-সংক্রান্ত সমস্ত প্রধান কার্য্য হইতে বিচ্যুত হইলেন, ইঞ্জরেজকর্মচারীরা তাঁহাদের স্থান পরিগ্রহ করিতে লাগিলেন।

(১৭৯৩ অব্দে কোম্পানি যে ঘনদ প্রাপ্ত হন, ১৭৯৩ অব্দে

জাহাৰ মেয়াদ উত্তীৰ্ণ হয় । এজন্ত উক্ত অৰ্কে আৰ ২০ বৎসৰেৰ, জন্ত তাঁহাৰা সনন্দ লাভ করেন ।)

### শ্রী জন্মশোৰ, ১৭৯৩-১৭৯৮ ।

লৰ্ড কৰ্ণওয়ালিসেৰ পৰ, শ্রী জন্মশোৰ ১৭৯৩ অৰ্কে হইতে ১৭৯৮ অৰ্কে পৰ্য্যন্ত ভারতবৰ্ষেৰ গৱৰ্ণৰ জেনেৰলেৰ পদে অধিষ্ঠিত থাকেন । ইহাৰ সময়ে কোন গুৰুতৰ ঘটনা উপস্থিত হয় নাই । সাধাৰণ ঘটনাৰ মধ্যে শোৰ সাহেবেৰ কয়েকটি কাৰ্য্য-এস্থলে উল্লেখ-যোগ্য ।

(১) ১৭৯২ অৰ্কেৰ সন্ধি অনুসাৰে টিপুৰ দুইটি পুত্ৰ ইঙ্গৰেজ-দিগেৰ নিকট প্ৰতিভূষকপ ছিল । শোৰ সাহেব ১৭৯৪ অৰ্কে তাহাদিগকে টিপুৰ নিকট পাঠাইয়া দেন ।

(২) মৰহাট্টাৰা পেশবাৰ অধীনে সজ্জিত হইয়া, নিজামেৰ বিৰুদ্ধে অস্ত্ৰধাৰণ কৰিলে, শোৰ সাহেব নিজামেৰ কোনৰূপ সহায়তা বা উপস্থিত যুদ্ধনিবাৰণ কৰিতে কোন রূপ চেষ্টা করেন নাই । মৰহাট্টাৰা ইহাতে সাহসী হইয়া ১৭৯৫ অৰ্কে কুৰ্দ্লা নামক স্থানে, নিজামকে সম্পূৰ্ণৰূপে পৰাজিত কৰে ।

(৩) ১৭৯৫ অৰ্কে ইঙ্গৰেজেৰা বাৰাণসী প্ৰদেশেৰ সমস্ত শাসন-ভাৰ স্বহস্তে গ্ৰহণ করেন । বাঙ্গালাৰ আয় এ প্ৰদেশেও ৰাজস্বেৰ চিৰস্থায়ী বন্দোবস্ত হয় এবং কলেক্টৰ প্ৰভৃতি কৰ্ম চাৰিগুন নিয়োজিত হন ।

১৭৯৮ অৰ্কে শোৰ সাহেব "লৰ্ড টেনমাউথ" উপাধি পাইয়া স্বদেশে গমন করেন ।

• মার্কুসইস অব্ ওয়েলেসলি, ১৭৯৮-১৮০৫।

লর্ড টেন্‌মাউথের পর লর্ড মর্নিংটন্‌ গবর্নর জেনেরেল হইয়া এদেশে আইসেন। ইনি পরে মার্কুসইস অব্ ওয়েলেসলি উপাধি পাইয়া এই শেষোক্ত নামেই পরিচিত হইয়া উঠেন।

**লর্ড মর্নিংটনের রাজনীতি।**—লর্ড মর্নিংটন্‌ ফরাসীদিগের বিদ্রোহী ছিলেন। তাঁহার রাজনীতি এইরূপ ছিল যে, ইঙ্গরেজেরা সকল স্থানেই আপনাদের আধিপত্য স্থাপন করিবেন। তাঁহাদের প্রভুশক্তি সর্বদা অক্ষুণ্ণ ও অপ্রতিদ্বন্দ্বী থাকিবে। এতদ্বন্দ্বিতীয় অধিরাজবর্গ সমুদায় রাজনৈতিক বিষয়ে ইঙ্গরেজদিগের অধীনতা স্বীকার করিয়া চলিবেন। লর্ড মর্নিংটনের সময় হইতেই ভারতের ইতিহাসে ক্রমে এই রাজনীতির উন্নতি ও বিকাশ দেখা যায়। শেষে ১৮৭৭ অব্দের ১লা জানুয়ারির দিল্লীর সম্মুখ দরবারে ভারতের ব্রিটিশ রাজ-প্রতিনিধি লর্ড লীটন যখন ভারতের সমস্ত অধিরাজবর্গের সমক্ষে প্রকাশ করেন যে, অদ্য হইতে মহারাণী বিক্টোরিয়া ‘ভারত-সাম্রাজ্যের অধীশ্বরী’ উপাধি গ্রহণ করিলেন, তখন ঐ রাজনীতির চরম ফল পরিস্ফুট হয়।

**ভারতবর্ষে ফরাসীদিগের কর্তৃত্ব, ১৭৯৮-১৮০০।**—যখন শোর সাংহেব নিজামের সহায়তা করিতে অসম্মত হন, তখন নিজাম ফরাসীদিগের সহিত সন্মিলিত হন, এবং ফরাসীসেনা-নায়কদিগকে হায়দরাবাদে আনিয়া আপায়িত করেন। এই অবধি ফরাসীসৈন্যাদ্যক্ষেরা নিজামের সৈন্তের শৃঙ্খলা-বিধানেনব্যাপ্ত থাকেন। মধুজীর উত্তরাধিকারী দেউলত রাও

মার্কু ইস্ অব্ ওয়েলেসলি । ৮৯

সিক্কিয়া ফরাসী সেনানীদিগকে আপনার দলভুক্ত করেন । এদিকে টিপুসুলতানও ফরাসীদিগের সহিত সম্মিলিত হন । ফরাসীরা শ্রীরঙ্গপট্টনে আসিয়া টিপুকে সম্বৰ্দ্ধনা করেন, এবং তাঁহার সৈন্তের শৃঙ্খলাবিধানে যত্নশীল হইয়া উঠেন । সুতরাং লর্ড মণিংটন যখন ভারতবর্ষে সমাগত হন, তখন ফরাসীরা নিজাম, সিক্কিয়া ও টিপু সুলতানের সৈন্তকে কর্তৃত্ব করিতে থাকেন । মণিংটন যাহাদিগকে বিদ্রোহের চক্ষে চাহিয়া দেখিতেন, এখন তাহাদিগকেই ভারতবর্ষের তিনটি প্রধান রাজ-শক্তির পরিচালনায় ব্যাপ্ত দেখিলেন । এই সময়ে ফরাসী সাম্রাজ্যে অন্তর্বিদ্রোহ ঘটিয়াছিল । নিপীড়িত প্রজাবর্গ আপনাদের অধিপতি সপ্তদশ লুইর প্রাণদণ্ড করিয়া, সাধারণতন্ত্রের জয় ঘোষণা করিয়াছিল । টিপু ফরাসীদিগের সাধারণতন্ত্রের প্রতি সমবেদনা দেখাইতেছিলেন । তিনি আপনার রাজধানীতে ফরাসীদিগকে স্বাধীনতার নামে উৎসর্গীকৃত বৃক্ষ রোপণ করিতে সম্মতি দিয়াছিলেন, এবং আপনি সাধারণ-তন্ত্র-সমিতির অন্তর্ভুক্ত হইয়া আহ্লাদ প্রকাশ করিয়াছিলেন । মরিসস্ দ্বীপের ফরাসী গবর্ণর সাধারণ্যে ঘোষণা করিয়াছিলেন যে, টিপু সুলতান ফরাসীদিগের সাধারণতন্ত্রের প্রতি আস্থা দেখাইয়া ইঙ্গরেজদিগকে আক্রমণ করিতে উদ্বোধনী হইয়াছেন । এদিকে সুপ্রসিদ্ধ নেপোলিয়ন বোনাপার্ট মিশরে থাকিয়া টিপুকে ইঙ্গরেজদিগের হস্ত হইতে বিমুক্ত করিবার জন্য স্বয়ং ভারতবর্ষে আসিবার কল্পনা করিতেছিলেন ।

ভারতবর্ষের সাধারণ অবস্থা, ১৭৯৮ ।—লর্ড মণিংটন ভারতবর্ষে ফরাসীদিগের সমস্ত আশা ভরসা নিশূল করিতে

দৃঢ়প্রতিজ্ঞ হইয়াছিলেন। লর্ড ক্লাইবের অস্ত্রে এবং ওয়ারেন হেস্টিংসের রাজনীতিতে বাঙ্গালার ইংরেজদিগের আধিপত্য বদ্ধমূল হইয়াছিল। অযোধ্যার নবাব ইংরেজদিগের ক্ষমতার নিকট মস্তক অবনত করিয়া, তাঁহাদের সহিত সন্ধি-স্থলে আবদ্ধ হইয়াছিলেন। দিল্লীর সম্রাটের সমস্ত ক্ষমতা ও প্রাধান্য বিলুপ্ত হইয়াছিল। দক্ষিণাপথে টিপু, নিজাম ও মরহাট্টারা প্রবল ছিলেন। মহারাষ্ট্রচক্র পেশবা বাজিরাও অপেক্ষা দৌলত্‌রাও সিদ্ধিয়া, যশোবন্ত রাও হোলকার এবং নাগপুর-রাজ রঘুজী ভোঁসলা অধিকতর ক্ষমতাপন্ন ছিলেন। বঙ্গোপসাগর হইতে নর্মদা প্রদেশ পর্য্যন্ত বিস্তীর্ণ ভূখণ্ডে রঘুজী জাধিপত্য করিতেছিলেন। ইহার অধীনে প্রায় ত্রিশ হাজার সৈন্য ছিল। দৌলত্‌রাও বিদ্যচালের উত্তরে আগ্রা পর্য্যন্ত বিস্তৃত জনপদের অধিপতি ছিলেন। ইহার প্রায় বাটী হাজার সৈন্য পেরণ নামক এক জন ফরাসী-সেনাপতির অধীনে শিক্ষিত হইতেছিল। আর পরাক্রান্ত যশোবন্ত রাও বোম্বাই ও সিদ্ধিয়ার অধিকারের মধ্যস্থলে আপনার স্বাভাব্য রক্ষা করিতেছিলেন। ইনি প্রায় আশী হাজার সৈন্য যুদ্ধ-স্থলে একত্র করিতে পারিতেন। এতদ্ব্যতীত নিজামের রাজ্যে দশহাজার সৈন্য রেমণ্ড নামক ফরাসী সেনাপতির অধীনে ছিল। লর্ড মর্নিংটন এইরূপ বহুসংখ্য সৈন্তের অধিষ্ঠিত অধিরাজবর্গের মধ্যে ব্রিটিশ গবর্ণমেন্টের প্রাধান্য স্থাপন করিতে উদ্যত হইলেন।

নিজামের সহিত সন্ধি, ১৭৯৮।—টিপু সুলতান যুদ্ধের আয়োজন করাতে লর্ড মর্নিংটন দ্বায়ণ জিজ্ঞাসা করিয়া পাঠাইলেন। কিন্তু টিপু 'গর্ব-স্বীকৃত' হইয়া কোন সহস্তর দিলেন না।

গবর্ণর জেনেরল এই গঠিত ভূপতির সহিত যুদ্ধ করিবার পূর্বে, নিজামের সহিত সন্ধি স্থাপন করিলেন। এই সন্ধি অনুসারে নিজাম ফরাসী-সৈন্যদিগকে বিদায় দিলেন এবং ইঙ্গরেজ গবর্ণ-মেন্টের সম্মতি ব্যতিরিক্ত কোন ইউরোপীয়কে আপনার কার্যে নিযুক্ত করিতে পারিবেন না বলিয়া, প্রতিশ্রুত হইলেন।

মহীশূরের চতুর্থ যুদ্ধ, ১৭৯৯ ।—টিপু প্রথমে ভারত-বর্ষের সমস্ত অধিরাজবর্গ এবং আফগানিস্তানের অধিপতিকে ইঙ্গরেজদিগের বিরুদ্ধে দলবদ্ধ করিবার চেষ্টা পাইয়াছিলেন। কিন্তু তাহাতে কৃতকার্য না হইয়া, ফরাসীদিগের সাহায্য-প্রার্থী হন। ফরাসীদিগের সাহায্য-প্রাপ্তির প্রত্যাশাতেই তিনি সগর্বে যুদ্ধের আয়োজন করেন। লর্ড মর্গিণ্টন্ টিপুর বিরুদ্ধে যুদ্ধ-ঘোষণা পূর্বক স্বয়ং মাদ্রাজে আসিয়া, সমুদয় শিষ্যের সুবন্দো-বস্ত করিতে প্রবৃত্ত হইলেন। মাদ্রাজ ও বোম্বাই হইতে দুই দল সৈন্য টিপুর রাজ্য আক্রমণ করিতে যাত্রা করিল। হারিস্ মাদ্রাজের সৈন্যের এবং ষ্টুয়ার্ট বোম্বাইর সৈন্যের অধ্যক্ষতা গ্রহণ করিলেন। এই যুদ্ধে নিজাম যে সকল সৈন্য পাঠাইয়াছিলেন, গবর্ণর জেনেরলের ভ্রাতা স্ত্রার আর্থর্ ওয়েলেস্লি তাহাদের অধ্যক্ষ হইলেন। আর্থর্ ওয়েলেস্লি সেনাপতি হইয়া এদ্রেশে আইসেন, শেষে স্বদেশে যাইয়া “ডিউক অব' ওয়েলিংটন্” উপাধি প্রাপ্ত হন। ওয়াটার্লুর যুদ্ধে প্রসিদ্ধ রণবীর নেপোলিয়নকে পরাজিত করিয়া প্রভূত লক্ষ্য লাভ করেন।

ইঙ্গরেজ-সৈন্য এইরূপে ভিন্ন ভিন্ন দলে বিভক্ত হইয়া প্রীরঙ্গ-পট্টন আক্রমণ করিল। যুদ্ধে টিপু নিহত হইলেন। তাহার দেহ শব-রাশির মধ্যে পাওয়া গেল, এবং প্রভূত সম্মানসহ সন্নি-  
 ত



উহা হায়দর আলীর শবের পার্শ্বে সমাহিত হইল। লর্ড মর্গিৎ-টন মহীশূর রাজ্যের তিন অংশ করিয়া, এক অংশ নিজামকে দিলেন, এক অংশ ইঙ্গরেজ কোম্পানির জন্ত রাখিলেন এবং অবশিষ্ট অর্থাৎ রাজ্যের মধ্য অংশ, হায়দর আলী, মহীশূরের যে হিন্দু রাজাকে সিংহাসনচ্যুত করিয়াছিলেন, তাঁহার বংশীর একটি শিশুকে সমর্পণ করিলেন। টিপু সন্তানগণ বৃত্তিভোগী হইয়া বেলোড়ের দুর্গে রহিলেন। যুদ্ধে জয় লাভ হওয়াতে লর্ড মর্গিৎটন “মার্কুইস্ অব ওয়েলেস্লি” এবং সেনাপতি হারিস্ “লর্ড” উপাধি পাইলেন।

কোম্পানির রাজ্যবৃদ্ধি, ১৭৯৯-১৮০১।—মার্কুইস্ অব ওয়েলেস্লি এখন আপনার অবলম্বিত রাজনীতি অনুসারে কোম্পানির রাজ্য বৃদ্ধি করিতে উদ্যত হইলেন। বলে, কোশলে, যে কোনরূপেই হউক, ব্রিটিশ কোম্পানির প্রাধান্য স্থাপন এবং ব্রিটিশ কোম্পানির রাজ্য সম্প্রসারণই ওয়েলেস্লির প্রধান উদ্দেশ্য ছিল। টিপু স্থলতানের পতনের পর এই উদ্দেশ্য অনেকাংশে সফল হইল। ওয়েলেস্লি তাজোবের রাজাকে বৃত্তিভোগী করিয়া, উক্ত জনপদের শাসন-ভার আপনাদের হস্তে লইলেন (১৭৯৯)। হায়দরাবাদের নিজাম মহীশূর রাজ্যের যে অংশ পাইয়াছিলেন, তাহা আপনার রাজ্যস্থিত ইঙ্গরেজ-সৈন্তের দ্বায় নির্বাহার্থ কোম্পানিকে দিলেন। ইহাতে মহীশূর রাজ্যের অধিকাংশ ব্রিটিশ কোম্পানির হস্তগত হইল (১৮০০)। এদিকে সুরটের নবাব এবং কর্ণাটের নবাবও তাজোব-রাজের দ্বায় বৃত্তিভোগী হইলেন। ১৮০০ অব্দে সুরট এবং ১৮০১ অব্দে কর্ণাট কোম্পানির কর্তৃত্বাধীন হইল। অযোধ্যার শক্তিরক্ষার

মার্কুইস্ অব ওয়েলেস্লি । ৯৩

ইঙ্গরেজদিগের একদল সৈন্ত থাকিত। নবাব উহার ব্যয়-ভার বহন করিতেন। উপস্থিত সময়ে ওয়েলেস্লি কৌশলক্রমে আর দুই দল সৈন্ত অযোধ্যায় রাখিলেন। এই স্ত্রে ১৮০১ অক্টোবর ১৪ই নবেম্বর নবাব সাদতআলির সহিত সন্ধি হইল। সন্ধির নিয়ম অনুসারে সাদতআলি অতিরিক্ত সৈন্তদলের ব্যয় নির্বাহার্থ বাঙ্গালা ও যমুনার মধ্যবর্তী দোয়ারি এবং রোহিলখণ্ড অর্থাৎ তাঁহার সমগ্র রাজ্যের অর্দ্ধাংশেরও অধিক ইঙ্গরেজ-কোম্পানির হস্তে সমর্পণ করিলেন। মার্কুইস্ অব ওয়েলেস্লির সাধনা সিদ্ধ হইল। তিনি ফরাসীদিগের সম্মুখে মহীশূরে আপনাদের জয়পতাকা উড়াইয়া দিলেন, সুরট ও কর্ণাট শাসনাধীন রাখিলেন এবং অযোধ্যার নবাবের বার্ষিক ১,৩৬,২৩,৪৭৪ টাকা আয়ের ভূ-সম্পত্তি কোম্পানির অধিকারভুক্ত করিলেন। এইরূপে আর্য্যাবর্ত্তে ও দক্ষিণাপথে ব্রিটিশ অধিকার সম্প্রসারিত হইল। ইহার পর ওয়েলেস্লি মহারাষ্ট্রীয় অধিরাজ-বর্গের বিরুদ্ধে সম্মুখিত হইলেন।

মরহাট্টা ভূপতিপ্তন, ১৮০০।—১৮০০ অব্দে মহারাষ্ট্রীয় চক্রে পাঁচ জন প্রধান ভূপতি ছিলেন। পশ্চিম ঘাটের পার্বত্য প্রদেশে পূনার পেশবা আধিপত্য করিতেছিলেন। গুজরাটে বুরদার গাঁইকবাড়ের কর্তৃত্ব ছিল। মধ্য ভারতবর্ষে গোবালিয়রে সিদ্ধিয়া এবং ইন্দোরে হোলকার আপনাদের প্রাধান্য রক্ষা করিতেছিলেন। পূর্বাংশে নাগপুরের রঘুজী ভোঁসলা বেরার ইহাতে উড়িষ্যার উপকূল পর্যন্ত আপনায় শাসন-দণ্ড অব্যাহত রাখিতেছিলেন। মার্কুইস্ অব ওয়েলেস্লি এই সকল মরহাট্টা ভূপতির রাজ্যে ব্রিটিশ কোম্পানির সৈন্ত রাখিয়া

তঁাহাদিগকে অযোধ্যার নবাবের স্ত্রীর সন্ধি-হস্ত্রে আবদ্ধ করিতে যত্নশীল হন। ১৮০২ অব্দে পেশবা হোর্লেকার কর্তৃক পরাজিত হইয়া বাসেন নামক স্থানে গবর্ণর জেনেরলের প্রস্তাবিত সন্ধিপত্রে স্বাক্ষর করেন। এই সন্ধি অনুসারে পেশবা তঁাহার রাজ্যস্থিত কোম্পানির সৈন্তের ব্যয় নির্বাহার্থ কতিপয় জনপদ সমর্পণ করেন এবং এতদ্দেশীয়, কি ইউরোপীয়, কোন ভূপতির সহিত সংশ্রব রাখিতে পারিবেন না বলিয়া, প্রতিশ্রুত হন। পেশবার এইরূপ অধীনতা স্বীকারে সন্ধিয়া এবং নাগপুর-রাজ উভয়েই সান্তিগয় বিরক্ত হন এবং উভয়েই আপনাদের জাতীয় গৌরব-রক্ষার্থ ইঙ্গরেজদিগের বিরুদ্ধে যুদ্ধের আয়োজন করেন। এইরূপে মরহাট্টাদিগের সহিত দ্বিতীয় যুদ্ধের সূত্রপাত হয়।

মহারাট্টাদিগের সহিত দ্বিতীয়বার যুদ্ধ, ১৮০২

—১৮০৪।—মার্কু ইস্ অব ওয়েলেসলি উপস্থিত যুদ্ধের সমুদয় বন্দোবস্ত করেন। এই বন্দোবস্ত অনুসারে স্ত্রীর অর্থার ওয়েলেসলির উপর দক্ষিণাপথে যুদ্ধ করিবার ভার এবং সেনাপতি লোকের\* উপর আর্ধ্যাবর্তে যুদ্ধ করিবার ভার সমর্পিত হয়। আর্থার ওয়েলেসলি আসাই এবং আর্গম্ নামক স্থানের যুদ্ধে জয়ী হইয়া, অহমদনগর অধিকার করেন। সেনাপতি, লেকও আর্ধ্যাবর্তে আলীগড় এবং লাসোবারীর যুদ্ধে জয়ী হইয়া দিল্লী ও আগ্রা আপনাদের অধীনে আনেন। এই যুদ্ধে সন্ধিয়ার ফরাসী সৈন্য নির্জীবপ্রায় হইয়া পড়ে। ১৮০৩ অব্দে সন্ধিয়া এবং রঘুজী দেওসলা উভয়েই ইঙ্গরেজদিগের নিকট সন্ধি প্রার্থনা

\* ইহা পরে 'লর্ড' উপাধি প্রাপ্ত হন।

করেন। সন্ধির শিয়মানুসারে ইঙ্গরেজেরা রঘুজীর নিকট হইতে পুরী, কটক এবং বালেশ্বর প্রাপ্ত হন। ইহার পর সিন্ধিয়াও গঙ্গা ও যমুনার মধ্যবর্তী দোয়াবের উত্তরভাগ, বরোচ এবং অহমদনগর দিয়া, ইঙ্গরেজদিগের সহিত সন্ধি বন্ধন করেন ( ১৮০৩ ) ।

— রঘুজী ভোঁসলা এবং দৌলাত রাও সিন্ধিয়ার সহিত ইঙ্গরেজদিগের সন্ধি স্থাপিত হইলেও যশোবন্ত রাও হোলকার অবনত-মস্তক হইলেন না। অবিলম্বে তাঁহার সহিত ইঙ্গরেজদিগের যুদ্ধ বাঁধিয়া উঠিল। কিন্তু এই যুদ্ধে ইঙ্গরেজেরা আপনাদের গোঁরব রক্ষা করিতে পারিলেন না। প্রথমে ইঙ্গরেজদিগের পরাজয় হইল। কর্ণেল মনসন্ হোলকারের আক্রমণে ভীত হইয়া, আগ্রায় যাইয়া আশ্রয় গ্রহণ করিলেন ( ১৮০৪ ) । ইহাতে হোলকারের প্রতিপত্তি বাড়িয়া উঠিল। ভরতপুর-রাজ-রণজিৎ তাঁহার একজন প্রধান সহযোগী হইলেন। কিন্তু শেষে দিল্লী প্রভৃতি কৃতিপর স্থানে পরাজিত হইয়া হোলকার ভরতপুরের দুর্গে আশ্রয় লইলেন। সেনাপতি লেক এই দুর্গ অধিকার করিতে পারিলেন। চারি মাস কাল উহা অবরোধ করিয়া থাকিলেন ; কিন্তু কৃতকার্য হইতে পারিলেন না ( ১৮০৫ ) ।

লর্ড ওয়েলেস্লির পদচ্যুতি, ১৮০৫ — লর্ড ওয়েলেস্লি'র সময়ে ব্রিটিশ কোম্পানির রাজ্য পূর্বাংগে দ্বিগুণ হয়। উত্তর ভারতবর্ষে লর্ড লেকের যুদ্ধে উত্তর পশ্চিমাঞ্চল ইঙ্গরেজদিগের শাসনাধীন হইল। দক্ষিণ পূর্ব ভারতবর্ষে কোম্পানি বর্তমান মাদ্রাজ প্রেসিডেন্সির অন্তর্গত স্থানের প্রায় সমুদয়

অংশে আধিপত্য স্থাপন করেন। কিন্তু এক্ষণে অনাবশ্যক যুদ্ধ দ্বারা রাজ্যবৃদ্ধির সঙ্গে সঙ্গে ব্যয় বৃদ্ধি করা, ডিরেঙ্কটরিদিগের অভিপ্রেত ছিল না। এজন্য তাঁহারা সাতিশয় অসন্তোষ প্রকাশ পূর্বক লর্ড ওয়েলেসলিকে পদচ্যুত করিয়া, লর্ড কর্ণওয়ালিসকে তৎপদে নিযুক্ত করেন।

লর্ড ওয়েলেসলি সর্বদা যুদ্ধে ব্যাপ্ত থাকিলেও সংক্ৰান্তের অন্তর্গত অমনোবোদ্ধি হন নাই। মৃতবৎসা হিন্দু মহিলারা আপনাদের সন্তানগণের দীর্ঘজীবন কামনার প্রথমজাত সন্তানকে গঙ্গাসাগরে নিক্ষেপ করিত। লর্ড ওয়েলেসলি এই কুপ্রথা উঠাইয়া দেন (১৮০১)। সদর দেওয়ানী আদালতের কার্য-ভার গবর্নর জেনেরল এবং কোন্সিলের সদস্যগণের হস্তে ছিল। কিন্তু গবর্নর জেনেরল যথানিয়মে ঐ কার্য সম্পন্ন করিবার সময় পাইতেন না। এজন্য ওয়েলেসলি তিন জন স্বতন্ত্র বিচারকের উপর উক্ত কার্য-ভার সমর্পণ করেন। এতদ্ব্যতীত ইঙ্গরেজ সিবিল কর্মচারীদিগকে এতদেশীয় ভাষা শিখাইবার জন্য “ফোর্ট উইলিয়ম কলেজ” নামক একটি বিদ্যালয় স্থাপিত হয় (১৮০০)। এই উপলক্ষে অনেকে বাঙ্গালা পুস্তক লিখিতে প্রীত হইলেন। রামরাম বহুর “প্রতাপাদিত্য চরিত্র”, মৃত্যুঞ্জয় বিদ্যালঙ্কারের “রাজাবলী” কেরী সহেবের ব্যাকরণ, অভিধান প্রভৃতি এই সময়ে প্রণীত ও প্রচারিত হয়।

মাকু ইস্ অব্ করণ ওয়ালিস্, ১৮০৫।

ডিরেঙ্কটরিয়া, মাকু ইস্ অব্ করণ ওয়ালিস্কে রাজ্যের সর্বত্র শান্তি স্থাপন করিতে আদেশ দিয়াছিলেন। মাকু ইস্

অব্ কর্ণওয়ালিস্ দ্বিতীয় বার ভারতবর্ষে আসিয়া, এই আদেশ প্রতিপালন জন্ত উত্তর-পশ্চিম প্রদেশে যাত্রা করেন। কিন্তু বার্লো প্রযুক্ত তাঁহার শরীর ভগ্ন হইয়া পড়িয়াছিল। বর্ষাকালে উত্তর-পশ্চিম প্রদেশে ভ্রমণসময়ে গাজীপুরে তাঁহার মৃত্যু হইল। তিনি ভারতবর্ষে দ্বিতীয় বার আসিয়া আড়াই মাস জীবিত ছিলেন। কর্ণওয়ালিসের মৃত্যুর পর, কোম্বিলের প্রধান সদস্ত শ্রী জর্জ বার্লো সাহেব গবর্ণর জেনেরলের পদ গ্রহণ করেন।

### শ্রী জর্জ বার্লো, ১৮০৫-১৮০৭।

শ্রী জর্জ বার্লো ডিরেক্টরদিগের আদেশানুসারে কার্য করিতে প্রবৃত্ত হন। তিনি মক্কাট্টা ভূপতিগণের সহিত কোন-রূপ যুদ্ধবিগ্রহে লিপ্ত হন নাই। মাদ্রাজ প্রেসিডেন্সির অধিকার বিস্তৃত হইলে ১৮০৬ অব্দে উহা কতিপয় জেলায় বিভক্ত হয়। প্রাতি জেলায় কলেক্টর, মাজিষ্ট্রেট নিযুক্ত হন। অধিকন্তু চারিটি “প্রোভিন্সিয়াল কোর্ট” স্থাপিত হয়।

### বেলোড়ে সিপাহিদিগের বিদ্রোহ, ১৮০৬।—

বেলোড়ে সিপাহিদিগের বিদ্রোহ, শ্রী জর্জ বার্লোর শাসন-কালের প্রধান ঘটনা। মাদ্রাজের কর্তৃপক্ষ এই আদেশ প্রচার করেন যে, সিপাহিরা যখন একত্রে শ্রেণীবদ্ধ হইয়া যুদ্ধের প্রণালী শিক্ষা করিবে, তখন তাহারা তিলুক, ফেণ্টা অথবা কর্ণভূষণ রাখিতে পারিবে না। তাহাদিগকে ঐ সময় উচ্চ-ধর্ম পত্ৰবর্তে টুপি পরিতে হইবে, এবং হিন্দুদেশের কোর্ট চার্জ

ফেলিতে হইবে। সিপাহিরা অপনাদের জিলাক, কর্ণভূষণ প্রভৃতি জাতীয় গৌরবের চিহ্নস্বরূপ মনে করিত। এখন তাহা হইতে বিচ্যুত হওয়াতে তাহারা যার-পর-নাই সন্দিগ্ধ হইয়া উঠিল। তাহারা ভাবিল, ইংরেজ গবর্ণমেন্ট সকলকে খ্রীষ্টীয় ধর্মে দীক্ষিত করিবার ইচ্ছা করিয়াছেন। যে গোল টুপি পরিবার আদেশ হইয়াছে, তাহা গাভী ও শূকরের চর্মে নিষ্প্রিত, স্ত্রতরাং হিন্দু ও মুসলমান, উভয়েরই তুল্যরূপ অস্পৃশ্য। সিপাহিরা তত্ত্বজ্ঞ নহে, তাহারা সদা কৌতূহলপর ও সন্দিগ্ধ। এই কৌতূহল ও সন্দেহ প্রযুক্ত বেলোড়ের সিপাহিরা ব্রিটিশ গবর্ণমেন্টের বিরুদ্ধে সমুথিত হইল। এই সময়ে হায়দরআলীর বংশধরগণ বেলোড়ের দুর্গে অবস্থিতি করিতেছিলেন, তাহারা এই অসন্তুষ্ট সিপাহিদিগকে উত্তেজিত করিতে লাগিলেন। ১০ই জুলাইএর গভীর নিশীথে সিপাহিরা ইংরেজ সৈন্য আক্রমণ করিয়া তাহাদের অনেককে হত্যা করিল। আর্কট নগরে এই দুর্ঘটনার সংবাদ পৌঁছিলে কর্ণেল জিলেসপি বেলোড়ে আসিয়া সিপাহিদিগকে দমন করিলেন। টিপু সুলতানের সম্ভানগণ বেলোড় হইতে কলিকাতায় আনীত হইলেন। এই দুর্ঘটনায় রাজ্যের সকল স্থানে সকল ইংরেজ কর্মচারীর হৃদয়েই আশঙ্কা ও উদ্বেগের সঞ্চার হইয়াছিল। সোভাগ্যক্রমে এই সময়ে অপেক্ষাকৃত যোগ্য ব্যক্তির ক্ষেত্রে গবর্ণর জেনারেলের কার্য-ভার সমর্পিত হইল।

লর্ড মিন্টো, ১৮০৭ ১৮১৩।

লর্ড মিন্টো ১৮০৭ সনের জুলাই মাসে ভারতবর্ষের গবর্ণর জেনারেল হইয়া আইসেন। তিনি লর্ড ওয়েলেসলির, ত্রায় যুদ্ধ-

বিগ্রহে প্রবৃত্ত হন নাই, প্রত্যুত ব্রিটিশ কোম্পানির স্বার্থের দিকে দৃষ্টি রাখিয়া, রাজ্যমধ্যে শান্তি স্থাপন করিতে মনোযোগী হন। দস্যুদিগের প্রভাব প্রযুক্ত বুদ্ধেলখণ্ডে গোলযোগ উপস্থিত হওয়াতে লর্ড মিণ্টোর চেষ্টায় তথায় শান্তি স্থাপিত হয়। এই সময়ে পঞ্জাবে শিখদিগের প্রভাব বৃদ্ধি হয়, এবং পিণ্ডারী নামক দস্যুগণ দলবদ্ধ হইয়া চারি দিকে উৎপাত আরম্ভ করে। অভিনব গবর্ণর জেনেরল প্রথমে শিখদিগের অধিপতি রণজিৎ সিংহের সহিত সন্ধি বন্ধন করিতে কৃতসঙ্কল্প হন।

রণজিৎ সিংহের সহিত সন্ধি, ১৮০৯।—সমগ্র পৃথিবীতে যত ক্ষমতাশালী ও কার্য-কুশল ব্যক্তি আবির্ভূত হইয়াছেন, তাঁহাদের মধ্যে মহারাজ রণজিৎসিংহ একজন। খ্রীঃ অষ্টাদশ শতাব্দীর শেষে শিখসমাজে এই মহাপুরুষের আবির্ভাব হয়। পূর্বে শিখদিগের জনপদ ক্ষুদ্র ক্ষুদ্র খণ্ডে বিভক্ত ছিল। ঐ সকল খণ্ড “মিসিল” নামে অভিহিত হইত। প্রত্যেক মিসিলে এক এক জন সর্দার থাকিতেন। রণজিৎ সিংহের পিতা মহাসিংহ ঐক্লিপ একটি মিসিলের সর্দার ছিলেন। ১৭৮০ অব্দে ২য় নবেম্বর গুজরগবালায় রণজিৎসিংহের জন্ম হয়। মহাসিংহ অতিশয় সাহসী ও রণ-পণ্ডিত ছিলেন। রণজিৎ সর্ব্বাংশে পিতার এই সাহস ও রণপাণ্ডিত্য অধিকার করেন। বাল্যকালে বসন্তরোগে তাঁহার একটি চক্ষু নষ্ট হইয়া যাহা হউক, রণজিৎ সিংহের বয়স আট বৎসর, এমন সময় মহাসিংহের পরলোক প্রাপ্তি হয়। রণজিৎ এই সময় হইতে তাঁহার মাতা এবং পিতার দেওয়ান লক্ষীপৎ সিংহের তত্ত্বাবধানে রক্ষিত হন। রণজিৎ, খর্ব্বকায় ছিলেন, কিন্তু তাঁহার সাহস ও পরাক্রম অসাধারণ



ছিল। তিনি এই সাহস ও পরাক্রমের উপর নির্ভর করিয়া, আপনার প্রাধিকৃত স্থাপনে উদ্যত হন। অহম্মদ শাহ দোবরাগীর পোত্র জেমান শাহ ১৭৯৯ অব্দে যখন ভারতবর্ষ আক্রমণ করেন, তখন রণজিৎসিংহ তাঁহার বিশেষ সাহায্য করাতে পুরস্কার স্বরূপ লাহোরের আধিপত্য প্রাপ্ত হন। ক্রমে শিখদিগের মণ্ডলে তাঁহার ক্ষমতা বর্দ্ধিত হয়। গবর্ণর জেনেরল লর্ড মিণ্টো যখন ভারতবর্ষে উপনীত হইল, তখন রণজিৎ সিংহের অধিকার শতদ্রু পর্য্যন্ত বিস্তৃত হয়। রণজিৎ এই সময়ে পাতিয়ালা ও ঝিন্দ আক্রমণ করেন। ঐ দুই রাজ্যের শিখ ভূপতি ইঙ্গরেজদিগের অন্তর্গত ছিলেন। এ জন্ত গবর্ণর জেনেরল রণজিৎ সিংহকে নিরস্ত করিবার জন্য চার্লস মেটকাক নামক একজন স্মরণ্য কর্মচারীকে পাঠাইয়া দেন। কর্ণেল অক্টরলোনি একদল ইঙ্গরেজ সৈন্ত লইয়া তাঁহার সঙ্গে যাত্রা করেন। ১৮০৯ অব্দে রণজিৎ সিংহ ইঙ্গরেজদিগের সহিত সন্ধি-সূত্রে আবদ্ধ হন। এই সন্ধিতে স্থির হয় যে, রণজিৎ সিংহ ইঙ্গরেজদিগের অধিকৃত বা, আশ্রিত জনপদ আক্রমণ করিতে পারিবেন না। ইঙ্গরেজেরাও তাঁহার রাজ্যের কোন বিষয়ে হস্তক্ষেপ করিবেন না। ইহার পর রণজিৎ সিংহ আপনার তরবারির বলে সমস্ত গজাবে আধিপত্য স্থাপন করেন, সিন্ধুদত্ত উত্তরণ পূর্বক আফগানদিগের রাজ্যে জয়-পতাকা উড়াইয়া দেন। তাঁহার অধিকার তদীয় রাজধানী লাহোর হইতে উত্তরে কাশ্মীর, পশ্চিমে পেশাবর, দক্ষিণে মুলতান এবং পূর্বে শতদ্রু পর্য্যন্ত প্রসারিত হয়, এবং তাঁহার সুদৃকুশল সৈন্তগণ ইউরোপীয় প্রণালী অনুসারে শিক্ষা পাইয়া বীরেন্দ্রমাজের বরণীয় হইয়া উঠে। এইরূপ পরাক্রান্ত

হইলেও মহারাজ রণজিৎসিংহ কখনও সন্ধির নিয়ম ভঙ্গ করেন নাই, এবং কখনও ইঙ্গরেজদিগের বিরুদ্ধে অস্ত্রধারণ করিয়া, পবিত্র মিত্রতা কলঙ্কিত করেন নাই। তিনি লেখাপড়া না জানিলেও, বিদ্যা ও ধর্মের সমাদর করিতেন।

অন্যান্য স্থানে দূত প্রেরণ ।—মেটকাক সাহেব যেমন দূত হইয়া রণজিৎ সিংহের দরবারে উপস্থিত হন, তেমন এলফিন্-ষ্টোন এবং মালকমও দূতপদে নিযুক্ত হন। এলফিন্‌ষ্টোন পেশাবের আফগানিস্তানের অধিপতির সহিত সাক্ষাৎ করেন। মালকম পারস্ত-রাজের নিকট উপস্থিত হন। এই সময়ে ইউরোপে ইঙ্গরেজদিগের সহিত ফরাসীদিগের ঘোরতর যুদ্ধ উপস্থিত হইয়াছিল। পাছে ফরাসীরা ভারতবর্ষে প্রাধান্য স্থাপন করে, এই আশঙ্কায় গবর্নরজেনেরল পূর্বোক্ত ভূপতিগণের নিকট দূত পাঠাইয়া এই অতিপ্রায় প্রকাশ করেন যে, তাঁহারা ইঙ্গরেজ ভিন্ন অন্য কোন ইউরোপীয় জাতির সহিত সংশ্রব রাখিবেন না। দূতগণ কুর্সুম ও উপযুক্ত ছিলেন। কিন্তু তাঁহারা অতীষ্ট-ফল লাভে কৃতকার্য হইতে পারেন নাই।

যাবা অধিকার, ১৮১১ ।—সুপ্রসিদ্ধ নেপোলিয়ন বোনাপার্ট হলও অধিকার করিলে ওলন্দাজদিগের অধিকার যাবা দ্বীপও তাঁহার হস্তগত হয়। লর্ড মিণ্টো স্বয়ং ঐ দ্বীপ অধিকার করিতে যাত্রা করেন। তাঁহার চেষ্টা বিফল হয় নাই। যুদ্ধের পর যাবায় ইঙ্গরেজদিগের প্রাধান্য স্থাপিত হয়।

নূতন সনন্দ, ১৮১৩ ।—১৭৯৩ অব্দে কোম্পানি যে সনন্দ প্রাপ্ত হন, ১৮১৩ অব্দে তাহার মেয়াদ শেষ হয়। এই বৎসর তাঁহারা আরার সনন্দ লাভ করেন। এই সনন্দ

দারে, (১) কোম্পানি আর ২০ বৎসরের জন্য আপনাদের রাজ্য-ভোগ করিবার অধিকার প্রাপ্ত হন; (২) ভারতবর্ষে তাঁহাদের একচেটিয়া বাণিজ্য রহিত হয়, কেবল চীনদেশে উক্ত একচেটিয়া বাণিজ্য করিবার ক্ষমতা থাকে; (৩) ভারতবর্ষীয়দিগের সাহিত্যের উন্নতি ও শিক্ষার উৎকর্ষ সম্পাদন জন্য কোম্পানি বার্ষিক এক লক্ষ টাকা ব্যয় করিবার অনুমতি প্রাপ্ত হন; (৪) খ্রীষ্টীয় ধর্মপ্রচারকেয়া ভারতবর্ষে ধর্ম প্রচার করিবার অধিকার লাভ করেন। কলিকাতায় একজন বিশপ এবং বোম্বাই ও মাদ্রাজে এক জন অর্কেডিকন নিযুক্ত হন।

এই সনন্দ অনুসারে ভারতবর্ষে কোম্পানির একচেটিয়া বাণিজ্য রহিত হইল। এখন তাঁহারা বাণিজ্যবৃত্তি পরিত্যাগ করিয়া প্রকৃতপ্রস্তাবে ভারতবর্ষের রাজকাৰ্য্যে মনোনিবেশ করিলেন।

### লর্ড ময়রা, ১৮১৩-১৮২৩।

লর্ড মিণ্টোর পর লর্ড ময়রা, ১৮১৩ অব্দে ভারতবর্ষের গবর্নর জেনেরলের পদ গ্রহণ করেন। ইহার সময়ে মধ্য ভারতবর্ষে ইঙ্গরেজদিগের প্রাধান্য বর্ধমান হয়, এবং বোম্বাই প্রেসিডেন্সির অধিকার প্রসারিত হইয়া উঠে। লর্ড ময়রার শাসনকালে 'ত্রিটি' প্রধান যুদ্ধ ঘটে; একটি নেপালের যুদ্ধ, অপরটি মরহাট্টা-দিগের সহিত শেষ যুদ্ধ।

নেপালের যুদ্ধ, ১৮১৪-১৮১৫।—নেপালবাসী গোর-কেরা বৌদ্ধধর্মাবলম্বী। ইহারা মাজপুতদিগের সন্তান বলিয়া,

আপনাদের পরিচয় দিয়। এই রাজপুতেরা নেপালে আসিয়া উপনিবেশ স্থাপন করিয়াছিলেন। বাহাইউক, গোরক্ষেরা ১৭৬৭ অব্দে নেপালের আধিপত্য স্থাপন করিয়া আপনাদের অধিকার বাড়াইতে উদ্যত হয়। ক্রমে ইহারা ব্রিটিশ অধিকার আক্রমণ করে। স্মার জর্জ বার্নে এবং লর্ড মিটো ইহাদিগকে ক্ষান্ত হইতে অনেক অনুরোধ করিয়াছিলেন, কিন্তু তাহাতে কোন ফল হয় নাই। লর্ড ময়রা নেপালে দূত প্রেরণ করিয়াও উপস্থিত গোলযোগ মিটাইতে পারিলেন না। সুতরাং তাহাকে যুদ্ধের আয়োজন করিতে হইল। ১৮১৪ অব্দে অক্টরলোনি, জিলেসপি, উড ও মার্লে, এই চারি জন সেনাপতির অধীনে চারিদল সৈন্য ভিন্ন ভিন্ন দিকে যাইয়া গোরক্ষদিগের জনপদ আক্রমণ করিল। যুদ্ধের প্রারম্ভে ইঙ্গরেজদিগকে বিশেষ ক্ষতি স্বীকার করিতে হয়। তাহাদের চারি জন সেনাপতির মধ্যে জিলেসপি নিহত হন, উড ও মার্লে অকৃতকার্য হইয়া ফিরিয়া আইসেন। কেবল অগ্রতম সেনাপতি অক্টরলোনি যুদ্ধে পরাভূত হন নাই। তিনি গোরক্ষদিগের সেনাপতি অগর সিংহের অধীনস্থ প্রায় সমুদয় দুর্গ অধিকার করেন। অমর সিংহকে শেষে সন্ধির প্রস্তাব করিতে হয়। গবর্নর জেনেরল গোরক্ষদিগের অধিকৃত তঁরাই প্রদেশ গ্রহণ করিয়া, সন্ধি করিবার প্রস্তাব করেন। নেপাল-রাজ ইহাতে সন্তুষ্ট হওয়াতে পুনরায় যুদ্ধ আরম্ভ হয়। এবারেও অক্টরলোনি জয়লাভ করেন। গোরক্ষেরা পরাভূত হইয়া অবশেষে গবর্নর জেনেরলে প্রস্তাবিত নিয়মেই সন্ধি করিতে উদ্যত হয়। এই সন্ধির নিয়ম অনুসারে ব্রিটিশ গবর্নমেন্ট কনায়ু দেবাদুন ও তরাই প্রদেশ

লাভ করেন। নেপাল-রাজ স্বীয় রাজধানীতে এক জন ইঙ্গরেজ রেসিডেন্ট রাখিতে সম্মত হন। যুদ্ধ শেষ হইলে লর্ড ময়রা “মার্কুইস্ অব্ হেষ্টিংস্,” এবং অক্টরলোনি “স্মার” উপাধি লাভ করেন। কলিকাতার প্রসিদ্ধ “মন্সুমেণ্ট” এই অক্টরলোনির স্মরণ-সূচক স্তম্ভ।

পিণ্ডারী, ১৮০৪-১৮১৭।—ইহার মধ্যে মধ্য ভারত-বর্ষের অবস্থা যার-পর-নাই বিশৃঙ্খল হইয়া উঠে। মরহাট্টা-প্রধানেরা এখন আর পূর্বের স্থায় দেশ বিলুপ্তনকারী ছিলেন না, তাঁহারা আপনাদের অধিকৃত জনপদে অধিরাজবর্গের স্থায় স্থখ স্বচ্ছন্দে কালান্তিপাত করিতেছিলেন। তাঁহাদের পরিষর্তে আর এক অভিনব দল এখন দেশ-বিলুপ্তনে প্রবৃত্ত হইয়াছিল। এই দলের লোক পিণ্ডারী নামে প্রসিদ্ধ। আফগান, জাঠ প্রভৃতি ভিন্ন ভিন্ন জাতির লোক পিণ্ডারী-দলভুক্ত হইয়া দস্যুবৃত্তি করিত। সচরাচর মালব, রাজপুতানা ও বেরারে ইহাদের বড় দৌরাঙ্গ্য ছিল। ইহারা প্রায় বার বৎসর কাল নানা স্থানে দৌরাঙ্গ্য করিয়া বেড়াইত। ইহাদের দলে প্রায় ষাট হাজার অস্ত্রধারী লোক ছিল। মার্কুইস্ অব্ হেষ্টিংস্ এই দস্যুজ দস্যু সম্প্রদায়কে দমন করিতে কৃতসঙ্কল্প হন।

পিণ্ডারীদিগের সহিত যুদ্ধ, ১৮১৭।—উপস্থিত সময়ে আরবী নামক একজন আফগান পিণ্ডারীদিগের মধ্যে প্রভুত্ব করিত। আর্মীর এক সময়ে হোলকারের প্রধান সেনাপতি ছিল। ক্রমে তাঁহার দল হ্রাস হইয়। ক্রমে আর্মীর ৪০,০০০ অশ্বারোহী সৈন্যের অধিনায়ক হইয়া উঠে। এতদ্ব্যতীত তাঁহার অধীনে আর ২৪,০০০ পিণ্ডারী এবং কয়েকটা কামান ছিল।

পিণ্ডারীদিগের আরও এই জন সর্দারের নাম চেতু ও করিম খাঁ । লর্ড হেষ্টিংস ১৮১৭ অব্দের নবেম্বর মাসে ১,২০,০০০ সৈন্য একত্র করিলেন । এই সৈন্যদলের এক অংশ উত্তর দিক হইতে এবং অপর অংশ দক্ষিণ দিক হইতে যাত্রা করিয়া, একেবারে চারি দিকে পিণ্ডারীদিগের সহিত যুদ্ধ আরম্ভ করিল । সিন্ধিয়ার রাজ্য দিয়া ইঙ্গরেজদিগেব সৈন্য গিয়াছিল । সিন্ধিয়ার প্রথমে ইঙ্গরেজদিগকে আপনাদের রাজ্যে আসিতে দিতে সম্মত হন নাই শেষে ইঙ্গরেজেরা যুদ্ধের উদ্যোগ করাতে তিনি শাস্ত্যাব অবলম্বন করেন । বাহা হউক, যুদ্ধে আমীর খাঁর পরাজয় হয় । আমীর টঙ্কের কর্তৃত্ব পাইয়া আপনাদের লোকদিগকে নিরস্ত্র করে । টঙ্কের নবাবেরা এই আমীর খাঁর বংশ-জাত । করীম খাঁও পরাজিত হয় । চেতু জঙ্গলে পলায়ন করে এবং সেখানে ব্যাককর্তৃক মিহত হয় । যুদ্ধে পিণ্ডারীদিগের অনেকে প্রাণ ত্যাগ করে । হতাবশিষ্ট পিণ্ডারীরা আপনাদের দুর্বৃত্তি পরিত্যাগ পূর্বক কৃষি-কার্যে প্রবৃত্ত হয় । লর্ড হেষ্টিংস এইরূপে একদল পরাক্রান্ত দস্যব উচ্ছেদসাধন করিয়া, দেশের উপদ্রব দূর করেন ।

মরহাট্টাদিগের সহিত শেষ যুদ্ধ ১৮১৭-১৮১৮ ।— যে বৎসর ( ১৮১৭ ) যে মাসে ( নবেম্বর ) পিণ্ডারীদিগের পরাজয় হয়, সেই বৎসর এবং প্রায় সেই মাসেই মরহাট্টা, নাগপুর ইন্দোরের মরহাট্টা ভূপতিগণ ইঙ্গরেজদিগের বিরুদ্ধে সমুথিত হন । ১৮০২ অব্দের বাসেনের সন্ধির নিম্নস্থ অনুসারে পেশবা বাজীরাওর রাজধানী পুনায় এক জন ব্রিটিশ রেসিডেন্ট থাকেন বহদুরী ও বহুগুণাবর্ত এলফিংটোন সাহেব উপস্থিত সময়ে

রেসিডেন্টের কার্যে নিযুক্ত ছিলেন। ত্র্যম্বকজী নামক একজন কুচক্রী লোক ক্রমে পেশবা বাজীরায়ের প্রধান মন্ত্রী হইয়া উঠেন। এই কুচক্রীর চক্রান্তে বাজীরায় ইঙ্গরেজদিগের সহিত যুদ্ধে প্রবৃত্ত হন। গাইকবাড় আনন্দরায়ের সহিত পেশবার বিবাদ উপস্থিত হইলে, আনন্দরায়ের মন্ত্রী পণ্ডিত গঙ্গাধর শাস্ত্রী বিবাদ মিটাইবার জন্ত পুনায় আইসেন। ত্র্যম্বকজী গোপনে গঙ্গাধরকে হত্যা করেন। ইহাভে ইঙ্গরেজেরা বারম্বার নাই অসন্তুষ্ট হইয়া, হত্যাকারীকে কারারুদ্ধ করিয়া রাখেন। কিন্তু ত্র্যম্বকজী পেশবার সাহায্যে পলায়ন করিয়া, ইঙ্গরেজদিগের সহিত যুদ্ধ করিবার জন্ত সৈন্যসংগ্রহে প্রবৃত্ত হন। পেশবাও গোপনে মন্ত্রীর সহায়তা করিতে থাকেন। স্মরণ্যে অবিলম্বে উভয়পক্ষে যুদ্ধের হত্বপাত হয়। ইঙ্গরেজদিগের একদল সৈন্য হঠাৎ পূনা অবরোধ করিলে পেশবা প্রথমে সন্ধি স্থাপন করেন। কিন্তু ইঙ্গরেজেরা পিণ্ডারীদিগের সহিত যুদ্ধে প্রবৃত্ত হইলে পেশবাও আবার শত্রুতাচরণে উদ্যত হন। এই সময়ে হোলকার এবং নাগপুর-রাজও ইঙ্গরেজদিগের বিরুদ্ধে যুদ্ধের আয়োজন করেন। পেশবা প্রথমে ইঙ্গরেজদিগের রেসিডেন্স লুণ্ঠন ও অগ্নিসং করেন। কিন্তু শেষে তিনি আপনার রাজধানী পরিত্যাগপূর্বক পলাইতে বাধ্য হন। অবশেষে তাঁহাকে ইঙ্গরেজদিগের প্রস্তাবিত সন্ধিপত্রে স্বাক্ষর করিতে হয়। এই সন্ধি অনুসারে ব্রিটিশ গবর্ণমেন্ট পেশবার রাজ্য অধিকার করেন। শিবজীর বংশীয় একটি বালককে সোভারান আধিপত্য দেওয়া হয়। পেশবা বার্ষিক আট লক্ষ টাকা বৃত্তি পাইয়া কাণপুরের কলকটবর্তী বিঠোরে আসিয়া বাস করেন। এই সন্ধিতে

লাগর, অহমদাবাদ, পুনা, কঙ্কণ ও দক্ষিণ মহারাষ্ট্র কোম্পানির  
অধিকারভুক্ত হয় (১৮১৮)। বলজী বিশ্বনাথ পেশবা পদের  
গৌরববৃদ্ধি করিয়াছিলেন, আর বাজীরাও পেশবা পদের উচ্ছেদ  
দেখিলেন। সুতরাং এক শত বৎসর পরে একটি গৌরবান্বিত  
বংশের অধঃপতন হইল। এদিকে নাগপুরের অধিপতি আপা  
সাহেবও ইঙ্গরেজদিগকে আক্রমণ করিয়াছিলেন। নাগপুরের  
সমীপবর্তী সীতাবলদি পাহাড়ের নিকট যে যুদ্ধ হয়, তাহাতে  
আপা সাহেব অক্লত-কার্য্য হইয়া পলায়ন করেন। লর্ড হেষ্টিংস-  
সের মতানুসারে রঘুজীর পৌত্র নাগপুরের সিংহাসন প্রাপ্ত হন।  
রঘুজীর বিধবা মতিবী বন্ধবাই এই অভিনব অধিপতির রক্ষয়িত্রী  
হন (১৮১৮)। এই সময়ে হোলকারের সহিতও ইঙ্গরেজদিগের  
যুদ্ধ উপস্থিত হয়। হোলকার বংশের আদিপুরুষ মহলার রাও  
হোলকারের পর তদীয় বিধবা পুত্রবধু খ্যাতনামী অহল্যাবাই  
বিশেষ দক্ষতার সহিত ৩০ বৎসর ইন্দোর রাজ্য শাসন করেন।  
অহল্যাবাইর মৃত্যু হইলে তাঁহার সেনাপতি টুকাজীর পুত্র বংশো-  
বস্ত রাও ইন্দোরের অধিপতি হন। উপস্থিত সময়ে টুকাজীর  
পুত্র দ্বিতীয় মহলার রাও ইন্দোরের সিংহাসনে অধিষ্ঠিত ছিলেন।  
শিপ্রা নদীর তীরবর্তী মাহিদপুরে ইহার সৈন্তের সহিত ইঙ্গরেজ-  
দিগের যুদ্ধ হয়। যুদ্ধে ইঙ্গরেজেরা জয়ী হন এবং হোলকারের  
রাজ্যে এক দল সৈন্ত রাখিয়া, তাহার ব্যয় নির্বাহ করিয়া থান্ডেশ  
প্রদেশ অধিকার করেন (১৮১৮)।

• মহারাষ্ট্র-যুদ্ধের ফল।—এইরূপে মহারাষ্ট্র-অধিপতি-  
দিগের পরাক্রম খর্ব্ব হইল। যাহারা যুদ্ধক্ষেত্রে হইতে পলায়ন  
করিয়াছিল, আর জন মাণিক্য তাহাদের মধ্যে শান্তি স্থাপন



করিলেন। পেশবার রাজ্যে বোম্বাই প্রেসিডেন্সি প্রসারিত হইল। সর্দাশয় এলফিনষ্টোন সাহেব বোম্বাইর গবর্ণর হইলেন। বোম্বাই প্রেসিডেন্সি কয়েক জেলায় বিভক্ত হইল। ব্রিটিশ গবর্ণমেন্ট প্রত্যেক জেলার শাসন-কার্য্যে সুবন্দোবস্ত করিয়া দিলেন। সেতারা, গোবালিয়র, ইন্দোর ও নাগপুরের ভূপতিগণ ইঙ্গরেজ-কোম্পানির আশ্রিত ও অনুগৃহীত হইয়া রহিলেন। যে সকল জনপদ পিণ্ডারীদিগের দৌরাড্যে উচ্ছৃঙ্খল হইয়াছিল, তৎসমুদয় সুশৃঙ্খল ও শান্তিপূর্ণ হইল।

**হিন্দুকলেজ প্রভৃতির প্রতিষ্ঠা।**—লর্ড হেষ্টিংসের সময়ে “হিন্দু কলেজ” স্থাপিত হয়। বাঙ্গালার কতিপয় সম্ভ্রান্ত লোক এই কলেজ স্থাপনের জন্ত বিশেষ যত্ন করেন। এই কলেজে উচ্চ অঙ্গের সাহিত্য, গণিত প্রভৃতির শিক্ষা দেওয়াতে উচ্চ শিক্ষার ভিত্তি বন্ধমূল হয়। এই সময়ে কেরী, মার্শম্যান প্রভৃতি শ্রীরামপুরের ত্রীষ্টবন্দ-প্রচারকেরা ১৮১৮ অব্দের মে মাসে “সমাচার-দর্পণ” নামক বাঙ্গালা সংবাদপত্র মুদ্রিত করেন। এই “সমাচার-দর্পণ” সমুদয় বাঙ্গালা সংবাদপত্রের আদি।

১৮২৩ অব্দে মাক্‌ইন্‌স অব হেষ্টিংস স্বদেশে যাত্রা করেন। তিনি অতিশয় কার্য্যকুশল ও পরিশ্রমী শাসনকর্তা ছিলেন। প্রতিদিন ৭৮ ঘণ্টাকাল অবিশ্রান্তভাবে কার্য্য করিতেন। তাঁহার সময়ে ব্রিটিশ কোম্পানির ছয় কোটি টাকা আয় বৃদ্ধি হয়।

**লর্ড হামফ্রিস্, ১৮২৩-১৮২৮।**

মাক্‌ইন্‌স অব হেষ্টিংস-চলিয়া গেলে, জন্‌ আডাম্‌ নামক এক জন প্রাচীন মিবিল কর্মচারী একে এক মাসের জন্ত গবর্ণর জেনে-

মলের কার্য নির্বাহ করেন। ইহার পর ১৮২৩ অব্দের আগষ্ট মাসে লর্ড আমহাষ্ট ভারতবর্ষের গবর্নর জেনেরল হইয়া কলিকাতায় উপস্থিত হন। ব্রহ্মদেশের প্রথম যুদ্ধ এবং ভবতপুরের দুর্গ অধিকার, এই দুইটি প্রধান ঘটনার জন্য আমহাষ্টের শাসন-কাল প্রসিদ্ধ হইয়াছে।

ব্রহ্মদেশের প্রাচীন বিবরণ।—ব্রহ্মদেশীয়েরা বৌদ্ধ-ধর্মাবলম্বী। প্রাচীন সময়ে ইহাদের মধ্যে কোনরূপ শৃঙ্খলাবদ্ধ শাসনপ্রণালী ছিল না। দক্ষিণে শ্রামদেশ হইতে এবং উত্তরে মধ্য-এশিয়ার পার্শ্বত্যা প্রদেশ হইতে, আক্রমণ-কারীরা আসিয়া ব্রহ্মদেশে দৌরাখ্য করিত। কিন্তু ব্রহ্মদেশীয়েরা এরূপ দৌরাখ্যের-মধ্যেও আপনাদের প্রাচীন সভ্যতা অক্ষত রাখিয়াছিল। ইউরোপীয় ভ্রমণকারীরা পঞ্চদশ শতাব্দীতে পেন্ডু এবং তেনাস-রিমে বাণিজ্যের উন্নতি দেখিয়া বিশেষ সন্তোষ লাভ করিয়া ছিলেন। পর্তুগীজদিগের প্রাধান্য-সময়ে আরাকান একটা প্রধান স্থান ছিল। এই স্থানের পর্তুগীজ দস্যাদিগের সাহায্যে মগেরা চট্টগ্রাম অধিকার করে। ১৭৫০ অব্দে ব্রহ্মদেশে একটি অভিনব রাজবংশের উদ্ভব হয়। আলমপুরা নামক এক ব্যক্তি এই বংশের আদি পুরুষ। ইনি আবায় রাজধানী স্থাপন করিয়া আপনার শাসন-দণ্ড পরিচালন করেন।

ব্রহ্মদেশের প্রথম যুদ্ধ, ১৮২৪-১৮২৬।—আলমপুরার উত্তরাধিকারীরা ক্রমে সমস্ত ব্রহ্মদেশ অধিকার করিয়া, আসাম আক্রমণ করে; ক্রমে বঙ্গদেশেও তাহাদের দৌরাখ্য আরম্ভ হয়। এজন্য লর্ড আমহাষ্ট ১৮২৪ অব্দে ব্রহ্মরাজ্যের বিরুদ্ধে যুদ্ধ ঘোষণা করেন। বাদশাহার সিপাহিরা সন্মুখপথে

যাইতে অস্বীকৃত হওয়াতে স্থলপথে চট্টগ্রাম দিয়া আরাকানে উপস্থিত হয়। আর এক দল সৈন্য মাদ্রাজ হইতে সমুদ্রপথে যাত্রা করে। ব্রহ্মরাজ সেনাপতি বঙ্গুলাকে ষাট হাজার সৈন্যের সহিত পাঠাইয়া দেন। প্রথম যুদ্ধে বঙ্গুলার পরাজয় হয়। পর বৎসর (১৮২৫) বঙ্গুলা যুদ্ধে নিহত হন। তাঁহার সৈন্যগণ ছত্রভঙ্গ হইয়া পড়ে। ইঙ্গরেজেরা প্রোম নগর অধিকার করিয়া ক্রমে রাজধানীর সমীপবর্তী হন। তখন ব্রহ্মরাজ ১৮২৬ অব্দে জান্দাবুতে সন্ধিপত্রে স্বাক্ষর করেন। এই সন্ধিতে ব্রিটিশ কোম্পানি আসাম, আরাকান ও তেনাসরিম প্রদেশ এবং যুদ্ধের ব্যয়স্বরূপ এক কোটি টাকা প্রাপ্ত হন। এই যুদ্ধ হই বৎসর চলিতেছিল। ইহাতে ইঙ্গরেজদিগের ১৪ কোটি টাকা ব্যয় এবং প্রায় ২০,০০০ লোকের জীবন নষ্ট হয়। অধিকাংশ লোক রোগে প্রাণত্যাগ করিয়াছিল। প্রোম হইতে ইঙ্গরেজেরা ব্রহ্মবাসিন্দেবের একটি কাষ্ঠময় মন্দির বালিকাতায় আনয়ন করেন। উহা এক্ষণে কলিকাতাস্থিত ইডেন উদ্যানে রহিয়াছে।

ভরতপুরের দুর্গ অধিকার, ১৮২৭।—ভরতপুর মধ্য ভারতবর্ষের একটি প্রধান জাঠ-জনপদ। উপস্থিত সময়ে বলদেব সিংহের অপ্রাপ্তবয়স্ক পুত্র বলবন্ত সিংহ ভরতপুরের প্রকৃত অধিকারী ছিলেন। কিন্তু দুর্জয়শাল নামক বলদেব সিংহের এক কনিষ্ঠপুত্র এই শিশুকে পদচ্যুত করিয়া আপনি রাজা হন। ইঙ্গরেজ গবর্ণমেন্ট বলবন্ত সিংহের পক্ষ অবলম্বন পূর্বক দুর্জয়শালের সহিত যুদ্ধ উপস্থিত করেন। ভরতপুরের দুর্গ দুর্ভেদ্য বলিয়া প্রসিদ্ধ ছিল। লর্ড লেকের তাম্র সেনাপতিও ১৮০৫ অব্দে ইহা অধিকার করিতে পারেন নাই। কিন্তু ইঙ্গরেজ

সেনাপতি লর্ড কাম্বরমিয়র ১৮২৭ অক্টোবর জাম্মুয়ারি মাসে দুর্গের দুর্ভেদ্য মুণ্ডায় প্রাচীর ভেদ করেন। দুর্গ সমভূমি করা হয়। বলবন্ত সিংহ ভরতপুরের আধিপত্য প্রাপ্ত হন। ভরতপুরের দুর্গ অধিকৃত হওয়াতে ভারতবর্ষে ইঙ্গরেজদিগের বীরত্বগৌরব বৃদ্ধি হয়।

লর্ড আমহেষ্ট ১৮২৮ অক্টোবর স্বদেশে যাত্রা করেন। তাঁহার সময়ে (১৮২৩ অক্টোবর) বাঙ্গালা প্রেসিডেন্সিতে বিদ্যাশিক্ষার তত্ত্বাবধানার্থ কলিকাতায় একটি সমিতি প্রতিষ্ঠিত এবং ১৮২৪ অক্টোবর সংস্কৃতশাস্ত্রজ্ঞ অধ্যাপক উইলসন সাহেবের উদ্যোগে কলিকাতায় সংস্কৃত কলেজ স্থাপিত হয়। শাসনকার্যে লর্ড আমহেষ্টের তাদৃশ যোগ্যতা ছিল না। তাঁহার সময়ে আয় অপেক্ষা ব্যয় বৃদ্ধি হইয়াছিল।

### লর্ড উইলিয়ম বেণ্টিঙ্ক, ১৮২৮-১৮৩৫।

লর্ড আমহেষ্টের পর লর্ড উইলিয়ম বেণ্টিঙ্ক ভারতবর্ষের গবর্নর জেনেরলের পদে নিয়োজিত হন। ২০ বৎসর পূর্বে বেলোড়ের সিপাহি-বিদ্রোহের সময় লর্ড বেণ্টিঙ্ক মাদ্রাজের গবর্নর ছিলেন। সিপাহিদিগের বিদ্রোহাচরণে বিরক্ত হইয়া, ডিরেক্টরেরা সে সময়ে লর্ড বেণ্টিঙ্ককে অস্থায়রূপে পদচ্যুত করেন, শেষে লর্ড বেণ্টিঙ্কের গুণগ্রামের পরিচয় পাইয়া, তাঁহাকে ভারতবর্ষের সর্বপ্রধান শাসন-কর্তার পদ দেন। লর্ড উইলিয়ম বেণ্টিঙ্ক এখন ভারতবর্ষের সর্বপ্রধান শাসনকর্তা হইয়া উপস্থিত হইলেন। তিনি সাত বৎসর কাল কোম্পানির রাজ্য শাসন

করেন। এই সাত বৎসরে রাজ্যের যথোচিত উন্নতি সাধিত হয়। ইঙ্গরেজেরা যে, এদেশের মঙ্গল সাধনে যত্নবান্ এবং এতদ্বৈধীয়াদিগের অবস্থা উন্নত করিতে তৎপর, তাহা ভারতের ইঙ্গরেজ-রাজত্বের ইতিহাসে এই লর্ড উইলিয়ম বেণ্টিঙ্কের শাসন-সময় হইতেই পরিস্ফুট হয়। সুলেখক লর্ড মেকলে যথার্থই বলিয়াছেন, "তিনি (লর্ড বেণ্টিঙ্ক) নিষ্ঠুরতা-সূচক নিগ্রম সকল রহিত করিয়াছেন, অপকৃষ্ট তেদাভেদ উঠাইয়া দিয়াছেন, আপনাদের অতিমত অভিব্যক্ত করিতে সাধারণকে স্বাধীনতা সমর্পণ করিয়াছেন এবং শাসনাধীন লোকের জ্ঞান ও ধর্মের উৎকর্ষসাধনে সর্বদা চেষ্টা পাইয়াছেন\* ।"

**রাজত্বের উৎকর্ষ-সাধন ।**—বঙ্গদেশের যুদ্ধে অনেক ব্যয় হইয়াছিল; এজন্য কোম্পানিকে অনেক পরিমাণে ক্ষতিগ্রস্ত হইতে হয়। লর্ড উইলিয়ম বেণ্টিঙ্ক এ দেশে আসিয়াই রাজত্বের উৎকর্ষ-সাধনে মনোনিবেশ করেন। এ সম্বন্ধে তিনি উপায় অবলম্বিত হয়। প্রথম, ব্যয়সংক্ষেপ, ইহাতে বার্ষিক দেড় কোটি টাকা ব্যয় কমিয়া যায়। দ্বিতীয়, যে সকল ভূমি অশ্রায়রূপে কর-বিমুক্ত হইয়াছিল, তৎসমুদায় হইতে কর গ্রহণ। তৃতীয়, মালি্বেদের অহিফেনের উপর শুল্ক গ্রহণ। এই তিন উপায়ে রাজত্বের উন্নতি সাধিত হয়, ব্যয়ও অনেক পরিমাণে কমিয়া যায়।

**সতীদাহ-নিবারণ এবং ঠগদিমন ।**—লর্ড উইলিয়ম

\* বঙ্গদেশে লর্ড উইলিয়ম বেণ্টিঙ্কের যে প্রতিমূর্তি আছে, তাহার নিয়ে লর্ড বেণ্টিঙ্কের স্মারক-বর্ণনা-লিপি ক্ষোদিত রহিয়াছে। উক্ত লিপিতে মেকলে লর্ড বেণ্টিঙ্কের সংকীর্ণ এইরূপ পরিচয় দিয়াছেন।

বেন্টিন্‌কের দুইটি প্রধান কীর্তির একটি সতীদাহ-নিবারণ, অপরটি ঠগদিমন। সহমরণ-প্রথা বহুকাল হইতে এদেশে চলিয়া আসিতেছিল। হিন্দুরা উহা আপনাদের ধর্ম্মস্বত্ব, স্মরণ্য অবশ্য প্রতাপালনীয় মনে করিতেন। পুত্রপ্রাণী অবলার পতির প্রতি প্রগাঢ় অনুরাগপ্রযুক্ত এবং অন্তিমে অনন্ত পুণ্য-সঞ্চয়ের বাসনায় কোন কোন সময়ে মৃত পতির পাশে জলন্ত চিতানলে প্রাণ বিসর্জন করিত বটে, কিন্তু অনেক স্থলে তাহা-দিগকে বলপূর্ব্বক বা কৌশলক্রমে শবের সহিত দগ্ধ করা হইত। ভারতবর্ষের সকল স্থলে বৃহৎলোকের সাক্ষাতে সর্বদা এইরূপ নারীহত্যা হইতে। মোগল-সম্রাট্‌ আকবর শাহ একবার এই প্রথানিবারণ করেন। কিন্তু উহার মূলোৎপাটন করিতে পারেন নাই। ইঙ্গরেজেরাও প্রথমে হিন্দুদের ধর্ম্মহানির আশঙ্কায় এই প্রথার বিরুদ্ধে হস্তোত্তোলন করিতে সাহসী হন নাই। ১৮১৭ অব্দে এক বাঙ্গালা প্রেসিডেন্সিতে এইরূপে ৭০০ বিধবা নারীর প্রাণ বিনষ্ট হয়। ১৮২৩ অব্দে বঙ্গদেশের ৫৭৫টি অবলা পতির চিতানলে প্রাণত্যাগ করে। ইঙ্গরেজদিগের মধ্যে প্রথমে ডাক্তর জন্স্‌ নামক একজন রিচক্ষণ খ্রীষ্টধর্ম্ম-প্রচারক সহমরণ-প্রথার বিরুদ্ধে একখানি ক্ষুদ্র পুস্তক প্রকাশ করেন। কিন্তু তাহাতে কোন ফল হয় নাই। কিন্তু যখন এ সম্বন্ধে ইঙ্গরেজদিগের মধ্যে আন্দোলন উৎপন্ন হয়, তখন বঙ্গদেশের একজন প্রকৃত সংস্কারক ও প্রকৃত ধার্ম্মিক পুরুষ এই কুপ্রথার উচ্ছেদসাধনে কৃতহস্ত হন। এই প্রকৃত সংস্কারক ও প্রকৃত ধার্ম্মিক পুরুষের নাম রাজা রামমোহন রায়। হুগলী জেলার অন্তর্গত রাধানগর ইহার জন্মস্থান। ইনি বাঙ্গালা,

সংস্কৃত, আরবী, পারসী ও ইংরেজীতে ব্যাখ্যা হইয়া পৌত্তলিকতার পরিবর্তে একেশ্বরের উপাসনাপ্রথা প্রবর্তিত করেন। মহাত্মা রাজা রামমোহন রায় শাস্ত্রীয় বচন উদ্ধৃত করিয়া অকাট্য যুক্তির সহিত অকুতোভয়ে সহমরণের দোষ দেখাইতে লাগিলেন। ঠিক এই সময়ে লর্ড উইলিয়ম বেন্টিন্‌কের হস্তে ভারতবর্ষের শাসন-কর্তৃত্ব সমর্পিত হইল। লর্ড বেন্টিন্‌ক, রাজা রামমোহন রায় এবং অন্যান্য সদাশয় ব্যক্তির সহিত পরামর্শ করিয়া এই প্রথার উচ্ছেদসাধনে কৃত-সঙ্কল্প হইলেন। চারি দিক্ হইতে নানারূপ আপত্তি হইতে লাগিল। কিন্তু দৃঢ়প্রতিজ্ঞ বেন্টিন্‌কের প্রতিজ্ঞা ভঙ্গ হইল না। ১৮২৮ অব্দের ৪ঠা ডিসেম্বর সহমরণ আইন দ্বারা প্রতিষেধিত হইল।

বহুকাল হইতে এতদ্দেশে ঠগ নামক নরহত্যাকারীদিগের প্রাদুর্ভাব ছিল। ইহাদের দলে অনেক লোক থাকিত। ইহারা বণিকের বৈশে, সন্ন্যাসীর বৈশে ভারতবর্ষের নানা স্থানে বেড়াইত এবং পথিকদিগকে ভুলাইয়া তাহাদের গল্পায় ফাঁস দিয়া বধ করিত। পরে নিহত ব্যক্তির কাছে যাহা যাহা থাকিত, তৎসমুদয় আপনাদে লইত। ইহারা আপনাদের অধিষ্ঠাত্রী দেবতা কালীর পূজা করিয়া এইরূপে নরহত্যা করিতে দৃঢ়প্রতিজ্ঞ হইত। প্রতিবৎসর প্রায় দশ হাজার লোক ঠগের হাতে প্রাণ হারাইত। লর্ড বেন্টিন্‌ক ঠগনিবারণ জন্ত একটি স্বতন্ত্র কার্যালয় প্রতিষ্ঠিত করেন। কাপ্তেন স্টিম্যান এই কার্যালয়ের অধ্যক্ষ হন। স্টিম্যান এবং তাঁহার সহযোগীদের যত্নে ক্রমে বহুসংখ্য ঠগ ধরা পড়ে এবং ক্রমে তাহাদের উপজব তিরোহিত হইয়া আইসে।

নূতন সনন্দ, ১৮৩৩।—লর্ড উইলিয়ম বেন্টিন্‌কের শাসন-সময়ে কোম্পানির ১৮১৩ অব্দের সনন্দের মেয়াদ অতীত হয়, সুতরাং কোম্পানি, ১৮১৩ অব্দে আর ২০ বৎসরের জন্য আবার সনন্দ লাভ করেন। এই সনন্দে কোম্পানির চীনদেশের বাণিজ্য ব্যবসায়ও একেবারে রহিত হয়। কোম্পানি এখন কেবল ২০ বৎসরের জন্য আপনাদের উপার্জিত রাজ্য ভোগ করিবার অধিকার লাভ করেন। এই সন্ধিতে স্থির হয় যে, (১) সকৌন্সিল গবর্ণর জেনেরল ভারতবর্ষের সমুদয় ইঙ্গরেজাধিকৃত স্থানের জন্য ব্যবস্থা প্রণয়ন করিবেন; (২) গবর্ণর জেনেরলের মন্ত্রিসভায় সেনাপতি ব্যতিরিক্ত চারি জন সদস্য থাকিবেন। চতুর্থ সদস্য ব্যবস্থা-সচিব ইঙ্গলণ্ড হইতে নিয়োজিত হইয়া আসিবেন; (৩) উত্তর পশ্চিম প্রদেশের জন্য এক জন “লেক্টেনেন্ট গবর্ণর” নিয়োজিত হইবেন; (৪) ইউরোপীয়েরা এদেশে আসিয়া কোম্পানির অধিকার মধ্যে জমী লইয়া বাস করিতে পারিবে; (৫) ভারতবর্ষীয়েরা উপযুক্ত হইলেই জাতি বর্ণ নির্বিশেষে সমুদয় রাজকীয় কার্যে নিযুক্ত হইতে পারিবে; (৬) আইনসমূহের সংস্কার ও বিধিবদ্ধকরণ জন্য “ল কমিসন্” নামে একটি সভা স্থাপিত হইবে। ব্যবস্থা-সচিব মেকলে সাহেব “ল কমিসনের” প্রথম সভাপতি হন। তিনি এই সময়েই ভারত-বর্ষীয় দণ্ডবিধি প্রণয়ন করেন।

মহীশূর রাজ্যের শাসনভার গ্রহণ এবং কুর্গ অধিকার।—১৭৯৯ অব্দে মহীশূর রাজ্যের এক অংশের শাসনভার পূর্বতন হিন্দুরাজার হস্তে সমর্পিত হয়। উপস্থিত সময়ে (১৮৩০ অব্দে) মহীশূরের হিন্দুরাজা সাতিশয় বিলাসপ্রিয় ছিলেন, নানা



প্রকারের অর্থের অপচয় করিতেন। এজন্ত শ্রাজ্জের সমস্ত কর্তৃত্ব ইঙ্গরেজ-কর্মচারিগণের হস্তে সমর্পিত হয়। ১৮৮১ অব্দের মার্চ মাসে মহীশূয়ের শাসন-ভার আবার পূর্বতন রাজবংশীয়ে হস্তে সমর্পিত হইয়াছে। কুর্গের অধিপতি চিকু বীররাজ সাঁতিশয় অত্যাচারী ও প্রজাপীড়ক ছিলেন। তাঁহার দৌরাভ্যাশ্রয়িত ব্রিটিশ গবর্ণমেন্ট ১৮৩৪ অব্দে কুর্গে একদল সৈন্য প্রেরণ করেন। যুদ্ধে চিকু বীররাজের পরাজয় হয়। তদীয় রাজ্য ব্রিটিশ কোম্পানির অধিকারভুক্ত হয়।

এতদ্ব্যতীত বেটিংকের শাসন-সময়ে আর দুইটি সামান্য উৎপাত ঘটে। ১৮৩২ অব্দে তিতুমীর নামক একজন মুসলমান হিন্দুদিগকে আক্রমণ করে, এবং তৎপরবর্তী বৎসর ছোট নাগপুরের কোলেরা বিদ্রোহী হইয়া উঠে। শেষে ইহারা সকলেই পরাজিত হয়। ইঙ্গরেজেরা এই সময়ে কাছাড় প্রদেশ অধিকার করেন।

**শাসনসংক্রান্ত নিয়ম।**—এপর্যন্ত লর্ড কর্ণওয়ালিসের প্রবর্তিত নিয়ম অনুসারে বিচারালয় প্রভৃতির কার্য চলিয়া আসিতেছিল, কিন্তু এক্ষণে সেই সকল নিয়মের পরিবর্তন আবশ্যক হইয়া উঠিল। প্রাবিসিয়াল কোর্ট দ্বারা যথানিয়মে বিচার কার্য সম্পাদিত হইত না, এজন্ত ভৎসমুদয় উঠিয়া গেল। কলেক্টরের আবার ফৌজদারী মোকদ্দমার বিচারের ভার পাইলেন। কয়েকটি জেলা লইয়া এক একটি বিভাগের সৃষ্টি হইল। প্রত্যেক বিভাগে এক একজন কমিশনার নিযুক্ত হইলেন। জেলার জজের প্রতিমাসে এক এক বার দায়রার মোকদ্দমার বিচারের ভার পাইলেন। তাঁহাদের মাজিস্ট্রেট কার্য

কলেক্টরদিগের হস্তে সমর্পিত হইল। উত্তরপশ্চিম প্রদেশে একটি রেবিনিউ বোর্ড এবং উক্ত প্রদেশের মোকদ্দমার আপীল শুনিবার নিমিত্ত এলাহাবাদে একটি সদর আদালত স্থাপিত হইল। উত্তর পশ্চিম প্রদেশে ভূমির কোন সুবন্দোবস্ত ছিল না। তৎপ্রযুক্ত কৃষি-কার্যের উন্নতি হয় নাই। প্রজারাও ক্রমে দরিদ্র হইয়া পড়ে। লর্ড উইলিয়ম বেন্টিন্‌ক্‌ এই অনিষ্টের প্রতি-  
বিধান জন্ত ১৮৩৩ অব্দের ৯ আইন বিধিবদ্ধ করিলেন। প্রজা-  
দের সহিত ৩০ বৎসরের জন্ত বন্দোবস্তের নিয়ম হইল। ভূমির সীমা ও স্বত্ব-সংক্রান্ত বিবাদ মিটাইবার ভার কলেক্টরেরা পাইলেন। লর্ড বেন্টিন্‌ক্‌ এতদেশীয়দিগকে উচ্চতর রাজকীয় কার্যে নিযুক্ত করিতে ইচ্ছুক হইয়া “ডেপুটি কলেক্টর” ও “সদর আলা” (বর্তমান সবডিভেন্ট জজ) পদের স্থষ্টি করিলেন। এই উভয় পদে এতদেশীয়েরাই নিয়োজিত হইতে লাগিলেন। এত-  
দেশীয়দিগকে এইরূপ উচ্চতর রাজকীয় পদ সমর্পণ করিতে ইঙ্গ-  
রেজেরা লর্ড বেন্টিন্‌কের বিরোধী হইয়া উঠিয়াছিলেন। কিন্তু তাহাতে বেন্টিন্‌ক্‌ বিচলিত না কর্তব্য-বিমুখ হন নাই।

খন্দদিগের সামাজিক প্রথার সংস্কার এবং রাজ-  
পুত্ৰদিগের কন্যাবধ-প্রথার নিবারণ-চেষ্টা।—উড়ি-  
ষার পার্শ্বত্যা প্রদেশে খন্দ নামক অসভ্য জাতির বাস। ইহাদের  
বিশ্বাস ছিল যে, নরশাণিতে পৃথিবীকে পরিভ্রম্য করিতে তা-  
পারিলে ভূমির উর্বরা-শক্তির বৃদ্ধি হয় না। ইহারা এই বিশ্বাসের  
বশবর্তী হইয়া শ্রিতিশর নৃশংসরূপে নর হত্যা করিত। খন্দ-  
দিগের এই ভয়ানক সামাজিক প্রথার উন্মূলনের চেষ্টা হয়।  
বহুকাল হইতে রাজপুতদিগের মধ্যে কথ্যহত্যার প্রথা প্রচলিত

ছিল। কতাসস্তানের বিবাহে রাজপুতদিগের অনেক অর্থ ব্যয় হইত, বিশেষ সকল সময়ে সমান মর্যাদাপন্ন পাত্র পাওয়া যাইত না। এজন্ত রাজপুতেরা শিশু কতাসস্তানকে, অনশনে রাখিয়া বা অহিংসে খাওয়াইয়া মারিয়া ফেলিত। ১৭৮৯ অব্দের লারিংসীর রেসিডেন্ট জনাথন ডনকান সাহেব প্রথমে ঐ কুপ্রথার বিষয় অবগত হন। তিনি বোম্বাইয়ের গবর্নর হইয়া উহা নিবারণ করিতে অনেক চেষ্টা করেন। কিন্তু উহা সম্যক তিরোহিত হয় নাই। ১৮৩৪ অব্দে উইলকিন্স এবং উইলোবি সাহেব ঐ কুপ্রথার উচ্ছেদে যত্নশীল হন। তাঁহাদের চেষ্টা অনেকাংশে সফল হয়। লর্ড বেণ্টিঙ্ক এ বিষয়ে তাঁহাদিগকে বিশেষ উৎসাহ দেন।

**ইঙ্গরেজী বিদ্যাশিক্ষার প্রীতি।**—কোম্পানি এতদেশীয়দিগের বিদ্যাশিক্ষার্থে এক লক্ষ টাকা দান করিতেন। তাহা সংস্কৃত ও পারস্য ভাষার অনুলীলনেই ব্যয় হইত। উপস্থিত সময়ে শিক্ষা-সমিতির সদস্য মেকেল ও ট্রিলিয়ান সাহেব ইঙ্গরেজী শিক্ষার আবশ্যকতা প্রতিপন্ন করেন। লর্ড বেণ্টিঙ্ক তাঁহাদের প্রস্তাব সঙ্গত বোধ করিয়া, ১৮৩৫ অব্দের মার্চ মাসে কোম্পানির প্রদত্ত টাকা ইঙ্গরেজী শিক্ষার জন্য ব্যয় করিবার আদেশ দেন। এই অবধি ইঙ্গরেজী বিদ্যা-শিক্ষার প্রীতি হইতে থাকে। এতদ্ব্যতীত লর্ড বেণ্টিঙ্ক চিকিৎসা-বিদ্যা শিক্ষা দিবার জন্ত ১৮৩৫ অব্দে কলিকাতায় “মেডিকেল কলেজ” স্থাপন করেন।

১৮৩৫ অব্দে লর্ড উইলিয়াম বেণ্টিঙ্ক স্বদেশে যাত্রা করেন। তিনি সাতিশয় উদার-চরিত ও কর্তব্য-পরায়ণ গবর্নর জেনারেল

ছিলেন। তাঁহার ন্যায় প্রজাহিতৈষী গবর্নর জেনেরল অতি জল্পই ভারতবর্ষে পদার্পণ করিয়াছেন।

লর্ড বেণ্টিঙ্কের সময়ে মহাত্মা রাজা রামমোহন রায় ব্রাহ্ম-সমাজ স্থাপন করেন (১৮২৯), এবং ঈশ্বরচন্দ্র গুপ্ত কর্তৃক “প্রভাকর” সংবাদ পত্র প্রচারিত হয় (১৭৩০)। রাজা রামমোহন রায় দিল্লীর সম্রাটের পক্ষসমর্থনार्্থ ১৮৩০ অব্দে ইংলণ্ডে যাত্রা করেন। সেই খানেই তাঁহার পরলোক প্রাপ্তি হয়।

## লর্ড মেটকাফ, ১৮৩৫-১৮৩৬।

লর্ড উইলিয়ম বেণ্টিঙ্কের পর কৌন্সিলের প্রধান সদস্য হবার চার্লস (পরে লর্ড) মেটকাফ কিছুকাল গবর্নর জেনেরলের পদে অধিষ্ঠিত থাকেন। ইহার সময়ে মুদ্রণ স্বাধীনতা সম্মর্পিত হয়। লর্ড মেটকাফ কেবল এই একটু মাত্র কার্যেই ইতিহাসের লিপ্য-নার অক্ষর কীর্তি রাখিয়া গিয়াছেন।

সংবাদপত্র-সংক্রান্ত ভিন্ন ভিন্ন নিয়ম, ১৭৮১-১৮৩৫।—পূর্বে কি ইংরেজী, কি বাঙ্গালী, কোন সংবাদ-পত্রেবুই স্বাধীনতা ছিল না। প্রথম গবর্নর জেনেরল ওয়ারেন হেস্টিংসের সময়ে ভারতবর্ষে প্রথম ইংরেজী সংবাদ-পত্র প্রকাশিত হয়। ঐ সময়ে হিকি নামক এক জন শাহেব, হিকির, গেজেট নামে একখানি সংবাদ-পত্র প্রকাশ করেন। ইলা বাহল্য, এই হিকির গেজেটই ভারতবর্ষের সর্বপ্রথম সংবাদ-পত্র। ১৭৮১ খ্রীষ্টাব্দে উহা প্রচারিত হয়। হিকি সাতহাবের গেজেটে সংবাদপত্রের উপযুক্ত দীর্ঘতা বা গাভীয়া ছিল না। সম্পাদক

অনেক সময়ে, ব্যক্তি বিশেষকে অন্যায্যরূপে আক্রমণ করিতেন। যাহা হউক, হেষ্টিংসের পর, লর্ড করণওয়ালিস ও স্তার জন্ শোরের শাসন-সময়ে সংবাদ-পত্র ক্রমেই উন্নতির দিকে অগ্রসর হইতে থাকে। লর্ড করণওয়ালিসের প্রতি এই 'সকল সংবাদ-পত্রের কোন রূপ আক্রোশ বা অশ্রদ্ধা ছিল না। ইহাতে গবর্ণমেন্টের সম্বন্ধে যাহা কিছু প্রকাশ হইত, তাহা করণওয়ালিসের সম্মান ও মর্যাদা রক্ষা করিয়াই লেখা হইত। কিন্তু লর্ড ওয়েলেসলি যখন ভারতবর্ষের গবর্ণর জেনেরল হইয়া আই-সেন, তখন ইঙ্গরেজদিগের সহিত, কান্দাহারীদিগের ঘোরতর বিবাদ চলিতেছিল। কান্দাহারীরা ঐ সময়ে ভারতবর্ষে ইঙ্গরেজদের ক্ষমতা লোপ করিয়া, আপনাদের আধিপত্য স্থাপন করিতে উৎসুক ছিল। ঐ সংকটাপন্ন সময়ে, ইঙ্গরেজ গবর্ণমেন্টকে বিশেষ সাবধানে ও ধীরভাবে কার্য্য করিতে হইয়াছিল যদি সংবাদ-পত্রে যুদ্ধের কোন সংবাদ বাহির হয়, অথবা সম্পাদক না বুঝিয়া ব্রিটিশ গবর্ণমেন্টের বিরুদ্ধে কোন বিষয় প্রকাশ করেন; এই আশঙ্কায় লর্ড ওয়েলেসলি সংবাদ-পত্রের সম্বন্ধে একটি নিয়ম বিধিবদ্ধ করেন। এই নিয়ম অনুসারে সংবাদ-পত্রের এক জন পরীক্ষক নিযুক্ত হন, এবং সম্পাদক ও পত্রাধিকারীর জন্ত কতকগুলি বিধি প্রস্তুত হয়। এই বিধি লঙ্ঘন করিলেই ইঙ্গরেজ সম্পাদক ও পত্রাধিকারীদিগকে \* ভারতবর্ষ ছাড়িয়া বাইতে হইত, এবং ভারতবর্ষে বাস করিবার জন্য

\* এই সময়ে এতদধীনস্থ ভারত কোন সংবাদপত্র ছিল না; সুতরাং কেবল ইঙ্গরেজী সংবাদপত্রের সম্পাদক প্রভৃতির জন্যই এই বিধি প্রণীত হয়।

তাহাদের যে সমস্ত অনুমতি-পত্র \* থাকিত, তৎসমুদায় রদ করা হইত ।

লর্ড মিণ্টোর শাসন-সময়েও ( ১৮০০-১৮১৩ ), সংবাদ-পত্র সকল এইরূপ অবস্থায় থাকে । তখনও গবর্নমেন্টের কর্মচারি-গণ সংবাদ-পত্র হইতে নানারূপ আশঙ্কা করিতেন, সুতরাং তখন সংবাদপত্রের অবস্থা পূর্বাপেক্ষা উন্নত হয় নাই । সে সময়ে ভারতবর্ষীয়দিগকে অজ্ঞানে ও কুসংস্কারে আচ্ছন্ন করিয়া রাখাই যেন গবর্নর জেনেরলের অভিপ্রায় ছিল । যদি স্বাধীন রাজ্যে অথবা সাধারণ প্রজাদের মধ্যে, জ্ঞানের কোনরূপ বিকাশ দেখিতে পাওয়া যাইত, তাহা হইলে গবর্নমেন্ট সে বিষয়ে কোন উৎসাহ দিতেন না † । সংবাদ-পত্র হইতে কিয়ৎ পরিমাণ জ্ঞানো-

\* ইষ্ট ইণ্ডিয়া কোম্পানির শাসন-সময়ে, শাসন-সংক্রান্ত কর্মচারী ভিন্ন, অপর যে সমস্ত ইঙ্গরেজ বিলাত হইতে ঊন্বতবর্ষে আসিতেন, তাহাদিগকে এ দেশে বাস করিবার জন্য এক এক খানি অনুমতি-পত্র দেওয়া হইত । ব্রিটিশ গবর্নমেন্ট ইচ্ছা করিল ঐ অনুমতি-পত্র রদ করিতে পারিতেন ।

† এ বিষয়ে একটি কৌতুকশই দৃষ্টান্ত দেওয়া যাইতেছে । কাপ্তেন সিডেনহাম এই সময়ে হুগলীতে ব্রিটিশ রেসিডেন্ট ছিলেন । তিনি ইউরোপীয় বিজ্ঞানের সম্বন্ধে নিজ্যমের কৌতুহল নিবারণের জন্য একটি বায়ুনিষ্কাশন যন্ত্র, একটি মুদ্রাযন্ত্র এবং একখানি যুদ্ধজাহাজের নমুনা আনয়ন করেন । সিডেনহাম এই বিষয় গবর্নমেন্টের প্রধান সেক্রেটারিকে জানাইলে সেক্রেটারি মুদ্রাযন্ত্রের ন্যায় একটি ভয়ানক বিপত্তিজনক যন্ত্র একজন দেশীয় রাজার হস্তে দেওয়া হইয়াছে বলিয়া, রেসিডেন্টকে শিল্পশ্রুতিরস্তার করেন । রেসিডেন্ট তিরস্কৃত হইয়া লিখিয়া পাঠান, “এ বিষয়ে গবর্নমেন্টের কোনরূপ আশঙ্কা করিবার কারণ নাই । মুদ্রাযন্ত্রেব প্রতি নিজাম কিছুই মদ্যোযোগ দেখে না । এক্ষণে উহা বিশুদ্ধ ভাষায় তোষাখানায় পড়িয়া রহিয়াছে । সুতরাং সত্যতার এই ভয়ানক

স্বাভাবিক সজ্জাবনা আছে দেখিয়াই লর্ড মিণ্টো সংবাদ-পত্রের অবস্থা উন্নত করিতে কিছুমাত্র যত্ন করেন নাই ; সুতরাং ওয়েলেসলি, যে পরীক্ষা-প্রণালী প্রবর্তিত করিয়া যান, তাহাই সে সময়ে প্রবল থাকে । এই প্রণালীর অধীনে সংবাদ-পত্র সকল লর্ড মিণ্টোর শাসনকাল এবং লর্ড হেষ্টিংসের শাসনসময়ের প্রথমার্ধ পর্য্যন্ত নিতান্ত দুর্ব্যবহার থাকে । কিন্তু এই শেষোক্ত গবর্ণর জেনেরল লর্ড মিণ্টো অপেক্ষা উদারপ্রকৃতি ছিলেন । সুতরাং তিনি কাল বিলম্ব বা কিছুমাত্র সন্দেহ না করিয়া, সাধারণকে জানাইলেন যে, প্রকাশ্য সংবাদ-পত্রে গবর্ণমেন্টের কার্য সমালোচিত হওয়া উচিত । শাসন-কর্ত্তা যতই সদভিপ্রায়ে ও পবিত্রভাবে কার্য করিবেন, ততই তিনি সাধারণকে তাঁহার কার্যের সমালোচনা করিতে দিতে সম্মত হইবেন ।

গবর্ণর জেনেরল এই অভিপ্রায় প্রকাশের পর, সংবাদ-পত্রে স্বাধীনভাবে মত প্রকাশের যথেষ্ট ব্যাঘাত ছিল, তাহা ক্রমে শিথিল হইয়া আইসে । ১৮১৮ খ্রীষ্টাব্দে “কলিকাতা জর্নাল” নামক আর একখানি ইংরেজী সংবাদপত্র প্রতিষ্ঠিত হয় । উহা বিশেষ দক্ষতার সহিত সম্পাদিত হইতে থাকে এবং উহার মত সকল পূর্বাপেক্ষা অনেক স্বাধীন ভাবে ও পূর্বাপেক্ষা অনেক বিবেচনার সহিত প্রকাশ পাইতে থাকে । গবর্ণমেন্টের কার্য এই ঐক্যমে, সমান ভেদে ও সমান সুবিচারে আন্দোলিত হইতে আরম্ভ হয়, এবং গবর্ণমেন্টের দুষ্টবুদ্ধি কর্মচারিগণ এই প্রথমে, সাধারণের সমক্ষে সমান তিরস্কৃত ও সমান নির্দিত হইয়া উঠেন ।

অন্য সুব্যবস্থিত হইয়া কোনও অনিষ্টের উৎপত্তি করিতে পারিবেন না । যদি গবর্ণমেন্ট ইহাতেও ভীত হন, তাহা হইলে উহা ভাঙ্গিয়া ফেলা হইবে ।”

এই সময় মিশনরিদিগের যত্নে শ্রীরামপুর হইতে প্রথম বাঙ্গালা সংবাদপত্র প্রচার হয়। কৌন্সিলের সদস্য জন আডাম সংবাদপত্রের স্বাধীনতার বিরোধী ছিলেন। কিন্তু হেষ্টিংস ইহাতেও অবিচলিত থাকেন। আডামের পরামর্শে তিনি স্বাধীন ভাবে মত প্রকাশের পথে কোন কণ্টক দেন নাই, অথবা আডামের মন্তব্যে তিনি সংবাদপত্রের স্বত্ব কোনরূপ গুরুতর ভাবে চাপাইয়া রাখেন নাই।

কিন্তু হেষ্টিংসের কার্যকাল শেষ হইল। তিনি ভারতবর্ষ পরিত্যাগ করিলেন। এই অবসরে জন আডাম আবার জাগিয়া উঠিলেন। ১৮২৩ অব্দে তিনি কিছু কালের জন্য ভারতবর্ষের গবর্নর জেনেরল হইলেন। সুতরাং নিজের বিশ্বাস অনুসারে কার্য্য করিতে তাঁহার কোনরূপ প্রতিবন্ধক উপস্থিত হইল না। অবিলম্বে সংবাদপত্রের বিরুদ্ধে আবার স্তীক্স অস্ত্র উত্তোলিত হইল। কলিকাতা জর্গালের সম্পাদক বাকিংহাম-সাহেব ভারতবর্ষ হইতে নিষ্কাশিত হইলেন। আডাম সংবাদপত্রের মুখ বন্ধ করিবার অগ্রবর্তীর নিয়ম প্রস্তত করিতে ক্ষান্ত থাকিলেন না। ১৮২৩ অব্দের ১৪ই মার্চ ও ৫ই এপ্রিল ঐ সকল নিয়ম বিধিবদ্ধ হইল। ঐ আইনে সংবাদপত্র সকল সাদা-শুষ্ঠ হইল এবং তাহাদের জীবনী শক্তি বিলুপ্ত হইয়া গেল।

লর্ড আমহর্স্ট বোধ হয়, আডামের এই কঠোর বিধি পরিপোষক ছিলেন না। কিন্তু আডামের আইন অল্প সময়ের মধ্যে প্রত্যেক প্রেসিডেন্সিতে প্রত্যেক শাসন-সংক্রান্ত কার্য্য-চারীর অনুমোদিত হইয়াছিল, সুতরাং আমহর্স্ট প্রথমে এ দেশে আসিয়া, বাধ্য হইয়া ঐ আইন অনুসারে কার্য্য করিতে



প্রবৃত্ত হইলেন। এইরূপে আর্ডামের প্রবর্তিত নিয়ম কিছু কাল অটল থাকিল। পরে আমহেষ্ট যখন স্বল্পরূপে বিচার করিতে লাগিলেন, তখন তিনি এই অভ্যাসের নিতান্ত বিরোধী হইয়া উঠিলেন। এই জন্ত স্বাধীনভাবে মত প্রকাশের সম্বন্ধে যে সমস্ত বাধা ছিল, তাহা আবার ক্রমে শিথিল হইয়া আসিতে লাগিল। আমহেষ্টের রাজ্য শাসনের শেষ দুই বৎসর কোনরূপ গোলযোগের চিহ্ন কর্তমান রহিল না। মুদ্রণ-স্বাধীনতার সম্বন্ধে সমস্ত অবিচার তিরোহিত হইল এবং সংবাদপত্র সকল শান্তভাবে ও নীরবে আপনাদের কার্য সাধন করিতে লাগিল।

ইহার পর লর্ড উইলিয়ম বেন্টিন্‌ক্‌ ভারতবর্ষের গবর্নর জেনেরল হইয়া আসিলেন। তাঁহার প্রকৃতি উদার ছিল। তিনি এখানে আসিয়াই সংবাদপত্র সকলকে হৃদয়ঙ্গম বন্ধুরূপে গ্রহণ করিলেন। এই সময় শ্রী চার্লস্‌ মেটকাফ্‌ ভারতবর্ষের ব্যবস্থাপকসভার সভ্য ছিলেন। পাঁচ বৎসর পূর্বে মেটকাফ্‌ তাঁহার একজন বন্ধুকে লিখিয়াছিলেন, “আমি যদি রাজ্যের অধিপতি, প্রভু বা কর্তা হই, তাহা হইলে নিশ্চয়ই সংবাদপত্র সমুদায়কে স্বাধীন ভাবে কার্য করিতে দিব।”

লর্ড বেন্টিন্‌কের মন্ত্রিসভা আর্ডামের প্রবর্তিত আইন রদ করিবার জন্ত তখন কতিপয় নিয়ম প্রস্তুত করিবার আবশ্যকতা বুঝিয়াছিলেন বটে, কিন্তু কোন নূতন নিয়ম বিধিবদ্ধ হয় নাই। যাহী ইউক্‌ এই সময়ে কলিকাতার লোকে মুদ্রণ-স্বাধীনতার সুব্যবস্থা করিতে বিশেষ উৎসুক হয়, এবং ১৮৩৪-৩৫ অব্দের দ্বিতীয়াংশে যখন শ্রী চার্লস্‌ মেটকাফ্‌ এলাহাবাদে যাত্রা করেন

তখন সকলে, জন্ম আডাম সংবাদপত্রের সম্বন্ধে যে সমস্ত আইন করিয়া গিয়াছেন, তাহা রদ করিবার জন্ত গবর্ণর জেনেরলের নিকট এক খানি আবেদন সমর্পণ করেন । ১৮৩৫ অব্দের ২৭এ জানুয়ারি এই আবেদন গবর্ণর জেনেরলের নিকট পহুছে । গবর্ণর জেনেরল আবেদনকারিদিগকে উত্তর দেন, “মুদ্রণ-স্বাধীনতার সম্বন্ধে পূর্বকার অসন্তোষকর আইন মন্ত্রি-সভার মনোযোগ আকর্ষণ করিয়াছে । গবর্ণর জেনেরলের বিশ্বাস এই যে, অল্প সময়ের মধ্যেই এ বিষয়ে একটি স্বতন্ত্র নিয়ম বিধিবদ্ধ হইবে ।” কিন্তু এই “অল্প সময়ের মধ্যেই” লর্ড উইলিয়ম বেণ্টিঙ্ক স্বদেশে যাত্রা করেন, এবং স্যার চার্লস মেটকাফ তাঁহার স্থলে ভারত-ব্যবহার গবর্ণমেন্টের অধ্যক্ষ হন ।

মুদ্রণ-স্বাধীনতা সমর্পণ, ১৮৩৫ ।—মেটকাফ এক্ষণে “অধিপতি, প্রভু ও কর্তা” হইলেন । সুতরাং এত কাল তিনি যে সুযোগ দেখিতেছিলেন, তাহা তাঁহার সম্মুখে উপস্থিত হইল । মেটকাফ কাল-বিলম্ব করিলেন না । লেখক চূড়ামণি শ্রেকলে এই সময়ে মন্ত্রি-সভার সভ্য ছিলেন, তিনিও মেটকাফের মতের অনুমোদন করিলেন । ১৮৩৫ অব্দের এপ্রেল মাসে মুদ্রণ-স্বাধীনতার সম্বন্ধে আইন লিপিবদ্ধ ও প্রকাশিত হইল । ১৮২৩ অব্দে বাঙ্গালা প্রেসিডেন্সিতে এবং ১৮২৫ ও ১৮২৭ অব্দে বোম্বাই-প্রেসিডেন্সিতে মুদ্রণ-স্বাধীনতার সম্বন্ধে যে সকল নিয়ম করা হয়, তাহা এই আইনে রদ হইয়া গেল । এই আইনের স্থলমন্ত এই— ব্রিটিশ রাজ্যে যে সমস্ত সংবাদপত্র আছে বা হইবে, তাহার মুদ্রাকর ও প্রকাশকদিগকে, যেরূপ বিভাগে এই সমস্ত সংবাদপত্র বাহির হইবে, সেই সেই বিভাগের মাজিষ্ট্রেটের নিকট উপস্থিত

হইয়া, আপনাদের নাম ধাম প্রকাশ করিতে হইবে। এই অবধি সমস্ত মুদ্রিত পুস্তক, পত্রিকা ও কাগজাদিতেই মুদ্রাকর ও প্রকাশকের নাম থাকিবে। বাহ্যিক মুদ্রাবল্ল থাকিবে, তাহা-কেই যথানিয়মে তদ্বিবয় স্বীকার করিতে হইবে। বাহ্যিক এই আইনের কোন ধারার বিরুদ্ধে কাজ করিবে, তাহাদের জরিমানা ও কারাবাসদণ্ড হইবে। সংবাদপত্রাদির প্রকাশক ও মুদ্রাবল্লের অধিকারীর নাম ধাম প্রকাশ করা ব্যতীত নূতন আইন মুদ্রণ-স্বাধীনতায় আর কোনরূপে হস্তক্ষেপ করিবে না।

প্রস্তাবিত আইন প্রচলিত হওয়াতে এই একটি মহৎ ফল হইল যে, যিনি যাহা কিছু ছাপাইবেন, সে বিষয়ের দায়িত্ব তাঁহারই রহিল; অর্থাৎ একজনেই মুদ্রণ-সংক্রান্ত সমুদায় বিষয়ের দায়ী না হইয়া সকলেই আপন আপন বিষয়ের জন্ত দায়ী বহিলেন; সুতরাং সকলেই আপনার দায়িত্ব বুঝিয়া পুস্তকে বা সংবাদপত্রাদিতে স্বাধীন ভাবে আপন আপন মত প্রকাশ করিবার ক্ষমতা পাইলেন। ১৮৩৫ অব্দের ১৫ই সেপ্টেম্বর হইতে এই আইন অনুসারে কার্য আরম্ভ হইল। ভারতের ইতিহাসে ইহা একটি প্রধান দিন, এবং ভারতে ইঙ্গরেজ গবর্ণমেন্টের উচ্চতর কার্যনাথনের ইহা একটি প্রধান সাক্ষী। কলিকাতা-বাসিগণ এই প্রধান ঘটনার সাক্ষীভূত প্রধান দিনের কোন স্মরণ-চিহ্ন স্থাপনের জন্ত উদ্যত হইলেন। অবিলম্বে টম্বা করিয়া অর্থ সংগৃহীত হইতে লাগিল। সংগৃহীত অর্থ ভাগীরথীর তীরে একটি সুপ্রশস্ত, সুদৃশ্য অট্টালিকা নিৰ্ম্মিত হইল। সাধারণের ব্যবহারার্থ উহাতে একটি পুস্তকালয় করিয়া দিওঁ হইল। মেট্রিকার প্রস্তরশিল্পী অর্ধ প্রতিমূর্তি এ

পুস্তকালয় শোভিত করিল। “১৮৩৫ অব্দের ১৫ই সেপ্টেম্বরে জার্স চার্লস্ মেটকাফ্ মুদ্রণ-স্বাধীনতা দিয়াছেন,” এই মর্শে একখানি ক্ষোদিত লিপি ঐ সাধারণ পুস্তকালয়ে রহিল এবং মেটকাফের চিরস্মরণীয় নামে ঐ অটালিকার নাম “মেটকাফ্ হল” হইল।

### লর্ড অক্লাম্পট, ১৮৩৬-১৮৪২।

লর্ড মেটকাফের পর লর্ড অক্লাম্পট ১৮৩৬ অব্দে ভারতবর্ষের গবর্ণর জেনেরলের পদে অধিরোহণ করেন। এই সময় হইতে আবার যুদ্ধ ও পর-রাজ্যাধিকার আরম্ভ হয়। ২০ বৎসর কাল এই গোলযোগ থাকে। উপস্থিত সময়ে সমস্তই শান্তিপূর্ণ বোধ হইয়াছিল। কিন্তু লর্ড অক্লাম্পট হঠাৎ আতঙ্কে অধীর হইয়া শাহ জুজাকে কাবুলের সিংহাসন সমর্পণ করিতে চেষ্টা করেন। এই চেষ্টায় আফগানিস্তানে সমরাগ্নি প্রজ্জলিত হইয়া উঠে, এবং তত্রত্য সমস্ত ব্রিটিশ সৈন্ত বিনষ্ট হইয়া যায়।

### আফগানিস্তানের দোব্রাণী ভূপতিগণ, ১৭৪৭-

১৮২৬।—অহম্মদ শাহ দোব্রাণী ১৭৪৭ অব্দে আফগানিস্তানে আধিপত্য স্থাপন করেন। তিনি হিরাত হইতে পেশবার পর্বত এবং কাশ্মীর হইতে সিন্ধু পর্য্যন্ত সমস্ত ভূখণ্ডে আপনাদের জয়-পতাকা উড়াইয়া দেন। পাশ্চিমে তাঁহার সহিত যুদ্ধে (১৮৬১) নারহাটাদিগের পরাক্রম খর্ব হয়। কিন্তু অহম্মদ শাহ ভারত-সাম্রাজ্য জয় করিতে মনোযোগী হন নাই। তিনি কাবুল এবং কান্দাহার এই দুই রাজধানীতে সর্বদা বাস করিতেন। তাঁহার

বংশীরেরা সিংহাসনের জন্ত পরস্পর বিবাদে প্রবৃত্ত হন। পরিশেষে ১৮২৬ অব্দে বরাকজীর বংশের প্রধান দোস্ত মহম্মদ “আমীর” উপাধি গ্রহণ পূর্বক স্বয়ং সিংহাসনে আরোহণ করেন। কাবুলের পূর্বতন অধিপতি শাহজা ইঙ্গরেজদিগের আশ্রয়ে লুধিয়ানায় অবস্থিতি করিতে থাকেন।

কাবুলের অধিপতিগণের সহিত ইঙ্গরেজদিগের সংগ্রাম।—লর্ড ওয়েলেসলির সময় হইতে ইঙ্গরেজেরা আফগানিস্তানের ভূপতিগণের সহিত সংগ্রাম রাখিবার জন্ত সচেষ্ট হন। এই সময়ে (১৮৪০) জেমান শাহ লাহোরে আসিয়াছিলেন। পাছে তিনি অহম্মদ শাহের পথ অনুসরণ করিয়া ভারতবর্ষে গোলযোগ বাঁধান, ইঙ্গরেজেরা সে জন্ত শঙ্কান্বিত হইয়াছিলেন। কিন্তু মধ্যে রণজিৎসিংহ পরাক্রান্ত হইয়া উঠাতে এই আশঙ্কার উন্মূলন হয়। ইহার পর ফরাসীদিগের ভারতবর্ষ আক্রমণের আশঙ্কায় ১৮৪৯ অব্দে লর্ড মিন্টো মাউণ্টষ্টুয়ার্ট এল-ফিন্ডল্যানকে কাবুলে দূত স্বরূপ প্রেরণ করেন। কিন্তু ইঙ্গরেজ দূত কাবুলের অধিপতির সহিত সৌহার্দ্যস্থাপনে কৃতকার্য হইতে পারেন নাই।

শাহ জজার পুনর্ব্বার কাবুলের সিংহাসন প্রাপ্তি, ১৮৬৯।—১৮৬৭ অব্দে আবার আফগানিস্তানের ভূপতির উপর ইঙ্গরেজদিগের দৃষ্টি পতিত হয়। এই সময়ে রুশিয়ারা প্রকল বেগে মধ্য এশিয়ায় অগ্রসর হইতেছিল, আরশুর সেনা রুশীয়দিগের সাহায্যে হিরাত আক্রমণ করিয়াছিল। ইহা দেখিয়া লর্ড অক্কাণ্ড ভীত হইলেন। কাবুলে দোস্ত মহম্মদ খাঁর আধিপত্য বদ্ধমূল হইয়াছিল। অক্কাণ্ড, দোস্ত মহম্মদের সহিত

সম্ভাব স্থাপনের জন্ত কাপ্তেন আলেকজেন্ডার বর্ণেস্কে কাবুলে পাঠাইলেন। এই সময়ে একজন ক্রমীয় দূতও কাবুলে অবস্থিতি করিতেছিলেন। ষাশা হউক, দোস্ত মহম্মদ ইঙ্গরেজ দূতকে কহিলেন, তিনি পেশবার পাইলে ব্রিটিশ গবর্ণমেন্টের যে কোন প্রস্তাবে সম্মত হইতে পারেন। কিন্তু পেশবার পরাক্রান্ত রণজিৎ সিংহের অধিকৃত ছিল। গবর্ণর জেনারেল তাহাতে হস্তক্ষেপ করিতে সাহসী হইলেন না। বর্ণেস্ অকৃতকার্য হইয়া ফিরিয়া আসিলেন। তখন লর্ড অক্‌লাণ্ড রাজ্যচ্যুত শাহ সূজাকে কাবুলের সিংহাসনে অধিরোহিত করিতে কৃতসঙ্কল্প হইলেন। অবিলম্বে শ্চাফ্‌জন্ কীন্, এল্‌ফিন্‌ষ্টোন্ (ইনি বোম্বাইর গবর্ণর এবং প্রসিদ্ধ ঐতিহাসিক মাউণ্টষ্টুয়ার্ট এল্‌ফিন্‌ষ্টোন নহেন) পটিঞ্জর, শেল প্রভৃতি সেনাপতির অধীনে একুশ হাজার সৈন্য সজ্জীভূত হইল। এই সৈন্যদল শাহ সূজাকে সঙ্গে করিয়া, সিন্ধু প্রদেশ দিয়া, বোলানগিরিবন্দ অতিক্রম পূর্বক দক্ষিণ আফগানিস্তানে আসিল। কন্দাহার ও গজনি অধিকৃত হইল। দোস্ত মহম্মদ পলায়ন করিলেন। ১৮৩৯ অব্দের আগষ্ট মাসে শাহ সূজা মহাসমারোহে কাবুলের সিংহাসনে অধিরোহিত হইলেন। ইহার পর একটি যুদ্ধে আপনার অসাধারণ সাহস, বিকাশ করিয়াও দোস্ত মহম্মদ ১৮৪০ অব্দের ইঙ্গরেজদিগের হস্তে আত্মসমর্পণ করিলেন। ইঙ্গরেজেরা তাহাকে বন্দী করিয়া কলিকাতায় পাঠাইলেন।

আফগানিস্তানে ইঙ্গরেজদিগের দুর্গতি, ১৮৪১-১৮৪২।—ইঙ্গরেজেরা আপনাদের অন্তর্গত শাহ সূজাকে কাবুলের সিংহাসন সমর্পণ করিলেন বটে, কিন্তু আফগানদিগকে বশীভূত করিতে পারিলেন না। আফগানের সাহসী ও

স্বাধীনতাপ্রিয়। স্বদেশে বিদেশীয়দিগের আধিপত্য তাহাদের সহনীয় হইল না। এদিকে দোস্ত মহম্মদের পুত্র পরাক্রান্ত আকবর খাঁ পিতার দুর্গতি দেখিয়া ইঙ্গরেজদিগের বিরুদ্ধে সমুখিত হইলেন। ১৮৪১ অব্দের নবেম্বর মাসে আফগানেরা অস্ত্রধারণ করিল। পলিটিকল এজেন্ট স্তার আলেকজেন্ডার বর্ণেস্ কাবুলে নিহত হইলেন। সেনাপতি এলফিন্‌ষ্টোন্ জরা-জীর্ণ হইয়া পড়িয়াছিলেন। তৎকর্তৃক বিশেষ কোন কার্য হইল না। পলিটিকল আফিসর স্তার উইলিয়ম্ মাক্‌নাটন আকবর খাঁর সহিত নক্ষি স্থাপন করিতে যাইয়া হত হইলেন। তখন ব্রিটিশ সৈন্তের চৈতন্ত হইল। দুই মাস কাল অবস্থিতির পর ৪,০০০ সৈন্ত কাবুল পরিত্যাগ করিয়া ভারতবর্ষে আসিতে আরম্ভ করিল। কিন্তু তাহার পরিভ্রাণ পাইল না। তুবারময় কুর্দ-কাবুল গিরিবর্ষ অতিক্রমসময়ে আফগানদিগের অস্ত্রে এবং দুর্বল শীতে প্রায় সকলেই প্রাণত্যাগ করিল। কেবল ডাক্তর ক্রাইডন কোন রূপে উদ্ধার পাইয়া, জলালাবাদে যাইয়া শেল্লকে এই বিপত্তির সংবাদ দিলেন। আকবর খাঁ কতিপয় সৈনিক কর্মচারী, ইঙ্গরেজ-মহিলা ও বালকবালিকাকে বন্দী করিলেন। তাহার আদেশে এই বন্দীদিগের প্রতি কোনরূপ দুর্য্যবহার হয় নাই।

প্রথম আফগান-যুদ্ধের পরিণাম এইরূপ শোচনীয় হইল। ইঙ্গরেজেরা আফগানিস্তানে যাইয়া শেষে এইরূপ অপদস্থ হইলেন। এই শোচনীয় সংবাদ কলিকাতায় পান্‌ছিবার এক মাসের মধ্যেই লর্ড অক্‌লাণ্ড ভারতবর্ষ পরিত্যাগ করিলেন এবং লর্ড এলেনবরা তাহার পদে নিয়োজিত হইলেন।

লর্ড এলেনবরা, ১৮৪২-১৮৪৪।

• আফগান যুদ্ধের অবসান, ১৮৪২।—লর্ড এলেনবরা ১৮৪২ অব্দের ফেব্রুয়ারি মাসে এদেশে উপস্থিত হন। এই সময়ে সেনাপতি শেল জলালাবাদে এবং সেনাপতি নট কন্দাহারে থাকিয়া, আত্মরক্ষা করিতেছিলেন। লর্ড এলেনবরা ইহাদের সাহায্যার্থ সেনাপতি পলককে কাবুলে পাঠাইয়া দিলেন। পলক জলালাবাদে পঁহুছিয়া সেনাপতি শেলের সঙ্গে কাবুলের অভিমুখে যাত্রা করিলেন। অপর দিকে নট গুর্জনি উৎসন্ন করিয়া কাবুলে আসিতে লাগিলেন। সেনাপতি-দ্বয় কাবুলে পঁহুছিয়া তত্রত্য বাজার বিনষ্ট করিলেন, এবং ছুর্গাদি সমভূমি করিয়া ফেলিলেন। সমস্ত জনপদে অত্যাচারের এক শেষ হইল। আকবর পলায়ন করিয়াছিলেন। ইঙ্গরেজ বন্দিগণ বার্মিন নামক স্থানে অবস্থিতি করিতেছিলেন। সেনাপতিগণ বন্দিদিগকে বিমুক্ত করিয়া মনহালাসে ভারতবর্ষে প্রত্যাগমন করিলেন। দোস্ত মুহম্মদ খাঁ বন্দি হইতে মুক্তি লাভ করিয়া কাবুলে ফিরিয়া গেলেন, এইরূপে আফগান যুদ্ধের অবসান হইল। ইহাতে ইঙ্গরেজ গবর্ণমেন্টের সৈন্যনাশ ও অর্থক্ষয় ব্যতীত আর কোনও লাভ হয় নাই।

• সিন্ধু অধিকার, ১৮৪৩।—সিন্ধুর অধিবাসীরা বেণু-চীকশীয়। এই দেশ কতিপয় খণ্ড রাজ্যে বিভক্ত ছিল। ভিন্ন ভিন্ন খণ্ডে ভিন্ন ভিন্ন স্বাধীন শাসন-কর্তা ছিলেন। ইহার আর্মীর নামে অভিহিত হইতেন। উপস্থিত সময়ে বুদ্ধ শীর রক্তমু আমীর



দিগের মধ্যে সর্বপ্রধান ও সম্ভ্রান্ত ছিলেন । ১৮৩৯ অব্দে আমীরেরা বাধ্য হইয়া ইংরেজ গবর্ণমেন্টের সহিত সন্ধিস্থত্রে আবদ্ধ হন । এই সন্ধি অনুসারে একজন রেসিডেন্ট হযদরাবাদে থাকেন । স্মার জেমস্ আউট্রাম সাহেব প্রথমে রেসিডেন্টের কার্য-ভার গ্রহণ করেন । আফগানিস্তানের যুদ্ধের সময় আমীরেরা ইংরেজ দিগের সহায়তা করিতে পরাজুখ হন নাই । তাঁহাদের রাজ্য দিয়া ইংরেজ-সৈন্য কাবুলে যাত্রা করে । কিন্তু অভিনব গবর্ণর জেনেরল লর্ড এলেনবরা আমীরদিগের বিশ্বস্ততার উপর সন্দেহান হইলেন । আফগানিস্তানের যুদ্ধের সময় আমীরেরা ইংরাজদিগের প্রতিবৃদ্ধাচরণ করিয়াছেন বলিয়া, তিনি তদ্বিষয়ের অনুসন্ধান জন্য স্মার চার্লস্ নেপিয়ারকে নিযুক্ত করিলেন । মীর রস্তুমের প্রতিদ্বন্দ্বী ও তদীয় ভ্রাতা আলি মোরাদের পরামর্শে নেপিয়ার আমীরদিগের বিরুদ্ধে সমুথিত হইলেন । আউট্রাম এই গোলযোগ নিবারণ করিতে অনেক চেষ্টা করিলেন, কিন্তু কৃতকার্য হইতে পারিলেন না । নেপিয়ার আমীরদিগের বিদ্বেষী ছিলেন ; স্মৃতরাং যুদ্ধ অনিবার্য হইয়া উঠিল । মিয়ানিনামক স্থানে য়ে যুদ্ধ হয়, তাহাতে বেলুচীরা আপনাদের স্বাধীনতারক্ষার্থ অসাধারণ সাহস ও পরাক্রম প্রদর্শন করে । কিন্তু শেষে তাহাদের পরাজয় হয় । সিন্ধুদেশ আমীরদিগের হস্ত-ভ্রষ্ট হইয়া পড়ে । গবর্ণর জেনেরল এইরূপ অগ্রায় পূর্বক আমীরদিগের জনপদ ব্রিটিশ কোম্পানির অধিকার-ভুক্ত করেন । এ বিষয়ে স্মার হেনরি পটিন্জর সাহেব ১৮৪০ অব্দে স্পষ্টাক্ষরে কহিয়াছিলেন, “আমি সকল স্থানে, সকল অবস্থায় এবং সকল সমাজে বলিয়াছি এবং ভবিষ্যতেও বলিব যে, আমীরদিগের প্রতি আমাদের দুর্জয়বহার

ও অসৌজন্য, আমাদের ভারতসাম্রাজ্যের ইতিহাসে স্থম্পাষ্ট অঙ্কিত রহিয়াছে। আমাদের এই কলঙ্ক কিছুতেই অপনীত হইবার নহে।”

গোবালিয়রের গোলযোগ, ১৮৪৩।—১৮৪২ অব্দে জনকজী সিন্ধিয়ার মৃত্যু হইলে, তদীয় পত্নী তারাবাই জৈয়াজী নামক একটা বালককে দত্তক গ্রহণ করেন। ইংরেজ রেসিডেন্ট জনকজীর মাতুল মামাজীকে ইহাদের প্রধান মন্ত্রী করিয়া দেন। কিন্তু তারাবাই তাঁহাকে পদচ্যুত করিয়া দাদাখাঁসজী নামক ব্যক্তিকে মন্ত্রী করাতে গোবালিয়রে গোলযোগ উপস্থিত হয়। গোবালিয়রের সেনারাও ক্রমে অশান্ত হইয়া উঠে। লর্ড এলেনবরা এজন্ত বিরক্ত হইয়া গোবালিয়রে সৈন্ত প্রেরণ করেন। মহারাজপুর ও পনিয়ার নামক স্থানে যুদ্ধ হয়। এই দুই যুদ্ধেই ইংরেজেরা জয় লাভ করেন। প্রথম যুদ্ধে লর্ড এলেনবরা স্বয়ং উপস্থিত ছিলেন। যাহা হউক, অতঃপর জনকজীর বিধবা মহিষী তারাবাইকে বৃত্তি দিয়া, গবর্ণর জেনেরল এই বন্দোবস্ত করেন যে, যাবৎ জৈয়াজী প্রাপ্তবয়স্ক না হইবেন, তাবৎ ছয় জন অমাত্য ব্রিটিশ রেসিডেন্টের পরামর্শ অনুসারে শাসন-কার্য্য নির্বাহ করিবেন।

লর্ড এলেনবরার পদচ্যুতি, ১৮৪৪।—লর্ড এলেনবরা সর্বদা যুদ্ধ-বিগ্রহে প্রমত্ত থাকাতে ডিরেক্টরদিগের বিরগ্ভাজন হন। এজন্ত ডিরেক্টরেরা তাঁহাকে পদচ্যুত করিয়া স্যার হেনরি হাউঞ্জকে তৎপদে প্রতিষ্ঠিত করেন (১৮৪৪)। লর্ড এলেনবরা ইঙ্গলণ্ডে রাজনীতিজ্ঞ ও সুদক্ষ বলিয়া প্রসিদ্ধি লাভ করিয়াছিলেন। তিনি দুই বার বোর্ড অব কন্ট্রোলের সভাপতি

করেন। কিন্তু ভারতবর্ষের শাসন-কার্যে তাঁহার তাদৃশ অ-  
জ্ঞতা পরিস্ফুট হয় নাই। লর্ড এলেনবরার সময়ে ডেপুটি  
মাজিষ্ট্রেট পদের সৃষ্টি হয়। এতদেন্নীয়েরা এই পদে নিযুক্ত  
হন। এই সময়ে “তত্ত্ববোধিনী” পত্রিকার প্রচার আরম্ভ হয়।

### লর্ড হার্ডিঞ্জ, ১৮৪৪-১৮৪৮ ।

‘স্মার হেনরি হার্ডিঞ্জ বিখ্যাত সৈনিক পুরুষ ছিলেন।  
বাল্যকাল হইতে সৈনিক কার্যে নিযুক্ত থাকাতে তাঁহার সাহস  
ও পরাক্রম ক্রমশঃ বৃদ্ধি পাইয়াছিল। ইউরোপে লিগ্নির  
সমরক্ষেত্রে ফরাসীদিগের সহিত যুদ্ধের সময় তাঁহার বাম  
হস্ত আহত হওয়াতে উহা কাটিয়া ফেলিতে হয়। এজন্য  
এখানেও তিনি সাধারণের মধ্যে হাতকাটা গবর্ণর নামে প্রসিদ্ধ  
হন। স্বয়ং অসাধারণ রণপণ্ডিত হইলেও স্মার হেনরি হার্ডিঞ্জ  
শান্তির পক্ষপাতী ছিলেন। তিনি রাজ্যের সর্বত্র শান্তি স্থাপন  
করিবার আশা করিয়াছিলেন। কিন্তু তাঁহার আশা ফলবতী  
হইল না। অবিলম্বে মহারাজ রণজিৎ সিংহের খালসা সৈন্তের  
সহিত তাঁহাকে যুদ্ধে প্রবৃত্ত হইতে হইল।

• রণজিৎ সিংহের মৃত্যুর পর পঞ্জাবের ক্ষতি—  
‘১৮৩৯ অব্দে মহারাজ রণজিৎ সিংহের মৃত্যু হয়। রণজিৎ সিংহ  
সমগ্র খঞ্জাবে এবং কাশ্মীরে আপনাবাদ আধিপত্য স্থাপন করিয়া  
ছিলেন। গোলাপ সিংহের উপর কাশ্মীরের শাসন-ভার সমর্পিত  
হইয়াছিল। গোলাপ সিংহের মাতা খ্যান সিংহ শিখদরবারে  
মন্ত্রিত্ব করিতেন। মহারাজ রণজিৎের পর তদীয় জ্যেষ্ঠ পুত্র খজা

সিংহ পঞ্জাবের অধিপতি হন। কিন্তু অল্প কালের মধ্যেই তাঁহার মৃত্যু হয় এবং তদীয় পুত্র নৌনেহাল সিংহ সিংহাসনে আরোহণ করেন। কিছু দিনের মধ্যে নৌনেহাল সিংহেরও পুরলোক-প্রাপ্তি হয়। রণজিতের মধ্যম পুত্র শের সিংহ পঞ্জাবের অধিপত্য লাভ করেন। ১৮৪৩ অব্দে শের সিংহ এবং মন্ত্রী ধ্যান সিংহ নিহত হন। তখন রণজিতের কনিষ্ঠ পুত্র অপ্রাপ্তবয়স্ক দলীপ সিংহ লাহোরের সিংহাসনে আরোহণ করেন এবং ধ্যান সিংহের পুত্র হীরা সিংহ তাঁহার মন্ত্রী হন। হীরা সিংহ নিহত হইলে দলীপের মাতা মহারাণী বিন্দন পুত্রের নামে পঞ্জাব-শাসনে প্রবৃত্ত হন। এই সময়ে রাজা লাল সিংহ মজিরা এবং সর্দার তেজ সিংহ সৈন্তাধ্যক্ষতা গ্রহণ করেন। যাবৎ রণজিৎ সিংহ জীবিত ছিলেন, তাবৎ পঞ্জাবে কোন গোলযোগ ছিল না। কিন্তু তাঁহার মৃত্যুর পর হইতেই এইরূপ গোলযোগ আরম্ভ হইল। এক জনের পর আর একজন রাজা হইতে লাগিলেন। কিন্তু কিছুতেই শান্তি স্থাপিত হইল না। খালসা সৈন্ত ক্রমে উদ্ধত হইয়া উঠিল। রাজ্যমধ্যে নরহত্যা হইতে লাগিল। মন্ত্রী লাল সিংহ নিস্তেজ ও বিলাস-প্রিয় ছিলেন। তিনি উপস্থিত গোলযোগ নিবারণে অসমর্থ হইলেন। সর্দার তেজ সিংহও উত্তেজিত খালসা সৈন্তকে সংযত ও বশীভূত রাখিতে পারিলেন না। পরাক্রান্ত শিখসেনা ক্রমে ইঙ্গরেজদিগের অধিকৃত জনপদ আক্রমণ করিতে উদ্যত হইল।

প্রথম শিখ-যুদ্ধ, ১৮৪৫।—১৮৪৫ অব্দে ৬০,০০০ শিখ সৈন্ত ১৫০টি কাম্যান লইয়া শতদ্রু উত্তরণ পূর্বক ইঙ্গরেজ-রাজ্য আক্রমণ করে। শিখদিগের অশান্ত ভাব দেখিয়া, গবর্ণর জেনে-

রল পূর্বেই আপনাদের রাজ্যের সীমা-রক্ষার বন্দোবস্ত করিয়াছিলেন। ৪০,০০০ সৈন্য লুধিয়ানা, ফিরোজপুর, ও অম্বালায় সন্নিবেশিত হইয়াছিল। গবর্নর জেনেরল এবং-প্রধান সেনাপতি স্যার হিউ গফ্ অম্বালায় অবস্থিতি করিতেছিলেন। শিখ সৈন্যের শতদ্রু পার হওয়ার সংবাদে ইহারা স্বরিত গতিতে ঘটনাস্থলে উপনীত হইলেন। তিন সপ্তাহের মধ্যে, ১৮৪৫ অব্দে মুদকী, ফিরোজসহর এবং ১৮৪৬ অব্দে আলিবল ও শতদ্রুর তীরবর্তী সোব্রাঁও, এই চারি স্থানে চারিটি যুদ্ধ ঘটে। শিখেরা এই সকল যুদ্ধে আপনাদের অসাধারণ শূরত্বের পরিচয় দেয়। ইঙ্গরেজ সেনানী স্যার জন্স লিটলার, সেনাপতি স্যার হিউ গফ্ এবং গবর্নর জেনেরল স্যার হেন্‌রি হার্ডিঞ্জ ইহাদের বীরত্বের অশেষ স্মৃতি রাখিয়া গেলেন। মুদকীর যুদ্ধে সেনাপতি গফ্ শিখদিগকে পরাজিত করেন। ফিরোজ সহরে প্রথম দিন শিখেরা জয় লাভ করে, ইঙ্গরেজ-পক্ষের অনেক বলক্ষয় হয়। দ্বিতীয় দিনে শিখেরা হটিয়া যায়। এই যুদ্ধে গফ্, লিটলার এবং গবর্নর জেনেরল হার্ডিঞ্জ ইঙ্গরেজ-সৈন্যের অধিনায়কতা করিয়াছিলেন। আলিবলের যুদ্ধে হারি স্মিথ এবং সোব্রাঁওর যুদ্ধে গফ্ ইঙ্গরেজ-পক্ষের সেনাপতি ছিলেন। এই উভয় যুদ্ধে ইঙ্গরেজেরা জয় লাভ করেন। এই প্রথম শিখ-যুদ্ধের সময় বালসাদিগের সেনাপতি সর্দার তেজ সিংহ ও রাজা লালসিংহ গোপনে ইঙ্গরেজদিগের সহিত ষড়যন্ত্র করিয়াছিলেন। সেনাপতি-দ্বয়ের এইরূপ বিশ্বাসঘাতকতায় শিখদিগের পরাজয় হয়। সেনাপতিগণ চক্রান্ত না করিলে, বোধ হয়, প্রথম শিখ-যুদ্ধের ইতিহাস অন্য রূপ ধারণ করিত। সোব্রাঁওর যুদ্ধের পর

গবর্ণর জেনেরল লাহোরের নিকটে বাইয়া শিবির স্থাপন করেন । ১৮৪৬ অব্দের ২ই মার্চ মিয়ান্মীর নামক স্থানে গোলাপ সিংহের মধ্যস্থতার উভয় পক্ষে সন্ধি স্থাপিত হয় । সন্ধির নিয়মানুসারে ব্রিটিশ গবর্ণমেন্ট শতদ্রু ও বিপাশা নদীর মধ্যবর্তী জলন্ধরদোয়াব গ্রহণ করেন । যে সকল সৈন্য অস্ত্রধারণ করিয়াছিল, তাহাদিগকে নিরস্ত্র এবং লাহোর-দরবারের সৈন্য-সংখ্যা ন্যূন করা হয় । এতদ্ব্যতীত হার্ডিঞ্জ যুদ্ধের ব্যয় স্বরূপ দেড় কোটি টাকা গ্রহণ করেন । রণজিৎ সিংহের সময় কোষাগারে ১২ কোটি টাকা সঞ্চিত ছিল । কিন্তু তাঁহার মৃত্যুর পর অপব্যয় প্রযুক্ত তৎসমুদয় নিঃশেষিত হইয়া কেবল অর্দ্ধ কোটি মাত্র থাকে । হার্ডিঞ্জ এই অর্দ্ধ কোটি লইয়া, অপর এক কোটির বিনিময়ে কাশ্মীর প্রদেশ গ্রহণ করিতে ইচ্ছা করিলেন ; গোলাপ সিংহ এই সময়ে ব্রিটিশ গবর্ণমেন্টকে কোটি মুদ্রা দিয়া কাশ্মীর কিনিয়া লইলেন । এই অবধি গোলাপ সিংহ কাশ্মীরের স্বাধীন রাজা বলিয়া গণ্য হইলেন । দলীপ সিংহ পঞ্জাবের অধিপতি রহিলেন এবং মেজর হেনরি লরেন্স লাহোরে রেসিডেন্টের কার্য্য-ভার গ্রহণ করিলেন । এই সন্ধি স্থাপিত হওয়ার কিছু দিন পরে মন্ত্রী লালসিংহ ব্রিটিশ গবর্ণমেন্টের বিরুদ্ধে ষড়যন্ত্র করেন । বিচারে তাঁহার দোষ সপ্রমাণ হয়, এবং তিনি পঞ্চাব হইতে নিকালিত হইয়া, আগ্রার অবস্থিতি করেন । লালসিংহ নিকালিত হইলে ২২এ ডিসেম্বর বাইরারুল নামক স্থানে ব্রিটিশ গবর্ণমেন্টের সহিত লাহোর দরবারের আর একটি সন্ধি হয় । এই সন্ধিতে স্থির হয় যে, 'যাবৎ দলীপ সিংহ প্রাপ্তবয়স্ক না হইবেন, তাকং আট জন সুদক্ষ লোক লইয়া একটি সভা সংগঠিত হইবে' । এই সভার সদস্তেরা ব্রিটিশ

রেসিডেন্টের মতামুসারে পঞ্জাবের শাসনকার্য্য নিৰ্ব্বাহ করি-  
রেন। এইরূপে পঞ্জাব-যুদ্ধের অবসান হইলে গবর্নর জেনেরল  
এবং প্রধান সেনাপতি, “লর্ড” উপাধি প্রাপ্ত হন।

১৮৪৮ অব্দে লর্ড হার্ডিজ ইংলণ্ডে বাত্ৰা করেন। তাঁহার  
সময়ে বাঙ্গালা ভাষা শিক্ষা দিবার জন্ত বাঙ্গালা প্রদেশে ১০-টি  
হার্ডিজ স্কুল স্থাপিত হয়। অধিকন্তু বিদ্যাশিক্ষায় সাধারণের  
অনুরাগবৃদ্ধির জন্ত এই নিয়ম হয় যে, গবর্নমেন্টের কোন কন্ম  
খালি হইলে গবর্নমেন্ট বিদ্যালয়ের পরীক্ষোত্তীর্ণ যুবকেরাই  
সবিশেষ আদরণীয় হইবেন।

### লর্ড ডালহৌসী, ১৮৪৮-১৮৫৬

লর্ড ডালহৌসী ১৮৪৮ অব্দে ভারতবর্ষের গবর্নর জেনেরল  
হইয়া আইসেন। ইহার সময় ব্রিটিশ কোম্পানির রাজ্য-বৃদ্ধির  
নঙ্গে সঙ্গে দেশের আত্যন্তরিক উন্নতি সাধিত হয়।

দ্বিতীয় শিখ-যুদ্ধ, ১৮৪৮-১৮৪৯।—লর্ড ডালহৌসীর  
এদেশে আগমনের পর, ছয় মাসের মধ্যে, দ্বিতীয় শিখ-  
যুদ্ধ সজ্জাচিত হয়। শত্রুস্বতা-প্রযুক্ত হেনরি লরেন্স লর্ড হার্ডি-  
ঞ্জের সঙ্গে স্বদেশে গমন করেন। তাঁহার স্থলে জার্নেল ডার্লিক  
কারি লাহোরের রেসিডেন্ট হন। মূলতান মহারাজ রণজিৎ  
সিংহের অধিকারভুক্ত ছিল। সাবনুমল মূলতানের শাসন-কর্ত্তা  
ছিলেন। তিনি লোকান্তরিত হইলে তদীয় পুত্র মুলরাজ মূল-  
তানের শাসনকর্ত্ত্ব হইয়া গ্রহণ করেন। কিন্তু লাহোর-দরবারের  
সহিত তাঁহার অনেকা হওয়াতে তিনি কন্ম পরিত্যাগ

করিতে বাধ্য হন। দরবার তৎপদে সর্দার খাঁ সিংহকে নিযুক্ত করেন। সর্দার খাঁ সিংহকে মূলতানে প্রতিষ্ঠিত করিবার জন্ত বাস আশ্রয় এবং লেফ্টেনেন্ট আণ্ডার্সন নামক দুইজন ইংরেজ তথায় উপস্থিত হন। এই সময় মূলতানের অধিবাসিগণ উত্তেজিত হইয়া ইংরেজ কর্মচারি-দ্বয়কে অহত ও বিনষ্ট করে। এজন্ত মূলতানে যুদ্ধ উপস্থিত হয়। এই সুদূর সমকালে দ্বিতীয় শিখযুদ্ধ ঘটে। দ্বিতীয় শিখযুদ্ধের কারণ নিম্নে ক্রমে ক্রমে হইলে এই কয়েকটি ধরিতে হয়, (১) পঞ্জাব হইতে মহারাণী বিন্দনের নির্বাসন; (২) মহারাজ দলীপ সিংহের বিবাহের দিন নির্দ্ধারিত করিতে রেসিডেন্টের অমত এবং (৩) সর্দার ছত্র-সিংহের প্রতি কাপ্তেন আবট ও রেসিডেন্টের দুর্ব্যবহার। এই তিনটি কারণেই খালসারা আবার ব্রিটিশ গবর্ণমেন্টের বিরুদ্ধে সমুথিত হয়। লাহোরের প্রথম রেসিডেন্ট হেনরি লরেন্স ষড়যন্ত্রের সন্দেহে মহারাণী বিন্দনকে লাহোর হইতে শেখপুরায় আনিয়া রাখেন। হেনরি লরেন্সের পরবর্তী রেসিডেন্ট জর্জ ফ্রেডরিক কারি আবার ষড়যন্ত্রের সন্দেহে বিন্দনকে একবার পঞ্জাব হইতে বারাণসীতে নির্বাসিত করেন। কিন্তু এই ষড়যন্ত্রের সম্বন্ধে কোন প্রমাণ পাওয়া যায় নাই। আর ফ্রেডরিক কারি কেবল অপ্রাপ্তবয়স্ক মহারাজ দলীপ সিংহকে আপন-নার হস্তগত রাখিবার জন্ত মহারাণীর প্রতি নির্বাসন-দণ্ড বিধান করেন। শিখেরা ইহাতে ষারপর নাই বিরক্ত ও উত্তেজিত হইয়া উঠে। হাজার শাসনকর্তা বয়োবৃদ্ধ সর্দার ছত্র-সিংহের কথার সহিত দলীপ সিংহের বিবাহের সম্বন্ধ হইয়াছিল। ব্রিটিশ রেসিডেন্ট কলে কৌশলে এই বিবাহ স্থগিত রাখিতে



প্রয়াস পান। ছত্রসিংহ এবং তদীয় রণবিশারদ পুত্র শেরসিংহ এজন্ত বড় বিরক্ত হন। ইহার পর রেসিডেন্ট নিজের সহকারী কাপ্তেন আবটের পরামর্শে সর্দার ছত্রসিংহকে পদচ্যুত এবং তাঁহার জাক্কাগীর বাজেয়াপ্ত করেন। বুদ্ধ পিতার এইরূপ অপ-  
 মানে শিখ-সেনাপতি শের সিংহ আর স্থির থাকিতে পারিলেন না। তিনি অধিলম্বে ব্রিটিশ গবর্ণমেন্টের বিরুদ্ধে সমুখিত হইলেন। শের সিংহ ব্রিটিশ সৈন্তের সহিত মুলতান আক্রমণ করিতে গিয়াছিলেন। এক্ষণে আপনার সৈন্ত পৃথক করিয়া ইঙ্গরেজদিগের বিরুদ্ধে সন্ন্যাস-সজ্জার আরোজন করিলেন। দ্বিতীয় শিখ-যুদ্ধ আরম্ভ হইল। ১৮৪৯ অব্দের ২রা জানুয়ারি মুলতান বিধ্বস্ত হয়। ইহার পূর্বে অর্থাৎ ১৮৪৮ অব্দের ২২এ নবেম্বর ব্রাহ্মনগরের যুদ্ধে ইঙ্গরেজ-সৈন্ত পারিজিতপ্রায় হইয়া বথেষ্ট ক্ষতি সহ করে। ইহার পর শের সিংহ ৩০,০০০ সৈন্ত ও ৬০টি কামান লইয়া চিনিয়াবালার শিবিরে সন্নিবেশ করেন। ১৮৪৯ অব্দের ১৩ই জানুয়ারি চিনিয়াবালার যুদ্ধে ইঙ্গরেজদিগের পরাজয় হয়। শিখদিগের বিরুদ্ধে ইঙ্গরেজদিগের অশ্বারোহী সৈন্ত পলায়ন করে, ইঙ্গরেজদিগের কামান ও পতাকা, শিখদিগের হস্তগত হয়। শের সিংহ বিজয়ী হইয়া তোপধ্বনিতে চারিদিক কম্পিত করেন। ইহার পর ২১এ ফেব্রুয়ারি গুজরাটে আর একটি ঘোরতর যুদ্ধ হয়। এই যুদ্ধে ব্রিটিশ সেনাপতি লর্ড গফ্ শিখদিগকে পরাজিত করেন। সর্দার ছত্রসিংহ ও শের সিংহ আর যুদ্ধ না করিয়া, ১৪ই মার্চ বিজৈতার ঘণীভূত হন। ২৯এ মার্চ লর্ড ডালহৌসীর আদেশ-অনুসারে পঞ্জাব ব্রিটিশ কোম্পানির অধিকার-ভুক্ত হয়। আর একাদশ বর্ষব্যয়

মহারাজ দলীপ সিংহ বার্ষিক ৫ লক্ষ টাকা ধৃতি পাইয়া অস্তিত্ব-  
মাত্রে পর্য্যবসিত হন । দলীপ সিংহ ইহার পর ক্রীষ্ট ধর্ম্ম পরি-  
গ্রহ করেন । এক্ষণে তিনি আবার শিখধর্ম্ম গ্রহণ করিয়াছেন ।

• পঞ্জাবে শান্তিস্থাপন ।—লর্ড ডালহৌসী সন্ধি ভঙ্গ  
করিয়া পঞ্জাব-রাজ্য অধিকার করেন । লাহোরদরবারে কস্ম-  
চারীদিগের দোষে সংসারবিষয়ানভিজ্ঞ অপ্রাপ্তবয়স্ক দলীপ সিংহকে  
স্বাভ্য-জপ্ত করা স্থায়-সঙ্গত হয় নাই । পঞ্জাব অধিকার করিয়া  
লর্ড ডালহৌসী তথায় শান্তি স্থাপন করিতে আপনাদি সর্বশেষ  
দক্ষতার পরিচয় দেন । অবাধ্য সৈন্যদিগকে নিরস্ত্র করা হয় ।  
স্বনিয়মে ভূমির বন্দোবস্ত হইতে থাকে । রাজ্য-শাসন জগৎ  
প্রথমে একটি বোর্ড প্রতিষ্ঠিত হয় । শেষে ১৮৫৩ অব্দে এই  
বোর্ড উঠাইয়া দেওয়া হয় । হেনরি লর্বেসের উপযুক্ত সহোদর  
জন লরেন্স (ইনি পরে লর্ড উপাধি প্রাপ্ত হন) পঞ্জাবের প্রধান  
কমিশনার হন । পঞ্জাবে কত্মা-বধের প্রথা ছিল, চুরি, ডাকা-  
ইতি প্রভৃতি অপকর্ম্মও অবাধে চলিত । তৎসমুদয় ক্রমে  
তিরোহিত হইয়া যায় । কর্ণেল রবার্ট নেপিয়ারের (ইনি পরে  
লর্ড নেপিয়ার নামে প্রসিদ্ধ হন) তত্ত্বাবধানে রাস্তা প্রস্তুত  
এবং খাল খনিত হয় । এইরূপে পঞ্জাবের অবস্থা ক্রমে  
উন্নত হইতে থাকে, অধিবাসীরাও ক্রমে সম্ভোষ লাভ করে ।  
১৮৫৭ অব্দের সিপাহি-যুদ্ধে যখন প্রায় সমস্ত ভারতবর্ষ আন্দোল-  
লিত হয়, তখন পঞ্জাবের অধিবাসীরা শান্ত এবং ব্রিটিশ গবর্ণ-  
মেণ্টের অনুবৃত্ত ছিল ।

• ব্রহ্মদেশের দ্বিতীয় যুদ্ধ, ১৮৫২ ।—১৮৫১ অব্দে  
একজন জাহাজী কাপ্তেন স্বীয় স্ত্রীর উপর অত্যাচার করিতে

রেজুনের শাসন-কর্তা কাণ্ডেনের ১,০০০ টাকা অর্থ-দণ্ড করেন। লর্ড ডালহৌসী নিগৃহীত কাণ্ডেনের পক্ষ অবলম্বন পূর্বক যুদ্ধ করিবার আদেশ দেন। অবিলম্বে কয়েক খানি রণ-তরী ইরাতীতে উপস্থিত হয়। এইরূপে ১৮৫২ 'অক্টোব্র' মাসে দ্বিতীয়বার যুদ্ধ ঘটে। এই যুদ্ধে রেজুন, প্রোম ও পেণ্ড অধিকৃত হয়। লর্ড ডালহৌসী ২০ এ ডিসেম্বর পেণ্ড প্রদেশ ব্রিটিশ কোম্পানির অধিকারভুক্ত করিয়া স্বাক্ষরাজের সহিত সন্ধি স্থাপন করেন। পেণ্ড এবং পূর্ব অধিকৃত আরাকান ও তেনাসরিম, এই তিনটি প্রদেশ একত্র হইয়া “ব্রিটিশ ব্রহ্ম” নামে পরিচিত হয়।

ভারতবর্ষীয় মিত্ররাজ্যের সম্বন্ধে লর্ড ডালহৌসীর রাজনীতি।—পুত্র হিন্দুদিগের অন্তিমে অনন্ত প্রীতি প্রাপ্তির একটি প্রধান অবলম্বন। জনক জননী লোকান্তরিত হইলে পুত্র তাঁহাদিগকে শ্রাদ্ধতর্পণাদি দ্বারা সম্প্রীত করিয়া পুণ্যম নরক হইতে উদ্ধার করে। এজন্ত হিন্দুগণ ঔরস পুত্রের অভাব হইলে যথানিয়মে দত্তক পুত্র গ্রহণ পূর্বক আপনাদের বংশ রক্ষা করিবার উপায় বিধান করেন। এই গৃহীত পুত্র শাস্ত্রানুসারে, পিতার সমস্ত স্থাবরও অস্থাবর সম্পত্তির অধিকারী হইতে পারে। কিন্তু এসম্বন্ধে লর্ড ডালহৌসী এই রাজনীতি অবলম্বন করেন যে, যে সমস্ত রাজ্য্য সর্বোপরিভূত প্রভু-শক্তির আশ্রিত, তৎসমুদয়ের অধিপতিগণ যে দত্তক পুত্র গ্রহণ করিবেন, তাহা প্রভুশক্তির অনুমোদিত না হইলে তাঁহাদের রাজ্য্য উক্ত প্রভু-রাজ্যে সংযোজিত হইবে। এই সর্বোপরিভূত প্রভু-শক্তি ভারতের ব্রিটিশ গবর্ণমেন্ট; আর আশ্রিত রাজ্য্য সেতারা, নাগপুর প্রভৃতি। লর্ড ডালহৌসীর রাজনীতির

বলে এই সকল রাজ্য ব্রিটিশ কোম্পানির অধিকারভুক্ত হয় ।

আশ্রিত রাজ্য অধিকার ।—প্রথমে সেতারার উল্লিখিত রাজনীতি অনুসারে কার্য্য হয় । ১৮১৮ অব্দে মেশ্বা বাজী রাওর অধঃপতন হইলে লর্ড হেষ্টিংস্ শিবজীর বংশধরকে সেতারারাজ্য সমর্পণ করেন । ১৮৪৮ অব্দের ৫ই এপ্রেল সেতারারাজ আপা সাহেবের পরলোক প্রাপ্তি হয় । মৃত্যুর পূর্বে তিনি দত্তক পুত্র গ্রহণ করেন । কিন্তু এই দত্তক লর্ড ডালহৌসীর অনুমোদিত না হওয়াতে ১৮৪৯ অব্দে উক্ত রাজ্য ব্রিটিশ কোম্পানির অধিকারভুক্ত হয় । এই বংশের রাজপুত-রাজ্য কেরোলি ডিরেক্টরদিগের আদেশে লর্ড ডালহৌসীর রাজনীতির আক্রমণ হইতে রক্ষা পায় । কিন্তু মৃদলপুর কোম্পানির অধিকৃত হয় । ঝাঁসির অধিপতি গঙ্গাধর রাও নিঃসন্তান ছিলেন । মৃত্যুর পূর্বে তিনি যথানিয়মে দত্তকপুত্র গ্রহণ করেন । কিন্তু লর্ড ডালহৌসী এই দত্তকপুত্রের অধিকার রক্ষা করেন নাই । ১৮৫৩ অব্দে ঝাঁসিও সেতারার অবস্থাপন্ন হয় । ঝাঁসির অধিপতি গঙ্গাধর রাওর বনিতা নীর্য্যবতী বীরামনা লক্ষ্মীবাই বহু চেষ্টা করিয়াও প্রণয় রাজ্য উদ্ধার করিতে পারেন নাই । ১৮৫৩ অব্দে নাগপুরের অধিপতি তৃতীয় যজ্ঞী ভোঁসলার মৃত্যু হয় । তিনি নিঃসন্তান ছিলেন । তাঁহার পিতামহী বহুবাই দত্তক গ্রহণ করিতে চাহিলেন । কিন্তু গবর্ণর জেনারেল সম্মত হইলেন না । সুতরাং নাগপুর অধিকৃত ঔরঙ্গ প্রদেশের অন্তর্ভুক্ত হইল । রাজ-পরিবারের অলঙ্কার ও অগ্ন্যস্ত্র জিনিসপত্র কলিকাতায় আনীত হইয়া নিলামে বিক্রীত হইয়া

গেল । ১৮৫৫ অব্দে আর্কটের নবাব এবং তাঞ্জোরের রাজা অপুলক অবস্থায় লোকান্তরিত হইলে তাঁহাদের বংশের রাজ-সম্মান ও স্বাধীন-উপাধির উচ্ছেদ হয় । লর্ড ওয়েলেস্লি ১৮০০ অব্দে নিজামের সহিত সন্ধি স্থাপন করিয়া আপনাদের কতকগুলি সৈন্য নিজামের সৈন্যের সহিত একত্র করেন । যুদ্ধাদির সময় নিজাম ঐ সমস্ত সৈন্যের ব্যয়-ভার বহন করিতে সম্মত হন । এজন্ত ক্রমে ব্রিটিশ গবর্ণমেন্টের নিকট নিজামের অনেক ঋণ হয় । নিজাম এই ঋণ পরিশোধে অসমর্থ হইয়া পড়েন । ১৮৫৩ অব্দে লর্ড ডালহৌসী আপনাদের টাকা আদায়ের জন্ত নিজামের নিকট হইতে এক প্রকার বলপূর্ব্বক বেরার প্রদেশ গ্রহণ করেন ।

১৮৫১ অব্দে বিঠোর-প্রবাসী বাজীরাও লোকান্তরিত হন । তিনি বার্ষিক আট লক্ষ টাকা বৃত্তি পাইয়া আসিতেছিলেন । তাঁহার জ্যেষ্ঠ দত্তক পুত্র নানা সাহেব তদীয় সমস্ত সম্পত্তির অধিকারী হইল । লর্ড ডালহৌসী নানা সাহেবকে পৈতৃক বৃত্তি হইতে বঞ্চিত করেন ।

অযোধ্যা অধিকার, ১৮৫৬ ।—লর্ড ক্রাইবের সময় হইতে অযোধ্যার নবাবের সহিত ব্রিটিশ কোম্পানির সংঘর্ষ জন্মে । যুদ্ধে পরাজিত হইয়া নবাব সূজা উদৌল্লাহ আপনাদের রাজ্যস্থিত কোম্পানির সৈন্যের ব্যয় নির্বাহ করিতে প্রতিজ্ঞিত হন । এই অবধি কোম্পানি অযোধ্যার নবাবগণের সহিত সন্ধি বন্ধন করিতে থাকেন । প্রতি সন্ধিতেই ব্রিটিশ কোম্পানির লাভ এবং অযোধ্যা-রাজ্যের এক একটি অঙ্গ অধিকৃত হয় । সর্বশেষে লর্ড ডালহৌসী অযোধ্যা-রাজ্যের

বিশ্বজ্ঞান ও অত্যাচারের উল্লেখ করিয়া উহা আপনাদের হস্তগত করিতে কৃতসঙ্কল্প হইলেন। তিনি এই সঙ্কল্প কার্য্যে পরিণত করিতে অযোধ্যার রেসিডেন্ট জেনেরল আউট্রামকে আদেশ দিলেন। আউট্রাম ১৮৫৬ অব্দের ৪ঠা ফেব্রুয়ারি নবাব ওয়াজিদ-আলীর সহিত সাক্ষাৎ করিয়া, ব্রিটিশ গবর্ণমেন্টের চূড়ান্ত নিষ্পত্তি জানাইলেন। নবাব গভীর শ্রোত্বের সহিত স্বীয় উকীষ রেসিডেন্টের হাতে দিয়া কহিলেন, “ব্রিটিশ গবর্ণমেন্ট তাঁহার সম্মত নষ্ট করিলেন, রাজ্য গ্রহণ করিলেন। ইহাদের সহিত মিত্রতা স্থাপন করা বিড়ম্বনা মাত্র।” কিন্তু তাঁহার এই কথায় কোন ফল হইল না। অবিলম্বে রেসিডেন্ট ব্রিটিশ গবর্ণমেন্টের ঘোষণা-পত্র প্রচার করিলেন। ৫০ লক্ষ অধিবাসীর সহিত উত্তরে নেপাল, পূর্বে গোরক্ষপুর, দক্ষিণে এলাহাবাদ এবং পশ্চিমে আজিমগড়, জোনপুর, ফরকাবাদ ও শাহজাদাপুর সীমার মধ্যবর্তী প্রায় ২৪ হাজার বর্গ মাইল-পরিমিত বিস্তৃত রাজ্য ব্রিটিশ কোম্পানির অধিকার-ভুক্ত হইল। আর এই বিস্তৃত রাজ্যের অধিপতি বার্ষিক ১২ লক্ষ টাকা ইতিপূর্বে, কলিকাতার নিকটে আসিয়া বাস করিতে লাগিলেন। এইরূপে বিনা রক্তপাতে একটি বিস্তৃত রাজ্য অধিকৃত হইল। কিন্তু শেফার এই রাজ্যাধিকার হইতে গরলময় ফল উৎপন্ন হইয়াছিল। অযোধ্যা অধিকার লর্ড ডালহৌসীর সর্বপ্রধান কার্য্য। এই কার্য্যে তিনি ইতিহাসে সন্মান লাভ করিতে পারেন নাই। ডালহৌসী অশ্রুতপূর্ব্ব অত্যাচার ও অবিচারের উল্লেখ করিয়া অযোধ্যা গ্রহণ করিয়াছেন। কিন্তু সেই সময়ের ইংরেজ-শাসিত দেশের সহিত তুলনা করিলে সপ্রমাণ হইবে যে, অযোধ্যা

এরূপ অরাজকতা ঘটে নাই এবং এরূপ অশ্রুতপূর্ব অত্যাচার ও অবিচারও হয় নাই। অযোধ্যা অধিকৃত হইলে পঞ্জাবের স্থায় উহা নিয়মবহির্ভূত প্রদেশ বলিয়া গণ্য হয়। আউট্রাম সাহেব অযোধ্যার প্রধান কমিশনর হন।

**লর্ড ডালহৌসীর অন্যান্য কার্য্য।**—লর্ড ডালহৌসীর সময়ে অনেকগুলি সংকার্যের অনুষ্ঠান হয়। বহুদিন হইতে নর-বলি ও ডাকাইতি নিবারণের চেষ্টা হইতেছিল, কিন্তু সেই চেষ্টা তাদৃশ ফলবর্তী হয় নাই। উড়িষ্যায় খন্দ নামক অসভ্য জাতির মধ্যে নরবলি প্রথা প্রচলিত ছিল। লর্ড ডালহৌসীর চেষ্টায় এই নরবলি প্রথা অনেকাংশে নিরাকৃত হয়। ১৮৫২ অব্দে ওয়াকোপ সাহেব বাঙ্গালার ডাকাইতি কমিশনর হন। তাঁহার চেষ্টায় ডাকাইতের দল উৎসন্ন হইয়া যায়। ১৮৫২ অব্দে রেলওয়ের কার্য আরম্ভ হয়, এবং তৎপরবর্তী বৎসর প্রসিদ্ধ ডাক্তর ওমান্সি সাহেব টেলিগ্রাফ প্রবর্তিত করেন। এই রেলওয়ে ও টেলিগ্রাফ দ্বারা দেশের প্রভূত উপকার হইতেছে। পূর্বে ডাকে পত্রাদি পঠাইতে হইলে অনেক গোলযোগ ঘটিত। ডালহৌসীর সময়ে ডাকের জন্ত স্বতন্ত্র কার্য্যবিভাগ স্থাপিত হয়। ডাক-বিভাগের অধ্যক্ষ ওজন বুঝিয়া মাণ্ডল গ্রহণপূর্বক পত্রাদি চালাইবার বন্দোবস্ত করেন। এতদ্ব্যতীত ডালহৌসী কর্তৃক পূর্বে কলিকাতার উন্নতি সাধিত হয়। এই সময়ে সাধারণের গমনাগমনের জন্ত প্রশস্ত রাজপথ প্রস্তুত হইতে থাকে। গঙ্গার খাল এবং হিরাবতী ও চন্দ্রভাগার মধ্যবর্তী বারি দোয়ার খাল খনিত হয়। এই সকল রাস্তা ও খাল দ্বারা দেশের অনেক উপকার হইতেছে।

লর্ড ডালহৌসী শিক্ষা-বিভাগের স্ববন্দোবস্ত করেন। উক্তব পশ্চিমাঞ্চলের প্রত্যেক তহসিল অর্থাৎ উপবিভাগে এক একটি “তহসিলি” অর্থাৎ মধ্যশ্রেণীর স্কুল ও প্রত্যেক প্রধান পল্লীতে এক একটি “হলকাবন্দি” অর্থাৎ নিম্নশ্রেণীর স্কুল এবং বাঙ্গালায় মডেল স্কুল স্থাপিত হয়। বালিকাদিগকে শিক্ষা দিবার জন্ত মহাত্মা বীটন সাহেব কলিকাতায় একটি বালিকা বিদ্যালয় (বীটন স্কুল) স্থাপন করেন। কলিকাতার হিন্দু কলেজ প্রেসিডেন্সি কলেজ নামে প্রসিদ্ধ হয়। বোর্ড অব কন্ট্রোলের অধ্যক্ষ শ্রী চার্লস উড্ (ইনি পরে লর্ড হালিফাক্স নামে প্রসিদ্ধ হইল) আপনার ১৮৫৪ অব্দের প্রসিদ্ধ শিক্ষাবিষয়িণী অনুমতি-লিপিতে প্রকাশ করেন যে, ভারতবর্ষীয় ভাষা শিক্ষা দিবার জন্ত বিদ্যালয় সকল প্রতিষ্ঠিত হইবে। গবর্ণমেন্ট সাধারণের শিক্ষার্থ বিদ্যালয়-সমূহে “গ্রান্ট ইন্ এড্” অর্থাৎ অর্থ-সাহায্য-প্রণালী প্রবর্তিত করিবেন, এতদ্ব্যতীত প্রত্যেক প্রেসিডেন্সিতে এক একটি বিশ্ববিদ্যালয় স্থাপিত হইবে। লর্ড ডালহৌসী এই অনুমতি-লিপি অনুসারে একটি বিশেষ সমিতির উপর বিশ্ববিদ্যালয় স্থাপনের ভার দেন এবং পূর্বতন শিক্ষাবিষয়ক সমিতি উচ্চশিক্ষা বিভাগে “ডিরেক্টর” ও “ইন্সপেক্টর” প্রভৃতি নিয়োজিত করেন। ইহাদের উপর অভিনব প্রণালী অনুসারে বিদ্যালয় স্থাপনের ভার সমর্পিত হয়। এইরূপে দেশের সর্বত্র গবর্ণমেন্টের সাহায্যকৃত বিদ্যালয় স্থাপিত হইতে থাকে এবং পূর্বাপেক্ষা বিদ্যা-শিক্ষার শ্রীবৃদ্ধি হয়।

১৮৫৬ অব্দে প্রসিদ্ধ দেশহিতৈষী শ্রীযুক্ত পণ্ডিত ঈশ্বরচন্দ্র বিদ্যাসাগর মহোদয়ের যত্নে বিধবা-বিবাহ-ব্যবস্থা কিম্বদন্তি হয়।



ইণ্ডিয়া বিল, ১৮৫৩।—১৮৫৩ অব্দে কোম্পানি পুনর্ব্বার সনন্দ লাভ করেন। এই সনন্দ অনুসারে স্থির হয় যে, (১) বঙ্গদেশে একজন লেফ্টেনেন্ট গবর্নর নিয়োজিত হইবেন; (২) ইঙ্গলণ্ডে একটা বিশেষ পরীক্ষায় উত্তীর্ণ হইলে লোকে সিভিলিয়ান হইতে পারিবেন। ভারতবর্ষীয়েরা বিলাতে যাইয়া এই সিভিল সর্কিস্ পরীক্ষা দিতে পারিবেন \* ; (৩) ভারতবর্ষীয় ব্যবস্থাপক সভায় ছয় জন সদস্যের স্থলে বার জন সদস্য থাকিবেন।

লর্ড ডালহৌসীর পদত্যাগ।—১৮৫৬ অব্দের লর্ড ডালহৌসী ভারতবর্ষের গবর্নর জেনেরলের পদ ত্যাগ করেন। তিনি ৩৬ বৎসর বয়সে গবর্নর জেনেরল হইয়া আইসেন। ঐ বয়সে এরূপ কার্য্য-তৎপরতার সহিত আর কেহ ভারতবর্ষ শাসন করেন নাই। লর্ড ডালহৌসীর সময়ে দেশের অনেক উন্নতি সাধিত হয়। কিন্তু তাঁহার ধারণা ছিল যে, ভারতবর্ষের সর্বত্র ব্রিটিশ শাসন বদ্ধমূল না হইলে দেশের প্রকৃত উন্নতি হইবে না। এইজন্য তিনি ভারতবর্ষের প্রাচীন রাজবংশের মর্যাদা নষ্ট করিয়া ব্রিটিশ অধিকার সম্প্রসারিত করেন। লর্ড ডালহৌসীর এই দূষিত রাজনীতিতে পরিশেষে ভারতবর্ষে প্রলয় কাণ্ড সজ্জাটিত হয়।

\* পূর্বে নিয়ম ছিল, ইঙ্গলণ্ডের হেলিবরি কলেজে অধ্যয়ন না করিলে এবং ডিরেক্টর সভাকর্তৃক নিয়োজিত না হইলে কেহ ভারতবর্ষের সিভিল সর্কিসে প্রবেশ করিতে পারিবেন না। এখন এ নিয়ম পরিবর্তিত হওয়াতে হেলিবরি কলেজ উন্নিত হয়।

লর্ড কানিংগ্‌, ১৮৫৬-১৮৬২ ।

লর্ড ডালহৌসীর পরে সদাশয় লর্ড কানিংগ্‌ ভারতবর্ষের শাসকের জেনেরল হন । ইংলণ্ড হইতে যাত্রাকালে তিনি ডিরে-ক্টরদিগের সমক্ষে কহেন, “আমি ভারতবর্ষে শান্তির আশা করি । কিন্তু ভারতবর্ষের নির্মল আকাশে মনুষ্যের হস্ত-পরি-মিত এক খণ্ড মেঘের উদ্ভূত হইতে পারে, এবং সেই মেঘ ক্রমে বর্ধিত হইয়া আমাদের সর্বনাশ ঘটাইতে পারে ” লর্ড কানিংগ্‌র এই ভবিষ্যদ্বাণী ফলবতী হয় । পর বৎসর (১৮৫৭) সিপাহিরা ব্রিটিশ গবর্ণমেন্টের বিরুদ্ধে সমুথিত হইয়া ভয়াবহ কাণ্ডের উপস্থাপ্তি করে ।

## ষষ্ঠ অধ্যায় ।

সিপাহি-যুদ্ধ; ১৮৫৭ ।

সিপাহি-যুদ্ধের কারণ ।—কি কারণে সিপাহিরা ইংরেজদিগের পরাক্রম পর্য্যুদস্ত করিতে যত্ন করিল, তাহারা রাজাকে মহতী দেয়তা বলিয়া সম্মান করে, কি কারণে তাহারা সেই রাজশক্তির বিরুদ্ধে সমুথিত হইল, তৎসম্বন্ধে অনেকে অনেক কথা বলিয়াছেন । প্রকৃত পক্ষে সিপাহি-যুদ্ধের কারণ স্বল্পরূপে নির্ণয় করা দুক্লম্ । প্রধানতঃ লর্ড ডালহৌসীর পর-রাজ্য-সংহারিণী নীতি হইতে এই ভয়ঙ্কর ঘটনার সংস্থাপত্য হয় । ডালহৌসী অনেক প্রাচীন রাজবংশের উচ্ছেদ করেন ; তাহারা এক সময়ে বহুসংখ্য প্রজার অধিস্বামী হইয়া স্বাধীনভাবে শাসন-দণ্ড পরিচালন করিতেন, তাহারা সামন্ত লোকের

অবস্থায় পতিত হন। সিপাহিরা আপনাদের শ্রদ্ধাশ্রদ্ধ রাজ-  
বংশের এইরূপ অবমাননা দেখিয়া কোম্পানির সাধুতার উপর  
সন্দেহান হয়। তাহারা সেতারা ও কাঁসির জীবনহায দুঃখ  
প্রকাশ কণ্ঠে, নাগপুরের বর্ষায়সী মহিষীর অপমানে অধীর হয়  
এবং শেষে অযোধ্যায় ব্রিটিশ পতাকা উড্ডীন দেখিয়া উত্তেজিত  
হইয়া উঠে। সিপাহীদের অধিকাংশ অযোধ্যা-নিবাসী হিন্দু।  
তাহারা আপনাদের ধর্মের ও আগনাদের চিরাগত প্রণাম  
একান্ত পক্ষপাতী। তাহারা ভাবিত, তাহাদের বাহুবলে পঞ্জাব  
অধিকৃত হইয়াছে এবং সমস্ত ভারতবর্ষে শান্তিরক্ষা হইতেছে।  
যত দিন অযোধ্যা নবাবের রাজ্য ছিল, তত দিন অযোধ্যার  
লোকে, কোম্পানির কর্মচারী বলিয়া, সিপাহীদের প্রতি বর্ষো-  
চিত সম্মান দেখাইত। কিন্তু শেষে অযোধ্যা কোম্পানির  
রাজ্য হইলে সিপাহীদের সে সম্মান নষ্ট হয়। এই সময়ে ইঙ্গ-  
রেজী শিক্ষার বহুল প্রচার হইতে থাকে। টেলিগ্রাফ, রেলওয়ে  
প্রভৃতির ব্যয় আরম্ভ হয়; ভারতবর্ষের সর্বত্র ভারতীয় সভা  
তাহার পরিবর্তে ইঙ্গরেজী সভ্যতার ফল প্রত্যক্ষীভূত হইতে  
থাকে। ইহাতে সিপাহিরা আপনাদের জাতীয় ধর্ম ও জাতীয়  
সভ্যতার বিলোপ আশঙ্কায় উত্তেজিত হইয়া উঠে। এদিকে  
রাজ্যভ্রষ্ট রাজবংশীদের তাহাদের উত্তেজনা বৃদ্ধি করেন।  
সিপাহিরা ইহাদের নিয়োজিত লোকের মুখে ইঙ্গরেজদিগের  
বিকল্পে অনেক কথা শুনিতে থাকে। সিপাহিরা সুশিক্ষিত বা  
পরিণীমদর্শী নহে; তাহারা কোতুলপার ও সন্দিক্ত; সূত্রাং  
কোতুল ও সন্দিক্ত প্রযুক্ত তাহারা ক্রমেই ব্রিটিশ গবর্ণমেন্টের  
উপর অধিকতর ঘিরন্ত হইতে থাকে।

**টোটা ।**—সিপাহিদিগের হৃদয় যখন এইরূপে উত্তেজিত হইয়া উঠিয়াছিল, তখন প্রাচীন ব্রাউনবেস্ বন্দুকের পরিবর্তে রাইফল্ নামক বন্দুক ব্যবহার করিবার আদেশ প্রচারিত হয়, এবং ঐ বন্দুকের জন্ত বসা-মিশ্রিত টোটা প্রস্তুত হইতে থাকে । টোটা দাঁতে কাটিয়া বন্দুকে পূরিতে হইত । এই সময়ে জনরব উঠিল, অভিনব টোটা গোক ও শূকরের চৰ্ব্বিমিশ্রিত, সুতরাং হিন্দু ও মুসলমান উভয়েরই তুল্যরূপ অস্পষ্ট । ইঙ্গরেজা হিন্দু ও মুসলমান, উভয়েরই ধর্ম-নাশের জন্ত টোটা ব্যবহার করিবার আদেশ প্রচার করিয়াছেন । সিপাহিরা ইহাতে আর স্থির থাকিতে পারিল না ; আপনাদের জাতীয় ধর্ম রক্ষার জন্ত ইঙ্গরেজদিগের সহিত যুদ্ধে প্রস্তুত হইল ।

**সিপাহি-যুদ্ধের প্রারম্ভ, মে ১৮৫৭ ।**—মে ১০ই মে মিরাতের সিপাহিরা দাব্বদ হইয়া ইউরোপীয়দিগকে আক্রমণ করে । ইউরোপীয়দিগের অনেকে সে সময়ে ইহাদের এই ভয়ঙ্কর আক্রমণ হইতে রক্ষা পায় নাই । মিরাত হইতে সিপাহিরা দিল্লীতে সমবেত হয় । দিল্লীর বৃদ্ধ মোগল সম্রাট পুনর্বার আপনার সাম্রাজ্য-প্রাপ্তির আশায় ইহাদেয় উৎসাহদাতা হন । ক্রমে দিল্লীর মুসলমান অধিবাসীরা ইঙ্গরেজদিগের বিরুদ্ধে সমুথিত হয় । ইঙ্গরেজরা ইহা দেখিয়া, তত্রত্য বারুদাগার উড়াইয়া দেন ।

**সিপাহি-যুদ্ধের বিস্তার, জুন, ১৮৫৭ ।**—ক্রমে সমস্ত উত্তর পশ্চিমাঞ্চল, অযোধ্যা, বাঙ্গালা এবং মধ্য ভারত-বর্ষে সিপাহিযুদ্ধের গতি প্রসারিত হয় । উত্তেজনার তরঙ্গে অধীর হইয়া সিপাহিরা ইউরোপীয় মহিলা এবং ইউরোপীয়

বালক বালিকার প্রাণসংহার করিতে থাকে । ক্রমে ইঙ্গরেজ সৈন্তেরাও সিপাহিদিগের এই অত্যাচারের অনুকরণ করে । এই সঙ্কটাপন্ন সময়ে স্থান জন লরেন্সের চেষ্টায় পঞ্জাব রক্ষা পায়, এবং পঞ্জাবের অধিবাসীরা ব্রিটিশ গবর্ণমেন্টের অনুরক্ত থাকে ।

**কাণপুর ।**—কাণপুর, লক্ষৌ এবং অযোধ্যা, এই তিন স্থানে সিপাহিরা সর্বশেষ প্রবল হইয়া উঠে । কাণপুরের সেনা-নিবাসে বহুসংখ্য সিপাহি-সৈন্ত বাস করিয়া থাকে । এই স্থানের নিকটবর্তী বিঠোরে নানা সাহেব বাস করিতেন । পৈতৃক বৃত্তি বন্ধ হওয়াতে নানা সাহেব ব্রিটিশ গবর্ণমেন্টের উপর সাতিশয়র অসন্তুষ্ট হইয়াছিলেন । সেই অসন্তোষপ্রযুক্ত এক্ষণে তিনি ইঙ্গ-সৈন্যদিগের অনিষ্ট সাধনে উদ্যত হন । নানা সাহেব সিপাহি-দিগের আধিনেতা হইয়া আপনাকে মহারাষ্ট্রের পেশবা বলিয়া ঘোষণা করেন । ২৭এ জুন কাণপুরের ইউরোপীয়েরা নিরাপদে এলাহাবাদে ঘাইবার আশ্বাস পাইয়া, নানা সাহেবের নিকট আত্ম-সমর্পণে বাধ্য হয়, শেষে ইহাদের অনেকেই উত্তেজিত সিপাহিদিগের হস্তে প্রাণত্যাগ করে । ১৫৫টি ইউরোপীয় মহিলা ও বালকবালিকা নানা সাহেবের খন্দী হয় । নানা সাহেব ইহাদের প্রাণ দণ্ড করেন । ১৫ই জুলাই ইঙ্গরেজ সেনানী হাবেলক সর্সেণ্ডে কাণপুর উদ্ধারার্থ সমাগত হন । নগর অধিকৃত হয় । নানা সাহেব অযোধ্যা অঞ্চলে পলায়ন করেন ।

**লক্ষৌ ।**—অযোধ্যার সুবোগ্য প্রধান কমিশনার স্থান হেনরি লরেন্স এই সঙ্কটাপন্ন সময়ে লক্ষৌর রেসিডেন্সি রক্ষার সুব্যবস্থা করিয়াছিলেন । ২রা জুলাই যাবতীয় ইউরোপীয়

এই রেসিডেন্সিতে আশ্রয় গ্রহণ করে । সিপাহিরা রেসিডেন্সি অবরোধ করিয়া গোলা বর্ষণে প্রবৃত্ত হয় । ৪ঠা জুলাই স্থার, হেনরি লরেন্স গোলার আঘাতে প্রাণত্যাগ করেন । ২৫এ সেপ্টেম্বর ইঙ্গরেজ সেনাপতি হাবেলক্ এবং আউট্রাম লক্ষ্যোদ্ধিত ইঙ্গরেজ সৈন্তের সাহায্যার্থ উপস্থিত হন । ইহারা সিপাহি-দিগকে নিরস্ত করিতে সম্যক কৃতকার্য হন নাই । অবশেষে ১৬ই নবেম্বর স্থার ফোল্লিন ক্যাম্পেল (ইনি পরে লর্ড ক্লাইড নামে প্রসিদ্ধ হন) বিপক্ষদিগকে পরাজিত করেন । অবরুদ্ধ ইঙ্গরেজেরা মুক্তি লাভ করে । ইহার পর ১৮৫৮ অক্টোবর মার্চ মাসে লক্ষ্যে সর্বাত্মক ইঙ্গরেজদিগের হস্তগত হয় ।

— দিল্লী ।—দিল্লী সিপাহিদিগের হস্তগত হইয়াছিল । প্রায় ৩০,০০০ সিপাহি এই স্থানে অবস্থিতি করিতেছিল । ৮ই জুন ইঙ্গরেজ সৈন্ত দিল্লী অবরোধ করে । আগষ্ট মাসের মধ্যভাগে ইঙ্গরেজ সেনানী নিকলসন্ সাহেব পঞ্জাব হইতে দিল্লীতে উপনীত হন । ১৪ই সেপ্টেম্বর যুদ্ধ আরম্ভ হয় । ৬ই দিন যুদ্ধের পর ইঙ্গরেজ সৈন্ত দিল্লী অধিকার করে । নিকলসন্ যুদ্ধে প্রাণত্যাগ করেন । বুদ্ধ মোংগল সম্রাট বাহাদুর শাহ বন্দীকৃত হইয়া রেজিষ্ট্রার নির্বাসিত হন ।

অযোধ্যায় শান্তি-স্থাপন ।—দিল্লী অধিকারের পরেও ১৮ মাস কাল ভিন্ন ভিন্ন স্থানে যুদ্ধ ঘটে । রাজ্যত্রস্ত নবাব ওয়াজিদ আলীর পদচ্যুত বেগম হজরতমল ও নানা সৈন্যবাহিনীর উত্তেজনায় অযোধ্যায় অধিবাসিগণ সিপাহিদিগের সহিত সম্মিলিত হয় । লর্ড ক্লাইড অযোধ্যায় যুদ্ধ করিয়া, শান্তি স্থাপন করেন । হজরতমল ও নানা সাহেব নেপালের অভিমুখে

অগ্রসর হন। এই সময়ে নৈপালের রাজমন্ত্রী শ্রীর জঙ্গ বাহাদুর ব্রিটিশ গবর্ণমেন্ট অনেক সাহায্য করিয়াছিলেন।

**কুমার সিংহ।**—কুমার সিংহ আরাঞ্জেলার অন্তঃপাতী জগদীশপুরের জমীদার। ইহার অসাধারণ বাহুবল ছিল। ইনি প্রায়ই মল্লযুদ্ধে এবং মৃগয়ার আমোদে কালতিপাত করিতেন। সিপাহি-যুদ্ধের সময় কুমারসিংহ প্রায় অশীতি বর্ষে পদার্পণ করিয়াছিলেন। ইঙ্গরেজ কর্তৃপক্ষ এই অশীতিপর বৃদ্ধ জমীদারের রাজ-ভক্তির উপর সন্দেহান হম। কুমারসিংহ এজন্ত দানা-পুরের সিপাহিদিগের অধিনেতা হইয়া বুদ্ধ চালাইতে থাকেন। তাঁহার ভ্রাতা অমরসিংহ আরাহিত ইঙ্গরেজদিগকে সমূহ ক্রোধ দিতে ক্রটি করেন নাই। শেষে আগষ্ট মাসে ইঙ্গরেজ সৈন্য আসিয়া আরা উদ্ধার করে।

**লক্ষ্মীবাই।**—লর্ড ডালহৌসী ঝাঁসি অধিকার করাতে ঝাঁসির লোকান্তরিত অধিপতি গুজাধর রাওর বিধবা মহিষী লক্ষ্মীবাই পাতিশয় বিরক্ত হন। সিপাহি-যুদ্ধের সময় লক্ষ্মীবাই তুর্কী-সুতায়োপী মধ্যভারতবর্ষে বিলক্ষণ বীরত্বের সহিত যুদ্ধ করেন। বীর্যবতী বীরাজনার বীরত্বে ইঙ্গরেজ সেনানী শ্রীর হিউ রোজের (অতঃপর লর্ড ষ্ট্রথনেয়র্গ) পরাক্রমও পরাস্ত হয়। শেষে লক্ষ্মীবাই ১৮৫৮ অব্দে জুন মাসে গোবালিয়রের নিকটে অসাধারণ পরাক্রমে যুদ্ধ করিয়া রণস্থল হইতে প্রত্যাবৃত্ত হইতেছিলেন, এমন সময় একজন সৈনিক পুরুষ তাহার গলদেশবিলম্বিত বহুমূল্য হার লৈাভে অসির আঘাতে তাঁহাকে হত্যা করে। পর ৫৭সর তুর্কীসুতায়োপী ধরা পড়িয়া নিহত হন। লক্ষ্মীবাই প্রকৃত বীররমণী। উনবিংশ

শতাব্দীতে ভারতবর্ষে ইহার আয় বীররমণীর আবির্ভাব হয় নাই । এই বীর্যবতী বীরাজনার বীরত্ব-কাহিনী শুনিতে বিস্মিত ও স্তম্ভিত হইতে হয় ।

**সিপাহি-যুদ্ধের অবসান ।**—মধ্য-ভারতবর্ষের যুদ্ধের সহিত সিপাহি-যুদ্ধের অবসান হয় । ১৮৫৯ অব্দে, জুলাই মাসে দূরদর্শী গবর্ণর জেনেরল লর্ড কার্ণক্‌ রাজ্যের সর্বত্র শান্তি স্থাপিত হইয়াছে বলিয়া, ঘোষণা-পত্র প্রচার করেন ।

সিপাহি-যুদ্ধ-প্রযুক্ত উত্তর পশ্চিমাঞ্চলে কৃষিকার্য্য না হওয়াতে তথায় ভয়ঙ্কর দুর্ভিক্ষের আবির্ভাব হয় । এই দুর্ভিক্ষে বহুসংখ্য লোক প্রাণত্যাগ করে ।

**মহারাজী বিক্টোরিয়া কর্তৃক ভারত-সম্রাজ্যের শাসন-ভার-গ্রহণ, ১৮৫৮ ।**—ভারতে ইঙ্গরেজ কোম্পানির আধিকার বিলোপ সিপাহি-যুদ্ধের চরম ফল । ইঙ্গরেজেরা প্রথমে বর্ণিকবেশে আসিয়া ভারতবর্ষে রাজ্য স্থাপন করেন । ক্রমে তাঁহাদের অধিকার প্রসারিত হয়, ক্রমে তাঁহারা ভারতবর্ষের অধিপতি হইয়া উঠেন । কিন্তু ভারতবর্ষের অধিপতি আধিপতি বাণক্‌ কোম্পানি ইঙ্গলণ্ডে মহারাজী বিক্টোরিয়ার সামান্য প্রজার শ্রেণীতে গণ্য ছিলেন । আপনাদের অর্জিত রাজ্য ভোগ করিবার জন্য ইহাদিগকে ১৭৭৩ অব্দ হইতে ১৮৫৩ অব্দ পর্য্যন্ত পাঁচ বার সন্ন্যাস লইতে হয় । প্রজার অর্জিত রাজ্যের উপর রাজার সর্বতোমুখী প্রভুতা আছে । এখন মহারাজী বিক্টোরিয়া আপনার প্রজার অর্জিত ভারত সাম্রাজ্যের শাসন-ভার স্বহস্তে গ্রহণ করিতে উদ্যত হইলেন । এসম্বন্ধে পার্লামেন্টে মহাসভায় বাদানুবাদ হইতে লাগিল । ডিবে-



ক্টরেরা আপত্তি করিতে লাগিলেন। কিন্তু তাঁহাদের আপত্তি গ্রাহ্য হইল না। ১৮৫৮ অব্দে পার্লামেন্টে স্থির হইল যে, অতঃপর ইঙ্গলণ্ডের অধীশ্বরী মহারাণী বিক্টোরিয়া ভারত-সাম্রাজ্যের শাসন-ভার গ্রহণ করিবেন। ভারতবর্ষের শাসন-জঁক্ত “বোর্ড অব্ কন্ট্রোল” এবং “ডিরেক্টর” সভার পরিবর্তে পনের জন সদস্য লইয়া একটি সমিতি সংগঠিত হইবে। মহারাণীর একজন প্রধান-অমাত্য এই সমিতির অধ্যক্ষ হইবেন। ইহার রাজকীয় উপাধি “ভারতবর্ষের জন্য সেক্রেটারি অব্ স্টেট” হইবে। ভারতবর্ষের গবর্নর জেনেরল আপনার প্রাচীন উপাধি ব্যতীত “বাইসরয়” অর্থাৎ রাজ-প্রতিনিধি এই নূতন উপাধি গ্রহণ করিবেন। গবর্নর জেনেরল এবং বাইসরয়কে ভারতবর্ষের সেক্রেটারি অব্ স্টেটের অধীন হইয়া কার্য্য করিতে হইবে। এইরূপে ভারতবর্ষে কোম্পানির রাজত্বের পরিসমাপ্তি হইল। কোম্পানি ভারতবর্ষের শাসন-কার্য্য হইতে অপসারিত হইয়াছেন বটে, কিন্তু আজ পর্য্যন্ত সাধারণে ভারতবর্ষকে “কোম্পানির মুলুক” বলিয়াই মনে করিয়া থাকে।

## সপ্তম অধ্যায় ।

ব্রিটিশ রাজশাসনাধীন ভারতবর্ষ ।

মহারাণার ঘোষণা-পত্র, ১লা নবেম্বর, ১৮৫৮—  
ভারতের ইঙ্গরেজ-রাজত্বের ইতিহাসে ১৮৫৮ অব্দের ১লা নবেম্বর একটি প্রধান স্মরণীয় দিন। এই দিনে মহারাণী বিক্টোরিয়া স্বহস্তে ভারতসাম্রাজ্যের শাসন-ভার গ্রহণ করেন। সমগ্র

## ব্রিটিশ রাজশাসনাধীন ভারতবর্ষ । ১৫৭

ব্রিটিশ ভারতবর্ষ এই দিনে মহারানীর ঋগ্নরাজ্যের অন্তর্ভুক্ত হয় । এই দিনে শ্রীশ্রীমতী মহারানী আপনার অল্পম মহত্ব ও হিতৈষিতা দেখাইয়া সদয় বাক্যে ভারতবর্ষীয়দিগকে আশ্বস্ত করেন । মহারানী, ভারতবর্ষীয় ভূপতিগণ, সরদারগণ ও জনসাধারণকে লক্ষ্য করিয়া যে ঘোষণাপত্র প্রস্তুত করেন, তাহা এই দিনে ভারতবর্ষের প্রধান প্রধান নগরে সর্বসাধারণের সমক্ষে পঠিত হয় । এই স্থলে উক্ত ঘোষণাপত্রের ভাবানুবাদ প্রকাশ করা গেল ;—

“আমি বিষ্টোরিয়া, জগদীশ্বরের প্রমাদে গ্রেটব্রিটন ও আয়ারলণ্ড, এই উভয় মিলিত রাজ্যের এবং ইউরোপ, এশিয়া, আফ্রিকা ও আমেরিকাতে উল্লিখিত মিলিত রাজ্যের যে সকল উপনিবেশ আছে, তৎসমুদয়ের অধীশ্বরী ও ধর্মরক্ষাকারিণী ।”

“ভারতবর্ষের যে সকল প্রদেশ আমার অধিকারে আছে, এতদিন ইষ্ট ইণ্ডিয়া কোম্পানি তৎসমুদয় শাসন করিয়া আসিতেছিলেন । এক্ষণে আমি পার্লামেন্ট মহাসভার সম্মতিক্রমে ভারতবর্ষের উক্ত প্রদেশসমূহের শাসন-ভার স্বহস্তে গ্রহণ করিতে কৃতনিশ্চয় হইয়াছি ।

“অতএব এই ঘোষণাপত্র দ্বারা সাধারণকে জানাইতেছি যে, আমি পার্লামেন্ট মহাসভার পরামর্শে ও সম্মতিক্রমে ভারতসাম্রাজ্যের শাসন-ভার স্বহস্তে লইলাম । ভারতবর্ষের প্রজাবর্গের প্রতি আমার এই আদেশ যে, তাহারা প্রজার যথার্থ ধর্ম পালন করিবে, আমার ও আমার উত্তরাধিকারিণের প্রতি প্রভু-ভক্তি দেখাইবে, আমি ভারতবর্ষের শাসন-কার্য্য নির্বাহের জন্ত যে সকল কর্মচারী নিযুক্ত করিব, তাহাদের

প্রতি সম্মান প্রদর্শন করিবে এবং তাঁহাদের আদেশানুসারে চলিবে ।

“আমাদের বিশ্বস্ত অমাত্য ও প্রিয়পাত্র শ্রীযুক্ত চার্লস জন বাইকোর্ট কানিঙ্গ্ বাহাদুরের প্রভু-ভক্তি, কৰ্ম্ম-দক্ষতা ও সৈদ্য-বিবেচনার উপর সম্পূর্ণ নির্ভর করিয়া, আমি তাঁহাকে আমার ভারত-সাম্রাজ্যের প্রথম বাইসরয় (রাজপ্রতিনিধি) ও গবর্নর জেনেরলের পদে নিযুক্ত করিলাম । আমি, আমার কোন প্রধান সেক্রেটারি দ্বারা সময়ে সময়ে যে সকল নিয়ম ও যে সকল আদেশ প্রচার করিব, সেই সকল নিয়ম ও আদেশের অনুবর্তী হইয়া, বাইকোর্ট কানিঙ্গ্ বাহাদুর ভারত-সাম্রাজ্যের শাসন-কার্য্য নির্বাহ করিবেন ।

“ইষ্ট ইণ্ডিয়া কোম্পানির অধীনে যে সকল ব্যক্তি রাজকীয় কার্য্যে নিযুক্ত আছেন, তাঁহাদিগকে তাঁহাদের আপন আপন কার্য্যে বহাল রাখা গেল । কিন্তু ভবিষ্যতে আমার যেরূপ ইচ্ছা হইবে, অথবা যে সকল নিয়ম বিধিবদ্ধ করা যাইবে, ঐ সকল কর্ম্মচারীকে বহাল রাখা বা না রাখা, সেই ইচ্ছা ও সেই নিয়ম অনুসারে নির্দিষ্ট হইবে ।

“এতদ্বারা ভারতবর্ষের ভূপতিদিগকে জানান যাইতেছে যে, ইষ্ট ইণ্ডিয়া কোম্পানি তাঁহাদের সহিত যে সকল সন্ধি ও তাঁহাদের নিকট যে সকল প্রতিজ্ঞা করিয়াছেন, আমি সেই সকল সন্ধি ও সেই সকল প্রতিজ্ঞা পালন করিব ; আশা করি, ভারতবর্ষের ভূপতিরাও আমার হায়ে সেই সন্ধি ও সেই প্রতিজ্ঞা পালন করিবেন ।

“ভারতবর্ষে এখন আমার যে রাজ্যাধিকার আছে, তাহা

আমর বৃদ্ধি করিব না। অত্রে আমার রাজ্য আক্রমণ করিলে তাহাদিগকে সমুচিত প্রতিফল দিতে ক্রটি করিব না। যাহারা আমাদের পক্ষে আছেন, তাহাদিগকেও অপরের রাজ্য আক্রমণ করিতে দিব না। আমি ভারতবর্ষের ভূপতিদিগের অধিকার, পদ ও মর্যাদা, নিজের অধিকার, পদ ও মর্যাদার মত জ্ঞান করিব। দেশে শাস্তি বিরাজিত থাকিলে যেরূপ সুখ ও সৌভাগ্য ঘটিতে পারে, ভারতবর্ষের ভূপতিগণ ও আমার প্রজাবর্গও সেইরূপ সুখে ও সৌভাগ্যে কাল যাপন করিবেন।

“রাজ-ধর্ম পালন জন্য আমি অপর্যাপর প্রজার নিকটে যেরূপ প্রতিজ্ঞার আবদ্ধ আছি, ভারতবর্ষের প্রজাবর্গের নিকটেও সেইরূপ প্রতিজ্ঞার আবদ্ধ থাকিব। সর্বশক্তিমান জগদীশ্বরের প্রসাদে আমি ঐ প্রতিজ্ঞা যথারীতি পালন করিব।

“খ্রীষ্টীয় ধর্মে আমার দৃঢ় বিশ্বাস আছে। এই ধর্মের আশ্রয় লইলে যে, সুখ ও সম্ভাষণ জন্মে, তাহাও আমি কৃতজ্ঞচিত্তে স্বীকার করি। কিন্তু আমি আমার প্রজাবর্গের সম্বন্ধে এই বিশ্বাস অনুসারে কোনও কার্য করিব না। আমি প্রকাশ্যে কুরিতেছি যে, কোন ব্যক্তি তাহার বিশ্বাসমত কোন ধর্মসম্বন্ধ কার্যের অনুষ্ঠান করিলে অনুগ্রহীত, নিগৃহীত বা উৎপীড়িত হইবে না। সকলেই আপনাদের বিশ্বাস অনুসারে আপন আপন ধর্মসম্বন্ধ কার্যের অনুষ্ঠান করিতে পারিবে এবং সকলেই আমার অধিকারে তুল্যরূপে রক্ষিত ও প্রতিপালিত হইবে। যাহারা আমার অধীনে ভারতবর্ষের শাসন-কার্যে নিযুক্ত থাকিবেন, তাহাদিগকে আমি এই আদেশ দিতেছি যে, তাহারা নরনর আমার কোন প্রজার ধর্মে কোনরূপে হস্তক্ষেপ না করে।

যিনি, হস্তক্ষেপ করিবেন, তিনি আমার বার-পর-নাই, বিরাগ-ভাজন ও কোপে পতিত হইবেন ।

“আমার, প্রজারা, যে জাতি বা যে ধর্মাবলম্বীই হউক না কেন, আপনাদের বিদ্যা, ক্ষমতা ও সচরিত্রতাবলে গবর্ণমেন্টের অধীনে যে সকল কর্ম করিতে সমর্থ হইবে, তাহাদিগকে বিনা পক্ষপাত্তে সেই সকল কক্ষে নিযুক্ত করা যাইবে ।

“ভারতবর্ষীয়েরা তাহাদের আপন আপন পূর্ব পুরুষ হইতে যে সমস্ত ভূসম্পত্তি প্রাপ্ত হয়, তৎসমুদয়ের উপর তাহাদের যে, কত মার্যা ও কত যত্ন জন্ম, তাহা আমি বিশেষরূপে জানি । ঐ সকল ভূসম্পত্তিতে যাহার যেরূপ স্বত্ব ও অধিকার আছে, তাহাকে সেই স্বত্ব ও অধিকার হইতে বঞ্চিত করা হইবে না । কিন্তু তাহাকে গবর্ণমেন্টের প্রাপ্য অংশ যথানিয়মে দিতে হইবে । আইন প্রস্তুতকরা ও আইন অনুসারে কার্য্যকরার সময়ে ভারতবর্ষীয়দিগের প্রাচীন স্বত্বাধিকার ও প্রাচীন রীতি নীতির উপর দৃষ্টি রাখা যাইবে ।

“কর্তৃকণ্ডলি ছরাশয় লোক অমূলক জনরব তুলিয়া দিয়া, তাহাদের স্বদেশীয়দিগকে প্রতারিত ও রাজ-বিদ্বেহে প্রবর্তিত করাতে দেশের অনেক অনিষ্ট ঘটিয়াছে । আমি এজন্ত সাদৃশ্য হুঃখিত আছি । এই রাজ-বিদ্বেহ নিবারিত হওয়াতে আমাদের প্রভাব ও পরাক্রম প্রদর্শিত হইয়াছে । যে সকল লোক প্রতারিত হইয়াছিল, এখন যদি তাহারা পুনরায় প্রজার যথার্থ ধর্ম অবলম্বন করে, তাহা হইলে আমি তাহাদের অপরাধ মার্জনা করিব, এবং তাহাদের প্রতি দয়া ও সৌজন্ম দেখাইব ।

“ভারত সাম্রাজ্য নিরুপদ্রব করিবার অভিপ্রায়ে, ইহার পূর্বে

আমার প্রতিনিধি ও গবর্ণর জেনেরল বাইকোর্ট কানিংহাম একটি প্রদেশের অপরাধীদিগকে মার্জনা করিবার আশা দিয়াছেন। যাহাদের অপরাধ মার্জনার যোগ্য নয়, তাহাদিগকে যে, যথোচিত শাস্তি দেওয়া যাইবে, তাহাও তিনি উল্লেখ করিয়াছেন। আমি গবর্ণর জেনেরলের এই কার্যের অনুমোদন করিতেছি। অধিকন্তু সাধারণের গোচরার্থ প্রকাশ করিতেছি যে,—

“যাহারা সাক্ষাৎসম্মুখে আমার প্রজাদিগের হত্যা-কার্যে লিপ্ত ছিল, তাহারা ব্যতীত আর সকলের প্রতি করুণা প্রদর্শিত হইবে। এই হত্যাকারীদিগের প্রতি অনুমানসারে দয়া প্রদর্শিত হইতে পারে না।

“যাহারা জানিয়া শুনিয়া, নিজের ইচ্ছায় হত্যাকারীদিগকে আশ্রয় দিয়াছে, কিংবা যাহারা গত রাজবিদ্রোহে কর্তৃত্ব করিয়াছে, তাহাদের প্রাণদণ্ড হইবে না, কিন্তু অল্প উপযুক্ত দণ্ড হইবে। ঐ সকল লোককে যথাযোগ্য দণ্ড দিবার সময়ে বিবেচনা করিতে হইবে যে, উহারা কি অবস্থায় অথবা কুমন্ত্রণায় ভুলিয়া রাজবিদ্রোহীদিগকে প্রাশ্রয় দিয়াছিল। প্রতারকদিগের কুমন্ত্রণায় ভুলিয়া যাহারা অত্যাচার করিয়াছে, তাহাদের প্রতি যথোচিত অনুগ্রহ দেখান যাইবে। তদ্ব্যতীত, যাহারা গবর্ণমেন্টের বিরুদ্ধে অস্ত্রধারণ করিয়াছিল, তাহারা যদি আপনাদের গৃহে প্রতিগমন করিয়া শান্তভাবে বৈধব্যিক ব্যাপারে লিপ্ত হয়, তাহাহইলে তাহাদের অপরাধ মার্জনা করা যাইবে, এবং তাহারা যে, অপরাধ করিয়াছিল, তাহা আর মনে করা যাইবে না।

“অপরাধ মার্জনা ও অনুগ্রহ প্রদর্শনসম্বন্ধে যে সকল নিয়ম

উল্লিখিত হইল, যাঁহারা আগামী ১লা জানুয়ারির পূর্বে সেই-সকল নিয়ম পালন করিবে, তাহাদের সকলকেই ক্ষমা করা যাইবে এবং সকলের প্রতিই অনুগ্রহ প্রদর্শিত হইবে।

“ঈশ্বরের আশীর্বাদে শান্তি স্থাপিত হইলে ভারতবর্ষের কৃষি-বাণিজ্য-সংক্রান্ত কার্যে যথোচিত উৎসাহ দান, সাধারণের উপকারক ও শ্রীরুদ্ধি-সাধক বিষয়ের উৎকর্ষ সাধন এবং ভারত-বর্ষের প্রজাদের উপকারের উদ্দেশ্যেই ভারত-সাম্রাজ্য শাসন করা যাইবে। ভারতবর্ষের প্রজাদের শ্রীরুদ্ধি হইলেই আমি আপনাকে প্রবল ও পরাক্রান্ত মনে করিব, প্রজারা সন্তুষ্ট থাকিলেই, আমি আপনাকে নিঃশঙ্ক ও নিরাপদ ভাবিব এবং প্রজারা সন্তুষ্ট হইয়া, যেকৃতজ্ঞতা ও রাজ-ভক্তি দেখাইবে, তাহাই আমি সর্বোৎকৃষ্ট পুরস্কার জ্ঞান করিব। পরিশেষে প্রার্থনা এই, প্রজাদের মঙ্গলার্থে এই সকল সঙ্কল্প বাহাতে আমি কার্যে পরিণত করিতে পারি, সর্বশক্তিমান জগদীশ্বর আমাকে ও আমার অধীনে যাঁহারা রাজ্য শাসন করিবেন, তাঁহাদিগকে সেরূপ ক্ষমতা সমর্পণ করুন।”

এই ঘোষণাপত্রে সকলেই সন্তুষ্ট হইল। সকলেই ভাবিল, মহারাজী ইঙ্গলণ্ডেশ্বরী নিয়ম ভারত-সাম্রাজ্যের শাসনভার গ্রহণ করিলেন, এখন তাঁহার রাজ্যে সফল উপযুক্ত লোকেই আতি ধর্মনির্বিশেষে প্রধান প্রধান কার্যে নিয়োজিত হইতে পারিবে। সকলেই আপনাদের ধর্ম ও চিরাগত আচার ব্যবহার অনুসারে কার্য করিতে সমর্থ হইবে। যাঁহারা সিপাহি-যুদ্ধের সময়ে হত্যা-কার্য্য লিপ্ত হয় নাই, তাঁহারা মহারাজীর রাজ্যে নিরাপদে বাস করিতে পারিবে। ভারত-

বর্ষের ভূশক্তিগণ নিরাপদে আপনাদের রাজ্যশাসন ও ঔরস পুত্রের অভাবে যথানিয়মে দত্তকপুত্র গ্রহণ করিতে পারিবেন। এবিষয়ে তাঁহাদিগকে কোন প্রকার বাধা দেওয়া হইবে না।

সিপাহি-যুদ্ধের সময় বিচক্ষণ লর্ড কানিং সান্তিশয় ধীর-ভাবে শাসনকার্য্য নির্বাহ করিয়াছিলেন। তাঁহার ধীরতা ও সদ্বিবেচনা প্রযুক্তই সিপাহি-যুদ্ধের অবসান এবং রাজ্যে সর্বত্র শান্তি স্থাপিত হয়। এই সঙ্কটপন্ন সময়ে অনেক ইঙ্গরেজ ভারতীয় প্রজাদিগের বিরুদ্ধে সমুথিত হইয়াছিলেন। লর্ড কানিংয়ের অত্য দূরদর্শী ব্যক্তি এই সময় গবর্নর জেনেরলের পদে অধিষ্ঠিত না থাকিলে, বোধ হয়, নিরীহ জনসাধারণের শোষণে ভারতবর্ষ রঞ্জিত হইত। ঐ সকল ইঙ্গরেজে তখন মহাত্মা লর্ড কানিংকে “দয়ার সাগর কানিং” বলিয়া বিদ্রূপ করিয়াছিলেন। কিন্তু এখন উক্ত বিদ্রূপ-বাক্য লর্ড কানিংয়ের সম্মানসূচক হইয়া দাঁড়াইয়াছে। দয়ার-সাগর কানিং রাজ-প্রতিনিধি হইয়া মহারাণীর ঘোষণা-পত্র প্রকাশ করিলেন। ১৮৫৮ অব্দের ১লা নবেম্বর এলাহাবাদে মহাসমারোহে একটা দরবার হইল। এই দরবারে মহারাণীর ঘোষণা-পত্র পাঠিত হইল। অতঃপর লর্ড কানিং এই ভাবে বিজ্ঞাপন-পত্র প্রকাশ করিলেন :—

“শ্রীশ্রীমতী মহারাণী ইঙ্গলণ্ডেশ্বরী ভারতবর্ষের ব্রিটিশাধিকা-রের শাসনভার স্বহস্তে গ্রহণ করিতে গবর্নর জেনেরল এতদ্বারা সাধারণকে জানাইতেছেন যে, অদ্য হইতে ভারতবর্ষের শাসনসংক্রান্ত সমস্ত কার্য্য মহারাণীর নামে সম্পন্ন হইতে থাকিবে।”



“সমুদয় জাতির ও সমুদয় শ্রেণীর যে সকল লোক ইষ্ট-ইণ্ডিয়া কোম্পানির শাসনাধীন আছে, তাহারা অদ্য হইতে ত্রীশ্রীমতী মহারাজার প্রজা বলিয়া গণ্য হইবে ।

“ত্রীশ্রীমতী মহারাজা আপনার ঘোষণাপত্রে, যে সকল সঙ্কল্পের উল্লেখ করিয়াছেন, সেই সকল সঙ্কল্প যাহাতে সিদ্ধ হয়, তাহার জন্ত গবর্ণর জেনেরল সকলকেই সর্বাস্তঃকরণে ও আপনাদের ক্ষমতানুসারে যথোচিত সাহায্য করিতে আহ্বান করিতেছেন ।

“ত্রীশ্রীমতী মহারাজা তাহার বহুসংখ্য ভারতবর্ষীয় প্রজার বিশ্বস্ততা ও প্রভু-ভক্তির উপর নির্ভর করিয়া সদয়ভাবে ও হিত-বিতার সহিত যে সকল বিষয়ের নির্দেশ করিয়াছেন, জেনেরল আশা করেন, প্রজারা সকল সময়েই তাৎসমুদয় পালন করিবেন ।”

এই ঘোষণা-পত্র সকলেরই অনুমোদিত হইল । সকলেই মহারাজার রাজ্যে নির্বিবাদে বাস করিতে পারিবে বলিয়া সন্তোষ প্রকাশ করিতে লাগিল । লর্ড কানিংজ ১৮৫৯ অব্দের এই জুলাই ভারতবর্ষের সর্বত্র শান্তি স্থাপিত হইয়াছে বলিয়া, ঘোষণা-পত্র প্রচার করিলেন এবং পরবর্তী শীতকালে উত্তর-পশ্চিমাঞ্চলে রাইয়া, মিত্র রাজগণকে যথোচিত আপ্যায়িত করিয়া তুলিলেন । এই সময়ে “ষ্টার অফ ইণ্ডিয়া” উপাধির সৃষ্টি হয় এবং মহারাজার মিত্ররাজগণ এই অভিনব উপাধিতে ভূষিত হন ।

আইন প্রভুত্বের সংস্কারণ — লর্ড কানিংজের সময়ে পূর্বতন আইন সংস্কৃত ও পরিবর্তিত হয় । ১৮৩৭ অব্দে কয়েক

সাহেব যে দণ্ডবিধি প্রণয়ন করেন, তাঁহা ১৮৬০ অব্দে বিধিবদ্ধ হয়। এতদ্ব্যতীত দেওয়ানী ও ফৌজদারী কার্য্যবিধি ও রাজস্ব-সংক্রান্ত ১০ আইন প্রচারিত হয়। লর্ড কানিংয়ের শাসনকালে উইলসন্ সাহেব রাজস্ব-সচিব হইয়া এ দেশে আইসেন। সিপাহি-যুদ্ধপ্রযুক্ত অনেক ব্যয় হইয়াছিল। প্রায় ৪ কোটী টাকা ঋণ হয়। উইলসন্ সাহেব এজ্ঞা “ইনকম ট্যাক্স” অর্থাৎ জায়-কর স্থাপন করেন। ইহা ভিন্ন লর্ড কানিংয়ের সময়ে গবর্ণর জেনে-রলের কোমিসিও এবং মাদ্রাজ ও বোম্বাইর গবর্ণরের কোমিসিও ইউরোপীয় কিংবা ভারতবর্ষীয় বেসরকারী সদস্য নিয়োগ করিবার নিষেধ হয়।

### লর্ড এলগিন্‌, ১৮৬২-১৮৬৩।

১৮৬২ অব্দের মার্চ মাসে লর্ড কানিং স্বদেশে যাত্রা করেন। এলগিন ভারতবর্ষের গবর্ণর জেনেরল ও রাজ-প্রতিনিধি হন। কিন্তু তিনি দীর্ঘকাল ভারতবর্ষ শাসন করিতে পারেন নাই। ১৮৬৩ অব্দে হৈমবন্ত প্রদেশের ধর্ম্মশালা নামক স্থানে তাঁহার মৃত্যু হয়। পূর্বে কলিকাতা বোম্বাই ও মাদ্রাজে এক-একটি সদর আদালত ও এক একটি সুপ্রীম কোর্ট ছিল। সদর আদালতে কোম্পানির প্রজাদের আপীল এবং সুপ্রীম কোর্টে মহারাজার ইঙ্গরেজ প্রজাদের বিচার হইত। যখন মহারাজী স্বহস্তে ভারতবর্ষের শাসন-ভার গ্রহণ করেন, তখন সকলেই আশঙ্কায় সম্বন্ধে মহারাজার প্রজা হওয়াতে ১৮৬২ অব্দে উক্ত উক্ত আদালত একত্র করিবার জন্ত একটি আইন বিধিবদ্ধ হয়। লর্ড কানিং এ বিষয়ের সমস্ত বন্দোবস্ত করিয়া যান। লর্ড

এলগিনের সময়ে অর্থাৎ ১৮৬২ অব্দের জুলাই মাসে উক্ত তিন প্রধান নগরের সদর আদালত ও সুপ্রীম কোর্ট একত্র হইয়া হাইকোর্ট নামে প্রসিদ্ধ হয়। লর্ড এলগিনের সময়ে সিন্ধু নদের পশ্চিম তটে সিতানা নামক স্থানে একটি যুদ্ধ ঘটে।

### লর্ড লরেন্স, ১৮৬৪-১৮৬৯ ।

লর্ড এলগিনের মৃত্যুর পর, মাদ্রাজের গবর্নর জার্মান উইলিয়াম ডেনিসন কিছু দিন গবর্নর জেনেরলের কার্য করেন। তৎপরে পঞ্জাবের পূর্বতন প্রধান কমিশনার জার্মান হেনরি লরেন্সের সহোদর জার্মান জন লরেন্স ভারতবর্ষের গবর্নর জেনেরল ও রাজ প্রতিনিধি হন। ইহাঙ্গ সময়ে ভূটানে যুদ্ধ ঘটে। ইহার প্রাদেশ ব্রিটিশ গবর্নমেন্টের অধিকার ভুক্ত হয় ( ১৮৬৪ )। ১৮৬৬ অব্দে উড়িষ্যার ভরস্কর ছুর্ভিক্ষে বহুসংখ্য লোক প্রাণত্যাগ করে। লেক্টেনেন্ট গবর্নর বীডন লাহেব এই ছুর্ভিক্ষ নিবারণে যত্নশীল হন নাই। এই সময়ে মহীশূরের অধিপতি পার্শ্বা-মেন্ট সভ্য হইতে দত্তক পুত্র গ্রহণ করিবীর অনুমতি প্রাপ্ত হন। কাবুলের সিংহাসন লইয়া দোস্ত মহম্মদের সন্তানগণের মধ্যে বিবাদ ঘটে। অবশেষে শেরআলী কাবুলের আমীর হন। ১৮৬৯ অব্দে জার্মান জন লরেন্স স্বদেশে যাত্রা করেন, এবং 'সেখানে যাইয়া লর্ড উপাধি-প্রাপ্ত হন।'

### লর্ড মেয়ো, ১৮৬৯-১৮৭২ ।

জার্মান জন লরেন্সের পর লর্ড মেয়ো গবর্নর জেনেরল ও রাজ-

প্রতিনিধি হন। ১৮৬৯ অব্দে লর্ড মেয়ো অস্থালার দরবারে কাবুলের আমীর শের আলীর সম্বন্ধনা করেন এবং তাঁহাকে বার্ষিক বার লক্ষ টাকা বৃত্তি দিতে প্রতিশ্রুত হন। রুশীয়েরা আমীরের সহিত সম্মিলিত হইয়া ভারতবর্ষে প্রবেশ করিতে না পারে, এই জন্ত গবর্ণর জেনেরলকে উক্ত দরবারে আমীরের সহিত সন্ধাব স্থাপন করিতে হইয়াছিল। এই সময়ে (১৮৬৯-১৮৭০) মহারানীর দ্বিতীয় পুত্র ডিউক অব এডিনবরা ভারতবর্ষ-পরিদর্শনে আইসেন। লর্ড মেয়ো কর্তৃক কৃষি-বিভাগ স্থাপিত হয়। এতদ্ব্যতীত তিনি গবর্ণমেণ্টের থাস রেলওয়ের (ষ্টেট রেলওয়ের) স্বেচ্ছাপাত করেন এবং স্থানে স্থানে রাস্তা ও খীন্নের কার্য করিতে অনুমতি দেন। লর্ড মেয়ো উচ্চতর ইংরেজী শিক্ষার ব্যয় সঙ্কোচ করিবার ইচ্ছা করিতে অনেকে তাঁহার প্রতিকূল পক্ষ অবলম্বন করেন। এজন্য তাঁহার ইচ্ছা পূর্ণ হয় নাই।

পূর্বে বাঙ্গালা, মাদ্রাজ, বোম্বাই প্রভৃতি প্রদেশ হইতে মত টাকা আয় হইত, সমস্তই এক তহবিল-ভুক্ত হইয়া গবর্ণর জেনেরলের হাতে থাকিত। ইহার পর যে প্রদেশের জন্ত যত টাকা ব্যয়ের প্রয়োজন হইত, তাহা গবর্ণর জেনেরলকে জানাইলে গবর্ণর জেনেরল উক্ত তহবিল হইতে সেই টাকা দিবার আদেশ দিতেন। এই নিয়ম থাকিতে রাজস্ব-সচিবকে অনেক হিসাবপত্র রাখিতে হইত, সুতরাং তাঁহার কার্য বাড়িয়া উঠিত। অধিকন্তু এক প্রদেশের রাজস্ব অপর প্রদেশে ব্যয় হইয়া মাইত। প্রদেশীয় শাসন-কর্তারা দেখিতেন যে, তাঁহাদের শাসনাধীন প্রদেশের আয় বৃদ্ধি হইলেও সমস্ত টাকাই সরকারী তহবিলে যাইবে,

হয়ত ঐ টাকা অপর প্রদেশের জন্ত ব্যয় হইবে, সুতরাং তাঁহারা আপন আপন প্রদেশের আয় বাড়াইবার ও ব্যয় কমা-ইবার চেষ্টা না করিয়া কেবল সরকারী তহবিল হইতেই অধিক পরিমাণে টাকা আনিবার চেষ্টা করিতেন। লর্ড মেয়ো এই সকল গোলযোগ দেখিয়া স্থির করেন যে, রাজ্যের সমস্ত আয় এক তহবিলেই না রাখিয়া ভিন্ন ভিন্ন প্রদেশে বত টাকা আয় হইবে, তাহা হইতে রাজকীয় ধর্নাগারের জন্ত নির্দিষ্ট টাকা লইয়া অবশিষ্ট টাকা সেই সেই প্রদেশের উন্নতিকল্পে ব্যয় করার জন্ত প্রদেশীয় শাসনকর্তাদের হাতে রাখা হইবে। রাজস্বের এই স্বতন্ত্রীকরণ-প্রথা প্রবর্তিত হওয়াতে বিস্তর সুবিধা ঘটিয়াছে। প্রদেশীয় শাসন-কর্তারা আপন আপন ইচ্ছামত স্বয়ং প্রদেশের আয়ের টাকা ব্যয় করিবার অধিকার পাওয়াতে আপনাদের শাসনাধীন প্রদেশের আয় বৃদ্ধি করিবার ও ব্যয় কমাইবার চেষ্টা করিতেছেন (১৮৭১)।

১৮৭২ অব্দের ফেব্রুয়ারি মাসে আন্দামান দ্বীপপুঞ্জের অন্তর্গত "পোর্টব্ল্যারে" শেরআলী নামক একজন মুসলমান লুট মেয়াকে হত্যা করে।

লর্ড নর্থব্রুক, ১৮৭২-১৮৭৬ ।

লর্ড মেয়োর হত্যার সংবাদ কলিকাতায় পহুঁছিলে কৌন্-সিলিয়ার অন্যতম সদস্য স্যার জন স্ট্রেকী ৯ই ফেব্রুয়ারি হইতে ২৪ এ ফেব্রুয়ারি পর্য্যন্ত এবং তৎপরে মাদ্রাজের গবর্ণর লর্ড নোপয়ার ২৪ এ ফেব্রুয়ারি হইতে ২রা মে পর্য্যন্ত গবর্ণর ডেনে-রলের কার্য্য করেন। অনন্তর লর্ড নর্থব্রুকের হস্তে ভারতবর্ষের শাসন-দণ্ড সমর্পিত হয়। লর্ড নর্থব্রুক উচ্চতর ইঙ্গরেজী

শিক্ষার পরিপোষক হন এবং প্রজাদের কর-ভারের লাঘব করেন। ১৮৭৪ অঙ্গে বাঙ্গালায় ছুর্ভিক্ষ হয়। লর্ড নর্থব্রুক এই ছুর্ভিক্ষনিবারণে বিশেষ যত্নবান হন। ১৮৭৫ অঙ্গে বরদার গাইকবাড় মহলার রাও তাঁহার দরবারের ব্রিটিশ রেসিডেন্টকে বিষ-প্রয়োগে মারিয়া ফেলিবার চেষ্টা করার অপরাধে পদচ্যুত হইলে লর্ড নর্থব্রুক ভূতপূর্ব গাইকবাড় খন্দরগাওর বিধবা পত্নী যমুনা বাইকে পোষ্য পুত্র লইতে অনুমতি দেন। তদনুসারে যমুনাবাইর পোষ্য পুত্র শিবজীরাও বরদার গদির অধিকারী হন। আসাম প্রদেশ বঙ্গদেশ হইতে বিচ্ছিন্ন হইয়া একজন প্রধান কমিশনরের হস্তে সমর্পিত হয়। লর্ড নর্থব্রুকের সময়ে (১৮৭৫-১৮৭৬) মহারাণীর জ্যেষ্ঠ পুত্র প্রিন্স অব ওয়েলস্ ভারতবর্ষে আইসেন। তিনি ভারতবর্ষের প্রধান প্রধান নগরসমূহ দর্শন করিয়া পরিতুষ্ট হন। এই সময়ে ভারতবর্ষের আশ্রিতদের রাজ ভক্তির একশেষ দেখাইয়াছিল।

লর্ড লিটন, ১৮৭৬-১৮৮০।

লর্ড নর্থব্রুকের পর লর্ড লিটন ভারতবর্ষের শাসন-ভার গ্রহণ করেন। তিনি উদার রাজনীতির পরিপোষক ছিলেন না। এজন্ত তাঁহার সময়ে (১৮৭৮, ১৪ই মার্চ) কেবল এতদেশীয় ভাষার পুস্তক ও সংবাদপত্রাদির সম্বন্ধে ৯ আইন রিগ্রিভক হয়। এই আইনের মর্ম্ম এই:—ব্রিটিশ ভারতবর্ষে ভারতবর্ষীয় ভাষার কোন সংবাদপত্র, পুস্তক বা কাগজাদিতে, গবর্ণমেন্টের প্রতি সাধারণের অভক্তি জন্মাইবার, সাধারণ শান্তি নষ্ট করিবার,

কিংবা গবর্ণমেন্টের কোন কর্মচারীর কোন কার্যের ব্যাঘাত জন্মাইবার নিমিত্ত কোন কথা, দৃশ্য, বা ছবি থাকিলে, যে ছাপাখানায় ঐ সংবাদপত্র, পুস্তক ও কাগজাদি ছাপা হয়, তাহার সমস্ত সরঞ্জাম গবর্ণমেন্টের পক্ষে জব্দ হইবে। এতদে-  
 নীয় সমস্ত সংবাদপত্রের মুদ্রাকর (প্রিন্টর) ও প্রকাশককে, জেলার মাজিস্ট্রেট কিংবা রাজধানীর পুলিশ-কমিশনরের নিকট উপস্থিত হইয়া, নিয়মিত টাকা গচ্ছিত রাখিয়া, এক এক খানি প্রতিষ্ঠা-পত্রে স্বাক্ষর করিতে হইবে। ঐ সকল সংবাদপত্রের কোন খানিতে রাজ-ভক্তির বিরুদ্ধে, সাধারণ শান্তির বিরুদ্ধে, অথবা গবর্ণমেন্টের কর্মচারিগণের শাসন-কার্যের বিরুদ্ধে, কোন কথা লেখা হইলে, সেই সংবাদ পত্রের মুদ্রাকর (প্রিন্টর) ও প্রকাশক, জেলার মাজিস্ট্রেট অথবা পুলিশের কমিশনরের নিকট যে টাকা গচ্ছিত রাখিয়াছেন, তাহা বাজেয়াপ্ত হইবে।” ইহাতে প্রকীর্ত্তরে এতদে-  
 নীয় ভাষায় যে মুদ্রণ-স্বাধীনতা ছিল, তাহার উচ্ছেদ হইয়া যায়। ১৮৭৭ অব্দের ১লা জানু-  
 য়ারি লর্ড লিটন মোগল সম্রাটের রাজধানী দিল্লীতে একটি সমুদ্র-দরবার করিয়া ভারতবর্ষের রাজগণের সমক্ষে ঘোষণা করেন যে, মহারানী বিক্টোরিয়া “ভারত সাম্রাজ্যের অধীশ্বরী” উপাধি গ্রহণ করিয়াছেন। এই রূপে ইংলণ্ডের মহারানী “ভারতবর্ষের অধীশ্বরী” উপাধি ধারণ করেন। যখন দিল্লীতে এই রূপ আড়ম্বর হইতে থাকে, তখন দক্ষিণ ভারতবর্ষে ভয়ঙ্কর ঐতিহাসিক আবির্ভাব হয়। অক্লিষ্টে মাদ্রাজ হইতে কুমারিকা পর্যন্ত সমস্ত ভূ-খণ্ডে মৃত্যুর ভীষণ মূর্ত্তি বিকাশ পায়। প্রতি-  
 দিন বহুসংখ্য লোক অনাহারে মৃত্যুমুখে পতিত হইতে থাকে।

লর্ড লীটন শেষে এই দুর্ভিক্ষ নিবারণের অনেক চেষ্টা করেন । অনেক অর্থ ব্যয় হয় । তথাপি সে সময় মৃত্যু-সংখ্যা নূন হয় নাই । এই ভয়ঙ্কর দুর্ভিক্ষের আক্রমণে ৫০ লক্ষেরও অধিক লোক প্রাণত্যাগ করে ।

আফগানিস্তানের ঘটনা, ১৮৭৮-১৮৮০ । — ১৮৬৯ অব্দে অশ্বালার দরবারে লর্ড মেয়ো আর্মীর শের আলীর সম্বন্ধিত করিয়াছিলেন । ১৮৭৮ অব্দে লর্ড লীটন শের আলীক প্রতি এই বন্ধিয়া দোষারোপ করেন যে, তিনি রুশীয়দিগের সহিত ষড়যন্ত্র করিতেছেন । রুশীয় দূত তাঁহার দরবারে সাদরে পরিগৃহীত হইয়াছেন । পক্ষান্তরে ব্রিটিশ দূতকে প্রত্যাখ্যান করা হইয়াছে । এজন্য গবর্ণর জেনেরল শের আলীর বিরুদ্ধে যুদ্ধ ঘোষণা করেন । ইঙ্গরেজ সৈন্য খাইবার, কুরাম ও বোলান, এই তিনটি গিরিবন্ধ দিয়া আফগানিস্তানে অগ্রসর হয় । শের আলী তুর্কিস্তানে পলায়ন করেন । সেইখানে তাঁহার মৃত্যু হয় । ব্রিটিশ গবর্ণমেন্ট তাঁহার পুত্র যাকুবখাঁর সহিত গণ্ডামক নামক স্থানে সন্ধি স্থাপন করেন । এই সন্ধি অনুসারে যাকুব খাঁ স্থায়ী রাজধানী কাবুলে একজন ব্রিটিশ রেসিডেন্ট রাখিতে সম্মত হন । কিন্তু সন্ধিস্থাপনের পর কয়েক মাসের মধ্যেই নগরবাসীগণ কতৃক কাবুলের ব্রিটিশ রেসিডেন্ট স্থার লুই কাবানরি সহযোগিতাদিগের সহিত নৃশংসরূপে নিহত হন । স্ততরাং দ্বিতীয় বার যুদ্ধের আয়োজন হয় । এবার যাকুব খাঁ কাবুলের লিংহাসন হইতে বিচ্যুত হন এবং ইঙ্গরেজদিগের বন্দী হইয়া ভারতবর্ষে আইসেন । কাবুল ও কান্দাহার ইঙ্গরেজ সৈন্যের অধিকার থাকে । আফগানেরা ইহাতে নিরস্ত হয় নাই ।



তাহারা সকলে সমবেত হইয়া কাবুলের ইঙ্গরেজ সৈন্যদিগকে আক্রমণ করে, কিন্তু শেষে ইঙ্গরেজ সেনানী স্তার ফ্রেডরিক রবটস কর্তৃক তাড়িত হয়।

মাকু ইস অব্ রিপন্, ১৮৮০-১৮৮৪।

আফগানিস্তানে এইরূপ গোলযোগের সময় ইঙ্গলণ্ডের মন্ত্রিসমাজের পরিবর্তন হয়। রক্ষণশীল সম্প্রদায়ের পরিবর্তে উদারনীতির দল রাজ্যশাসনে প্রবৃত্ত হন। এই পরিবর্তনের সঙ্গে সঙ্গে লর্ড লিটনও পদত্যাগ করেন। ১৮৮০ অব্দের এপ্রেল মাসে মাকু ইস অব্ রিপন্ ভারতবর্ষের গবর্ণর জেনেরল ও রাজ-প্রতিনিধি হন। ইহার মধ্যে যাকুব খাঁর ভ্রাতা যায়ুব খাঁ কর্তৃক ইঙ্গরেজ সৈন্য পরাজিত হয়। কিন্তু ইহার অব্যবহিত পরেই ইঙ্গরেজ সেনাপতি স্তার ফ্রেডরিক রবটস কাবুল হইতে কান্দাহারে বাজা করেন। ১৮৮০ অব্দের ১ লা সেপ্টেম্বর যায়ুব খাঁর সৈন্য ছত্রভঙ্গ হইয়া পড়ে। লর্ড রিপন্ আবহুল লাহমন্ খাঁকে কাবুলের হিফ্‌তাসুন সমর্পণ করেন। ইঙ্গরেজ সৈন্য কাবুল হইতে প্রত্যাগত হয়। কান্দাহারে যে সকল সৈন্য ছিল, তাহারাও ১৮৮১ অব্দের মার্চ মাসে কান্দাহার পরিত্যাগ করিয়া ফিরিয়া আইসে।

লর্ড রিপন্ উদার নীতির অনুসরণ করিয়া, রাজ্যশাসন করিতেন। তাহারা শাসনকালে এই কয়েকটি প্রধান ঘটনা সম্ভটিত হয়। লর্ড লিটন এতদেশীয় ভাষায় মুদ্রণ-স্বাধীনতার সম্বন্ধে যে আইন বিধিবদ্ধ করেন, সে আইনের

উচ্ছেদ হয় । সাধারণ শিক্ষার উৎকর্ষসাধন জন্ত একটি শিক্ষা-সমিতি প্রতিষ্ঠিত হয় । ভারতবর্ষের ভিন্ন ভিন্ন প্রদেশের অনেকগুলি কুতবিদ্য ভারতবর্ষীয় ও ইঙ্গরেজকে এই শিক্ষা-সমিতির সভ্যের পক্ষে নিযুক্ত করা হয় । সমিতি শিক্ষা-সংক্রান্ত সমস্ত বিষয় পরীক্ষা করিয়া আপনাদের বিজ্ঞাপনী প্রচার করেন । ভারতবর্ষের শিক্ষিত সম্প্রদায় আপনাদের শাসন-কার্যের কোন কোন অংশ আপনারা নির্বাহ করিতে পারেন, তজ্জন্ত আত্মশাসন-প্রণালীর স্বত্বপাতি হয় । ১৮৮২ অব্দে লর্ড রিপনের রাজস্ব-সচিব্ স্থার ইবোলিন বোরিং তুলজাত্ত দ্রব্যের আমদানী শুল্ক রহিত করেন । হুংথের বিষয়, এই বিখ্যাত রাজস্ব-সচিব্ ভারতবর্ষ ত্যাগ করিয়া, মিশরে যাইয়া একটি প্রধান কার্যের ভার গ্রহণ করেন । ভারতবর্ষীয় সিবিলিয়ানেরা ইঙ্গরেজ সিবিলিয়ানদিগের স্থায় নাহাতে ইউরোপীয় অপরাধিদের ফৌজদারী মোকদ্দমার বিচার করিতে পারেন, তজ্জন্ত ব্যবস্থা-সচিব্ প্রীযুক্ত ইলবর্ট সাহেব একটি আইনের পাণ্ডুলিপি প্রস্তুত করেন । ইহা লইয়া তুমুল আন্দোলন উপস্থিত হয় । ভারতবর্ষের অধিকাংশ ইঙ্গরেজ এই প্রস্তাবের বিরুদ্ধে দণ্ডারমান হন । শেষে প্রস্তাবিত আইন অনেকাংশে পরিবর্তিত ও সঙ্কীর্ণ হইয়া ১৮৮৪ অব্দের প্রারম্ভে বিধিবদ্ধ হয় । যে সকল ভারতবর্ষীয়, সেসন্ জজ কিংবা জেলার মাজিস্ট্রেটের কার্য করিবেন, এই নূতন আইন অনুসারে তাঁহারা এই খেব্দে ইউরোপীয় অপরাধিদের ফৌজদারী মোকদ্দমার বিচার করিতে পারিবেন । ইউরোপীয় অপরাধিগণ জুরী দ্বারা আপনাদের বিচার হওয়ার জন্ত প্রার্থনা করিতে পারিবে ।

এই জুরীর অন্যান্য সদস্য ইউরোপীয় ও আমেরিকা-বাসী ব্যক্তি হইবেন। এতদ্বারা ভারতবর্ষীয়দিগের বিশেষ কোম লাভ হয় নাই বটে, কিন্তু ভারতবর্ষীয় গবর্ণমেন্ট গুরুতর গণ্ডগোল হইতে অব্যাহতি পাইয়াছেন।

হয়দরাবাদের নিজাম বয়ঃপ্রাপ্ত হওয়াতে ১৮৮৪ অব্দে, ফ্রেঞ্জারি মাসের প্রারম্ভে সদাশয় লর্ড রিপন্ স্বয়ং হয়দরাবাদে খাইয়া নিজামকে রাজ্যাভিষিক্ত করেন। এখন হয়দরাবাদের শাসন-ভার নিজামের হস্তে আসিয়াছে।

লর্ড রিপন্ সর্বাংশে আদর্শ শাসনকর্তা ছিলেন। তিনি মহা-রাণীর ঘোষণাপত্র অনুসারে ভারতবর্ষ শাসন করেন। এককের প্রতি জাতিবর্ণনির্কির্শেবে সুবিচার হয়, ইহাই তাঁহার উদ্দেশ্য ছিল। তিনি লবণের শুল্ক হ্রাস করেন, এজন্ত গরীব দুঃখীরা সন্তাদর্শে লগ্ন পাইতেছে। তাঁহার আমলে খাস মহলের সুবন্দোবস্ত হয়। পূর্বে ত্রিশ বৎসর অন্তর খাসমহলের বন্দোবস্ত হইত। গবর্ণমেন্ট প্রতি বন্দোবস্তের সময় প্রজার ভূমি জরিপ ও ঐ ভূমির খাজনা বৃদ্ধি করিতেন। লর্ড রিপন্ নিষিদ্ধ করেন যে, ছই একুটি নির্দিষ্ট কারণ ব্যতীত খাসমহলের বন্দোবস্তের সময় গবর্ণমেন্ট প্রজার জমী জরিপ বা খাজনা বৃদ্ধি করিতে পারিবেন না। ইহাতে প্রজাসাধারণে বিশেষ উপকার হইয়াছে। এতদেশীয় শিল্পের প্রীতি হয়, এজন্ত লর্ড রিপন্ এতদেশীয় শিল্প-জাত দ্রব্যাদি গবর্ণমেন্টের আফিসে লইবার অনুমতি দেন। কলিকাতা হাইকোর্টের তদানীন্তন প্রেসিডেন্ট বিচারপতি স্ট্রাং রিচার্ড গার্থ তিন মাসের বিদায় লইলে লর্ড রিপন্ প্রীযুক্ত রমেশচন্দ্র মিত্রকে প্রেসিডেন্ট বিচারপতির পদে নিযুক্ত করেন। অনুদার-

প্রকৃতি ইঙ্গরেজসম্প্রদায় এজন্য অসন্তোষ প্রকাশ করিলেও তিনি কর্তব্যবিমূঢ় হন নাই ।

১৮৮৪ অব্দের ডিসেম্বর মাসে সমাশয় লর্ড রিপন্ ভারত-বর্ষের শাসনভার পরিত্যাগ করিয়া স্বদেশে যাত্রা করেন । এই সময়ে ভারতের সমুদয় শ্রেণীর, সমুদয় জাতির লোক সম্মিলিত হইয়া তাঁহার যথোচিত অভ্যর্থনা করিয়াছিল । কোন গবর্ণর জেনেরল স্বদেশে গমনের সময়ে প্রজাসাধারণের নিকট হইতে ইহার স্তায় আদর বা অভ্যর্থনা প্রাপ্ত হন নাই । মহারাজার পুত্রদ্বয়ের আগমনে ভারতবর্ষীয়গণ যেৰূপ রাজভক্তির পরিচয় দিয়াছিল, লর্ড রিপন্‌র স্বদেশযাত্রার সময়েও সমগ্র ভারতের অধিবাসী কৃতজ্ঞতা ও আস্থাভাবের আবেশে সেইরূপ রাজভক্তির একশেষ দেখাইয়াছিল ।

## লর্ড ডফরিণ ।

লর্ড রিপন্‌র পর লর্ড ডফরিণ ১৮৮৪ অব্দের ডিসেম্বর মাসে ভারতের শাসনকার্যের ভার গ্রহণ করেন । ইহার সময়ে আত্মশাসন-প্রণালীর কার্য আরম্ভ হইয়াছে । প্রতি জেলায় এক একটী ডিস্ট্রিক্ট বোর্ড ও প্রধান প্রধান মহকুমায় এক একটী লোকাল বোর্ড স্থাপিত হইয়াছে । সমগ্র বঙ্গদেশ ব্রিটিশ রাজ্যে ভুক্ত হইয়াছে । বঙ্গরাজ্য খিব রত্নাগিরিতে বন্দিভাবে রহিয়াছেন । এতদ্ব্যতীত মধ্য এশিয়াতে রুশীয়দিগের অধিকারের সীমা নির্দেশ করার কার্য আরম্ভ হইয়াছে ।

## উপসংহার ।

ভারতবর্ষে ইঙ্গরেজ-রাজত্বের ইতিহাস সংক্ষেপে লিখিত হইল। ইঙ্গরেজেরা ভারতবর্ষে কি ভাবে উপনীত হন, কিরূপে ভারতবর্ষের স্থানে স্থানে আপনাদের আধিপত্য স্থাপন করেন, শেষে কিরূপে প্রায় সমগ্র ভারতবর্ষের অধীশ্বর হইয়া উঠেন, তাহা উপস্থিত গ্রন্থ-পাঠে হৃদয়ঙ্গম হইবে। ইঙ্গরেজেরা কেবল আপনাদের বাহুবলে ভারতবর্ষ অধিকার করেন নাই। ভারতবর্ষীয়েরা সাহায্য না করিলে ভারতবর্ষে এত অল্প সময়ের মধ্যে ইঙ্গরেজদিগের আধিপত্য বদ্ধমূল হইত না। যে পলাশীর যুদ্ধে বাঙ্গালা, বিহার ও উড়িষ্যা লর্ড ক্লাইবের পদানত হয়, লর্ড ক্লাইব প্রধানতঃ সিপাহিদিগের পরাক্রমেই সেই যুদ্ধে জয়ী হইয়াছিলেন। বাঙ্গালার প্রধান প্রধান লোকে এই সময়ে লর্ড ক্লাইবকে বিশেষ সহায়তা করেন। ইহাদের সাহায্য না পাইলে বোধ হয়, লর্ড ক্লাইব এত সহজে নবাব-শিরাউদ্দৌলাকে পরাস্ত করিতে সমর্থ হইতেন না। যে সৈন্যদলের পরাক্রমে ভারতবর্ষ অধিকৃত হয়, তাহার পাঁচ ভাগের এক ভাগ মাত্র ইঙ্গরেজ সৈন্য ছিল; অবশিষ্ট চারি ভাগ ভারতবর্ষীয় সৈন্য। সুতরাং ইঙ্গরেজেরা প্রধানতঃ ভারতবর্ষীয় সৈন্যের বাহুবলে ও যুদ্ধ-কৌশলেই ভারতবর্ষ জয় করিতে সমর্থ হইয়াছেন। ইঙ্গরেজেরা এখন ভারতবর্ষের স্থানে স্থানে বাণিজ্য-ব্যবসায়ে প্রবৃত্ত হন, তখন ভারতবর্ষ এক প্রকার অরাজক অবস্থায় ছিল। সম্রাট অশ্বত্থামেয়ের মৃত্যুর পর মৌর্য-সাম্রাজ্যের শক্তির আর

বিকাশ দেখা যায় নাই, পানিপথের শেষ যুদ্ধের পর মহারাষ্ট্রীয়েরা আর পূর্বের ভায় আপনাদের প্রাধান্য স্থাপনে সমর্থ হয় নাই, প্রতাপসিংহের মৃত্যুর পর বীর্যবন্ত রাজপুতেরা আর আপনাদের বীরত্ব ও স্বাধীনতার গৌরব বর্দ্ধিত করিতে পারেন নাই দক্ষিণাপথে ও বাঙ্গালার স্থানে স্থানে যখন ইঙ্গরেজ বণিকদিগের কুঠী স্থাপিত হইতে থাকে, তখন প্রদেশীয় শাসনকর্তারা মোগল সম্রাটের অধীনতা-পাশ হইতে আপনাদিগকে বিমুক্ত করিতে ব্যস্ত ছিলেন, এই অন্তর্বিপ্লবের সময় ইঙ্গরেজেরা ভারতবর্ষীয়দিগের সাহায্যে ক্রমে ক্রমে আপনাদের আধিপত্য বদ্ধমূল করেন ।

ইঙ্গরেজ অধিকারে ভারতবর্ষের অবস্থা পরিবর্তিত হইয়াছে । ভারতবর্ষীয়েরা অনেক নূতন বিষয় শিখিতেছে । অনেক নূতন বিষয় প্রবর্তিত হওয়াতে ভারতবর্ষের অভ্যন্তরীণ অবস্থা ক্রমে ভাল হইয়া উঠিতেছে । চারি দিকে রেলওয়ে ও টেলিগ্রাফ হওয়াতে সকল স্থানে যাতায়াতের ও সকল স্থানে সংবাদ প্রেরণের বিস্তর সুবিধা ঘটিয়াছে । মুসলমানদের শাসনকালে এরূপ সুবিধা ছিল না তখন চোর ডাকাইতের বিশেষ প্রাধান্য ছিল । কোন দূরতর স্থানে যাইতে হইলে জীবন সঙ্কটাপন্ন হইয়া উঠিত । শিশুহত্যা, গঙ্গাসাগরে শিশুসম্ভ্রান নিক্ষেপ, নরবলি, সতীদাহ প্রভৃতি কতকগুলি কুপ্রথা ইঙ্গরেজের অধিকারে উঠিয়া গিয়াছে । ইঙ্গরেজ অধিকারে কাহারও কোনরূপ ধর্ম্মাভিমানের ব্যাঘাত হয় না । মহারানী বিজোরিয়া যখন ভারত-সাম্রাজ্যের শাসনভার গ্রহণ করেন, তখন তিনি স্পষ্টাক্ষরে প্রধান রাজপুরুষদিগকে এ বিষয়ে সাবধান করিয়া দিয়াছেন । এখন মহারানীর অধিকার সকলেই নির্ভীক-

বাদে আপন আপন ধর্মমতমোদিত ক্রিয়া-কলাপের অনুষ্ঠান করিতেছে, সকলেই তুল্যরূপে রক্ষিত ও প্রতিপালিত হইতেছে। মুসলমান অধিকারে অনেককে ধর্মসম্বন্ধে নিগৃহীত ও উৎপীড়িত হইতে হইত। রাজ্যে চোর ডাকাইত-প্রমদ ও অশুখ-শান্তি স্থাপন ব্যতীত এখন শাসনপ্রণালীর বিশেষ উৎকর্ষ সাধিত হইয়াছে। এখন শাসনকর্তা পরিবর্তিত হইলেও শাসন-সংক্রান্ত কার্য্যে গোলযোগ ঘটে না। সকল বিষয়ই স্থানিয়মে ও সুশৃঙ্খলরূপে নিষ্পাদিত হইয়া যায়। এতদ্ব্যতীত ইঙ্গরেজ গবর্ণমেন্ট বিদ্যাশিক্ষার বিস্তার করিয়া দেশের রিক্সর উপকার করিয়াছেন। সিপাহি-যুদ্ধের সময়ে যখন চারিদিকে প্রলয়কাণ্ডসম্বাদিত হয়, অবিচ্ছেদ্য নর-শোণিত-স্রোত প্রবাহিত হইতে থাকে, তখন গবর্ণমেন্ট কলিকাতা, মাদ্রাজ ও বোম্বাইতে এক একটি বিশ্ববিদ্যালয় স্থাপন করেন। বিশ্ববিদ্যালয় স্থাপিত হওয়াতে দেশে উচ্চ শিক্ষার আদর ও গৌরব বাড়িয়াছে। সকলেই উচ্চ অঙ্গের সাহিত্য, বিজ্ঞান প্রভৃতি শাস্ত্রে সুশিক্ষিত হইতেছেন। দেশের সর্বত্র মধ্য শ্রেণীর ও নিম্ন শ্রেণীর বিদ্যালয় প্রতিষ্ঠিত হওয়াতে সাধারণের বিদ্যাশিক্ষার বিস্তার সুবিধা ঘটিয়াছে। লর্ড মেটকাফ মুদ্রণ-স্বাধীনতা সমর্পণ ক্রমে ডাল ভাল গ্রন্থ প্রচারিত হইতেছে, এতদেশীয় ভাষা ক্রমে উন্নত ও গরিপুষ্টি হইয়া উঠিতেছে, সংবাদপত্র প্রভৃতি দ্বারা দেশের বিস্তার উপকার সাধিত হইতেছে। ইঙ্গরেজ গবর্ণমেন্ট শিক্ষার উৎকর্ষ-সাধন ও মুদ্রণ-স্বাধীনতা দান করিয়া ভারতবর্ষে অক্ষয় কীর্ত্তি স্থাপন করিয়াছেন।

ইঙ্গরেজ-রাজত্বে ভারতবর্ষের এইরূপ অনেক বিষয়ে উন্নতি ও অনেক বিষয়ে সুখসৌভাগ্যের বৃদ্ধি হইলেও ভারতবর্ষীয়-

দিগকে সম্পূর্ণরূপে জাতি-বর্ণ নির্বিশেষে প্রধান প্রধান রাজকীয় পদে নিযুক্ত করা হয় নাই। এ অংশে মুসলমানেরা যেরূপ সমদর্শিতার পরিচয় দিয়াছিলেন, ইঙ্গরেজ গবর্ণমেন্ট সেরূপ সমদর্শিতা দেখাইতে পারেন নাই। মুসলমান-রাজ্যে ভারত-বর্ষীয়েরা প্রধান সেনাপতি ও প্রধান রাজমন্ত্রী ছিলেন। রাজা তোড়রমল ও মহারাজ মানসিংহ এক সময়ে বাঙ্গলা, বিহার ও উড়িষ্যায় স্ববাদারী করেন। নবাব মিরাজ উদ্দৌলার পদচ্যুতি-সময়ে মোহিনলাল প্রধান সেনাপতি, রাজা ঝায়তুলভ প্রধান কোষাধ্যক্ষ ও রাজা রামনারায়ণ পাটনার শাসন-কর্তা ছিলেন। ইঙ্গরেজের আগলে এ সুন্দর দৃশ্য দৃষ্টি-পথে পতিত হয় না। এখন ভারতবর্ষীয়দিগকে প্রধান প্রধান পদ দেওয়ার চেষ্টা হইতেছে বটে, কিন্তু সে চেষ্টা সম্যক ফলবতী হইতেছে না।

### ভারতবর্ষের শাসন-প্রণালী ।

ভারতবর্ষ যখন ইষ্ট ইণ্ডিয়া কোম্পানির শাসনাধীন ছিল, তখন গবর্ণরজেনেরল ভারতবর্ষের শাসন-সম্বন্ধে ডিরেক্টরসভার নিকটে দায়ী ছিলেন। ডিরেক্টর-সভা আবার এক দিকে আপনাদের জ্ঞানীদার অর্থাৎ কোর্ট অব প্রোপ্রাইটরের নিকটে আপনাদের কার্যের জ্ঞান দায়ী থাকিতেন এবং অপর দিকে বোর্ড অব কম্ট্রোল দ্বারা ইঙ্গলণ্ডের ভূপতি ও পার্লামেন্ট মহাসভার নিকটে আপনাদের কার্যের জবাবদিহি করিতেন। শেষে ১৮৫৮ অব্দে যখন কোম্পানির রাজত্বের অবসান হয়, মহারাজী বিজ্ঞো-রিয়া যখন স্বহস্তে ভারত-সাম্রাজ্যের শাসন-ভার গ্রহণ করেন, তখন কোর্ট অব ডিরেক্টর, কোর্ট অব প্রোপ্রাইটর ও বোর্ড অব



কোর্টের পরিবর্তে এক জন স্টেট সেক্রেটারি (সেক্রেটারি অব স্টেট) নিযুক্ত হন। তাঁহার সহায়তার জন্য একটি সভা প্রতিষ্ঠিত হয়। পূর্বে সভ্যরা যাবজ্জীবন এই সভায় থাকিতে পারিতেন, এখন ইহাদিগকে দশ বৎসরের জন্য নিযুক্ত করা হয়। বিশেষ প্রয়োজন হইলে ইহারা আর পাঁচ বৎসরও এই কার্য্য করিতে পারেন। এই সভার অধিকাংশ সভ্যের মত লইয়া সেক্রেটারি অব স্টেটকে ভারতবর্ষ-সংক্রান্ত যাবতীয় কার্য্য করিতে হয়। সেক্রেটারি অব স্টেট ইঙ্গলণ্ডের মন্ত্রী-সভার এক জন সভ্য। সুতরাং ইঙ্গলণ্ডের মন্ত্রী সম্প্রদায়ের পরিবর্তনের সঙ্গে সঙ্গে তাঁহাকেও অবসর গ্রহণ করিতে হয়\*। শ্রাবণের জেনেরল ইঙ্গলণ্ডের ভূপতিকর্তৃক নিয়োজিত হইয়া ভারতবর্ষে আইসেন। সাধারণত তাঁহাকে পাঁচ বৎসর মাত্র কার্য্য করিতে হয়।

\* ইঙ্গলণ্ডের শাসন-প্রণালী প্রতি বিচিত্র। মহারাণী বিক্টোরিয়া ইঙ্গলণ্ড স্কটলণ্ড, আয়ারলণ্ড ও ওয়েল্‌সের অধিপতী। কিন্তু রাজ্য-শাসনে তাঁহার কোন হস্ত নাই। মন্ত্রিগণ মহারাণীর নামে রাজ্য শাসন করেন। মন্ত্রী নিয়োগ করা প্রজাদের অভিমতির উপর নির্ভর করে। "পার্লি়ামেন্ট মহাসভায় দুইটি ভাগ আছে; একটি "হাউস অব লর্ডস" অর্থাৎ সম্রাট বাজিগণের সভা, অপরটি "হাউস অব কমন্স" অর্থাৎ সাধারণ প্রজাগণের সভা। প্রজাগণ এই সভায় আপন আপন প্রতিনিধি প্রেরণ করে। ইঙ্গলণ্ডে প্রধানতঃ দুইটি রাজনৈতিক দল আছে। একটি "কন্সার্বেটিব" অর্থাৎ "রক্ষণশীল" অপরটি "লিবারেল" অর্থাৎ উন্নতিশীল। সভায় যে বার যে দলের লোক অধিক হয়, সেই বার সেই দলের অধিনায়ক ইঙ্গলণ্ডের প্রধান মন্ত্রী হন এবং সেই দলের অপরগণ ব্যক্তি শাসন সংক্রান্ত ভিন্ন ভিন্ন কার্য্য-ভার গ্রহণ করেন। সুতরাং ইঙ্গলণ্ডের মন্ত্রী-সম্প্রদায়ের পরিবর্তন, এই উভয় দলের জয় পরাজয়ের উপর নির্ভর করে।

গবর্ণরজেনেরল-ইন্-কৌন্সিল ।—গবর্ণরজেনেরলের মহাকারিতার জন্ত একটি কৌন্সিল অর্থাৎ সভা আছে । গবর্ণর-জেনেরলকে এই সভার মত লইয়া সমুদয় কার্য্য করিতে হয় । এই সভা মন্ত্রিসভাধিষ্ঠিত গবর্ণর-জেনেরলের নামে সন্ধিবিগ্রহাদি প্রাথমিক গুরুতর কার্য্য সম্পন্ন হইয়া থাকে । মন্ত্রিসভাধিষ্ঠিত গবর্ণরজেনেরলকে ইঙ্গরেজীতে “গবর্ণর-জেনেরল-ইন্-কৌন্সিল” বলে । সাধারণের উন্নতি-সাধন, স্বাধীনতার বৃদ্ধির প্রভৃতি প্রয়োজনীয় বিষয়ে গবর্ণরজেনেরল কৌন্সিলের মত অপেক্ষা না করিয়াও কার্য্য করিতে পারেন । মন্ত্রিসভাধিষ্ঠিত গবর্ণর-জেনেরলকে সেক্রেটারি অব্ ট্রেজারীর অধীনে থাকিয়া কার্য্য করিতে হয় । গবর্ণরজেনেরলের কৌন্সিল দুই ভাগে বিভক্ত :—

কার্য্য-নির্বাহক সভা ।—প্রথম ভাগের নাম “এক্সিকিউটিভ কৌন্সিল” অর্থাৎ কার্য্য-নির্বাহক সভা । ইহাতে ছয় জন সদস্য আছেন । ইহারা সকলেই গবর্ণমেন্টের কর্মচারী । ইহাদের এক এক জনের হস্তে সৈনিক-বিভাগ, রাজস্ব-বিভাগ, পূর্নবিভাগ প্রভৃতি এক একটি কার্য্য-বিভাগ সমর্পিত আছে ।

ব্যবস্থাপক সভা ।—গবর্ণরজেনেরলের কৌন্সিলের অপর বিভাগের নাম “লেজিস্লেটিভ কৌন্সিল” অর্থাৎ ব্যবস্থাপক সভা । ভারতবর্ষের নিমিত্ত আইন প্রস্তুত করাই এই সভার কার্য্য । পূর্বোক্ত কার্য্য-নির্বাহক সভায় ছয় জন সভ্য এই সভার সভ্য হইয়া থাকেন । এতদ্ব্যতীত গবর্ণমেন্টের কর্মচারী নহেন, এমন বার জন সংসদীয় ভারতবর্ষীয় ও ইউরোপীয় এই সভার সভ্য হন । প্রয়োজন অনুসারে ব্যবস্থাপক সভার অবিরাম বৈঠক হইয়া থাকে । এই সভায় সাধারণের প্রবেশাধিকার

আছে। সাধারণের অবস্থতির জন্ত আইনের পাণ্ডুলিপি সকল গবর্ণমেন্টের গেজেটে প্রকাশিত হইয়া থাকে। গবর্ণর-জেনেরল কার্য-নির্বাহক-সভা ও ব্যবস্থাপক সভা, এই উভয় সভারই সভাপতি। তাঁহার বার্ষিক বেতন আড়াই লক্ষ টাকা।

**প্রদেশীয় গবর্ণমেন্ট।**—ইঙ্গরেজাধিকৃত ভারতবর্ষের সমুদয় স্থলে মন্ত্রি-সভাধিষ্ঠিত গবর্ণরজেনেরলের সর্বতোমুখী প্রভুতা থাকিলেও গবর্ণরজেনেরল সমুদয় স্থলে সাক্ষাৎসম্মুখে কোন ক্ষমতা প্রয়োগ করেন না। সমগ্র ব্রিটিশ ভারতবর্ষ কতিপয় প্রদেশে বিভক্ত হইয়াছে। প্রত্যেক প্রদেশে এক এক জন শাসন-কর্তা ও আবশ্যিকমত তাঁহার সহকারিগণ আছেন। এই প্রদেশীয় গবর্ণমেন্টকে আপনাদের শাসনাধীন প্রদেশের সমস্ত কার্য নিৰ্বাহ করিতে হয়। মাদ্রাজ ও বোম্বাই প্রেসিডেন্সির শাসন-কর্তারা “গবর্ণর” নামে প্রসিদ্ধ। এই উভয় গবর্ণর মহারাণী কর্তৃক নিয়োজিত হইয়া থাকেন। ইহাদের সহকারিতার জন্ত প্রত্যেক প্রেসিডেন্সিতে এক একটি কার্য-নির্বাহক সভা ও এক একটি ব্যবস্থাপক সভা আছে। গবর্ণরগণ কোন কোন বিষয়ে সেক্রেটারি অব ষ্টেটকে সাক্ষাৎসম্মুখে পত্রাদি লিখিতে পারেন।

অত্যাশ্চর্য্য প্রদেশের মধ্যে বাঙ্গালার বিষয় প্রথমে উল্লেখযোগ্য। উত্তরপশ্চিম প্রদেশ ও পঞ্জাবের ছায়া বাঙ্গালাও এক জন শাসন-কর্তার অধীন। ইহারা লেপ্টেনেন্ট গবর্ণর নামে প্রসিদ্ধ। পঞ্জাবের লেপ্টেনেন্ট গবর্ণরের কোন কৌশল নাই। বাঙ্গালার ও উত্তরপশ্চিম প্রদেশের লেপ্টেনেন্ট গবর্ণরদের এক একটি ব্যবস্থাপক-সভা আছে। লেপ্টেনেন্ট গবর্ণরগণ গবর্ণর-জেনেরল কর্তৃক মনোনীত হইলে মহারাণীর নিকট হইতে

নিয়োগ-পত্র প্রাপ্ত হন। ইহারা সেক্রেটারি অব্ ট্রেটকে, সাক্ষাৎসাক্ষ্যে পত্রাদি লিখিতে পারেন না। অযোধ্যা, উত্তর-পশ্চিম প্রদেশের লেপ্টেনেন্ট গবর্ণরের শাসনাধীন। এতদ্ব্যতীত মধ্যদেশ, ব্রিটিশ বঙ্গ, কুর্ঘ, বিহার, ও আসাম, এই বৈবন্দবস্তী প্রদেশে এক এক জন শাসন-কর্তা আছেন। ইহাদিগকে প্রধান কমিশনার কহে।

প্রদেশীয় গবর্ণরমেন্টকে বিচার, রাজস্ব, শিক্ষা, পুলিশ, জেল, পূর্তকার্য ও রেজিষ্টারি-সংক্রান্ত কার্য-বিভাগের উপর কর্তৃত্ব করিতে হয়।

**বিচার-বিভাগ।**—বোম্বাই, মাদ্রাজ, বঙ্গালা ও উত্তর পশ্চিম প্রদেশে এক একটি “হাইকোর্ট” অর্থাৎ প্রধান বিচারালয় আছে। প্রদেশীয় দেওয়ানী ও ফৌজদারী মোকদ্দমার আপীল এই প্রধান বিচারালয়ে হইয়া থাকে। ইঙ্গলণ্ডের প্রিবিকেন্সিলে কেবল হাইকোর্টের নিম্নম্ন মোকদ্দমার আপীল হয়। বঙ্গালার হাইকোর্টে ১২ জন, বোম্বাইর হাইকোর্টে ৮ জন, মাদ্রাজের হাইকোর্টে ৫ জন ও উত্তরপশ্চিম প্রদেশের হাইকোর্টে ৫ জন বিচারপতি আছেন। পঞ্জাবে একটি “চীফকোর্ট” আছে। ইহাতে তিন জন বিচার-পতি বিচার-কর্ম্য নির্বাহ করেন। দেওয়ানী কার্যের জন্ত প্রতি জেলায় জজ, সর্জজ ও কতকগুলি মুন্সেফ্ আছেন। জজদিগকে প্রতি মাসে একবার করিয়া দায়রার মোকদ্দমার বিচার করিতে হয়। এই সময়ে ইহারা “সেসন্স জজ” নামে অভিহিত হন। ফৌজদারী কার্য-নির্বাহের জন্ত প্রতি জেলায় মাজিস্ট্রেট, জয়েন্ট ও আসিষ্টান্ট মাজিস্ট্রেট এবং কতকগুলি ডেপুটি মাজিস্ট্রেট রাখিয়াছেন। বৈবন্দবস্তী প্রদেশে

হাইকোর্ট নাই। এই সকল স্থানে বিনি প্রধান বিচার-পতির কার্য্য নিৰ্ব্বাহ করেন, তাঁহাকে “জুডিসিয়াল কমিশনর” কহে। মধ্যদেশ, অযোধ্যা ও মহীশূরে এক এক জন জুডিসিয়াল কমিশনর আছেন। আসাম ও ব্রিটিশ ব্রহ্মে প্রধান কমিশনরই প্রধান বিচার-পতির কার্য্য নিৰ্ব্বাহ করেন।

বন্দবস্তী প্রদেশের জেলার প্রধান কর্ম্মকর্তার নাম “মাজিষ্ট্রেট”। ইহাদিগকে কলেক্টরের কার্য্যও করিতে হয়। বেবন্দবস্তী প্রদেশে এইরূপ কর্ম্মচারিগণ “ডেপুটি কমিশনর” নামে অভিহিত হন। কলেক্টর মাজিষ্ট্রেটেরা জেলার প্রধান রাজস্ব-সংগ্রাহক ও প্রধান ফৌজদারী বিচারক। তাঁহাদিগকে পুলিশ, জেল, শিক্ষা, রাজস্ব, রাস্তাঘাট, সাধারণের স্বাস্থ্য, ঔষধালয় প্রভৃতি বাবতীয় বিষয় দেখিতে হয়।

**রাজস্ব-বিভাগ।**—বঙ্গালা, মাদ্রাজ ও উত্তরপশ্চিম প্রদেশে এক একটি “রেবিনিউ বোর্ড” আছে। রাজস্ব-বিভাগ এই বোর্ডের অধীন। অত্রাত্ম স্থানে প্রুদেশীয় গবর্ণমেন্টকে রাজস্ব-বিভাগের উপর কর্তৃত্ব করিতে হয়। রেবিনিউ বোর্ডের অধীনে প্রতি বিভাগে এক এক জন “রেবিনিউ কমিশনর” আছেন। এক এক বিভাগে কয়েকটি করিয়া জেলা আছে। প্রতি জেলায় কলেক্টর মাজিষ্ট্রেট ও ডেপুটি কলেক্টর প্রভৃতি কর্ম্মচারিদিগকে রাজস্ব-সংক্রান্ত কার্য্য করিতে হয়।

এতদ্ব্যতীত শিক্ষা-বিভাগ, পুলিশ-বিভাগ প্রভৃতিতে এক এক জন প্রধান কর্ম্মকর্তা আছেন। ভিন্ন ভিন্ন কর্ম্মচারিগণ ইহাদের অধীনে থাকিয়া ভিন্ন ভিন্ন কার্য্য নিৰ্ব্বাহ করেন। বিচার-বিভাগ ও রাজস্ব-বিভাগের প্রধান প্রধান কর্ম্ম সিবিলিয়া-

নেরা পাইয়া থাকেন। ইহার বিলাতের সিবিল সর্বিস পরীক্ষায় উত্তীর্ণ হইয়া প্রদেশের কর্মে নিযুক্ত হন।

ডাক-বিভাগ ও সেনা-বিভাগ প্রদেশীয় গবর্ণমেন্টের অধীন নহে। ভারতবর্ষীয় গবর্ণমেন্ট এই দুই বিভাগের উপর কর্তৃত্ব করেন।

**সেক্রেটারির কার্য-বিভাগ।**—রাজ্য শাসন-সংক্রান্ত কার্যের প্রতি বিভাগে এক এক জন সেক্রেটারি আছেন। সমস্ত আদেশ এই সেক্রেটারির কার্য-বিভাগ হইতে প্রচারিত হয়। বিভাগীয় কর্মচারীগণ এই আদেশানুসারে কার্য করেন। ভারতবর্ষীয় গবর্ণমেন্টের কার্য ছয় ভাগে বিভক্ত। প্রতি বিভাগে এক এক জন সেক্রেটারি আছেন। ইহাদিগকে স্বরাষ্ট্রবিভাগের (আইন, আদালত, জেল, পুলিশ, শিক্ষা, মিউনিসিপালিটি, প্রভৃতি কার্য-বিভাগের) সেক্রেটারি, পররাষ্ট্র-বিভাগের (অপর দেশ-সংক্রান্ত রাজনৈতিক কার্য-বিভাগের) সেক্রেটারি, পূর্তকার্য-বিভাগের (সরকারী ইমারত, রাস্তাঘাট, খাল, রেলওয়ে প্রভৃতি কার্য-বিভাগের) সেক্রেটারি ও ব্যবস্থা-বিভাগের (আইন-প্রণয়ন প্রভৃতি কার্য-বিভাগের) সেক্রেটারি কহে। গবর্ণর, লেফ্টেনেন্ট গবর্ণর ও প্রধান কমিশনরের কুর্স্বাধীন প্রদেশেও এই প্রণালীতে সেক্রেটারির কার্য-বিভাগ আছে। কিন্তু প্রদেশীয় গবর্ণমেন্টে এক জন হইতে তিন জন পর্যন্ত সেক্রেটারি থাকেন।





## পারিশিষ্ট ।

বঙ্গালার গবর্ণর ও ভারতবর্ষের গবর্ণর জেনেরল-  
গণের রাজ্যশাসন-কালে যে সকল প্রসিদ্ধ  
ঘটনা হয়, তৎসমুদয়ের তালিকা ।

লর্ড ক্লাইব, ১৭৬৫-১৭৬৭ ।

- ১। বাদশাহী, শিহার ও উড়িষ্যার দেওয়ানীলাভ, ১৭৬৫ । ৪৫ পৃষ্ঠা
- ২। ইঙ্গরেজ কর্মচারিদিগের কার্য-প্রণালীর সংস্কার, ১৭৬৬ । ৪৭ পৃষ্ঠা

বেরেল্ট ও কার্টিয়ার, ১৭৬৭-১৭৭২ ।

- ১। ছিয়াত্তরের মহাস্তর, ১৭৭০ । ৫০ পৃঃ
- ২। দিল্লীতে শাহ আলমের রাজ্যাভিষেক, ১৭৭১ । ৫০ পৃঃ
- ৩। মহীশূরের প্রথম যুদ্ধ, ১৭৬৭ । ৫৫ পৃঃ
- ৪। হায়দর আলীর সহিত সন্ধি, ১৭৬৯ । ৫৬ পৃঃ

ওয়ারেন হেস্টিংস, ১৭৭২-১৭৮৫ ।

- ১। বঙ্গালার রাজস্ব-ঘটিত বন্দোবস্ত, ১৭৭২ । ৫৯ পৃঃ
  - ২। রোহিলাদিগের সহিত যুদ্ধ, ১৭৭৩-১৭৭৫ । ৬২ পৃঃ
  - ৩। শাসন-সংক্রান্ত ব্যবস্থাপত্র, ১৭৭৩ । ৬৪ পৃঃ
- (“গবর্ণর জেনেরল” পদের স্থিতি, গবর্ণর জেনেরলের সহকারিতার জন্য মন্ত্রি  
সভার সংকটন, কলিকাতায় স্থায়ীমকোর্ট স্থাপন)



- ৪। নন্দকুমারের কাসি, ১৭৭৫। ৬৬ পৃঃ
- ৫। মিরহাট্টাদিগের সহিত প্রথম যুদ্ধ, ১৭৭৫-১৭৮২। ৬৯ পৃঃ
- ৬। মহীশূরের দ্বিতীয় যুদ্ধ, ১৭৮০-১৭৮৪। ৭২ পৃঃ
- ৭। বারানসীর রাজা চেতনিংহের নিকাশদ্বা ও অবৈধাচার বেগমদিগের অর্থাপহরণ। ৭৪ পৃঃ
- ৮। জমিদারদিগের সহিত বার্ষিক খাজানার বন্দোবস্ত, ১৭৭৭। ৭৭ পৃঃ
- ৯। লোর্ড অব রেনিউই স্থাপন, ১৭৮১। ৭৭ পৃঃ

### লর্ড কর্ণওয়ালিস, ১৭৮৬-১৭৯৩।

- ১। মহীশূরের তৃতীয় যুদ্ধ, ১৭৯০-১৭৯২। ৮১ পৃঃ
- ২। চিরস্থায়ী বন্দোবস্ত, ১৭৯৩। ৮২ পৃঃ
- ৩। বিচারালয় প্রতিষ্ঠার ব্যবস্থা। ৮৪ পৃঃ
- ৪। (কলেক্টরদিগের হস্তে রাজস্ব-সংগ্রহের ভার সমর্পণ, জজদিগের হস্তে দেওয়ানী ও ফৌজদারী মোকদ্দমার জুরাপণ, প্রোভিন্সিয়াল কোর্ট ও কোর্ট অব ওয়ার্ডস স্থাপন, প্রতি ধানায় এক একজন দারোগা নিয়োগ)

### স্যার জন শোর, ১৭৯৩-১৭৯৮।

অধিকার, ১৭৯৫। ৮৭ পৃঃ

### ম্যাক্‌ইন্‌ অন্‌ ওয়েলেন্সলি, ১৭৯৮-১৮০৫।

- ১। মহীশূরের ৪র্থ যুদ্ধ, ১৭৯৯। ৯১ পৃঃ
- ২। কোম্পানির রাজ্য-বৃদ্ধি ১৭৯৯-১৮০১। ৯২ পৃঃ
- (মহীশূর রাজ্যের অংশ, সুরট ও কর্ণাটের অধিকারভাভ, বাঙ্গলা ও যমুনার মধ্যবর্তী দোয়াব ও রৌহিলখণ্ড জমিদার)
- ৩। মিরহাট্টাদিগের সহিত দ্বিতীয়বার যুদ্ধ, ১৮০২-১৮০৪। ৯৪ পৃঃ

( দিল্লী, আগরা, পুরী, কটক ও বালেশ্বরের অধিকার লাভ । গঙ্গা ও  
যমুনার মধ্যবর্তী জায়গার উত্তর ভাগ, বরোচ ও অহম্মদনগর অধিকার )

৪। গঙ্গাসাগরে সন্তাননিষ্কপ প্রথার উচ্ছেদ, ১৮০১। ২৬ পৃঃ

৫। কোর্ট উইলিয়াম কলেজের প্রতিষ্ঠা, ১৮০০। ২৬ পৃঃ

## মাকুইস অব করণওয়ালিস ( দ্বিতীয় বার )

১৮০৫।

স্মার জর্জ বার্লো, ১৮০৫-১৮০৭।

১। বেলোড়েশিপাহাদিগের বিদ্রোহ, ১৮০৬। ৮৭ পৃঃ

লর্ড মিণ্টো, ১৮০৭-১৮১৩।

১। রণজিৎ সিংহের সহিত সন্ধি, ১৮০৯। ৯৯ পৃঃ

২। যাবা অধিকার, ১৮১১। ১০১ পৃঃ

## লর্ড মররা (মাকুইস অব হেস্টিংস) ১৮১৩-১৮২৩।

১। নেপালের যুদ্ধ, ১৮১৪-১৮১৫। ১০২ পৃঃ

( কুমাইল, দেবাদুন ও তরাই প্রদেশ-লাভ )

২। পিণ্ডারীদিগের সহিত যুদ্ধ, ১৮১৭। ১০৪ পৃঃ

৩। মরহাট্টাদিগের সহিত শেষ যুদ্ধ, ১৮১৭-১৮১৮। ১০৫ পৃঃ

( সাগর, অহম্মদাবাদ, পুণা, কঙ্কণ ও দক্ষিণ মহাশত্রেয় অধিকার লাভ )

হোলকারের নিকট হইতে খালেশ প্রদেশ গ্রহণ, ১৮১৮ )

৪। হিন্দুকলেজের প্রতিষ্ঠা।

৫। সমাচারদর্পণ নামক প্রথম স্বাধালা সংবাদপত্রের প্রচার, ১৮১৮। ১০৮ পৃঃ

## লড' আর্মহর্ট, ১৮২৩-১৮২৮।

- ১। ব্রহ্মদেশের প্রথম যুদ্ধ, ১৮২৪-১৮২৬। ১০৯ পৃঃ  
( আসাম, আরাকান ও তেনাসেরিম প্রদেশের অধিকার-লাভ )
- ২। ভরতপুরের দুর্গ অধিকার, ১৮২৭। ৩১০ পৃঃ
- ৩। সংস্কৃত কলেজের প্রতিষ্ঠা, ১৮২৪। ১১১ পৃঃ

## লড' উইলিয়াম্ বেণ্টিঙ্ক্, ১৮২৮-১৮৩৫।

- ১। সতীদাহ-নিবারণ ও ঠগি-দমন, ১৮২৮। ১১২ পৃঃ
- ২। নূতন সনন্দলাভ, ১৮৩৩। ১১৫ পৃঃ
- ৩। মহীশূর রাজ্যের শাসন-ভার গ্রহণ ও দুর্গ অধিকার, ১৮৩০। ১১৫ পৃঃ
- ৪। শাসন-সংক্রান্ত নিয়ম। ১১৬ পৃঃ

( কলেক্টরদিগের ইন্সপেক্টরী মোকদমার বিচার-ভার সমর্পণ, কয়েকটি জেলা লইয়া এক একটি বিভাগের সৃষ্টি ও প্রতিবিভাগে এক একজন কমিশনার নিয়োগ, জেলার মজদারের হস্তে দায়রার মোকদমার বিচার-ভার সমর্পণ, উত্তরপশ্চিমপ্রদেশে রেবিনিউভোডা ও সদর আদালত স্থাপন, উক্ত প্রদেশে ভূমির স্বত্বান্বয় করণ, ডেপুটি কলেক্টর ও সদর আদালত পদের সৃষ্টি। )

৫। খন্দুদিগের সামাজিক প্রথার সংস্কার এবং রাজপুতদিগের অন্যায্য-প্রথার নিবারণ চেষ্টা, ১১৭ পৃঃ

- ৬। ইঙ্গরেজী বিদ্যাভিক্ষার প্রবৃদ্ধি-সাধন, ১৮৩৫। ১১৮ পৃঃ
- ৭। মেডিকেল কলেজের প্রতিষ্ঠা, ১৮৩৫। ১১৮ পৃঃ
- ৮। ব্রাহ্ম সমাজের প্রতিষ্ঠা, ১৮২৯। ১১৯ পৃঃ
- ৯। প্রভাকর নামক সংবাদপত্র প্রচার, ১৮৩০। ১১৯ পৃঃ

## লড' মেটকাফ্, ১৮৩৫-১৮৩৬।

- ১। মুজল-স্বাধীনতা সমর্পণ, ১৮৩৫। ১২৫ পৃঃ

## লন্ড অক্ল্যাণ্ড, ১৮৩৬-১৮৪২।

- ১। কাবুলের যুদ্ধ, ১৮৪১। ১২৯ পৃঃ
- ২। আফগানিস্তানে ইঙ্গরেজদিগের জয়গতি, ১৮৪২। ১২৯ পৃঃ

## লন্ড এলেনবুরা, ১৮৪২-১৮৪৪।

- ১। কাবুলের যুদ্ধ, ১৮৪২। ১৩১ পৃঃ
- ২। সিন্ধুদেশ অধিকার, ১৮৪৩। ১৩১ পৃঃ

## লন্ড হার্ডিঞ্জ, ১৮৪৪-১৮৪৮।

- ১। প্রথম শিখযুদ্ধ ১৮৪৫। ১৩৫ পৃঃ  
(মুদকী, ১৮৪৫, ফিরোজসহর, ১৮৪৫, আলিবল ১৮৪৬; মোত্রাওঁর যুদ্ধ, ১৮৪৬)
- ২। মিয়ানমীর নামক স্থানে শিখদিগের সহিত সন্ধি, ১৮৪৬। ১৩৭ পৃঃ  
(শতদ্রু ও বিপাশানদীর মধ্যবর্তী জলস্বত্ব প্রাপ্তি অধিকার, গোলাপ সিংহের নিকট কাশ্মীর প্রদেশ বিক্রয়)
- ৩। বাঙ্গালা ভাষা শিক্ষা দিয়ার লন্ড হার্ডিঞ্জ স্কুল স্থাপন।

## লন্ড ডালহৌসী, ১৮৪৮-১৮৫৩।

- ১। দ্বিতীয় শিখ যুদ্ধ, ১৮৪৮-১৮৪৯। ১৩৮ পৃঃ  
(রামনগরের যুদ্ধ, ১৮৪৮, চিনিয়াবালার যুদ্ধ, ১৮৪৯)
- ২। পঞ্জাব অধিকার, ১৮৪৯। ১৪০ পৃঃ
- ৩। ব্রহ্মদেশের দ্বিতীয় যুদ্ধ, ১৮৫৩। ১৪১ পৃঃ  
(ডেঙ্গুন, প্রোম ও পেঙ্গু অধিকার)
- ৪। সেতারী অধিকার, ১৮৪৯। ১৪৩ পৃঃ
- ৫। রাঙ্গা অধিকার, ১৮৫৩। ১৪৩ পৃঃ

- ৬। নাগপুর অধিকার, ১৮৫৩। ১৪৩ পৃঃ
- ৭। নিজামের নিকট হইতে বিরার প্রদেশ গ্রহণ, ১৮৫৩। ১৪৪ পৃঃ
- ৮। অযোধ্যা অধিকার, ১৮৫৬। ১৪৪ পৃঃ
- ৯। ডাক্তারি কমন, ১৮৫২। ১৪৬ পৃঃ
- ১০। রেলওয়ে ও টেলিগ্রাফের প্রতিষ্ঠা, ১৮৫১। ১৪৬ পৃঃ
- ১১। ডাক-বিভাগের উন্নতি-সাধন।
- ১২। ঢাকার খাল এবং ইরাবতী ও চলভাগার মধ্যবর্তী বারিঘোয়ারের খাল খনন।
- ১৩। উত্তরপশ্চিম প্রদেশে "তহসিলি" ও "হলকাবন্দি" কুল এবং বাঙ্গালা মডেল স্কুল স্থাপন।
- ১৪। বীটন বালিকা বিদ্যালয়ের প্রতিষ্ঠা।
- ১৫। স্যার চার্লস উড (লর্ড হালিকান্স) কর্তৃক শিক্ষা-বিষয়িণী লিপি প্রচার, ১৮৫৪। ১৪৬ পৃঃ
- ১৬। বিদ্যালয়-সমূহে "আর্ট ইন্ এইড" প্রণালীর প্রবর্তন।
- ১৭। শিক্ষাবিভাগে ডিরেক্টর, ইন্সপেক্টর প্রভৃতি পদের প্রতিষ্ঠা।
- ১৮। বিধবা-বিবাহ ব্যবস্থা-প্রণয়ন।
- ১৯। ইণ্ডিয়া মিল, ১৮৫৩। ১৪৮ পৃষ্ঠা
- (বাঙ্গালার লেপ্টেনেন্ট গবর্নর নিয়োগ, ভারতবর্ষীয়দিগকে সিবিএন সার্ভিসে পেরীক্ষা দিবার অধিকাংশ প্রদান)

### লর্ড কানিংহাম, ১৮৫৬-১৮৬২।

- ১। সিপাহি-যুদ্ধ ১৮৫৭। ১৪৯ পৃঃ
- (টোড়ীয়া বিবরণ, ১৫১ পৃঃ; সিপাহি-যুদ্ধের প্রারম্ভ ও বিস্তার, পৃঃ ১০)
- কাণপুর, লক্ষ্মীচৌরী, দিল্লীর ঘটনা, ১৫১-১৫২ পৃঃ; অযোধ্যায় শাস্তি স্থাপন, ১৫৩ পৃঃ)
- কুমারসিংহ ও লক্ষ্মীচৌরী ১৫৪ পৃঃ; সিপাহি-যুদ্ধের অবসান, ১৫৫ পৃঃ
- ২। মহারাণী বিক্টোরিয়া কর্তৃক ভারতমাত্রাজ্যের শাসন-কার্য গ্রহণ ১৮৫৭। ১৫৫ পৃঃ

(সেক্রেটারি অব্ স্টেটস্ পদের প্রতিষ্ঠা, কোম্পানির রাজ্যশাসনের পরিসমাপ্তি)

৩। মহারাজার ঘোষণাপত্র, ১৮৫৮। ১৫৬ পৃঃ

(ষ্টার অব্ ইণ্ডিয়া উপাধির স্থিতি)

৪। লর্ড মেবলের প্রণীত দণ্ডবিধি বিধিবদ্ধকরণ, ১৮৬০। ১৬৫ পৃঃ

৫। দেওয়ানী ও ফৌজদারী কার্যবিধি, এবং রাজস্ব-সক্রান্ত দশ আইন প্রণীত, ১৬৫ পৃঃ

৬। ইনকম্ টাক্স স্থাপন, ১৬৫ পৃঃ

### লর্ড এলগিন, ১৮৬২-১৮৬৩।

১। কলিকাতা, বোম্বাই ও মাদ্রাজের সদর আদালত ও স্থপ্রীম কোর্ট

একত্র করিয়া হাইকোর্ট নামে প্রসিদ্ধ হইল, ১৮৬২। ১৬৫ পৃঃ

২। সিতানার যুদ্ধ।

### লর্ড লরেন্স, ১৮৬৪-১৮৬৯।

১। ভুটানের যুদ্ধ, ১৮৬৪। ৬৬৬ পৃঃ

(ছয়ার প্রদেশ অধিকার)

২। উড়িষ্যার হুভিস্ত, ১৮৬৬। ১৬৬ পৃঃ

### লর্ড মেয়ো, ১৮৬৯-১৮৭২।

১। অশ্বালার দরবার, ১৮৬৯। ১৬৭ পৃঃ

২। মহারাজার দ্বিতীয় পুত্র তিউকেশ্বর এডিনবরার ডারভরধে আগমন, ১৮৬৯-১৮৭০। ১৬৭ পৃঃ

৩। রাজস্বের স্বতন্ত্রীকরণ প্রথার প্রবর্তন, ১৮৭১। ১৬৮ পৃঃ

## লর্ড নর্থব্রুক, ১৮৭২-১৮৭৬।

- ১। বাঙ্গালার দুর্ভিক্ষ, ১৮৭৪। ১৬৯ পৃঃ
- ২। বরদাশী আইনকারি মহলার রাওয়ের পদচ্যুতি, ১৮৭৪। ১৬৯ পৃঃ
- ৩। প্রিন্স অব ওয়েলসের ভারতবর্ষে আগমন, ১৮৭৫-১৮৭৬। ১৬৯ পৃঃ

## লর্ড লিটন, ১৮৭৬-১৮৮০।

- ১। দিল্লীর দরবার, ১৮৭৭। ১৭০ পৃঃ  
(মহারাজী বিক্টোরিয়ার “ভারতবর্ষের অর্থায়নী” উপাধি গ্রহণ)
- ২। মাদ্রাজেব দুর্ভিক্ষ, ১৮৭৭। ১৭০ পৃঃ
- ৩। এতদেশীয় ভাষা-সংবাদপত্রাদির সম্বন্ধে আইন বিধিবদ্ধ করণ, ১৮৭৮। ১৬৯ পৃঃ
- ৪। আফগানিস্তানের যুদ্ধ, ১৮৭৮-১৮৮০। ১৭১ পৃঃ  
(শের আলির মৃত্যু, শেখ আলিব পুত্র যাকুব খাঁর সহিত সন্ধি-স্থাপন, ব্রিটিশ বেসিডেন্ট স্তার লুই কাবানবির হত্যা; যাকুব খাঁর সিংহাসন-চ্যুতি।)

## মার্কুইন্স অব রিপোর্ট, ১৮৮০-১৮৮৪।

- ১। আফগানিস্তানের যুদ্ধ, ১৮৮০-১৮৮২। ১৭১ পৃঃ  
(যাকুব খাঁর পরাজয়; আবদুল বহমান খাঁর সিংহাসন-প্রাপ্তি, ইন্দুরেজ সৈন্তের কান্দাহার পারতাগ)

২। এতদেশীয় ভাষা-সংবাদপত্রাদির সম্বন্ধে লর্ড লিটনের প্রবর্তিত আইনের উচ্ছেদ, শিক্ষা-সমিতি স্থাপন, আত্মশাসনপ্রণালীর প্রবর্তন-চেষ্টা, ফৌজদারী কার্যবিধি-সংশোধন, নিজামের সিংহাসন-প্রাপ্তি, লবণের শুল্ক হ্রাস, খাদ্যমহলের বন্দবস্ত।

## লর্ড ডফরিং।

আত্মশাসন প্রণালীর কার্যারম্ভ, সমগ্র ব্রহ্মদেশ অধিকার, মধ্য এশিয়ায় রণীয় অধিকারে সীমা নির্দেশের কার্য।

পরিশিষ্ট সম্পূর্ণ।







